

ମାଥୁରା ଲିଖିତ ଯୀଶୁ ଖ୍ରୀଷ୍ଟଙ୍କ ସୁସମାଚାର ମାତିତ ରାସ୍ତିମାନି ଜିସୁ କ୍ରିସ୍ତଦି ନେଗିକାବୁର୍ ମାତିତ ବଇ ବିସୟତାନ୍ ଏସ ମାଟା

ମାତିତ ରାସ୍ତିମାନି ସୁସମାଚାର ପୁନି ନିୟମତୁ ଜିସୁଦି ଜିବନ୍ତିଙ୍ଗ୍ ଝେରସିମାନି ନାଲ୍ଲଗି ବଇଙ୍ଗ୍ ମାଣକୁ ଉନ୍ତି । ଇୟାଞ୍ଜିକୁ ବଇଆଙ୍ଗ୍ ଜିସୁ କ୍ରିସ୍ତଦି ନେଗିକାବୁର୍ ଇନାର । ଇୟାଞ୍ଜିକୁ ଜିସୁଦି ସାତି ଝେନକା ମାତିତ, ମାର୍କ, ଲୁକ ମାରି ଯୋହନ ରାସ୍ତି ମାର୍ହାତ୍ । ମାତିତ ରାସ୍ତିମାନି ସୁସମାଚାର ରାସ୍ତିମାନିକା ଟିକ୍ ଦିନ୍ ନେସ୍ତିଙ୍ଗ୍ ମାରିଙ୍ଗ୍ ବା ପଣ୍ଡିତକୁ ଇନାର ଇକା କ୍ରିସ୍ତଦି ଜନମ୍ତି ୬୦ ବାସ୍ତିକ୍ ଝେନକା ରାସ୍ତି ମାର୍ହାତ୍ । ଇକାବା ବିସ୍ବାସ୍ କିଆୟାଆନାତ୍ ଜେ, ଇୟା ବଇ ପାଲେଷ୍ଟାଇନ୍ ଦେସ୍ତି ଜିରୁସାଲମ୍ ଗାଡ୍ତାନ୍ ରାସ୍ତି ମାର୍ହାତ୍ ।

ମାତିତ ଇୟା ସୁସମାଚାର୍ତି ରାସ୍ତିକାନ୍ । ଜିସୁ ଖାନିଙ୍ଗ୍ ସିସୁ ଖାଜା କୁକ୍ନି ଆଗ୍ତି ଖାନ୍ ଅରେନ୍ ସିସୁଟ୍ ଲସ୍ନିକାନ୍ ମାର୍ହାନ୍ । ଖାନି ଆଇ ଦରୁ ଲେବି ମାର୍ହାତ୍ । ଖାନ୍ ବାରଲୋକା ସିସୁରି ଲୋଇରାନ୍ ଅରେନ୍ ମାର୍ହାନ୍ । ଖାନ୍ ଜିହୁଦିର୍ ଉଣ୍ଡିଙ୍ଗ୍ ଇୟା “ନେଗିକାବୁର୍” ରାସ୍ତିମାର୍ହାନ୍ । ଆମାକା ଖାନ୍ ଖାନି ରାସ୍ତିମାନୁ ପାଡିଇ ନିୟମତୁ ୬୦ ଗୋଟା ପଦ୍କୁ ରାସ୍ତିମାନିଙ୍ଗ୍ ପାରମାନ୍ ଆନାତ୍ । ଜିସୁ ଜେ କ୍ରିସ୍ତ ଅର୍ତ୍ତାତ୍ ମସିହ ମାପୁରୁଦି ବାସେଆତି ରକିୟା କିନିକାନ୍ ମାରି ରାଜା ଆମାଖାନି ଖାନି ବିସୟତାନ୍ ପାଡିଇ ନିୟମତି ଦାମ୍ବୁସାସ୍ତ୍ରୁ ବବିସ୍ତବାଣି କିଆୟାଆତାମାର୍ହାତ୍ ଇକା ମାତିତ ନେସ୍ତିଖାଜା ଝେରତାମାର୍ହାନ୍ । ମାତିତ ବା ମୁସକୁ ରାଜି ବିସୟତାନ୍ ଗାଦି ରାସ୍ତିମାନାତ୍ । ଜିହୁଦିର୍ କ୍ରିସ୍ତ ଅର୍ତ୍ତାତ୍ ମସିହଙ୍ଗ୍ ଦେସ୍ତିଙ୍ଗ୍ ସାସ୍ତିକି ରାଜା ଆନାନ୍ ଇଜି ଆସାତାମାର୍ହାତ୍ । ମାତିତ ଆୟା ବିସ୍ବାସ୍ତିଙ୍ଗ୍ ଡେପ୍ସି ମାପୁରୁଦି ରାଜି ଜେ ଆମ୍ବିକ୍ ରାଜି,

ଦୁନିଆଦି ରାଜି ଆଏଡ଼ । ଇୟା ବିସୟତିଙ୍କୁ ଝେରତେଙ୍କୁ ନାଶ୍ତ
ଜାତୁନତାନ୍ ଦ୍ୟାନ୍ ସିତାମାନ୍ ।

ମାତିତ ରାସ୍ତିମାନି ନେରିକାବୁର୍ ପୁନି ନିୟମ୍ତି ପ୍ରାତୁମ୍ତି ବଇ
ଝାଜା ସଡ଼ ଇରିଙ୍କ ପାଡ଼ିଇ ନିୟମ୍ତି ବାକ୍ୟଞ୍ଜୁଦି ନାଶ୍ତ ଇସାବତାନ୍
ରାସାତାମାନାଡ଼ । ଇୟା ବଇ ପାଡ଼ିଇ ନିୟମ୍ତିଙ୍କୁ ମାରି ପୁନି
ନିୟମ୍ତିଙ୍କୁ ମିସାକିନାଡ଼ । ପଣ୍ଡିତକୁ ବା ଇନାର ମାତିତ ଝାନି
ରାସ୍ତିମାନୁ ମୋସାଦି ନିୟମ୍ତି ବଇଙ୍କୁ ଝେନକା ସନ୍ତେଜୁଙ୍କୁ ସେଷ୍ଟା
କିତାମାନାନ୍ । ଜିସୁଦି ଗରନ୍ ମୁସକୁ ସିକିୟା ସିନି ବିସୟ ମାତିତ
୫:୭ ଅଦ୍ୟାୟ, ମାପୁରୁ ମୋସେଙ୍କୁ ନିୟମ୍ ସିନି ବିସୟତି ଝାଲେ ବା
ତୁସାୟଆନାଡ଼ ଦ୍ଵିତିୟ ବିବରଣି ୧୯:୩; ୨୩:୩୩ ।

ଇୟା ବଇତୁ ମାନି ମୁକିୟ ବିସୟ

୧. ଜିସୁ କ୍ରିସ୍ତଦି ଜନମ୍ ମାରି ଝାନି ସେବା ପାଣିଦି ଆରାମ୍ । ୧-୪

୨. ଜିସୁ କ୍ରିସ୍ତଦି ସେବା ପାଣି ମାରି ସିକିୟା । ୫:୧-୨୫

୩. ଜିସୁ କ୍ରିସ୍ତଦି ସାନିକା ମାରିଡ଼େସି ଜିବନ୍‌ଆଜି ନିଙ୍ଗୁନିକା ।
୨୭:୧-୨୮

ଜିସୁ କ୍ରିସ୍ତଦି କୁଟୁମ୍

(ଲୁକ ୩:୨୩-୩୮)

^୧ ଇକା ଆଜିନାଡ଼ ଜିସୁ କ୍ରିସ୍ତଦି ତକ୍ରାଦାଦ୍‌ସିରି ଦରକା ଦାଡ଼ି; ଝାନ୍
ଦାଉଦଦି କୁଟୁମ୍ ମାର୍ହାନ୍, ଦାଉଦ ଅବ୍ରାହାମଦି କୁଟୁମ୍ ମାର୍ହାନ୍

^୨ ଅବ୍ରାହାମ ଇସହାକ୍‌ତି ବୁବାସି । ଇସହାକ୍ ଜାକୁବଦି ବୁବାସି ।
ଜାକୁବ, ଜିହୁଦା ନି ଝାନି ତଡାନ୍‌କା ବୁବାସି ।

^୩ ଜିହୁଦା, ପେରସ ନି ସେରହତି ବୁବାସି । ତାମର ଝାରି ଆଇସି ।
ପେରସ ହେବ୍ରଣତି ବୁବାସି । ହେବ୍ରଣ ଅରାମତି ବୁବାସି ।

^୪ ଅରାମ ଅମିନାଦବତି ବୁବାସି । ଅମିନାଦବ ନହସନତି ବୁବାସି ।
ନହସନ ସଲମନତି ବୁବାସି ।

^୫ ସଲମନ ବୟଜତି ବୁବାସି । ବୟଜକା ଆଇସି ଦରୁ ରାହବ୍,
ବୟଜ ଅବେଦତି ବୁବାସି, ରୁତ ଅବେଦକା ଆଇସି ମାର୍ହାଡ଼, ଅବେଦ
ଜେସିଦି ବୁବାସି ।

୬ ଜେସି ରାଜା ଦାଉଦତି ବୁବାସି । ଦାଉଦ ସଲମନ୍ତି ବୁବାସି,
ସଲମନକା ଆଇସି ଆଗ୍ତି ଉରିୟଦି ଆଡ଼ି ମାର୍ହାଡ଼ ।

୭ ସଲମନ୍ ରିୟବିୟାମତି ବୁବାସି । ରିୟବିୟାମ ଅବିୟଦି ବୁବାସି
। ଅବିୟ ଆସାଦି ବୁବାସି ।

୮ ଆସା ଜିହସାପଟତି ବୁବାସି । ଜିହସାପଟ ଜରାମତି ବୁବାସି ।
ଜରାମ ଉଜିୟଦି ବୁବାସି ।

୯ ଉଜିୟ ଜତାମତି ବୁବାସି । ଜୋତମ ଆହାସତି ବୁବାସି । ଆହାସ
ହିଜକିୟଦି ବୁବାସି ।

୧୦ ହିଜକିୟ ମନସିଦି ବୁବାସି । ମନସି ଅମନତି ବୁବାସି । ଅମନ
ଜସିୟଦି ବୁବାସି ।

୧୧ ଜସିୟ, ଜିକନିୟ ମାରି ଖାନି ତଡ଼ାନକା ବୁବାସି । ଇକା
ଇସ୍ରାଏଲ୍ ଲୋକାଲ୍ ଗତିମୁରୁଲି କିଜି ବାବିଲନ୍ତୁ ଅନିଖାଲେରି ମାଟା
।

୧୨ ଖାରିଙ୍ଗ୍ ବାବିଲନ୍ତୁ ଅତି ଖେନକା । ଜିକନିୟଦି ମାରିସି
ସଲ୍ତିୟେଲ ଜନମ୍‌ଆତାନ୍ । ସଲ୍ତିୟେଲ ଜିରୁବବାବେଲତିଙ୍ଗ୍
ଜନମ୍ କିତାନ୍,

୧୩ ଜିରୁବବାବେଲ ଅବିହୁଦକା ବୁବାସି । ଅବିହୁଦ ଏଲିୟାକିମ୍‌କା
ବୁବାସି । ଏଲିୟାକିମ୍ ଅଜ୍ଜୁରକା ବୁବାସି ।

୧୪ ଅଜ୍ଜୁର ସାଦକକା ବୁବାସି । ସାଦକ ଆକିମ୍‌ତି ବୁବାସି । ଆକିମ୍
ଏଲିହୁଦକା ବୁବାସି ।

୧୫ ଏଲିହୁଦ ଏଲୀଜାରକା ବୁବାସି । ଏଲୀଜାର ମତାନକା ବୁବାସି ।
ମତାନ ଜାକୁବରି ବୁବାସି ।

୧୬ ଜାକୁବ ଜସେପ୍‌କା ବୁବାସି । ଜୋସେପ୍ ମରିୟମ୍‌ତି କନ୍‌ଲି ।
ମରିୟମ୍‌ତି ପଟାଦାନ୍ ଜିସୁ ଜନମ୍‌ଆତାନ୍ । ଜିସୁ ମସିହ ଦରତାନ୍ ବା
ଖେଙ୍ଗ୍‌ନାନ୍ ।

୧୭ ଇୟାଖାଜା ଅବ୍ରାହାମତି ମାଣାନ୍ ଦାଉଦଦି ସାହି ଆତାର ପୁରା
ସଉଦ କୁଟୁମ୍ । ଦାଉଦ ମାଣାନ୍ ଗତିମୁରୁଲି ଖାଜା ବାବିଲନ୍ତୁ
ଇନି ସାହି ସଉଦ କୁଟୁମ୍, ମାରି ଗତିମୁରୁଲି ଖାଜା ବାବିଲନ୍ତୁ ଇତି
ଖେନକାରାନ୍ କ୍ରିସ୍ତିଦି ଜନମ୍ ସାହି ଆତାର ସଉଦ କୁଟୁମ୍ ।

ଜିସୁ କ୍ରିସ୍ତ ଜନମ୍ (ଲୁକ ୨:୧-୭)

୧୮ ✧ ଇକା ଆଜିନାତ୍ ଜିସୁ କ୍ରିସ୍ତ ଜନମ୍ତି ମାଟା ଜିସୁ କ୍ରିସ୍ତ ଆଇସି ମାର୍ହାତ୍ ମରିୟମ୍ । ଜିସୁକ୍ରିସ୍ତ ଜନମ୍ ଇୟାଞ୍ଜା ଆତାମାର୍ହାତ୍ । ମରିୟମ୍ତିଙ୍କ୍ ଜୋସେପ୍ତି ଖାଲେ ପେଡ଼ିଆଦେଙ୍କ୍ ଲସ୍ତା ମାର୍ହାତ୍ । ମାତର୍ ପେଡ଼ିଆନି ଆଗ୍ତି ଖେଙ୍ଗ୍ ତାତ୍ ଜେ ମରିୟମ୍ ପବିତ୍ର ଆମ୍ବାଦାନ୍ ଗାର୍ବୁଦୁତେବାତାମାନାତ୍ ।

୧୯ ଜୋସେପ୍ ଷ୍ଟିଜୁଖାଲେ ଦାମ୍ବୁଦି ପାଣିକିନିକାନ୍ ମାର୍ହାନ୍ । ମାରି ମରିୟମ୍ତିଙ୍କ୍ ଲୋକା ଆଗ୍ତି ନିଦା କିଦେଙ୍କ୍ ଖାନ୍ ବଦା କିଏଜିମାର୍ହାନ୍ । ଖାନ୍ ଲସାତିତାନେଙ୍କ୍ ରୁକ୍ତେଙ୍କ୍ ନେସ୍‌ଇଞ୍ଜା ଉପାୟକିତାନ୍ ।

୨୦ ଖାନ୍ ଇକା ଅଡ଼ବିନିଖାଲେ ଅରେନ୍ ପ୍ରବୁଦି ଦୁତ୍ ଖାନିଙ୍କ୍ ଲବେରୁ ତରାଈଆଜି ଇର୍ହାତ୍, “ଏ ଦାଉଦ କୁଟୁମ୍ବି ଜୋସେପ୍, ମରିୟମ୍ତିଙ୍କ୍ ନିଜେଦି ଆଡ଼ି ଖାଜା ଇଡ଼ଦେଙ୍କ୍ ତିଲାମା, ଇରିଙ୍କ୍ ପବିତ୍ର ଆମ୍ବାଦାନ୍ ଖାଦ୍ ପଟାଦୁ ଆତାମାନାତ୍ ।

୨୧ ✧ ତାନିଙ୍କ୍ ଅରେନ୍ କଡ଼ ଜନମ୍ ଆନାନ୍ । ମିର୍ ଖାନି ଦରୁ ଜିସୁ ଇଡ଼ନିଦେର୍ । ଇରିଙ୍କ୍ ଖାନ୍ ଖାନି ଲୋକାଙ୍କ୍ ଖାରି ପାପ୍ତାନ୍ ରକିୟା କିନାନ୍ ।”

୨୨ ବବିସଡ଼ବକ୍ତାଦି ମାଣାନ୍ ପ୍ରବୁ ଆମାକା ଇର୍ହାମାର୍ହାନ୍, ଆକା ସଡ଼ଆଦେଙ୍କ୍ ଇକା ଗଟାତାତ୍ ।

୨୩ ଆୟା ବବିସଡ଼ ମାଟା ଆଜିନାତ୍, “ଅରେଡ଼ ରିପା ଗାର୍ବୁଦୁ ତେବାଜି କଡ଼ଦିଙ୍କ୍ ଜନମ୍‌ସିନାତ୍ । ମାରି ଲୋକୁ ଆୟା କଡ଼ଦିଙ୍କ୍ ଇମାନୁଏଲ୍ ଦର୍ତ୍ତାନ୍ ଖେଙ୍ଗ୍ ନାନ୍ । ଇମାନୁଏଲ୍‌ଦି ଅର୍ତ୍ତ ମାପୁରୁ ମା ଖାଲେ ମାନାନ୍ ।”

୨୪ ଜୋସେପ୍ ସୁସ୍‌କାଶ୍‌କାଶ୍ ନିଙ୍ଗ୍‌ଜି ପ୍ରବୁଦି ଦୁତ୍ ଖାନିଙ୍କ୍ ଏଣ୍ଡେସ୍ ଆଦେସ୍ ସିତାତ୍, ଆୟାଞ୍ଜା କିତାନ୍ । ଖାନ୍ ମରିୟମ୍ତିଙ୍କ୍ ପେଡ଼ିଆନାନ୍ ।

୨୫ ☆ମାତର ମରିୟମ୍ କଡ଼ଦିଙ୍କ ଜନମ୍ କିଇ ସାହି ଖାନ୍ ତାନି
ଖାଲେ ଡରଏତାମାର୍ହାନ୍ । ମାରି ଜୋସେଫ୍ ଆୟା କଡ଼ଦି ଦରୁ ଜିସୁ
ଇଟ୍ତାନ୍ ।

୨

ପୁର୍ବ ଦେସତି ପଣ୍ଡିତକୁ

୧ ହେରୋଦ୍ ରାଜା ସାସନ୍ ସମୟତୁ ଜିହୁଦା ରାଜିଦି ବେତଲିହିମ୍
ଗାଡ଼ତୁ ଜିସୁ ଜନମଆତାନ୍ । ତେନି ସାଣେକ୍ ସମୟ୍ ଖେନକା ପୁର୍ବ
ଦେସତି ଏସଲୋକ୍ ସୁକେଙ୍କ୍ ସୁଡ଼ଜି ଖେରନିକାର୍ ଜିରୁସାଲମ୍ତୁ
ଖାତାର୍ ।

୨ ମାରି ଖାର୍ ଖେନବାତାର୍, “ଏମେ କଡ଼ ଜିହୁଦିର୍ ରାଜା ଆଦେଙ୍କ୍
ଜନମ୍ ଆତାମାନାନ୍, ଖାନ୍ ଏମେ ? ପୁର୍ବ ଦେସତୁ ଖାନି ସୁକା ସୁଡ଼ଜି
ଖାନିଙ୍କ୍ ମାଡ଼ିସକିଦେଙ୍କ୍ ମାପ୍ ଖାତାମାନାପ୍ ।”

୩ ଖାରି ଇୟା ମାଟା ଖେନଞ୍ଜି ରାଜା ହେରୋଦ୍ ମାରି ଜିରୁସାଲମ୍ତି
ଝିଜେରେ ଲୋକୁ ନାଣ୍ଟ କାବାଆତାର୍ ।

୪ ହେରୋଦ୍ ଝିଜେରେ ପେରି ଜାଜକର୍ ମାରି ଦାମ୍ବୁଗୁରୁରିଙ୍କ୍
କୁକସି ଖାରିଙ୍କ୍ ଖେନବାତାନ୍, “ମସିହ୍ ଆମାକାନକି କ୍ରିସ୍ତ ଆମାନ୍
ଜନମ୍ ଆନାନ୍ ?”

୫ ଖାର୍ ଇର୍ହାର୍, ଜିହୁଦା ରାଜିଦି ବେତଲିହିମ୍ତୁ । ଇୟା ବିସୟ୍ତାନ୍
ଅରେନ୍ ବାବବାଦି ରାସ୍ତାମାନାନ୍ ।

୬ ଜିହୁଦା ରାଜିଦି ବେତଲିହିମ୍,

ଜିହୁଦାଦି ପେରି ଗାଡ଼ାକା ଲୋଇ ନିନ୍ ଇସ୍ରିକିୟା ସିଲେ,
ନିବାଣକୁ ଅରେନ୍ ନେତା ଖାନାନ୍,
ଝରିଙ୍କ୍ ନା ଇସ୍ରାଏଲ୍ ଲୋକାଙ୍କ୍ ସାଲାଇନାନ୍ ।

୭ ଇକା ଖେନଞ୍ଜି ହେରୋଦ୍ ପୁର୍ବଦେସତାନ୍ ଖାତି ମାର୍ଇଖାରିଙ୍କ୍
ଡଣ୍ଡି ମାର୍କସି ଖାର୍ତ୍ତିନିସାନି କୁରୁମ୍ତୁ କୁକସି କିଜି ଟିକ୍ ଆମା
ସମୟତୁ ସୁକା ସତାମାର୍ହାନ୍, ଖାରି ମାଣ୍ଟକୁ ଖେନବାତାନ୍ ।

୮ ଝେନ୍‌କା ଝାରିଙ୍ଗ୍ ବେତଲିହିମ୍ ଗାଡ଼କୁ ପୋକ୍‌ସି ଇର୍ହାନ, “ସାନ୍‌ଡୁ, ଆୟା କଡ଼ଦିଙ୍ଗ୍ ନେଗେନ୍‌କିଜି ପୟ୍‌ଦୁ ମାରି ଝାନିଙ୍ଗ୍ ପୟ୍‌ତିଙ୍ଗ୍ ନାଙ୍ଗ୍ ଝେରୁଡୁ, ନାନ୍ ବା ସଲ୍‌ସି ଝାନିଙ୍ଗ୍ ମାଡ଼ିସକିନା ।”

୯ ସୁକେଙ୍ଗ୍ ସୁଣିକାର ରାଜାଦି ମାଟା ଝେନ୍‌ଜି ଆୟା ବାଡ଼ି ଡ଼ିସ୍‌ସି ମାରିଡେସି ଝାରି ସନି ସାରିଦୁ ସନିଝାଲେ, ଝେଡ଼ା ସନି ତରିଟି ବାଦଡ଼ୁ ସୁଡ଼ୁମାରଇ ଆୟା ସୁକା ମାରିଡେସି ତରାତାଡ଼ ।

୧୦ ସୁକାଦିଙ୍ଗ୍ ସୁଡ଼ଜି ଝାରି ଏସା ଝେଡ଼ିକା ଏସା ଝେଡ଼ିକା ଆଜି ନିଙ୍ଗ୍ ତାର ଝାର ଝାରି ଆଗଡ଼ି ଆଗଡ଼ି ବୁଲାଇ ସୁକା କଡ଼ ମାରଇ ଇଲୁ ମୁସ୍‌କୁ ତେବାତାଡ଼ ।

୧୧ ଝାର ଆୟା ଇଲୁ ଲୋଇ ଡ଼ରୁତାର ମାରି କଡ଼ଦିଙ୍ଗ୍ ଆଇସି ମରିୟମତି ଝାଲେ ସୁଡ଼ଜି ମେଣ୍ଡେଙ୍ଗ୍‌ଗର୍‌କିଜି ଝାନିଙ୍ଗ୍ ମାଡ଼ିସକିତାର ମାରି ଅର୍‌ସେ ତାତିମାରଇ ବାଙ୍ଗ୍‌ରାମ, କୁୟୁରୁ ନି ବାସ୍‌ନା ନିୟୁ ସପ୍‌ସି ଝାନିଙ୍ଗ୍ ଦାନ୍ ସିତାର ।

୧୨ ଇୟା ଝେନ୍‌କା ଝାର ଆଇ ଉଣ୍ଡି ସାରି ସିଜି ନିଜେଦି ଦେସ୍‌ଡୁ ସର୍‌ହାର । ଇରିଙ୍ଗ୍ ହେରୋଦଦି ଲାକଡ଼ୁ ଡେସି ସଲ୍‌ଇ ଉଣ୍ଡିଙ୍ଗ୍ ମାପୁରୁ ଝାରିଙ୍ଗ୍ ଲବେରୁ ଆଦେସ୍‌ ସିତାମାହାନ ।

ମିସର୍ ଦେସ୍‌ଡୁ ଉରୁକ୍‌ତାର

୧୩ ସୁକେଙ୍ଗ୍‌ସୁଣିକାର ସର୍‌ଇ ଝେନ୍‌କା ମାପୁରୁଦି ଦୁଡ଼ ଜୋସେପତିଙ୍ଗ୍ ଲବେରୁ ତରାଇଆଜି ଇର୍ହାଡ଼, “ହେରୋଦ କଡ଼ଦିଙ୍ଗ୍ କାଡ଼ତେଙ୍ଗ୍ ପୟ୍‌ନାନ୍ । ଆଦେଙ୍ଗ୍ ନିଙ୍ଗ୍ ଆ, କଡ଼ଦିଙ୍ଗ୍ ନି ଝାନି ଆଇସିଙ୍ଗ୍ ଅସି ମିସର୍ ଦେସ୍‌ଡୁ ଉରୁକ୍‌ଡୁ । ଆୟା ବାଡ଼ି ନାନ୍ ଡ଼ିସ୍‌ତେଙ୍ଗ୍ ଇନ୍‌ଇ ସାନ୍‌ ଆବେ ତେବାଦୁ ।”

୧୪ ଜୋସେପ୍ ନିଙ୍ଗ୍ କଡ଼ ନି ଝାନି ଆଇସିଙ୍ଗ୍ ଅସି ଆୟାନାଡ଼ା ମିସର୍‌ଡୁ ସନ୍‌ଡେଙ୍ଗ୍ ସତାର ।

୧୫ ହେରୋଦଦି ସାନି ସାନ୍‌ ଆବେ ଝାର ତେବାତାଡ଼ । ଇୟାଞ୍ଜିରୁ ଗଟାନି ମାଣ୍‌କୁ ବାବବାଦିଦି ମାଣାନ୍ ପ୍ରବୁଦି ମାଟା ସଡ଼ ଆତାଡ଼ । ଝାନ ଇରୁଆ ମାହାନ, “ନା ମାରିନ୍‌ତିଙ୍ଗ୍ ନାନ୍ ମିସର୍ ଦେସ୍‌ତାନ୍ କୁକ୍‌ତା ତାତା ।”

କଡ଼ରିଙ୍ଗ୍ କାଡ଼ନିକା

୧୭ ପୁରୁଷ ଦେସତାନ୍ ଖାତିମାନି ସୁକେଙ୍ଗସୁଣିକାର୍ ଖାନିଙ୍ଗ ବାଣ୍ଟିସକିଜି ସର୍ହାମାନାର ନେସସି, ହେରୋଦ ରିସାଆତାନ୍ ମାରି ବେତଲିହିମ୍ ନି ତାନି ଲାକ୍ତୁରି ରାଜିଆଙ୍ଗାଁ ମାନି ଦୁଇ ବାର୍ସୁ ନି ତାନେଙ୍ଗ ଉଣା ବାର୍ସେକ୍ତି ଝିଜେରେ କଡ଼ରିଙ୍ଗ କାଡ଼ତେଙ୍ଗ ଇଜି ଆଦେସ୍ ସିତାନ୍ । ସୁକା ସତିମାରୁଇ ଖେଡ଼ା ବିସୟତାନ୍ ସୁକେଙ୍ଗସୁଣିଖାରିମାଣକୁ ଖାନ୍ ଆମାକା ଖେରହାମାର୍ହାନ୍, ଆୟା ଇସାବତାନ୍ ଖାନ୍ କଡ଼ରି ବାର୍ସୁଦି ଜଗ୍ ତିଆର୍ କିତାମାର୍ହାନ୍ ।

୧୮ ନାସ୍ତିଖାଲେ ଜିରିମିୟ ବାବବାଦି ମାଣାନ୍ ରାସ୍ତିମାରୁଇ ଇୟା ବାକ୍ୟ ସଡ଼ ଆତାଡ଼ ।

୧୯ “ରାମା ଗାଡ଼ତୁ ଆଉଲି ଖାଜିନାଡ଼,

ତାନି ଦୁକ୍ତୁ ଆଡ଼ବାନି ବଲ୍ ।

ରାହେଲ୍ ତାନି କଡ଼ରି ଉଣ୍ଟିଙ୍ଗ ଆଡ଼ବାଜିନାଡ଼;

ତାନେଙ୍ଗ ଏଣ୍ଟେସ୍ ନାନି ବାସାଦାନ୍ ସୁକ୍ ସିଦେଙ୍ଗ ଆଏଜିନାଡ଼,

ଇରିଙ୍ଗ ଖାର୍ ଝିଜେରେ ସାତାର୍ ।”

ମିସର ଦେସତାନ୍ ଡେସିଖାନିକା

୧୯ ହେରୋଦଦି ସାତି ଖେନ୍କା ପ୍ରବୁଦି ଦୁଡ଼ ମିସରୁଡ଼ ଜୋସେପତିଙ୍ଗ ଲବେରୁ ତରାଇଆଜି ଇର୍ହାଡ଼,

୨୦ “ନିଙ୍ଗ ଆ, କଡ଼ଦିଙ୍ଗ ନି ଖାନି ଆଇସିଙ୍ଗ ଆସସି ଇସ୍ରାଏଲ୍ ଦେସ୍ତୁ ଡେସି ସାଙ୍ଗଆ । ଇରିଙ୍ଗ ଏର୍ ଖାନି ଜିବନ୍ ଅତେଙ୍ଗ ବଦାକିଜିମାର୍ହାର୍, ଖାର୍ ସାତାର୍ ।”

୨୧ ଆବେଟ୍ ଜୋସେପ୍ ନିଙ୍ଗି କଡ଼ ନି ମରିୟମ୍ତିଙ୍ଗ ଆସସି ଇସ୍ରାଏଲ୍ ଦେସ୍ତୁ ଡେସି ସର୍ହାନ୍ ।

୨୨ ମାତର୍ ହେରୋଦଦି ଖେନ୍କା ଖାନି ମାରିସି ଆକିଲ୍ଲାୟ, ଜିହୁଦାଦି ରାଜା ଆତାମାନାନ୍ ଖେନ୍ଝି ଖାନ୍ ଗାଲିଲି ସନ୍ତେଙ୍ଗ ତିଲାତାର୍ ।

୨୩ ☆ମାତର୍ ଲବେରୁ ମାଟା ଖେନ୍ଝି ଖାନ୍ ଗାଲିଲି ରାଜିଦୁ ସର୍ହାନ୍, ମାରି ନାଜରିତ ଦର୍ଡି ଗାଡ଼ତୁ ଇଲୁ କିଜି ତେବାତାନ୍ । ଆବେଟ୍

ବାବବାଦିରି ମାଣାନ ରାସାତି ଉଣ୍ଡିବାକ୍ୟ ସତ୍ ଆତାତ୍ । “ଝାନ ନାଜରିୟତିୟ ଇଜି ଖେଙ୍ଗ୍ ନାନ ।”

୩

ତୁବନ୍‌ସିନି ଯୋହନତି ପ୍ରଚାରକିନିକା

(ମାର୍କ ୧:୧-୮; ଲୁକ ୩:୧-୧୮; ଜୋହନ ୧:୧୯-୨୮)

୧ ଆୟା କାଡ଼ାଦୁ ତୁବନ୍‌ ସିନି ଜୋହନ ଜିହୁଦା ଦେସ୍‌ତି ବାଲିବୁମିଦୁ ଝାଜି ପ୍ରଚାର କିଦେଙ୍ଗ୍ ଆସ୍‌ତାନ ।

୨ ☆ଝାନ ଇର୍ହାନ, “ପାପ୍‌ତାନ ମନ୍‌ତିଙ୍ଗ୍ ଡେପ୍‌ତୁ, ଇରିଙ୍ଗ୍ ମାପୁରୁଦି ରାଜି ଇଗା ଝାଜିନାତ୍ ।”

୩ ବାବବାଦି ଜିସାୟ ଏମେଝାନି ବିସୟତାନ ଇର୍ହାମାର୍‌ହାନ, ଯୋହନ ନେ ଆୟା ଲୋକୁ ।

“ବାଲି ବୁମିଦୁ ଏନ୍‌ ଅରେନ୍‌ ଆଉଲି ଆଜି ଇଜିନାନ,

ପ୍ରବୁଦି ଉଣ୍ଡିଙ୍ଗ୍ ସାରି ରସ୍‌ଆ;

ଝାନି ଉଣ୍ଡିଙ୍ଗ୍ ଉଣ୍ଡି ସାଡ଼କୁ ରାସ୍ତା ତିଆର୍‌ କିଦୁ ।”

୪ ଯୋହନତି ଆଙ୍ଗ୍‌ ଉର୍‌ ବୁରବୁସାଦାନ ତିଆର୍‌ ଆତାମାର୍‌ହାତ୍ । ଝାନ ଝାନି ଜୁକିଦୁ ଉଣ୍ଡି ତଲ୍‌ତି ନାସ୍‌ ତରାଜିମାର୍‌ହାନ । ମାଡ଼ିମାଉ ନି ଗରନ୍‌ ପୁକି ଝାନି କାଦି ମାର୍‌ହାତ୍ ।

୫ ଜିରୁସାଲ୍‌ମ୍‌ ଗାଡ଼ତାନ, ଝିଜୁ ଜିହୁଦା ରାଜିଦାନ ମାରି ଜର୍‌ଦନ ଗାଡ଼ା ଲାକ୍‌ତୁରି ଝିଜୁ ନାର୍‌କାଣ୍‌ ଲୋକୁ ଝାନି ଲାକ୍‌ତୁ ଝାଜିମାର୍‌ହାର୍‌ ।

୬ ଝାର୍‌ ନିଜେ ନିଜେଦି ପାପ୍‌ ଝେର୍‌ସି ଯୋହନତି ମାଣାନ ଜର୍‌ଦନ ଗାଡ଼ାଦୁ ତୁବନ୍‌ ଅସିମାର୍‌ହାର୍‌ ।

୭ ☆ଏସ୍ତିଝାଲେ ଯୋହନ ସୁଡ଼ତାନ ନାଣ୍ଡ ପାରୁସିର୍‌ ନି ସାଦୁକିର୍‌ ତୁବନ୍‌ ଅତେଙ୍ଗ୍ ଝାଜିନାର୍‌; ଝାନ ଝାରିଙ୍ଗ୍ ଇର୍‌ହାନ, “ଏ ବିସ୍‌ମାନି ସାରାସ୍‌ତି କୁରୁମ୍‌ ମାପୁରୁ ମିଙ୍ଗ୍‌ ଏମେ ଦଣ୍ଡ୍‌ ସିଦେଙ୍ଗ୍‌ସଲ୍‌ସିନାନ, ଆବେଣାନ ରକିୟା ପଇଦେଙ୍ଗ୍‌ ଆର୍‌ନିଦେର୍‌ଇଜି ଏନ୍‌ ମିଙ୍ଗ୍‌ ଇର୍‌ହାନ ?

☆ ୩:୭ ମାତିର ୪:୧୭; ମାର୍କ ୧:୧୫. ☆ ୩:୭ ମାତିର ୧୨:୩୪; ୨୩:୩୩.

୮ ଜଦି ସତତାନ୍ ପାପ ପାଣିଦାନ୍ ମନ୍ ଡେପ୍ତି ମାନିଦେର୍, ଇକା ମି ନେଗି ପାଣିଦାନ୍ ତରତୁ ।

୯ ଅବ୍ରାହାମ ମା ବୁବା, ମୋନ୍‌ତୁ ମୋନ୍‌ତୁ ବା ଇୟାଝାଜା ଇନ୍‌ମାଟ୍ । ନାନ୍ ମିଙ୍ଗ୍ ଇଜିନା ଜେ ମାପୁରୁ ଇୟା କାଲକାଙ୍ଗ୍ ଅସି ଅବ୍ରାହାମତି କୁଟୁମ୍ ତିଆରକିଦେଙ୍ଗ୍ ଆର୍‌ନାନ୍ ।

୧୦ ମାରାକା ମଦଲ୍‌କୁ କାଡ଼ତେଙ୍ଗ୍ ଇଜି ପାଡ଼ିସି ତିଆରକିତା ଇଟ୍‌ତାମାନାର୍ । ଏମେ ମାରାତୁ ନେଗି ପଲ୍ ରେଏଡ଼, ଆକା କାତାଜି ସିସୁପକାନାଡ଼ ।

୧୧ ମିର୍ ପାପତାନ୍ ମନ୍‌ତିଙ୍ଗ୍ ଡେପ୍ତିମାନିଦେର୍, ଇକା ଝେରତେଙ୍ଗ୍ ନାନ୍ ମିଙ୍ଗ୍ ଏରତୁ ତୁବନ୍ ସିଜିନା । ମାତର୍ ନା ଝେନ୍‌କା ଏନ୍ ଝାଜିନାନ୍, ଝାନ୍ ମିଙ୍ଗ୍ ପବିତ୍ରଆମ୍ବା ନି ସିସୁପୁ ତୁବନ୍ ସିନାନ୍ । ଝାନ୍ ନାବାଣାନ୍ ପେରିକାନ୍ ଝାନି ଜୁତେଙ୍ଗ୍ ପିଣ୍ଡଦେଙ୍ଗ୍ ବା ନାନ୍ ଜଗ୍ ସିଲେ ।

୧୨ ପାସିଦାନ୍ ପଟୁ ଝିଜୁ ଟୁଟ୍‌ତେଙ୍ଗ୍ ଇଜି ଝାନି କିୟୁପୁ ସେରିଇ ମାନାଡ଼ । ଝାନ୍ ପାସି ଝିଜୁ ଝାନି କଲକିଆଙ୍ଗ୍ ଇଡ଼ନାନ୍ ମାରି କୁଲିଙ୍ଗ୍ ପଟୁ ଝିଜୁ ଏସାଙ୍ଗ୍ ନାମ୍‌ଇ ସିସୁପୁ ଆଡ଼ାକ୍‌ନା ପକ୍‌ନାନ୍ ।”

ଜିସୁ ତୁବନ୍ ଅତାନ୍

(ମାର୍କ ୧:୯-୧୧; ଲୁକା ୩:୨୧-୨୨)

୧୩ ନାସିଝାଲେ ଜିସୁ ଗାଲିଲିଦାନ୍ ଝାଜି ତୁବନ୍ ଅତେଙ୍ଗ୍ ଜର୍ଦନ ଗାଡ଼ାପୁ ଯୋହନତି ଲାକ୍‌ତୁ ଇଗା ଝାତାନ୍ ।

୧୪ ମାତର୍ ଯୋହନ ଜିସୁଙ୍ଗ୍ ମାନାକିଜି ଇର୍ହାନ୍, “ନାନ୍ ଗାଦେ ନି ମାଣକୁ ତୁବନ୍ ଅନିମାଟା ନିନ୍ ଆରିଙ୍ଗ୍‌ବା ନା ଲାକ୍‌ତୁ ଝାତିମାନି ?”

୧୫ ମାତର୍ ଜିସୁ ଇର୍ହାନ୍, “ଇଲେଇ ନା ମାଟାପୁ ରାଜିଆଆ । ଇରିଙ୍ଗ୍ ଇୟାମାଣକୁ ମାତୁ ମାପୁରୁଦି ବଦାଦି ପାଣି କିଦେଙ୍ଗ୍ ଆର୍‌ନିକା ।” ଆବେଟ୍ ଯୋହନ ଝାନିଙ୍ଗ୍ ତୁବନ୍ ସିଦେଙ୍ଗ୍ ରାଜିଆତାନ୍ ।

୧୬ ଜିସୁ ତୁବନ୍ ଅସି ଏରତାନ୍ ନିଙ୍ଗ୍ ଝାତି ଦାପ୍ରେ ଝାନ୍ ସୁଡ଼ତାନ୍ ମୁସ୍କୁପୁର ରେଆତାମାନାଡ଼ ମାରି ପବିତ୍ର ଆମ୍ବା ପାର୍‌ଝାଦି ଝାଜା ରେତାଜି ଝାଜି ଝାନି ମୁସ୍କୁ ବାସ୍‌ତାଡ଼ ।

୧୭ ☆ ତାନିଝେନକା ମୁସକୁପୁରତାନ ବଲ୍ ଖାତାତ୍, “ଇକାନ ନା ଲାଡ଼ତି ମାରିନ୍, ଖାନିମାନୁ ନାନ୍ ଝେଡ଼ିକା ।”

୪

ସୟତାନତି ମାଣାନ୍ ଜିସୁ ପରିକା କିଆୟାଆତାନ

(ମାର୍କ ୧:୧୭-୧୩; ଲୁକ ୪:୧-୧୩)

୧ ☆ ଇୟା ଝେନକା ପବିତ୍ରଆମ୍ବା ଜିସୁଙ୍କୁଁ ସିମ୍ବା ବାଡ଼ିଦୁ ଅତାତ୍ । ଆବେ ଖାନ୍ ସୟତାନତି ମାଣାନ୍ ପରିକା କିଆୟାଆତାନ ।

୨ ସାଲିସ୍ ଦିନ୍ ନି ସାଲିସ୍ ନାଡ଼ା ଉପାସ୍ ତେବାତି ଝେନକା ଜିସୁ ବାଙ୍ଗାଁ ସାତାନ ।

୩ ନାସ୍ତିଝାଲେ ସୟତାନ ଖାନି ଲାକ୍ତୁ ଖାଜି ଇର୍ହାତ୍, “ନିନ୍ ଜଦି ମାପୁରୁଦି ମାରିନ୍, ଇୟା କାଲ୍‌କାଙ୍ଗ୍ ରୁଟିଙ୍ଗ୍ ଆଦେଙ୍ଗ୍ ଆଦେସ୍ ସିଆ ।”

୪ ମାତର୍ ଜିସୁ ଇର୍ହାନ୍, “ଦାର୍ମୁସାସ୍ତ୍ରୁ ରାସାତାମାନାଡ଼, ଲୋକୁ ଆବକା ରୁଟିଦାନ୍ ଜିଏନ୍ । ମାତର୍ ମାପୁରୁଦି ଝେୟୁଦାନ୍ ସନି ଝିଜୁ ବାକ୍ୟ ଖାନି ଜିବନ୍ତି ଉଣ୍ଡିଙ୍ଗ୍ ଦରକାର୍ ।”

୫ ଇୟା ଝେନକା ସୟତାନ ଜିସୁଙ୍କୁଁ ପବିତ୍ର ଗାଡ଼୍ ଜିରୁସାଲାମ୍‌ତୁ ଅତାତ୍ । ଆବେ ଖାନିଙ୍ଗ୍ ମନ୍ଦିରତି ସାଡ଼୍ ମୁସକୁରି ଚିପୁଦୁ ନିଲ୍‌ପିସ୍‌କିଜି ଖାନିଙ୍ଗ୍ ଝେରତାଡ଼୍,

୬ ନିନ୍ ଜଦି ମାପୁରୁଦି ମାରିସି, ଇବେଶକୁ ଆଡ଼ଗି ଗାଡ଼୍‌ଆ । ଦାର୍ମୁସାସ୍ତ୍ରୁ ରାସାତାମାନାଡ଼,

ମାପୁରୁ ନି ସାକା ଅତେଙ୍ଗ୍ ମୁସକୁପୁରତି ଦୁଡ଼କାଙ୍ଗ୍ ଆଦେସ୍ ସିନାନ୍ ।

୭ ଝାକ୍ ନିଙ୍ଗ୍ କିକାଶକୁ ପେରୁଜିଆସ୍‌ନେ ।

ଆବେଟ୍ ନି ପାଦାମ୍‌ଆଙ୍ଗ୍ କାଲ୍‌କାଣି ସିନାଆଡ଼ଏଡ଼ ।

୮ ଜିସୁ ଇର୍ହାନ୍, “ଦାର୍ମୁସାସ୍ତ୍ରୁ ରାସାତାମାନାଡ଼, ନିନ୍ ପ୍ରବୁ ନିଜେଦି ମାପୁରୁଙ୍ଗ୍ ପରିକା କିମା ।”

☆ ୩:୧୭ ମାତିର ୧୭:୧୮; ୧୭:୫; ମାର୍କ ୧:୧୧; ଲୁକ ୯:୩୫. ☆ ୪:୧ ଏବ୍ରୀ ୨:୧୮; ୪:୧୫.

୮ ଝେନକା ସୟତାନ ଝାନିଙ୍ଗ ଉନ୍‌ଶ୍ଚି, ନିରଇ ଗରନତି ଚିପୁଦୁ
ଅତାତ୍ ମାରି ଝାନିଙ୍ଗ ସାରାଦୁନିଆଦି ଝିଜୁ ରାଜିଦି ଦନ୍ ସମ୍ପତି ତରସି
ଇର୍ହାତ୍,

୯ “ଜିଦି ନିନ୍ ମେଣ୍ଡେଙ୍ଗ ଗଟ୍‌କିଜି ନାଙ୍ଗ୍ ମାଡ଼ିସ୍‌କିନି, ଇୟାଝିଜୁ
ନିଙ୍ଗ୍ ନାନ୍ ସିନା ।”

୧୦ ଜିସୁ ଇର୍ହାନ୍, “ଆକ ଆଆ ସୟତାନ ! ଦାମ୍‌ସାସ୍ତ୍ରଦୁ
ରାସାତାମାନାତ୍, କେବଲ୍ ନି ପ୍ରବୁ ମାପୁରୁଙ୍ଗ୍ ମାଡ଼ିସ୍ କିଆ ମାରି
ଝାନି ସେବା କିଆ ।”

୧୧ ନାସ୍ତିଝାଲେ ସୟତାନ ଜିସୁଙ୍ଗ୍ ଡିସ୍‌ତା ସର୍ହାତ୍, ମୁସକୁପୁରତି
ଦୁଡ଼କୁ ଝାଜି ଜିସୁଦି ସେବାକିତେ ।

ଜିସୁ ଗାଲିଲିଦୁ ଝାନି ପାଣି ଆରାମ୍ କିତାନ୍

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ ☆ଯୋହନତିଙ୍ଗ ଜଇଲ୍‌ତୁ ଇଟ୍‌ତାମାନାର୍ ଇଜି ଝେନଞ୍ଜି ଜିସୁ
ଗାଲିଲି ରାଜିଦୁ ସର୍ହାନ୍ ।

୧୩ ☆ମାତର୍ ନାଜରିତଦୁ ତେବାଏଣ୍ଡା ସବୁଲୁନ ନି ନପ୍‌ତାଲି ରାଜିଦୁ
ମାନି ଗାଲିଲି ଗାତା ପାଡ଼ିଦୁ ମାନି କପର୍‌ନାହୁମ୍‌ତୁ ବାସାତାନ୍ ।

୧୪ ଇୟାମାଣାନ୍ ଜିସାୟ ବାବବାଦିଦି ମାଟା ସତ୍ ଆତାତ୍, ଝାନ୍
ଇର୍ହାମାର୍‌ହାନ୍ ।

୧୫ “ସବୁଲୁନ ଦେସ୍ ମାରି ନପ୍‌ତାଲି ଦେସ୍, ସାମ୍‌ଦୁର୍ ଲାକ୍‌ତୁରି,
ନି ଜର୍ଦ୍‌ନ ଗାତା ଆୟା ପାଡ଼ିଦି,
ଅଣଜିହୁଦିରି ଗାଲିଲି !

୧୬ ସିକାଟିଦି ନିଡ଼ଗାଦୁ ବାସାକିଜିମାନି ଲୋକୁ
ଉନ୍‌ଶ୍ଚି, ପେରି ଜାୟ୍ ସୁଗାର୍
ସାନି ସିକାଟିଦି ରାଜିଦୁ ମାନି ଲୋକା ମୁସକୁ
ଆୟା ଜାୟ୍ ତରାଇଆନାତ୍ ।”

୧୭ ☆ଆୟା ସମୟତାନ୍ ଜିସୁ ପ୍ରଚାରକିଜି ଇର୍ହାନ୍, “ପାପ୍‌ତାନ୍
ମନ୍‌ତିଙ୍ଗ୍ ଡେପ୍‌ତୁ, ଇରିଙ୍ଗ୍ ମାପୁରୁଦି ରାଜି ଇଗା ଝାଜିନାତ୍ ।”

☆ ୪:୧୭ ମାତିତ ୧୪:୩; ମାର୍କ ୬:୧୭; ଲୁକ ୩:୧୯, ୨୦.

☆ ୪:୧୩ ଜୋହନ ୨:୧୨.

☆ ୪:୧୭ ମାତିତ ୩:୨.

ଜିସୁ ନାଲ୍‌ଏର୍ ମିନ୍‌କୁ ଆସ୍‌ନିଝାରିଙ୍ଗ୍ କୁକ୍‌ତାନ୍

(ମାର୍କ ୧:୧୭-୨୦; ଲୁକ ୫:୧-୧୧)

୧୮ ଜିସୁ ଗାଲିଲିଦି ସାମୁଦ୍‌ର ପାଡ଼ି ସିଜି ବୁଲାଜିମାନିଝାଲେ ସିମୋନ୍ ପିତର ମାରି ଆନ୍ଦ୍ରିୟ ଦର୍ତ୍ତି ରିଏର୍ ମିନ୍‌କୁ ଆସ୍‌ନିଝାରିଙ୍ଗ୍ ବେଟ୍‌ବୁଡ଼ାତାନ୍ ! ଇୟା ରିଏର୍ ତଡ଼ାନ୍‌କୁ ଜାଡ଼ି ପକ୍‌ସି ଗାତାଦୁ ମିନ୍‌କୁ ଆସ୍‌ସିମାର୍‌ହାର୍ ।

୧୯ ଜିସୁ ଝାରିଙ୍ଗ୍ କୁକ୍‌ସି ଇର୍ହାନ୍, “ନା ଝାଲେ ରାଦୁ । ନାନ୍ ମିଙ୍ଗ୍ ଲୋକାଙ୍ଗ୍ ମାପୁରୁ ଲାକ୍‌ତୁ ତାନିକା ଅଜାକିନା ।”

୨୦ ଝାର ଆୟାଦାପ୍ରେ ଝାରି ଜାଡ଼ି ଡ଼ିସ୍‌ସି ଜିସୁଝାଲେ ଝାଲେ ସର୍ହାର୍ ।

୨୧ ଜିସୁ ଅଡ଼ପ୍ ଆଗୁଡ଼ି ସଲ୍‌ସି ରିଏର୍ ତଡ଼ାନ୍ ଜାକୁବ ମାରି ଯୋହନ ଦର୍ତ୍ତି ଜେବଦଦି ରିଏର୍ ମାରିସିରିଙ୍ଗ୍ ବେଟ୍‌ବୁଡ଼ାତାନ୍ । ଇୟା ତଡ଼୍ ରିଏର୍ ମାରି ଝାରି ବୁବାସି ତଙ୍ଗାଁଦୁ ବାସ୍‌ସି ଝାରି ଜାଡ଼ି ମଦାକିଜିମାର୍‌ହାର୍ ।

୨୨ ଜିସୁ ଝାରିଙ୍ଗ୍ ବା କୁକ୍‌ତାନ୍ ମାରି ଝାର ଦାପେ ଦାପେ ତଙ୍ଗାଁ ନି ବୁବାସିଙ୍ଗ୍ ଡ଼ିସ୍‌ସି ଜିସୁଝାଲେ ଝାଲେ ସର୍ହାର୍ ।

ଜିସୁଦି ସିକିୟା, ପ୍ରଚାର୍ ମାରି ନେଗେନ୍ କିନିକା

(ଲୁକ ୬:୧୭-୧୯)

୨୩ ☆ଜିସୁ ଝିଜୁ ଗାଲିଲି ରାଜି ସୁଡ଼ଜି ଝିସ୍‌ସି ପାର୍‌ତନାକିନି ଇଲ୍‌କାଙ୍ଗ୍ ସିକିୟା ସିଦେଙ୍ଗ୍‌ଆସ୍‌ତାନ୍ । ମାପୁରୁଦି ରାଜିଦି ସୁସମାଚାର୍ ପ୍ରଚାର୍ କିତାନ୍ ମାରି ରକମ୍ ରକମ୍‌ତି ରଗ୍ ନି କାସ୍‌ବୁକା ଆତି ଲୋକାଙ୍ଗ୍ ନେଗେନ୍‌କିତାନ୍ ।

୨୪ ଝାନି ବିସୟ୍‌ତାନ୍ ସିରିଆ ଦେସ୍ ଝିଜୁ ତରିନ୍ ଝେଙ୍ଗ୍‌ତା ସର୍ହାଡ଼ ମାରି ଲୋକୁ ଦୁବାକାସ୍‌ତିଝାରିଙ୍ଗ୍, ମୁର୍ଚା ରୋଗ୍ ଆସ୍‌ତିକାର୍ ମାରି ପକିୟାଗାଡ଼ ରଗ୍ ଝିଜୁ ରକମ୍‌ତି ରଗ୍‌ତୁ ମାନି ଲୋକାଙ୍ଗ୍ ମାରି ଝିସାମତୁ ମାନି ଝିଜୁ ଲୋକାଙ୍ଗ୍ ଝାନି ଲାକ୍‌ତୁ ତାତାର୍, ମାରି ଝାନ୍ ଝାରିଙ୍ଗ୍ ନେଗେନ୍‌କିତାନ୍ ।

୨୫ ମାରି ଗାଲିଲି, ଦେକାପଲି ରାଜି*, ଜିରୁସାଲମ୍, ଜିହୁଦା ଦେସ୍
ମାରି ଜର୍ଦନ ଗାଡା ଆୟା ପାଡ଼ିଦାନ୍ ନାଣ୍ଟ ଲୋକୁ ଖାଜି ଖାନି ଖାଲେ
ସର୍ହାର ।

ଗରନ୍ ମୁସ୍‌କୁରାନ୍ ଜିସୁଦି ସିକିୟା



୫:୧-୭:୨୯

୧ ଜିସୁ ଲୋକୁ ଗହଲି ସୁଡ଼ଜି ଉନ୍‌ଣି, ଗରନ୍ ମୁସ୍‌କୁ ସର୍ହା ବାସ୍‌ତାନ୍
। ସିସୁର୍ ଖାନି ସାରିବେଡ଼ି ଉଣ୍ଡାତାର ।

୨ ଲୋକାଙ୍ଗ୍ ଜିସୁ ସିକିୟା ସିଜି ଇର୍ହାନ୍ ।

ସଡ଼ ଷ୍ଟେଡ଼ିକା

(ଲୁକ ୭:୨୦-୨୩)

୩ ମାପୁରୁମାନ୍ ଏମାକାର ଆସା ଇଡ଼ନି, ଲୋକୁ ଦନ୍‌ୟ,
ଇରିଙ୍ଗ୍ ମାପୁରୁଦି ରାଜି ଖାରିଦି ।

୪ ଆଡ଼ବାଜି ମାନି ଲୋକୁ ଦନ୍‌ୟ,
ଇରିଙ୍ଗ୍ ମାପୁରୁ ଖାରିଙ୍ଗ୍ ଷ୍ଟେଡ଼ିକା ସିନାନ୍ ।

୫ ଦାମ୍‌ ଲୋକୁ ଦନ୍‌ୟ,
ଇରିଙ୍ଗ୍ ଖାର୍ ମାପୁରୁଦି ପାର୍‌ମାଣ୍ କିତିମାନି ବିସୟ୍
ଲାବ୍‌କିନାର୍ ।

୬ ମାପୁରୁଦି ବଦାଦାନ୍ ପାଣି କିଦେଙ୍ଗ୍ ଏମେଖାରି ନାଣ୍ଟ ଆସା, ଖାର୍
ଦନ୍‌ୟ,
ଇରିଙ୍ଗ୍ ମାପୁରୁ ଖାରିଙ୍ଗ୍ ଷ୍ଟେଡ଼ିକାକିନାନ୍ ।

୭ ଏମେକାର୍ ଆଇଖାରି ଉଣ୍ଡିଙ୍ଗ୍ ଦୟା ଡର୍‌ନାର୍ ଖାର୍ ଦନ୍‌ୟ,
ଇରିଙ୍ଗ୍ ମାପୁରୁ ଖାରିଙ୍ଗ୍ ଦୟା କିନାନ୍ ।

୮ ଏମେଖାରି ଜିବନ୍ ନେଗିକା ଖାର୍ ଦନ୍‌ୟ,
ଇରିଙ୍ଗ୍ ଖାର୍ ମାପୁରୁଦି ଦର୍‌ସନ୍ ପଇନାର୍ ।

୯ ଏମେକାର୍ ସାନ୍ତି କିଦେଙ୍ଗ୍ ଇଜି ପାଣିକିନାର୍ ଖାର୍ ଦନ୍‌ୟ,
ଇରିଙ୍ଗ୍ ଖାର୍ ମାପୁରୁଦି କଡ଼ର୍ ଇଜି ଷ୍ଟେଙ୍ଗ୍ ନାନ୍ ।

* ୪:୨୫ ଦେକାପଲି ଉନ୍‌ଡ଼ି ଦେସ୍

୧୦ ☆ଏମେକାର ମାପୁରୁଦି ବଦାଦାନ ପାଣିକିଜି କାସୁ ପଇନାର, ଖାର ଦନ୍ୟ,

ଇରିଙ୍ଗ ମୁସକୁପୁର ଖାରିଦି ।

୧୧ ☆ନାଖାଲେ ବୁଲାନିକାର ଆତିମାନିଙ୍ଗ ଲୋକୁ ଜଦି ମିଙ୍ଗ ଅପମାନସିନାର, କାସୁ ସିନାର ମାରି ମି ବିରଦତାନ ତାଗ୍ଗ ବାଣ୍ଡିସତି ମାଟେଙ୍ଗ ଇନାର, ଆରିଙ୍ଗ ମିର ଦନ୍ୟ ।

୧୨ ☆ନାଶୁ ଖେଡିକାଆଦୁ, ଇରିଙ୍ଗ ମୁସକୁପୁରତୁ ମି ପୁରସକାର ନାଶୁ; ଆୟାଖାଜାତ ଖାର ମି ପୁର୍ବେଦି ତକ୍ରାଦାଦାରରି ବାବବାଦିରିଙ୍ଗ କାସୁକିତାର ।

ସର ନି ଜାୟ

(ମାର୍କ ୯:୫୦; ଲୁକ ୧୪:୩୪-୩୫)

୧୩ ☆ମିର ଝିନ୍ତୁ ଲୋକା ଦୁନିଆଦି ସରତି ଖାଜା । ମାତର ସର ଜଦି ସରଦିସାଝି ଆରାକିନାଡ, ଆରିଙ୍ଗ ତାନିଙ୍ଗ ମାରି ସରଆଡନିଖାଜା କିଦେଙ୍ଗ ଆଏଡ । ନାସିଖାଲେ ଆକା ପୁରା ତାଗ୍ଗକାଆଜି ଆଡରେ ପକାଇଆନାଡ । ଲୋକୁ ତାନିଙ୍ଗ ମାରସିସନାର ।

୧୪ ☆ମିର ସାରା ଦୁନିଆଦି ଜାୟ ଖାଜା । ଏମେ ଗାଡକି ଗରନ୍ ମୁସକୁ ତିଆର ଆନାମାନାଡ, ଆକା ଏସାଙ୍ଗ ମାରଗିଜି ତେବାଦେଙ୍ଗ ଆଡଏଡ ।

୧୫ ☆ଦିଝା କାସିସକିଜି ଏନ୍ ଅତି ଆଡଗି ପିଡିକ୍ସି ଇଡଏନ୍ । ତାନିଙ୍ଗ ଦିଝା ଇଡନି ମୁସକୁ ବାଡିଦୁ ଇଡନାନ ମାରି ଆକା ଇଲୁଦୁ ମାନି ଝିଜେରିଙ୍ଗ ଜାୟ ସିନାଡ ।

୧୬ ☆ଆୟାଖାଜା ମି ଜାୟ ଲାକ୍ତୁ ତରାଇଆପିଡ । ଆରିଙ୍ଗ ମି ସଡପାଣି ସୁଡଜି ଖାର ମି ମୁସକୁପୁରତି ବୁବା ମାପୁରୁଦି ଦନ୍ୟବାଦ କିନାର ।

ନିୟମତି ବିସୟତାନ ସିକିୟା

☆ ୫:୧୦ ୧ ପିତର ୩:୧୪. ☆ ୫:୧୧ ୧ ପିତର ୪:୧୪. ☆ ୫:୧୨ ପ୍ରେରିତ ୭:୫୨.

☆ ୫:୧୩ ମାର୍କ ୯:୫୦; ଲୁକ ୧୪:୩୪,୩୫. ☆ ୫:୧୪ ଜୋହନ ୮:୧୨; ୯:୫. ☆ ୫:୧୫

ମାର୍କ ୪:୨୧; ଲୁକ ୮:୧୭; ୧୧:୩୩. ☆ ୫:୧୬ ୧ ପିତର ୨:୧୨.

୧୭ ଅତ୍‌ବିମାଟ୍ ଜେ ନାନ୍ ମସା ସିତି ନିୟମ୍ ମାରି ବାବବାଦିରି ସିକିୟା ଝିଜୁ ଗୁସାକିଦେଙ୍ଗ୍ ଖାତାମାନା । ଆୟାଝିଜୁ ଗୁସାକିଦେଙ୍ଗ୍ ସିଲେ, ମାତର୍ ସତ୍‌ତାନ୍ ସତ୍ କିଦେଙ୍ଗ୍ ଖାତାମାନା ।

୧୮ ଶମନ୍ତୁ ଇଡ୍‌ବୁ, ବାଦଡ୍ ନି ଦୁନିଆ ତିରଆଜି ତେବାନି ସାନ୍ଦି ନିୟମ୍‌ତି ଉନ୍‌ଶ୍ଟି ଇସ୍ତି ଠିକା ବା ନାମ୍‌ଏଡ୍ । ଝିଜୁ ବିସୟ୍‌ତି ପୁରା ଆଇ ସାନ୍ଦି ଇକା ଗଟାଏଡ୍ ।

୧୯ ଆଦେଙ୍ଗ୍ ଏନ୍‌ଆପିନ୍ ନିୟମ୍‌ତି ଝିଜୁମାଣ୍‌କୁ ଇସ୍ତି ମାଟାଦିଙ୍ଗ୍ ଅମାନ୍ୟ କିନାନ୍ ମାରି ଆୟାଝାଜା କିଦେଙ୍ଗ୍ ଆଇଝାରିଙ୍ଗ୍ ସିକିୟା ସିନାନ୍, ଝାନ୍ ମୁସକୁପୁରତି ରାଜିଦୁ ଝିଜେରିମାଣ୍‌କୁ ଇସ୍ତିକାନ୍ ଇଜି ଝେଙ୍ଗ୍ ନାନ୍ ।

୨୦ ନାନ୍ ମିଙ୍ଗ୍ ଇଜିନା, ଦାମ୍‌ଗୁରୁ ମାରି ପାରୁସିର୍ ମାଣ୍‌କୁ ନାଣ୍ ବିସବାସ୍‌ତାନ୍ ମାପୁରୁଦି ବଦାଦି ପାଣି କିତିଙ୍ଗ୍ ମାତର୍ ମିର୍ ମୁସକୁପୁରୁଡ୍ ତଗୁଦେଙ୍ଗ୍ ଆଟ୍‌ନିଦେର୍ ।

ରିସାଆନି ବିସୟ୍‌ତାନ୍ ସିକିୟା
(ଲୁକ ୧୨:୫୭-୫୯)

୨୧ ମିର୍ ଝେରଇମାନିଦେର୍; ପୁର୍ବେକାଡାଦାନ୍ ଲୋକାଙ୍ଗ୍ ଇର୍ହାମାନାର୍, ଲୋକାଙ୍ଗ୍ ସାୟାମାରଗା ତାକ୍‌ମାଟ୍ । ଏନ୍ ଆକା କିନାନ୍, ଝାନ୍ ବିସାର୍‌ଆନାନ୍ ।

୨୨ ମାତର୍ ନାନ୍ ଇଜିନା, ଏନ୍ ଏମେ ତଡାନ୍ ମୁସକୁ ରିସାଆନାନ୍, ଝାନ୍ ବା ବିସାର୍‌ଆନାନ୍ । ଏନ୍ ତଡାନ୍‌ତିଙ୍ଗ୍ ବାୟା ଇଜି କାଡ୍‌ନାନ୍, ଝାନ୍ ନାଣ୍ କୁଟୁମ୍ ଆଗ୍‌ତି ଦଣ୍ ପଇନାନ୍ । ମାରି ଏନ୍ ତଡାନ୍‌ତିଙ୍ଗ୍ ପାଣିସିଇ ମୁର୍ଜୁ ଇଜି ଇନାନ୍, ଝାନ୍ ନରକ ସିସୁଦ୍ ପକାନି ଦଣ୍ ମାନାଡ୍ ।

୨୩ ଆଦେଙ୍ଗ୍ ମାପୁରୁଦି ଉଦେସ୍‌ତାନ୍ ବେଦି ମୁସକୁ ପୁଜାସିଦେଙ୍ଗ୍ ସନିଝାଲେ ଜଦି ମି ଏଡ୍ ଝାନାଡ୍ ଜେ ମି ଉଣ୍‌ଜିଙ୍ଗ୍ ଆମା ତଡାନ୍‌ତି ମନ୍‌ଡୁ ଏସ୍ ଅସାନ୍ତିମାନାଡ୍ ।

୨୪ ବେଦି ଆଗ୍‌ତି ଆୟା ପୁଜା ସିନିକା ଡିସ୍‌ସି ସିଜି ବେଗି ବେଗି ସାନ୍‌ଡୁ, ତଡାନ୍‌ତି ଝାଲେ ଡେସି ମିସାତି ଝେନ୍‌କା ଡେସି ଝାଜି ମାପୁରୁଦିଙ୍ଗ୍ ଆକା ପୁଜା ସିଦୁ ।

୨୫ ଜଦି ଏନ୍ ମି ବିରଦ୍‌ତାନ୍ ରାସ୍‌ସି କର୍ତ୍ତୁ ସନ୍‌ତ୍ରେଙ୍ଗ୍ ଜାସେକିନାନ୍, କର୍ତ୍ତୁ ସନି ଆଗଡ଼ି ଝେଡ଼ା ମାନ୍‌ରୁ ମାନ୍‌ରୁ ଝାନି ଝାଲେ ନିଜେ ନିଜେମାନ୍ ମିସାଦୁ । ଆଏତିଙ୍ଗ୍ କର୍ତ୍ତୁ ସରିଙ୍ଗ୍, ଝାନ୍ ମିଙ୍ଗ୍ ବିସାରକିନିଝାନି କିୟୁଦୁ ଆସ୍‌ପିସକିନାନ୍ ମାରି ଆଡିଙ୍ଗ୍ ନ୍ୟାୟ୍ କିନିକାନ୍ ମିଙ୍ଗ୍ ଜଇଲ୍‌ତୁ ଅତେଙ୍ଗ୍ ଇଜି ପଲିସ୍‌କା କିୟୁଦୁ ସରପେ କିନାସିନାନ୍ ।

୨୬ ନାନ୍ ମିଙ୍ଗ୍ ସଡ଼ ଇଜିନା, ମି ମୁସ୍‌କୁ କିଆଇଆତିମାନି ଝାତି ତାବୁଙ୍ଗ୍ ବା ଡେସିସିଇ ସାନ୍ତି ମିର୍ ଆବେଟ୍‌କୁ ସହସ ଝାଦେଙ୍ଗ୍ ଆଟ୍‌ଇଦେର୍ ।

ଦାରିପାଣି ବିସୟତାନ୍ ସିକିୟା

୨୭ ଦାରିପାଣି କିମାଟ୍, ଇୟା ଆଜ୍ଞା ମିର୍ ପୁର୍ବେକାଡ଼ାଦାନ୍ ଝେରୁଇମାନିଦେର୍ ।

୨୮ ମାତର୍ ଇଲେଇ ନାନ୍ ମିଙ୍ଗ୍ ଇଜିନା, ଜଦି ଏନ୍ ଆଇଝାନି ଆଇମାଦିଙ୍ଗ୍ ତାଗ୍‌ଇ କାଣ୍‌ଗାଦାନ୍ ସୁଣାନ୍, ଝାନ୍ ତାନି ଝାଲେ ମୋନ୍‌ତୁ ମୋନ୍‌ତୁ ଦାରିପାଣିକିତାମାନାନ୍ ।

୨୯ ☆ଜଦି ମି ଉଣେରି କାଣ୍‌ଗାଦି ଉଣ୍ଡିଙ୍ଗ୍ ମିର୍ ପାପ୍ କିନିମାନିଦେର୍, ଆୟା କାଣ୍‌ଗାଦିଙ୍ଗ୍ ଉନ୍‌ଜ ପୋକ୍‌ତୁ । ମି ଝିଜୁ ମେନ୍‌ଲ୍ ନରକଦୁ ଆର୍‌ନି ବାଦ୍‌ଲୁ, ମେନ୍‌ଲ୍‌ତି ଉଣ୍ଡି ବାଗ୍ ନାସ୍‌ଆନିକା ନେଗେଟ୍ ।

୩୦ ☆ଜଦି ମି ଡେବିରି କିୟୁ ମିଙ୍ଗ୍ ପାପ୍‌ତି ପାଣି କିବିସକିଜିମାନାଟ୍, ଆୟା କିୟୁଦିଙ୍ଗ୍ କୟ୍‌ଜ ପୋକ୍‌ତୁ । ମି ଝିଜୁ ମେନ୍‌ଲ୍ ନରକଦୁ ଆର୍‌ନି ବାଦ୍‌ଲୁ ଉଣ୍ଡି ବାଗ୍ ନାସ୍‌ଆନିକା ମି ଉଣ୍ଡିଙ୍ଗ୍ ନେଗେଟ୍ ।

ଆଇମାଦିଙ୍ଗ୍ ଡିସ୍‌ନି ବିସୟତାନ୍ ସିକିୟା

(ମାତିତ ୧୯:୯; ମାର୍କ ୧୦:୧୧-୧୨; ଲୁକ ୧୬:୧୮)

୩୧ ☆ଜଦି ଏନ୍ ନିଜେଦି ଆଡିଙ୍ଗ୍ ଡିସ୍‌ତେଙ୍ଗ୍ ବଦାକିନାନ୍, ଝାନ୍ ତାନିଙ୍ଗ୍ ରାସାତି ଇସାବ୍‌ତାନ୍ ଉଣ୍ଡି ଆଇମା ଡିସ୍‌ନି ଆକୁ ସିପିନ୍ ଇୟା ସିକିୟା ମିର୍ ଆଗଡ଼ିରାନ୍ ପୟ୍‌ତିମାନିଦେର୍ ।

☆ ୫:୨୯ ମାତିତ ୧୮:୯; ମାର୍କ ୯:୪୭.

☆ ୫:୩୦ ମାତିତ ୧୮:୮; ମାର୍କ ୯:୪୩.

☆ ୫:୩୧ ମାତିତ ୧୯:୭; ମାର୍କ ୧୦:୪.

୩୨ ☆ମାତର ନାନ୍ ମିଙ୍ଗ୍ ଇଜିନା, ଦାରିପାଣି କିନିକା ଡିସ୍ତିଙ୍ଗ୍ ଆଇ ଇନି ପାଣିଦିଙ୍ଗ୍ ବାଦ୍‌ଲୁ ଅରେନ୍ ଝାନି ଆଡିସିଙ୍ଗ୍ ଡିସ୍ତି ଆକୁ ସିତିଙ୍ଗ୍, ଝାନ୍ ତାନିଙ୍ଗ୍ ଦାରିପାଣି କିନି ନିନ୍ଦାଦୁ ଦସ୍ କିଜିନାନ୍ ମାରି ଏମେ ମେମାରି ଆୟା ଆଇମାଦିଙ୍ଗ୍ ପେଡି ଆନାନ୍, ଝାନ୍ ବା ଦାରିପାଣି କିନାନ୍ ।

ପାର୍ମାଣ୍ ବିସୟତାନ୍ ସିକିୟା

୩୩ ପୁର୍ବେ କାଡାଦାନ୍ ଇୟା ସିକିୟା ଝେନ୍‌ଞ୍ଜି ଝାଜିନିଦେର୍, ପାର୍ମାଣ୍ ରୁକ୍‌ମାଟ୍ । ମାପୁରୁ ଆଗ୍ତି ଏମେ ପାର୍ମାଣ୍ କିତିମାନିଦେର୍, ତାନିଙ୍ଗ୍ ପୁରାକିଦୁ ।

୩୪ ☆ମାତର ନାନ୍ ମିଙ୍ଗ୍ ଇଜିନା, ପାର୍ମାଣ୍ କିନିଝାଲେ, ପାର୍ମାଣ୍ କିମାଟ୍ । ମୁସ୍‌କୁପୁରତି ଦର୍ତ୍ତାନ୍ କିମାଟ୍, ଇରିଙ୍ଗ୍ ଆକା ମାପୁରୁଦି ବାସ୍‌ନି ଗଦି ।

୩୫ ଦୁନିଆଦି ଦର୍ତ୍ତାନ୍ ପାର୍ମାଣ୍ କିମାଟ୍, ଇରିଙ୍ଗ୍ ଆକା ମାପୁରୁଦି କାଲୁକୁ ଇଡିନି ବାଡି । ଜିରୁସାଲାମ୍ ଗାଡ୍ ଦର୍ତ୍ତାନ୍ ବା ପାର୍ମାଣ୍ କିମାଟ୍, ଇରିଙ୍ଗ୍ ଆକା ଆଜିନାଡ୍ ରାଜାରିରାଜାଦି ଗାଡ୍ ।

୩୬ ମି ତାଲାଦି ଆନାଦୁରିଆ କିମାଟ୍, ଇରିଙ୍ଗ୍ ଉନ୍‌ଶ୍ଟି କୁକୁଟି କାଡା ନି ଅଡିନିକା କିନି ସାକ୍ତି ମିଙ୍ଗ୍ ସିଲେଡ୍ ।

୩୭ ମିର୍ ପାର୍ମାଣ୍ ନିୟମ୍ କିଏଶ୍‌ଗା କେବଲ୍ “ହୁଁ” ମାଟା “ହୁଁ” ଆପିଡ୍, “ସିଲେ” ମାଟା “ସିଲେଶ୍” ଆପିଡ୍ । ତେନିମାଣାନ୍ ନାଶ୍ଟି ମାଟା ଇଜି ପାର୍ମାଣ୍ କିନିକା ସୟତାନ୍ତି ପେରିସ୍‌କିନି ମାଣାନ୍ ଝାନାଡ୍ ।

ପ୍ରତିସଦ ବିସୟତାନ୍ ସିକିୟା

(ଲୁକ ୭:୨୯-୩୦)

୩୮ “କାଶ୍‌ଗା ବାଦ୍‌ଲୁ କାଶ୍‌ଗା,” ପାଲୁ ବାଦ୍‌ଲୁ ପାଲୁ । ଇୟା ବାଦ୍‌ଲୁ ଅନିମାଟା ମିର୍ ଝେର୍‌ଇମାନିଦେର୍ ।

୩୯ ମାତର ନାନ୍ ମିଙ୍ଗ୍ ଇଜିନା, ଏନ୍ ମି ଅନିସ୍ତ୍ କିତିଙ୍ଗ୍ ଝାନି ବାଦ୍‌ଲୁ ଅମାଟ୍ । ଜଦି ମି ଉଶେରି ବୁଗୁଲିଦୁ ଏନ୍ ସାପୁଡ୍ ଡୁକ୍‌ତାନ୍,

☆ ୫:୩୨ ମାତିତ ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧ କରିନ୍ଥ୍ ୭:୧୦,୧୧.

☆ ୫:୩୪ ଜାକୁବ ୫:୧୨; ମାତିତ ୨୩:୨୨.

ମାରି ଉନ୍‌ଣି, ସାପୁଡ଼ ଡାକ୍‌ତେଙ୍ଗ୍ ମି ଡେବିରି ବୁଗୁଲି ବା ତର୍‌ସୋ ସିଦୁ ।

୪୦ ଜଦି ଏନ୍ ମି ଆଙ୍ଗ୍ ଅତେଙ୍ଗ୍ ଇଜି ମି ବିରଦ୍‌ତାନ୍ ମାଟା ଇଜି ମିଙ୍ଗ୍ ବିସାର୍ ବାଡିଦୁ ଅନାନ୍, ଖାନିଙ୍ଗ୍ ମି ସୁଟେର୍ ବା ଦାନ୍ ସିଦୁ ।

୪୧ ଜଦି ଏମେ ସେନ୍‌ମ୍ୟ ମିଙ୍ଗ୍ ଖାନି ବଜୁ ପିଣ୍ଡୁଜ ଖାନି ଖାଲେ ଉଣ୍ଡି କିଲୋମିଟର ସନ୍‌ଡେଙ୍ଗ୍ ଇଜି ଜାସେକିନାନ୍, ମିର୍ ଇନିକା ଅଡ୍‌ବିଏଣ୍ଡା ଖାନି ଖାଲେ ରୁଣ୍ଡି କିଲୋମିଟର ସାନ୍‌ଡୁ ।

୪୨ ଜଦି ଏନ୍ ମିଙ୍ଗ୍ ଇନି ଜିନିସ୍ ଲୋସ୍‌ନାନ୍, ମାନା କିଏନ୍‌ଣ୍ଡା ଖାନିଙ୍ଗ୍ ସିଦୁ । ଏନ୍ ଇନିକା ଉଦାର୍ ଲୋସ୍‌ତିଙ୍ଗ୍, ଖାନିଙ୍ଗ୍ ଆକା ସିଦୁ ।

ସାତୁରିଙ୍ଗ୍ ଜିବନ୍‌ନଦୁ

(ଲୁକ ୬:୨୭-୨୮, ୩୨-୩୬)

୪୩ “ଜିବନ୍‌ନୋଦୁ ମି ସଙ୍ଗ୍‌ରିଙ୍ଗ୍, କାଡ଼ଦୁ ମି ସାତୁରିଙ୍ଗ୍ ଇୟା ସିକିୟା ଆଗ୍‌ଡିରାନ୍ ଖେରୁଇମାନିଦେର୍ ।”

୪୪ ମାତର୍ ନାନ୍ ମିଙ୍ଗ୍ ଇଜିନା, ଜିବନ୍‌ନୋଦୁ ମି ସାତୁରିଙ୍ଗ୍ । ଏମେକାର୍ ମିଙ୍ଗ୍ ତାଡ଼ନାକିନାର୍, ଖାରି ଉଣ୍ଡିଙ୍ଗ୍ ପାର୍‌ତନା କିଦୁ ।

୪୫ ଇୟାଖାଜା କିତିଙ୍ଗ୍ ମୁସ୍‌କୁପୁରତି ବୁବା ମାପୁରୁଦି କଡର୍ ଇଜି ଖେଙ୍ଗ୍‌ନିଦେର୍ । ଇରିଙ୍ଗ୍ ମାପୁରୁ ନେଗିଝାରି ନି ତାଗ୍‌ଇଝାରି ଲୋକାମୁସ୍‌କୁ ଖାନି ଖେଡ଼ା ଜାୟ୍ ସିନାନ୍, ମାରି ସଡ଼ପାଣି ନି ତାଗ୍‌ଇପାଣି କିନି ଓଜେରିଙ୍ଗ୍ ପିର୍‌ରୁ ସିନାନ୍ ।

୪୬ କେବଲ୍ ମିଙ୍ଗ୍ ଜିବନ୍‌ନୋଜି ମାନି ଲୋକାଙ୍ଗ୍ ଜିବନ୍‌ନତିଙ୍ଗ୍, ମାପୁରୁ ଏଦା ମିଙ୍ଗ୍ ପୁରସ୍‌କାର୍ ସିନାନ୍ ? ସିସ୍‌ଟୁ ଲୋସ୍‌ନିକାର୍ ବା ଆକା କିନାର୍ ।

୪୭ ଜଦି କେବଲ୍ ମି ତଡ଼ାନ୍‌କାଙ୍ଗ୍ ଖାର୍‌ଗିନିଦେର୍, ଆରିଙ୍ଗ୍ ମିର୍ ନେ ଉପ୍‌କାପାଣି କିଜିନିଦେର୍ ? ଅବିସ୍‌ବାସ୍‌ରି ବା ଆକା କିନାର୍ ।

୪୮ ମି ମୁସ୍‌କୁପୁରତି ବୁବା ଏଣ୍ଡେସ୍ ପବିତ୍ର, ମିର୍ ଆୟାଖାଜା ପବିତ୍ର ଆନିକାମାନାଡ଼ ।



ଦାନ୍ ବିସୟ୍‌ତାନ୍ ସିକିୟା

୧ ☆ “ଲୋକାଙ୍ଗ ତରତେଙ୍ଗଇଜି ପୁଲାପୁଲିଦାନ ନେଗିପାଣି କିମାଟ୍ । ଆକାକିତିଙ୍ଗ ମୁସକୁପୁରତି ବୁବା ମାଣ୍ଟକୁ ମିର୍ ପୁରସକାର ପୟଇଦେର୍ ।”

୨ “ଅରେନ୍ କାକୁତ ଲୋକତିଙ୍ଗ ଇନି ଦାନ ସନିଝାଲେ ପୁଲାପୁଲି ଲୋକତି ଝାଜା ମୋରି ଉକୁସି ତରଆଇଆମାଟ୍ । ଝାର ପାରତନାକିନି ଇଲ୍‌କାଙ୍ଗ ନି ସାକଡ଼ି ମଜାୟ ନିଜେଦି ଦାନଦାମୁଦି ପାଣି କିନାର୍ । ଲୋକାମାଣ୍ଟକୁ ଦନ୍‌ସବାଦ୍ ପୟଦେଙ୍ଗ ଝାର ଇକା କିନାର୍ । ନାନ ସତେନେ ଇଜିନା ଜେ ଝାର ଇୟାମାଣାନ୍ ଝାରି ପୟନିକା ପୁରାଦାନ ପୟତାଝିସତାମାନାର୍ ।”

୩ ମାତର୍ ମିର୍ ଅରେନ୍ କାକୁତ ଲୋକତିଙ୍ଗ ସାକାକିନିଝାଲେ, ଇୟାଝାଜା କିଦୁ, ଏଣ୍ଡେସ୍ ମି ଲାକଡୁରି ସଙ୍ଗ୍ ବା ଇୟା ମାଟା ନେସ୍‌ତେଙ୍ଗ ଆଟ୍‌ଏନ୍ ।

୪ ଇୟାଝାଜା ମି ଇୟା ଦାନ ମାର୍‌କୁସି ଆତିମାରିଙ୍ଗ୍ ବା ମି ଝିଜୁ ସୁଣି ବୁବା ମାର୍‌ଗିଜି ଆକା ସୁଡ଼ଜି ମିଙ୍ଗ୍ ପୁରସକାର ସିନାନ୍ ।

ପାରତନା ବିସୟତାନ୍ ସିକିୟା

(ଲୁକ ୧୧:୨-୪)

୫ ☆ “ପାରତନା କିନିଝାଲେ ପୁଲାପୁଲି ଦାମୁ ଲୋକା ଝାଜା ଆମାଟ୍ । ଝିଜେରେ ଏଣ୍ଡେସ୍ ସୁଡ଼ଦେଙ୍ଗ୍ ଆଟ୍‌ନାର୍, ଆୟାଉଣ୍ଡିଙ୍ଗ୍ ପାରତନାକିନି ଇଲ୍‌କାଙ୍ଗ୍ ମାରି ରାସ୍ତା ତେଣେଆଙ୍ଗ୍ ନିଲ୍‌ଜି ଝାର ପାରତନା କିଦେଙ୍ଗ୍ ବଦାକିନାର୍ । ନାନ ମିଙ୍ଗ୍ ସତେନେ ଇଜିନା ଜେ ଝାର ନିଜେ ନିଜେଦି କିତିମାନିପାଣିଦି ପୁରସକାର ପୟତାଝିସତାମାନାର୍ ।”

୬ ମାତର୍ ଏସ୍ତିଝାଲେ ମିର୍ ପାରତନା କିନିଦେର୍, ନିଜେଦି ବାକରା ଲୋଇ ସାନ୍‌ଡୁ, ସେର୍‌ଲ୍‌ଲା କେର୍‌ଡୁ ମାରି ମି ତରାଇଆଇ ବୁବେଙ୍ଗ୍ ପାରତନା କିଦୁ । ମିର୍ ମାର୍‌କୁସି ଆମାକା କିନିଦେର୍, ଝିଜୁସୁଣି ମୁସକୁପୁରତି ବୁବା ଆକା ସୁଡ଼ଜି ମିଙ୍ଗ୍ ପୁରସକାର ସିନାନ୍ ।

୭ “ମି ପାରତନାଦୁ ଅବିସବାସ୍‌ରି ଝାଜା ନାଣ୍ଡୁ ଅର୍ତ୍ତସିଲି ମାଟେଙ୍ଗ୍ କିମାଟ୍ । ଝାର ଅଡ଼ବିନାର୍, ଝାରି ପାରତନା ନିର୍‌ଇକା ଆତିଙ୍ଗ୍ ମାପୁରୁ ଝେନାନ୍ ।

୮ ଝାରି ଝାଜା ଆମାଟ୍ । ମିର୍ ଲୋସ୍‌ନି ଆଗ୍‌ତି ମି ଆମାକା
ଦରକାର୍, ମି ମୁସ୍‌କୁପୁରତି ବୁବା ଆକା ଝିଜୁ ନେସ୍‌ନାନ୍ ।”

୯ ଆଦେଙ୍ଗ୍ ଇୟାଝାଜା ପାର୍‌ତନା କିନିକା ମି ନେଗେଡ୍ ।

ମା ମୁସ୍‌କୁପୁରତି ବୁବା,

ନି ପବିତ୍ର ଦରୁ ପେରିକାଆପିଡ୍ ।

୧୦ ନି ରାଜି ରାପିଡ୍ ।

ନି ବଦା ମୁସ୍‌କୁପୁରତୁ ଏଣ୍‌ସେସ୍, ଇୟା ଦୁନିଆଦୁ ବା ଆୟାଝାଜା
ପୁରାଆପିଡ୍ ।

୧୧ ନେର୍ ମାଙ୍ଗ୍ ଦରକାର୍‌ମାନି କାଦି ସିଦା ।

୧୨ ମା ବିରଦ୍‌ତାନ୍ ଦୋସ୍ କିତିମାନି ଲୋକାଙ୍ଗ୍ ମାପ୍ ଏଣ୍‌ସେସ୍
କେମାକିନାପ୍,

ଆୟାଝାଜା ମା ଦସ୍ ଝିଜୁ କେମା କିଆ ।

୧୩ ମାଙ୍ଗ୍ ଆଟ୍‌ଝା ପରିକାଦୁ ଆର୍‌ଦେଙ୍ଗ୍ ସିମା ।

ତାଗ୍‌ଲ ମାଣାନ୍ ମାଙ୍ଗ୍ ରକିୟାକିୟା । ଇରିଙ୍ଗ୍ ସାସନକିନିକା,
ପେରିସାଲ୍, ଗୌରବ୍ ଜୁଗ୍ ଜୁଗ୍ ନିଦିଆପିଡ୍*, ଆମେନ୍ ।

୧୪ ☆ମି ବିରଦ୍‌ତାନ୍ ଦସ୍ କିତିମାନି ଆଇଝାରିଙ୍ଗ୍ ଜଦି ମିର୍
କେମାକିନିଦେର୍, ମି ମୁସ୍‌କୁପୁରତି ବୁବା ବା ମିଙ୍ଗ୍ କେମାକିନାନ୍ ।

୧୫ ମାତର୍ ମିର୍ ଜଦି ଆଇଝାରିଙ୍ଗ୍ କେମାକିଇଦେର୍, ମି
ମୁସ୍‌କୁପୁରତି ବୁବା ବା ମିର୍ କିତିମାନି ଦସ୍‌ଝିଜୁ କେମାକିଏନ୍ ।

ଉପାସ୍ ବିସୟତାନ୍ ସିକିୟା

୧୬ ଉପାସ୍ କିନିଝାଲେ ପୁଲାପୁଲି ଦାମ୍‌ଦି ଲୋକା ଝାଜା ମକମ୍
ରେପ୍‌ମାଟ୍ । ଝାର୍ ଉପାସ୍‌କିଜିନାର୍‌ଇଜି ଆଇଝାରିଙ୍ଗ୍ ତର୍‌ତେଙ୍ଗ୍
ଇଜି ନିଜେଦି ମକମ୍‌ତିଙ୍ଗ୍ ଜାତୁନ୍‌କିଏନ୍‌ଶ୍‌ ଇଡ୍‌ନାର୍ । ଇକା
ସତେନେ ଜେ ଆୟାଝାଜା କିନି ମାଣାନ୍ ଝାର୍ ନିଜେଦି ଝିଜୁ ପୟ୍‌ନିକା
ପୟ୍‌ତାଝିସ୍‌ତାମାନାର୍ ।

୧୭ ମାତର୍ ମିର୍ ଉପାସ୍ କିନିଝାଲେ ମକମ୍ ଉର୍‌ପାଜି, ତାଲାଦୁ ନିୟ୍
ଉସାଜି ତେବାଦୁ,

* ୬:୧୩ ଇରିଙ୍ଗ୍ ସାସନକିନିକା, ପେରିସାଲ୍, ଗୌରବ୍ ଜୁଗ୍ ଜୁଗ୍ ନିଦିଆପିଡ୍ ଇୟା ବାକ୍ୟ
ଏସ୍ ପାଡ଼ିଇ ରାସାତିମାନି ସିଲେଡ୍ । ☆ ୬:୧୪ ମାର୍ଚ୍ଚ ୧୧:୨୫, ୨୬.

୧୮ ଏଣୁସ୍ ଉପାସକିଜିନିଦେର୍ ଇଜି ଆଇକାର ନେସ୍ତେଙ୍ଗ୍
ଆର୍ଏର୍, ମାତର୍ ମି ତରାଇଆଇ ବୁବାନେ ଝିଜୁ ମାଟା ନେସ୍ନାନ୍
। ମିର୍ ମାରଗ୍ଜି ଆମାକା କିଜିନିଦେର୍, ଆକା ସୁଡ଼ଜି, ଝାନ୍ ମିଙ୍ଗ୍
ପୁରସ୍କାର ସିନାନ୍ ।

ମୁସକୁପୁରତୁ ଉଣ୍ଡାକିତି ଦନ୍

(ଲୁକ ୧୨:୩୩-୩୪)

୧୯ ଈୟା ଦୁନିଆଦୁ ନିଜେଦି ଉଣ୍ଡିଙ୍ଗ୍ ଦନ୍ ଉଣ୍ଡା କିମାଟ୍ ।
ଏମେମାନୁ ସେଦା ନି କିଟିଙ୍ଗ୍ ତିନେ, ମାରି ତଙ୍ଗାଁରୁଉଁ ରୁକ୍ସି
ତଙ୍ଗାଁକିନା ଅନାର୍ ।

୨୦ ମାତର୍ ଇୟାଝାଜା ମୁସକୁପୁରତୁ ମି ଉଣ୍ଡିଙ୍ଗ୍ ଦନ୍ ଉଣ୍ଡା କିଦୁ ।
ଏମେମାନୁ ପିଡ଼କୁ ନି କିଟିଙ୍ଗ୍ ତିନିଉ ମାରି ତଙ୍ଗାଁରୁଉଁ ତଙ୍ଗାଁକିଏର୍ ।

୨୧ ଇରିଙ୍ଗ୍ ଏମେମାନୁ ମି ଦନ୍, ଆବେ ମି ମନ୍ ।

ମେନ୍ଦଲ୍ତି ଜାୟ୍

(ଲୁକ ୧୧:୩୪-୩୬)

୨୨ କାଣ୍ଗା ମେନ୍ଦଲ୍ତି ଦିଝା ଝାଜା । କାଣ୍ଗା ନେଗିକାମାର୍ରିଙ୍ଗ୍,
ମେନ୍ଦଲ୍ ଜାୟ୍ତୁ ପୁରାଆଜି ନିଙ୍ଗ୍ ନାଟ୍ ।

୨୩ ମାତର୍ ମି କାଣ୍ଗା ଜଦି ତାଗ୍ଜକା ମାନାଟ୍, ମେନ୍ଦଲ୍ ସିକାଟି
ଆନାଟ୍ । ମି ଜିବନ୍ତି ଜାୟ୍ ଜଦି ସିକାଟି ଆନାଟ୍, ଆୟା ସିକାଟି ଏସା
ବୟ୍ଜାର୍ ସିକାଟି ଆଏଡ୍ ନୋ !

ମାପୁରୁ ନି ଦନ୍ ସମ୍ପତ୍ତି

(ଲୁକ ୧୬:୧୩; ୧୬:୨୨-୩୧)

୨୪ ଅରେନ୍ ଲୋକୁ ରିଏରି ମାଲିକ୍କା ସାକର୍ ଆଦେଙ୍ଗ୍ ଆର୍ଏନ୍ ।
ଝାନ୍ ଅରେନ୍ଝାନିଙ୍ଗ୍ କାଡ଼ନାନ୍ ମାରି ଆଇଝାନିଙ୍ଗ୍ ଜିବନ୍ନୋନାନ୍,
ମାରି ଅରେନ୍ଝାନିଙ୍ଗ୍ ମାନାନାନ୍ ମାରି ଅରେନ୍ଝାନିଙ୍ଗ୍ ମାନାଏନ୍ ।
ମିର୍ ମାପୁରୁ ନି ତାବୁକାସୁଦି ସାକର୍ ଆଦେଙ୍ଗ୍ ଆର୍ଇଦେର୍ ।

୨୫ ଇୟାଉଣ୍ଡିଙ୍ଗ୍ ନାନ୍ ମିଙ୍ଗ୍ ଇଜିନା, ଜିବନ୍ତି ଜିନି ଉଣ୍ଡିଙ୍ଗ୍
ଦରକାରମାନି କାଦି ମାରି ଏର୍ ମାରି ଆରାନି ଉଣ୍ଡିଙ୍ଗ୍ ଦରକାରମାନି
ଆଙ୍ଗ୍ ପାସିୟା ଉଣ୍ଡିଙ୍ଗ୍ ବେମ୍ରି ଆମାଟ୍ । କାଦିଦି ମାଣ୍ଡକୁ ଜିବନ୍

ଇନିକା ନାଶ୍ତ ଦାରା ସିଲେ ? ଆଙ୍ଗୁ ପାସିୟା ମାଣ୍ଡକୁ ମେନ୍ଦଲ ଇନିକା ନାଶ୍ତ ଦାରା ସିଲେ ?

୨୭ ପଟିଆଙ୍ଗୁ ସୁଡ଼ୁ । ଝାକ୍ ଝିଡ଼ୁ ଝିଡ଼ୁ । ପାସି ଉଣା କିଜି କଲ୍‌କିଦୁ ଉଣାକିଡ଼ । ଆରିଙ୍ଗୁବା ମି ମୁସକୁପୁରତି ବୁବା ଝାନିକାଙ୍ଗୁ ତିନ୍‌ଡେଙ୍ଗୁ କାଦି ସିନାନ୍ । ମିର୍ ଇନିକା ପଟିଙ୍ଗୁ ମାଣ୍ଡକୁ ନାଶ୍ତ ଦାରା ସିଲେ ?

୨୮ ମି ଲୋଇ ଏନ୍ ସିନ୍ତା କିଜି କିଜି ନିଜେଦି ଜିନି ବାସୁ ପରିସ୍ କିଦେଙ୍ଗୁ ଆଟ୍‌ନାନ୍ ?

୨୯ “ଆଙ୍ଗୁ ପାସିୟା ଉଣ୍ଡିଙ୍ଗୁ ଏନ୍ଦା ଦାନ୍ଦା ଆଜିନିଦେର୍ ? ସୁଡ଼ୁ, ବନ୍ତି ପୁଙ୍ଗୁକାଙ୍ଗୁ ଏଣ୍ଡେସ୍ ପିରନେ । ଝାକ୍ ପାଣିକିଡ଼ କି ନିଜେଦି ଉଣ୍ଡିଙ୍ଗୁ ଆଙ୍ଗୁଙ୍ଗୁ ରସ୍ତ ।”

୩୦ ମାତର୍ ନାନ୍ ମିଙ୍ଗୁ ଇଜିନା, ରାଜା ସଲମନ୍ ଝାନି ଝିଡ଼ୁ ଦନ୍ ମାରିଙ୍ଗୁ ବା, ଇୟା ପୁଙ୍ଗୁକା ଝାଜା ସୁନ୍ଦର୍ ଆଙ୍ଗୁ ଏସାଙ୍ଗୁ ଆରାଏନ୍‌ମାନ୍ ।

୩୧ ମାତର୍ ନେର୍ ଆମା ଲାଟା କିଡ଼ିଇଦୁ ମାନାଡ଼, ଝିଗେରିଙ୍ଗୁ ତେବାଏଡ଼ କୟାୟାଜି ସିସୁଗୁଟାଦୁ ପୋକ୍‌ନାଟ୍ । ମାତର୍ ଆୟାଝିଡ଼ୁ ବା ମାପୁରୁ ଏସା ସୁନ୍ଦର୍ ଆଙ୍ଗୁ ଆଣ୍ ରସତାମାନାନ୍ । ମିଙ୍ଗୁ ଆଙ୍ଗୁ ପାସିୟା ସିଦେଙ୍ଗୁ ଇଜି ଝାନ୍ ଇନିକା ନାଶ୍ତ ସୁଡ଼ୁଏନ୍ ? ମି ବିସ୍‌ବାସ୍ ସତେ ଏସା ଉଣା !

୩୨ “ଆରିଙ୍ଗୁ, ନା କାଦି ଏମେଣ୍‌କୁ ଝାନାଡ଼, ମାରି ନା ଉଣିକା ? ମାରି ଆଙ୍ଗୁ ? ଇୟା ବିସୟତାନ୍ ସିନ୍ତା କିମାଟ୍ ।”

୩୩ ଏମେକାର୍ ମାପୁରୁଙ୍ଗୁ ନେସ୍‌ଲମାନି ଅଣଜିହୁଦି ଲୋକୁ ଇୟାଝିଡ଼ୁ ବିସୟ ପୟଜି ଅନାଟ୍ । ମାରି ଇୟାଝିଡ଼ୁ ବିସୟ ଜେ ମି ଦରକାର୍‌ମାନାଡ଼, ଆକା ମି ମୁସକୁପୁରତି ବୁବା ନେସ୍‌ନାନ୍ ।

୩୪ ମାରି ମାପୁରୁଦି ରାଜି ବିସୟ ମାରି ମାପୁରୁ ମି ମାଣ୍ଡକୁ ଇନିକା ବଦାକିନାନ୍, ଇୟା ମାଟା ମି ମନ୍‌ଡୁ ଆଗ୍‌ଡ଼ି ବାଡ଼ି ସିଦୁ । ଆରିଙ୍ଗୁ ଝାନ୍ ମିଙ୍ଗୁ ଆଇ ଝିଡ଼ୁ ବିସୟ ଉଣାକିନାସିନାନ୍ ।

୩୫ ମାରି ଝିଗେରି ଉଣ୍ଡିଙ୍ଗୁ ସିନ୍ତା କିମାଟ୍ । ଝିଗେରି ସିନ୍ତା ଝିଗେ କିନିଦେର୍ । ଝିଗେରି ବିସୟତାନ୍ ସିନ୍ତା କିଜି ନେର୍‌ଇ ଦାନ୍ଦାଦିଙ୍ଗୁ ପିରିସ୍ କିମାଟ୍ ।



ଆଇ ଲୋକାଙ୍ଗ ବିସାରକିନିକା
(ଲୁକ ୭:୩୭-୩୮, ୪୧-୪୨)

୧ “ଆଇଖାରି ଦସ୍ ପୟ୍‌ଜିବୁଲ୍‌ମାଟ୍ । ଆରିଙ୍ଗ୍ ମାପୁରୁ ବା ମି ଦସ୍ ଆସ୍‌ଏନ୍ ।”

୨ ☆ଆଇଖାରି ଦସ୍ ବିସୟ୍‌ତାନ୍ ମିର୍ ଏଣ୍ଡେସ୍ ବିସାର୍ କିଜିମାନିଦେର୍, ମାପୁରୁ ଆୟାଝାଜା ମି ବିସାର୍ କିନାନ୍ । ମିର୍ ଆଇଖାରି ଉଣ୍ଡିଙ୍ଗ୍ ଏମେ ନିୟ୍‌ମ୍ କିନିଦେର୍, ଆୟା ନିୟ୍‌ମ୍ ମାପୁରୁ ମି ଉଣ୍ଡିଙ୍ଗ୍ ବା କିନାନ୍ ।

୩ ମି କାଣ୍‌ଗାଦୁ କାଣ୍ଡିପିଲା ମାନିଝାଲେ ଏନ୍ଦା ମି ତଡାନ୍‌ତି କାଣ୍‌ଗାଦୁ ମାନି ଇସ୍‌କାସ୍ତାଦି ଉଣ୍ଡିଙ୍ଗ୍ ମିର୍ ଏନ୍ଦା ମନ୍‌ସିଜିନିଦେର୍ ?

୪ ନିଜେଦି କାଣ୍‌ଗାଦୁ କାଣ୍ଡିପିଲା ମାନ୍‌ବୁ ମାନ୍‌ବୁ ମିର୍ ଆମା ସାହାସ୍‌ତାନ୍ ମି ତଡାନ୍‌ତି କାଣ୍‌ଗାଦାନ୍ ଇସ୍‌କାସ୍ତା କାଣ୍ଡିଦିଙ୍ଗ୍ କୁଡ୍‌ନା ପୋକ୍‌ନାପ୍ ଇଜି ଇଜିନିଦେର୍ ?

୫ ଏ ପୁଲାପୁଲି କିନିକିନ୍ଦେର୍ ! ମି କାଣ୍‌ଗାଦାନ୍ କାଣ୍ଡିପିଲାଦିଙ୍ଗ୍ ଆଗ୍‌ଡି ସପସ୍ ପକ୍‌ଡୁ । ଆରିଙ୍ଗ୍ ମି ତଡାନ୍‌ତି କାଣ୍‌ଗାଦୁ ମାନି ଇସ୍‌କାସ୍ତା କାଣ୍ଡିଦିଙ୍ଗ୍ ମିର୍ ଉସାସ୍‌ତାନ୍ ସୁଡ୍‌ଜି କୁଡ୍‌ତେଙ୍ଗ୍ ଆଟ୍‌ନିଦେର୍ ।

୬ ନୁକୁଡିଆଙ୍ଗ୍ ପବିତ୍ର କାଦି ସିମାଟ୍ । ଇରିଙ୍ଗ୍ ଝାକ୍ ମାର୍‌ଜି ମିଙ୍ଗ୍ କାଟ୍‌ନେପକ୍‌ନେ । ପାନ୍‌ଶ୍ଟିଙ୍ଗ୍ ଆଗ୍‌ଡି ଝେଣ୍ଡି ପକ୍‌ମାଟ୍ । ତାନି ଦାରା ବୁଜାଏଣ୍ଡା ତାନିଙ୍ଗ୍ ଝାକ୍ କେବଲ୍ ପାଦାମ୍‌ଡୁ ମାଟ୍‌ନାପକ୍‌ନାଟ୍ ।

ଲୋସ୍‌ଡୁ, ପୟ୍‌ଡୁ ମାରି ସେର୍‌ଲାଦୁ କଡ୍‌ଡୁ
(ଲୁକ ୧୧:୯-୧୩)

୭ ଲୋସ୍‌ଡୁ, ଆରିଙ୍ଗ୍ ମିଙ୍ଗ୍ ସିଆଇଆନାଟ୍; ପୟ୍‌ଡୁ ମିର୍ ପୟ୍‌ନିଦେର୍; ସେର୍‌ଲାଦୁ କଡ୍‌ଡୁ, ଆବେଟ୍‌କୁ ମି ଉଣ୍ଡିଙ୍ଗ୍ ସେର୍‌ଲା ରେନାସିନାନ୍ ।

୮ ଏନ୍ ଲୋସ୍‌ନାନ୍, ଖାନିଙ୍ଗ୍ ସିଆଇଆନାଡ଼; ଏନ୍ ପୟ୍‌ନାନ୍, ଖାନ ପୟ୍‌ନାନ୍; ଏନ୍ ସେର୍‌ଲାଦୁ କଡ଼ନାନ୍, ଖାନି ଉଣ୍ଡିଙ୍ଗ୍ ସେର୍‌ଲା ରେଆଇଆନାଡ଼ ।

୯ ମି ଲୋଇ ଇୟାଞ୍ଜା ଏମେ ବୁବା ମାନାନ୍, ଏନ୍ ନିଜେଦି କଡ଼ ରୁଟି ଲୋସ୍‌ତିଙ୍ଗ୍ ଖାନିଙ୍ଗ୍ କାଲୁ ସିନାନ୍ ?

୧୦ ମାରି ଖାନ ମିନି ଲୋସ୍‌ତିଙ୍ଗ୍ ଖାନିଙ୍ଗ୍ ଇନିକା ସାରାସ୍ ସିନାନ୍ ?

୧୧ ମିର୍ ତାଗଇ ଲୋକୁ ଆତିଙ୍ଗ୍‌ବା ଏସ୍ତିଞ୍ଜାଲେ ନିଜେଦି ନିଜେଦି କଡ଼ରିଙ୍ଗ୍ ନେଗି ନେଗି ଜିନିସ୍ ସିଦେଙ୍ଗ୍ ନେସ୍‌ନିଦେର୍, ଆରିଙ୍ଗ୍ ମି ମୁସ୍‌କୁପୁରତି ବୁବା ଖାନି ମାନୁ ଲୋସ୍‌ନି ଲୋକାଙ୍ଗ୍ ଏସ ନାଣ୍ଡ ନେଗି ନେଗି ଜିନିସ୍ ସିଏନ୍‌ନ !

୧୨ ମି ଉଣ୍ଡିଙ୍ଗ୍ ଆଇକାର୍ ଆମାକା କିପିର୍ ଇଜି ମିର୍ ବଦା କିନିଦେର୍, ମିର୍ ଆଇଞ୍ଜାରି ଉଣ୍ଡିଙ୍ଗ୍ ଆୟାଞ୍ଜା କିଦୁ । ଇରିଙ୍ଗ୍ ମସା ସିତିମାନି ନିୟମ୍ ନି ବାବବାଦିରି ଦାମ୍‌ସାସ୍ତ୍ରଦି ସିକିୟା ଆଜିନାଡ଼, ତେନି ସଡ଼ ମାଟା ।

ସିପଡ଼ି ସାରି (ଲୁକ ୧୩:୨୪)

୧୩ ସିପଡ଼ି ସେର୍‌ଲା ସିଜି ସାନ୍‌ଡୁ । ଇରିଙ୍ଗ୍ ସାନି ସାରିଦୁ ଅନି ନରକଦି ସାରି ଅସାର୍ ନି ପେରିକା । ନାଣ୍ଡ ଲୋକୁ ଆୟା ସାରି ସିଜି ସନାର୍ ।

୧୪ ମାତର୍ ଏସାଙ୍ଗ୍ ଖିଜ୍‌ଇ ଜିବନ୍‌ଡୁ ସନି ରାସ୍ତା ଆର୍‌ଞ୍ଜା ମାରି ତାନି ସେର୍‌ଲା ସିପଡ଼ି ମାରି ବେସିଉଣା ଲୋକୁ ଇୟା ସାରି ପୟ୍‌ଜି ପୟ୍‌ନାର୍ ।

ମାରାନ୍ ନି ତାନି ପଲ୍ (ଲୁକ ୬:୪୩-୪୪)

୧୫ ବଣ୍ଡ ବାବବାଦିରି ମାଣ୍ଡକୁ ସାବ୍‌ଦାନ୍ ! ଖାର୍ ଆଡ଼ରେ ମେଣ୍ଡାଦିରୁପ୍ ଖାଜା ତରାନାର୍, ମାତର୍ ଖାର୍ ମନ୍‌ଡୁ ଉଣ୍ଡି_ ଉଣ୍ଡି_ ବେନ୍‌ଡୁ ଖାଜା ।

୧୬ ଖାରି ପାଣିସୁଣିଦାନ୍ ମିର୍ ଖାରିଙ୍ଗ୍ ସିନିସ୍‌କିନିଦେର୍ । ସାମ୍ ଦୁପାଦୁ ଅଙ୍ଗୁର୍ ଆସ୍‌ଏଡ଼ ମାରି କଡ଼ି ମାରାଡୁ ତଗା ପଲ୍ ଆସ୍‌ଏଡ଼ ।

୧୭ ନେଗି ମାରାତୁ ନେଗି ପଲ୍ ଆସ୍ନାତ୍ । ତାଗ୍‌ଲ ମାରାତୁ ତାଗ୍‌ଲ ପଲ୍ ଆସ୍ନାତ୍ ।

୧୮ ନେଗି ମାରାତୁ ତାଗ୍‌ଲ ପଲ୍ ଆସ୍‌ଏଡ୍ ବା ତାଗ୍‌ଲ ମାରାତୁ ନେଗି ପଲ୍ ଆସ୍‌ଏଡ୍ ।

୧୯ ☆ ନେଗି ପଲ୍ ଆସ୍‌ଏଡିଙ୍ ମାରାନ୍ କାତାଲଆଜି ସିସୁତୁ ପକାୟ୍ ଆନାତ୍ ।

୨୦ ☆ ଆୟାଝାଜା ବଣ୍ଟ ବାବବାଦିରି ପାଣିସାଣିଦାନ୍ ଝାରିଙ୍ ମିର୍ ସିନିସ୍‌କିଦେଙ୍ ଆଟ୍‌ନିଦେର୍ ।

ନାନ୍ ମିଙ୍‌ ଏସାଙ୍ ନେସେଏ

(ଲୁକ ୭:୨୫-୨୭)

୨୧ ଏମେକାର୍ ନାଙ୍ ପ୍ରବୁ, ପ୍ରବୁ, ଇଜି କୁକ୍‌ନାର୍, ଝାରି ମାଣକୁ ଝିଜେରେ ମୁସ୍‌କୁପୁର୍‌ତୁ ଡଗ୍‌ଲୁଦେଙ୍ ଆଟ୍‌ଏର୍ । ଏମେକାର୍ ନା ମୁସ୍‌କୁପୁର୍‌ତି ବୁବାଦି ବଦାଦାନ୍ ପାଣି କିନାର୍, କେବଲ୍ ଝାର୍ ମୁସ୍‌କୁପୁର୍‌ତୁ ଡଗ୍‌ଲୁଦେଙ୍ ଆଟ୍‌ନାର୍ ।

୨୨ ମାପୁରୁଦି ବିସାର୍ ଦିନ୍ ଇଗା ଝାଡିଙ୍ ଝିଜେରେ ନାଙ୍ ଇନାର୍, ପ୍ରବୁ, ପ୍ରବୁ, ନି ଦର୍‌ତାନ୍ ମାପ୍ ଇନିକା ବାବବାଦିର୍ ମାପୁରୁଦି ନେଗିକାରୁର୍ ଝେର୍‌ଏପ୍‌ମାର୍‌ହାପ୍, ପ୍ରବୁ, ନି ଦର୍‌ତାନ୍ ଦୁବେଙ୍ ଡିସିସ୍‌ତାମାର୍‌ହାପ୍ ମାରି ନାଣ୍ଟ କାବାଆନି ପାଣି କିତାମାର୍‌ହାପ୍ ।

୨୩ ନାସିଝାଲେ ଝାରିଙ୍ ନାନ୍ ଇନା, ମିଙ୍ ନାନ୍ ଏସାଙ୍ ନେସେଏ । ଏ ତାଗ୍‌ଲ ପାଣିକିନି ଝିଜେରେ ନା ଲାକ୍‌ତୁରାନ୍ ଆକ ଆଦୁ !

ରିଏର୍ ଇଲୁ ରସ୍‌ନିକାର୍

(ଲୁକ ୭:୪୭-୪୯)

୨୪ “ଏନ୍ ନା ମାଟା ଝେନ୍‌ଞ୍ଜି ମାନାନାନ୍, ଝାନ୍ ପିଡିପି ମୁସ୍‌କୁ ଇଲୁ ତରଡିମାନି ବୁଦିମାନି ଲୋକୁ ଝାଜା ।

୨୫ ନାଣ୍ଟ ପିରୁ ଝାତାତ୍, ଗାତାଦି ଏର୍ ପୁରୁଣ୍ ଆଜିସର୍‌ହାତ୍ ମାରି ଆୟା ଇଲୁ ମୁସ୍‌କୁ ନାଣ୍ଟ ତାକ୍‌ତାତ୍ ଗାଲି ଝାତାତ୍, ମାତର୍ ଆୟା ଇଲୁଦି ମୁଲ୍‌କୁନାଦି ଝିର୍‌ଜ୍‌ଏତାତ୍ ।

୨୭ “ମାତର ଏମେକାର ନା ମାଟା ଝେନ୍ଝି ମାନାଏନ୍, ଝାର ବାଲିବୁମି ମୁସକୁ ଇଲୁ ରସତିମାନି ମୁକୁ ଝାଜା ।

୨୭ ନାଣ୍ଡ ପିରୁ ଝାତାଡ଼, ଗାତା ଏରୁ ପାଡ଼ି ସତେ । ନାଣ୍ଡ ଗାଲି ଝାତାଡ଼ ମାରି ଇଲୁ ଝିରଜିତାଡ଼ । ଆକା ଏସା ବୟଙ୍କାର ସତେ ।”

ଜିସୁଦି ଅଦିକାର

୨୮ ☆ ଜିସୁ ଇୟାଞ୍ଜିଲୁ ମାଟା ଇରଇଞ୍ଜିସ୍ତି ଝେନ୍ଝା, ଲୋକ୍ ଝିଜେରେ ଝାନି ସିକିୟାଦିଙ୍ଗ କାବାଆତାର ।

୨୯ ଜିସୁ ଆଇ ଦାମ୍ବୁଗୁରୁରି ଝାଜା ସିକିୟା ସିଏନ୍‌ଶ୍ୱା ଅଦିକାର ପୟତିମାନି ଲୋକ୍ତି ଝାଜା ସିକିୟା ସିଜିମାହାନ୍ ।

୮

ଜିସୁ ଅରେନ୍ କୁସ୍ତୁ ରୋଗିଙ୍ଗ ନେଗେନ୍‌କିତାନ୍

(ମାର୍କ ୧:୪୦-୪୫; ଲୁକ ୫:୧୭-୧୭)

୧ ଜିସୁ ଗରନ୍ ମୁସକୁରାନ୍ ରେତାତି ଝେନ୍‌କା ନାଣ୍ଡ ଲୋକ୍ ଝାନି ଝେନ୍‌କା ବୁଲାଦେଙ୍ଗ ଆସ୍ତାର ।

୨ ନାସ୍ତିଝାଲେ ଅରେନ୍ କୁସ୍ତୁରୋଗି ଲୋକ୍ ଝାନି ଲାକ୍ତୁ ଝାଜି ମାଡ଼ିସ୍‌କିଜି ଇହାନ୍, “ଏ ପ୍ରବୁ, ନିନ୍ ଜଦି ବଦା କିନି, ନାଙ୍ଗ୍ ନେଗେଶ୍ୱ କିଦେଙ୍ଗ ଆଟ୍‌ନି ।”

୩ ଜିସୁ କିୟୁ ପେର୍ଜି ଝାନିଙ୍ଗ ମୁଟ୍‌ସି ଇହାନ୍, “ନାନ୍ ବଦା କିଜିନା, ନେଗେଶ୍ୱ ଆଆ ।” ଦାପେ ଦାପେ ଆୟା ଲୋକ୍ତି କୁସ୍ତୁରୋଗ୍ ନେଗେନ୍‌ଆତାଡ଼ ।

୪ ଜିସୁ ଝାନିଙ୍ଗ ଇହାନ୍, “ଝେନ୍‌ଆ, ଜାଗାରତା, ନିନ୍ ଏଣ୍ଡେସ୍ ନେଗେନ୍‌ଆତି, ଏଙ୍ଗ୍‌ବା ଇନିକା ଇନ୍‌ମା; ମାତର ସିଦା ଜାଜକରି ମାନୁ ସଲ୍‌ସି ନିଜେଦିଙ୍ଗ ତରାଇଆଆ ମାରି ମୋସା ନେଗେନ୍ ଆତିମାନି ଇଜି ଝିଜେରିଙ୍ଗ ସାକି ସିଦେଙ୍ଗ ଇଜି ମୋସାଦି ଆଦେସ୍ ସିତିମାନି ପୁଜା ସିଆ ।”

ଜିସୁ ଅରେନ୍ ରମିୟ ନେତାଦି ପାଣିକିନିଝାନିଙ୍ଗ ନେଗେନ୍‌କିତାନ୍
(ଲୁକ ୭:୧-୧୧)

☆ ୭:୨୮ ମାର୍କ ୧:୨୭; ଲୁକ ୪:୩୭.

୫ ଜିସୁ କପରନାହୁମ୍ ଗାଡ଼ୁଡ଼ୁ ଡରିଡ଼ି ଦାପ୍ରେ ଅରେନ୍ ରମିୟ ନେତା
 ଖାନିଙ୍ଗ୍ ବେଟ୍‌ବୁଡ଼ାଜି ମାଡ଼ିସକିଜି ଇର୍ହାନ,

୬ “ପ୍ରବୁ, ନା ଅରେନ୍ ପାଣିକିନିକାନ୍ ନବ୍‌ତି ଉଣ୍ଡିଙ୍ଗ୍ ଡରିଡ଼ାମାନାନ୍
 । ଖାନ୍ ବୁଲାସାଲାଦେଙ୍ଗ୍ ଆଟ୍‌ଏଜିନାନ୍, ନାଣ୍ଟ ବାଦାଜି ଇଲୁଦୁ
 ଡରିଡ଼ାମାନା ।”

୭ ଜିସୁ ଇର୍ହାନ, “ନାନ୍ ଖାଜି ଖାନିଙ୍ଗ୍ ନେଗେନ୍‌କିନା ।”

୮ ନେତା ଇର୍ହାନ, “ସିଲେ ପ୍ରବୁ” ନିନ୍ ଜେ ନା ଇଣ୍ଡୁ ପାଦାମ୍ ଇଡ଼ନି
 ନାନ୍ ଇୟାଖାଜା ଜୋଗ୍ ସିଲେ । ନିନ୍ କେବଲ୍ ଉନ୍‌ଡ଼ି ପଦ୍‌ମାଟାଦି
 ଆଦେସ୍ ଇନ୍‌ଆଁ, ନା ପାଣିକିନିକାନ୍ ନେଗେନ୍ ଆନାସନାନ୍ ।

୯ “ନା ପେରିଖାନି ଆଡ଼ଗିମାନୁଞ୍ଜି ନାନ୍ ପାଣି କିତିଙ୍ଗ୍‌ବା ନା ଆଡ଼ଗି
 ନାଣ୍ଟ ସନ୍‌ଏ ଦଲ୍ ମାନାର୍ । ଖାରି ଲୋଇ ଅରେନ୍ ଖାନିଙ୍ଗ୍ ଜଦି ନାନ୍
 ସାଙ୍ଗ୍‌ଆ ଇଜି ଆଦେସ୍ ସିତିଙ୍ଗ୍, ଖାନ୍ ସନାନ୍ । ଆଇଖାନିଙ୍ଗ୍ ରାଆ,
 ଇଜି ଇରିଙ୍ଗ୍, ଖାନ୍ ଖାନାନ୍ । ନା ସାକର୍‌ତିଙ୍ଗ୍ ଇକା କିଆ, ଇଜି ଇନି
 ଦାପ୍ରେ ଖାନ୍ ଆକା କିନାନ୍ ।”

୧୦ ଜିସୁ ଇକା ଝେନ୍‌ଞ୍ଜି କାବାଆତାନ୍ ମାରି ଖାନି ଝେନ୍‌କା ଖାଜିମାରି
 ଲୋକାଙ୍ଗ୍ ଇର୍ହାନ, “ନାନ୍ ମିଙ୍ଗ୍ ସଡ଼ଇଜିନା, ଇସ୍‌ଏଲ୍‌ଡୁ ବା ଏମେ
 ଲୋକାମାନୁ ଇୟା ଲୋକ୍‌ତି ଖାଜା ବିସ୍‌ବାସ୍ ନାନ୍ ଡଏ ।

୧୧ ☆ନାନ୍ ସଡ଼ ଇଜିନା, ଝେଡ଼ାସନି ଡରିଟି ଦେସ୍‌ତାନ୍ ମାରି
 ଝେଡ଼ାଆର୍‌ନି ଡରିଟି ଦେସ୍‌ତାନ୍ ନାଣ୍ଟ ଲୋକୁ ଖାଜି ଅବ୍ରାହାମ୍,
 ଇସ୍‌ହାକ୍ ମାରି ଜାକୁବ୍‌ଦି ଖାଲେ ମୁସ୍‌କୁପୁରତି ରାଜିଦୁ ଅରସେ ବଜିଦୁ
 ଉଣ୍ଡେଙ୍ଗ୍ ବାସନାର୍ ।

୧୨ ☆ମାତର୍ ଏମେକାର୍ ଇୟା ମାପୁରୁଦି ରାଜିଦୁ ମାନି ମାଟା,
 ଖାରିଙ୍ଗ୍ ଆଡ଼ରେ ସିକାଟିଦୁ ପକ୍‌ନାର୍ । ଆବେ ଖାର୍ ଆଡ଼ବାଜି ପାଲ୍‌କୁ
 କାଡ଼େ କିନାର୍ ।”

୧୩ ଜିସୁ ନେତେଙ୍ଗ୍ ଇର୍ହାନ, “ଇନ୍‌ଡୁ ସାଙ୍ଗ୍‌ଆ । ନିନ୍ ଆମାକା
 ବିସ୍‌ବାସ୍ କିଜିନି, ଆକାନେ ଗଟାନାର୍ ।”

ଟିକ୍ ଆୟା ସମୟଡୁ ନେତାଦି ପାଣିକିନିକାନ୍ ନେଗେନ୍‌ଆତାନ୍ ।

ଜିସୁ ନାଣ୍ଡ ଲୋକାଙ୍କ ନେଗେନ୍‌କିନାନ୍

(ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାନେ ଝେନ୍‌କା ଜିସୁ ପିତରକା ଇନ୍‌ତ୍ର ସଲ୍‌ସି ସୁଡ଼ୁଆନ୍, ପିତରତି ମିମ୍‌ସି ନବ୍‌ଆଜି କାଟେଲ୍‌ତୁ ଡରିତାମାନାଡ଼ ।

୧୫ ଜିସୁ ତାନି କିୟୁଦିଙ୍ଗ୍ ମୁଟ୍‌ତି ଦାପ୍ରେ ତାନିଙ୍ଗ୍ ନବ୍ ଡିସ୍‌ତାଡ଼ ମାରି ଖାଦ୍ ନିଙ୍ଗ୍‌ଜି ଖାରିଙ୍ଗ୍ ସେବା କିଦେଙ୍ଗ୍ ଆସ୍‌ତାଡ଼ ।

୧୬ ମିଲ୍‌ମିଲିକା ଆତାଡ଼‌ଆକା ଲୋକୁ ନାଣ୍ଡ ଦୁବେଙ୍ଗ୍ ଆସ୍‌ତି ଲୋକାଙ୍କ୍ ଜିସୁ ଲାକ୍‌ତୁ ତାତାର । ଉଣ୍ଡି ପଦ୍ ମାତର୍ ମାଟାଦାନ୍ ଖାନ୍ ତାଗ୍‌ର ଆମ୍ବେଆଙ୍ଗ୍ ଧୈରିତାନ୍ ମାରି ରଗ୍ ଲୋକାଙ୍କ୍ ନେଗେଣ୍ଡ କିତାନ୍ ।

୧୭ ଇୟାଖାଜା ଖାନ୍ ବାବବାଦି ଜିସାୟଦି ବବିସ୍‌ତବାଣି ସଡ଼ କିତାନ୍ । ଜିସାୟ ଇର୍ହାମାର୍ହାନ୍, “ଖାନ୍ ମା ଦୁକୁକାସ୍‌ ଝିଜୁ ଅତାନ୍ ମାରି ମା ରଗ୍ ନେଗେନ୍‌କିତାନ୍ ।”

ଜିସୁଦି ସିସୁଆଦେଙ୍ଗ୍ ବଦାକିନି ଲୋକୁ

(ଲୁକ ୯:୫୭-୬୨)

୧୮ ଖାନି ସାରିବେଡ଼୍‌ତି ଲୋକୁ ଝିଜେରେ ଉଣ୍ଡାନିକା ସୁଡ଼୍‌ଜି, ଜିସୁ ଖାନି ସିସୁରିଙ୍ଗ୍ ଗାତାଦି ଆୟା ପାଡ଼ି ସନ୍‌ଡେଙ୍ଗ୍ ଇର୍ହାନ୍ ।

୧୯ ଅରେନ୍ ଦାମ୍‌ଗୁରୁ ଖାଜି ଜିସୁଙ୍ଗ୍ ଇର୍ହାନ୍, “ଗୁରୁ, ନିନ୍ ଏମେ ବାଡ଼ିତୁ ସନି, ଆବେ ସନ୍‌ଡେଙ୍ଗ୍ ଇଜି ନାନ୍ ତିଆର୍‌ଆତାମାନା ।”

୨୦ ଜିସୁ ଖାନିଙ୍ଗ୍ ଇର୍ହାନ୍, “ଗଲୁଦିଙ୍ଗ୍ ତେବାଦେଙ୍ଗ୍ ସାରାଆ ମାନାଡ଼, ବାଦଡ଼୍‌ତି ପଟିଦିଙ୍ଗ୍ ତେବାଦେଙ୍ଗ୍ ଜାଲୁ ମାନାଡ଼ । ମାତର୍ ଗୁରୁଦେଙ୍ଗ୍ ନି ରମ୍‌ଦେଙ୍ଗ୍ ଇଜି ମନ୍‌ସ୍ୟପୁତ୍ରଦିଙ୍ଗ୍ ବାଡ଼ି ସିଲେଡ଼ ।”

୨୧ ଜିସୁଦି ମାରି ଅରେନ୍ ସିସୁ ଇର୍ହାନ୍, “ପ୍ରବୁ, ଆଗ୍‌ଡି ଡେସି ସଲ୍‌ସି ନା ବୁବେଙ୍ଗ୍ ମୁସ୍‌ତେଙ୍ଗ୍ ଇଜି ନାଙ୍ଗ୍ ସାରି ସିଦା ।”

୨୨ ଜିସୁ ଖାନିଙ୍ଗ୍ ଇର୍ହାନ୍, “ନା ଝେନ୍‌କା ଝେନ୍‌କା ରାଆ, ସାତି ଖାରିଙ୍ଗ୍ ନିଜେ ନିଜେଦି ସାତି ଲୋକାଙ୍କ୍ ମୁସ୍‌ତେଙ୍ଗ୍ ଇଜି ଡିସ୍‌ତୁ ।”

ଜିସୁ ଗାଲିପିରୁଦିଙ୍ଗ୍ ତିର୍କିତାନ୍

(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଅରଲେନ୍ ଜିସୁ ଡଙ୍ଗାଦୁ ଏକ୍ତି ଖେନକା ଖାନି ସିସୁର୍ ଖାନି ଖେନକା ଖେନକା ସହାର ।

୨୪ ଦାପ୍ରେ ଗାତାଦୁ ଉଣ୍ଡି ପେରି ଗାଲିପିରୁ ନିଙ୍ଗାତ ମାରି ଡଙ୍ଗା ଉଲ୍ଲକାଏରୁତୁ ମୁଡ଼ଗୁଦେଙ୍ଗ ଆସତାତ । ମାତର୍ ନାସ୍ତିଖାଲେ ଜିସୁ ସୁଜିତାମାର୍ହାନ ।

୨୫ ସିସୁର୍ ଜିସୁଙ୍କୁ ନିକ୍ସି ଇର୍ହାର, “ଏ ପ୍ରବୁ, ମାଙ୍ଗ ରକିୟାକିଆ । ଆସତିଙ୍ଗ ମାପ୍ ମୁଡ଼ଗୁନା ସାନାପ୍ ।”

୨୬ ଜିସୁ ଖାରିଙ୍ଗ ଇର୍ହାନ, “ଏନ୍ଦା ମିର୍ ନିସ ତିଲାଜିନିଦେର୍ ?” ମିର୍ ଇନିକା ନିସ ଅଡ଼ପ୍ ବିସବାସିର୍ ? “ତାନିଖେନକା ଖାନ ନିଙ୍ଗାଜି ଗାଲି ନି ଉଲ୍ଲକାଏରତିଙ୍ଗ ତିର୍ ଆଦେଙ୍ଗ ଇଜି ଆଦେସ୍ ସିତାନ ।” ଦାପେ ଦାପେ ଝିଜୁ ତିର୍ ଆତାସହାର ।

୨୭ ଆବେଟ୍ ଝିଜେରେ କାବା ଆତାର । ଖାର ନିଜେ ନିଜେମାନୁ ଖାର୍ଗି ସତାର, “ଇକାନ ଏଣ୍ଡେସ୍ ନାନି ଲୋକୁ ? ଗାଲି ନି ଉଲ୍ଲକା ବା ଖାନି ଆଦେସ୍ ମାନାଜିନେ ।”

ରିଏର୍ ଦୁବାଆସତି ଲୋକାଙ୍ଗ ଜିସୁ ନେଗେନକିତାନ

(ମାର୍କ ୫:୧-୨୦; ଲୁକ ୮:୨୬-୩୯)

୨୮ ଖେନକା ଜିସୁ ଗାତା ଆୟା ପାଡ଼ିଦି ଗାଦରିୟରି ରାଜିଦୁ ଇତି ଦାପ୍ରେ ରିଏର୍ ଲୋକାଙ୍ଗ ବେଟ୍‌ବୁଡାତାନ । ଖାର ଆବେ ମାନି ଦୁକିଗୁଟାଦୁ ତେବାଜିମାର୍ହାର । ଖାର ଦୁବେଙ୍ଗ କାସ୍ତିକାର ମାରି ନିସ ତିୟେଲ୍‌ଜେ ଆୟା ସାରିସିଜି ସନିଖାନିକା କିଦେଙ୍ଗ ଏନ୍ ସାସ୍ କିଏଜିମାର୍ହାର ।

୨୯ ଖାର ଜିସୁଙ୍କୁ ସୁଡ଼ତି ଦାପ୍ରେ ଆଉଲି ଆଜି ଇର୍ହାନ, “ଏ ମାପୁରୁଦି ମାରିସି ! ମାବାଣକୁ ନିନ୍ ଇନିକା ବଦାକିନି ? ମା ବେଡ଼ା ଆଏନ୍‌ଶ୍ଟା ମାଙ୍ଗ ଇନିକା ଦଣ୍ଡି ସିଦେଙ୍ଗ ଖାତିମାନି ?”

୩୦ ଆବେଣ୍ଟୁ ଏସ ଆକଉଣ୍ଡି ପେରି ପାନ୍‌ଶ୍ଟିଙ୍ଗ ମାନ୍ଦା ସାରାଜିମାର୍‌ଏ ।

୩୧ ଆୟା ଲୋକାମାନୁ ମାନି ତାର୍‌ଇ ଆଡ଼ମେଙ୍ଗ ଜିସୁଙ୍କୁ ମାଡ଼ିସ୍ କିଜି ଇର୍‌ଏ, “ମାଙ୍ଗ ଜଦି ପେର୍‌ଦେଙ୍ଗ ବଦାକିଜିନି, ଆୟା ପାନ୍‌ଡ଼ି ମାନ୍ଦା ଲୋଇ ମାଙ୍ଗ ପକ୍‌ଆ ।”

୩୨ ଜିସୁ ଇର୍ହାନ, “ସାନୁ” ଦୁବେଙ୍ଗ ଦାପେ ଦାପେ ଲୋକାଙ୍ଗ ଡିସ୍‌ସି ପାନଡ୍ରୁ ମାନ୍ଦା ଲୋଇ ଡ୍ରୁଟେ । ପାନଡ୍ରୁ ମାନ୍ଦା ଉରୁକ୍‌ସି ସହେ ମାରି ଗରନ୍ ଟିପୁଦାନ୍ ଉରୁକ୍‌ସି ସଲ୍‌ସି ସାମ୍‌ଦୁର୍‌ଡୁ ଆର୍‌ଜି ମୁଡ୍ରୁଟେ ସାଡେ ।

୩୩ ପାନଡ୍ରୁଆଙ୍ଗୁ ସାଆରା କିନି ଲୋକୁ ଲାକ୍‌ଡୁରି ଗାଡ଼କାଙ୍ଗ ନି ନାରକାଙ୍ଗୁ ସଲ୍‌ସି ଦୁବେଙ୍ଗ ଆସଡି ଲୋକାଙ୍ଗ ଇନିକା ଗଟାତାମାର୍‌ହାଡ଼ ମାରି ଆଇ ଝିଜୁ ମାଟା ଆବେ ଝେରୁତାର ।

୩୪ ଆଦେଙ୍ଗ ଆୟା ଗାଡ଼ଡି ଝିଜେରେ ଜିସୁଙ୍କୁ ବେଟ୍‌ରୁଡାଦେଙ୍ଗ ସହସି ଝାତାର ମାରି ଝାନିଙ୍ଗ ସୁଡ଼ି ଝେନ୍‌କା ଆୟା ରାଜିଦାନ୍ ଡିସ୍‌ସି ସନ୍‌ଡେଙ୍ଗ ଜିସୁଙ୍କୁ ମାଡ଼ିସକିତାର ।



ଜିସୁ ଅରେନ୍ ପକିୟାଗାଡି ରୋଗିଙ୍ଗ ନେଗେନ୍‌କିତାନ୍

(ମାର୍କ ୨:୧-୧୨; ଲୁକ ୫:୧୭-୨୬)

୧ ଜିସୁ ଡଙ୍ଗାନ୍ ବାସ୍‌ସି ଗାଡାଦି ଆୟାପାଡି ମାନି ଝାନି ଗାଡ଼ଡୁ ଡେସିସର୍‌ହାନ୍ ।

୨ ଆବେ ଅରେନ୍ ଲୋକ୍ ପକିୟାଗାଡି ରୋଗ୍ ଲୋକ୍‌ଡିଙ୍ଗ ଲୋକୁ ଝାନି ଲାକ୍‌ଡୁ ତାତାର । ରଗ୍‌ଡିକାନ୍ ଝାନି ଖାଟେଲ୍‌ଡୁ ଡରିତାମାର୍‌ହାନ୍ । ଝାରି ନିସ ବିସ୍‌ବାସ୍ ସୁଡ଼ି ଜିସୁ ପକିୟାଗାଡି ରୋଗ୍ ଲୋକ୍‌ଡିଙ୍ଗ ଇର୍ହାନ, “ଏ ମାରିନ୍, ସାହାସ୍ ଆସ୍‌ଆ । ନି ପାପ୍‌ଝିଜୁ କେମା ଆତାମାନାଡ଼ ।”

୩ ଏସ ସାସ୍‌ସିର୍ ଇୟା ମାଟା ଝେନ୍‌ଞ୍ଜି ଝାରି ଝାରି ଲୋଇ ଝାର୍‌ଗିଦେଙ୍ଗ ଆସ୍‌ତାର, “ଇୟା ଲୋକୁ ମାପୁରୁଙ୍ଗ ନିନ୍ଦା କିଜିନାନ୍ ।”

୪ ଝାରି ମୋନ୍‌ଡୁ ମାଟା ନେସ୍‌ସି ଜିସୁ ଇର୍ହାନ, ମିର୍ ଏନ୍ଦା ନିଜେ ନିଜେଦି ମନ୍‌ଡୁ ଇୟାଝାଜା ତାଗ୍‌ଇ ମାଟା ଅଡ଼ିଜିନିଦେର୍ ?

୫ ଇନିକା ଉସାସ୍ ? ନି ପାପ୍‌ଝିଜୁ କେମା ଆତାଡ଼ ଇଜି ଇନିକା, ମାରି, ନିଙ୍ଗୁଆ, ବୁଲାଆ ଇଜି ଇନିକା ?

୬ ମାଡର୍ ପାପ୍‌କେମା କିନି ଉଣ୍ଡିଙ୍ଗ ବା ଦୁନିଆଦୁ ମନ୍‌ସ୍ୟପୁଡ୍ରୁଦି ଅଦିକାର୍ ମାନାଡ଼, “ଇୟା ମାଟା ମି ଆଗ୍‌ଡି ପାର୍‌ମାଶ୍‌କିନା ।”

ତାନିଝେନକା ଜିସୁ ପକିୟାରଗିଙ୍ଗ ଇର୍ହାନ, “ନିଙ୍ଗ ଆ, ନିଜେଦି ଟାଟି ଆସ୍‌ସି ମି ଇଣ୍ଡୁସାଙ୍ଗଆ ।”

୭ ରଗ୍ ଲୋକୁ ନିଙ୍ଗି ଇନ୍‌ଡୁ ସର୍ହାନ ।

୮ ଲୋକୁ ଇକା ସୁଡ଼ଜି ଡିଲାତାର । ମାତର ଲୋକତିଙ୍ଗ ଇୟାଞ୍ଜା ଅଦିକାର ସିତାମାନାନଆକା ଖାର ମାପୁରୁଦି ଦନ୍‌ସବାଦ୍ କିତାର ।

ଜିସୁ ମାତିତଙ୍ଗ କୁକ୍‌ତାନ

(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜିସୁ ଆବେଟ୍‌କୁ ବୁଲାଜିସନିଞ୍ଜାଲେ ମାତିତ ଦର୍ତ୍ତି ଅରେନ୍ ସିସ୍‌ରୁ ଲୋସନିଞ୍ଜାନିଙ୍ଗ ନିଜେଦି ପାଣିକିନି ବାଡିଦୁ ବାସନିମାନିକା ସୁଡ଼ତୁାନ ମାରି ଖାନିଙ୍ଗ କୁକ୍‌ସି ଇର୍ହାନ, “ନା ଝେନକା ଝେନକା ରାଆ ।”

ମାତିତ ନିଙ୍ଗି ଖାନି ଝେନକା ସର୍ହାନ ।

୧୦ ✧ ଜିସୁ ମାତିତରି ଇଲ୍‌ତୁ ଉଣିଞ୍ଜାଲେ ନାଣ୍ଟ ସିସ୍‌ରୁ ଲୋସନିକାର୍ ମାରି ପାପି ଲୋକୁ ଖାନି ଖାଲେ ମାରି ଖାନି ସିସ୍‌ରି ଖାଲେ ଉଣ୍ଡେଙ୍ଗ ବାସ୍‌ତାର ।

୧୧ ଏସଲୋକ୍ ପାରୁସିର୍ ଆକା ସୁଡ଼ଜି ଜିସୁଦି ସିସ୍‌ରିଙ୍ଗ ଝେନବାତାର, “ମି ଗୁରୁ ସିସ୍‌ରୁ ଲସନିଞ୍ଜାରିଞ୍ଜାଲେ ନି ପାପିଲୋକା ଖାଲେ ଏନ୍‌ଦା ଅର୍‌ସେ ବାସ୍‌ସି ଉଣ୍ଡିନାନ ।”

୧୨ ଜିସୁ ଖାରି ମାଟା ଝେନଞ୍ଜି ଇର୍ହାନ, “ନେଗି ଲୋକା ଉଣ୍ଡିଙ୍ଗ ଡାକ୍‌ତର୍‌ତି ଲୋଡ଼ା ସିଲେଡ୍ । କେବଲ୍ ରଗ୍ ଲୋକୁ ଡାକ୍‌ତର୍‌ତି ଲୋଡ଼ାକିନାର ।

୧୩ ✧ ସାସ୍ତ୍ରୁ ରାସାତାମାନାଡ୍, ନାନ୍ ବଦାକିନା ଦୟା, ପୁଜାସିନିକା ସିଲେ ଇୟା ମାଟାଦି ଅର୍ତ୍ତ ଇନିକା, ସଲ୍‌ସ ବୁଜାଦେଙ୍ଗ ବଦାକିଦୁ । ନାନ୍ ଦାର୍ମ୍ ଲୋକାଙ୍ଗ କୁକ୍‌ଡେଙ୍ଗ ରେଏ; ମାତର୍ ପାପି ଲୋକାଙ୍ଗ କୁକ୍‌ଡେଙ୍ଗ ଇଜି ଖାତାମାନା ।”

ଉପାସ୍ ବିସୟତାନ ଝେନବାତାର

(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ତେନିଝେନକା ଭୁବନ୍ ସିନି ଯୋହନତି ସିସୁର ଜିସୁ ଲାକଡୁ ଖାଜି ଝେନବାତାର, “ମାପ୍ ନି ପାରୁସିର ନିସ ଦେବେଙ୍ଗ ଉପାସକିଜିନାପ, ନି ସିସୁର ଏନ୍ଦା ଏସାଙ୍ଗ ବା ଉପାସକିଏଜିନାର ?”

୧୫ ଜିସୁ ଇର୍ହାନ, ପେଡ଼ିଦୁ ମୁରୁଲି ମାନିସାନ୍ତି କୁଡ଼ାଙ୍ଗା ଇନିକା ଦୁକ୍କିନାର ? ଏସାଙ୍ଗ ସିଲେ । ମାତର ଦିନ୍ ଖାନାଡ଼, ଏସ୍ତିଝାଲେ ମୁରୁଲି ସନାନ୍; ନାସ୍ତିଝାଲେ ଖାର ଉପାସ କିନାର ।

୧୬ “ଏନ୍ ପାଡ଼ିଲ ଖାତିଦୁ ପୁନି କନାଦି ଜାଲି ଗୁଡ଼ଏନ୍ । ଇରିଙ୍ଗ ପୁନି କନାଦି ଜାଲି ରେଲାଇଆଜି କିଜିତି ବାଡ଼ିଦିଙ୍ଗ ନାଶ୍ତି କିଜିସକିନାଡ଼ ।”

୧୭ “ଏନ୍ ପାଡ଼ିଲ ତଲ୍ ମଣିଦୁ ପୁନି ଅଙ୍ଗୁରରସ ବଡ଼ କିଜି ଇଡ଼ଏନ୍ । ଇରିଙ୍ଗ ଆବେଟ୍ କୁ ମଣି ପାଡ଼ିଲିସଲ୍ ସେଏଶ୍ଚୁଆନାଡ଼ ମାରି ଅଙ୍ଗୁରରସ ସହସି ଆଡ଼ଗିଝାଙ୍ଗ ନେ । ଅଙ୍ଗୁର ରସତିଙ୍ଗ ପୁନି ତଲ୍ ମଣିଦୁ ଇଡ଼ତିଙ୍ଗ, ରୁଣ୍ଡି ଅଙ୍ଗୁରରସ ନି ତଲ୍ ମଣି ନେଗେଶ୍ଚୁତେବାନେ ।”

ଜାଇରସ୍ତି ଗାଡ଼ି, ମାରି ଜିସୁଦି ସାଦର ଜାଲି ମୁଟ୍ ନି ଆଇମା

(ମାର୍କ ୫:୨୧-୪୩; ଲୁକ ୮:୪୦-୫୬)

୧୮ ଜିସୁ ଇୟାଞ୍ଜିଲୁ ସିକିୟା ସିନିଝାଲେ ଅରେନ୍ ଜିହୁଦି ପେରି ପାଣିକିନିକାନ୍ ଖାନି ଲାକଡୁ ଖାଜି ମେଣ୍ଡେଙ୍ଗ ଗଟ୍ କିଜି ଇର୍ହାନ, “ଇୟାଦାପ୍ରେ ନା ଗାଡ଼ି ସାତାମାନାଡ଼ । ମାତର ନିନ୍ ଖାଜ ତାନି ମୁସକୁ କିୟୁ ଇଡ଼ତିଙ୍ଗ, ଖାଦ୍ ସତେନେ ଜିନାଡ଼ ।”

୧୯ ଦାପେ ଦାପେ ଜିସୁ ନିଙ୍ଗ ତାନ୍ ମାରି ଖାନ୍ ନି ଖାନି ସିସୁର ଆୟା ପାଣିକିନିଝାନି ଝେନକା ଝେନକା ସର୍ହାର ।

୨୦ ଝେନକା ଅରେଡ଼ ଆଇମାଲୋକ୍ ଖାନି ଝେନକା ତରିଟାନ୍ ଖାଜି ଖାନି ଖାତି ଜାଲିଦିଙ୍ଗ ମୁଟ୍ ତାଡ଼ । ଖାଦ୍ ବାର ବାରସେକ୍ ସାନ୍ତି ସୁଡୁକ୍ ଆନି ରୋଗ୍ ଦଶ୍ଚବଗାଜି ମାର୍ହାଡ଼ ।

୨୧ ଖାଦ୍ ମୋନ୍ ତୁ ମୋନ୍ ତୁ ଅଡ଼ବିତାଡ଼, “କେବଲ୍ ଖାନି ଖାତିଦିଙ୍ଗ ମୁଟ୍ ତେଙ୍ଗ ଆଡ଼ତିଙ୍ଗ, ନାନ୍ ନେଗେନ୍ ଆନାସନା ।”

୨୨ ଜିସୁ ମାର୍ଜି ବେସସି ତାନିଙ୍ଗ ସୁଡ଼ୁତୁନ୍ ମାରି ଇର୍ହାନ, “ଆଇଲି, ସାହାସ୍ ଆସଆ । ନି ବିସବାସ୍ ନିଙ୍ଗ ନେଗେନ୍ କିତାମାନାଡ଼ ।” ଆୟା ଦାପ୍ରେ ଆୟା ଆଇମା ନେଗେନ୍ ଆତାସର୍ହାଡ଼ ।

୨୩ ତାନି ଝେନକା ଜିସୁ ଆୟା ଜିହୁଦିରି ପେରି ପାଣିକିନିଝାନି
ଇଲ୍ଲତୁ ଇତାନ । ଆବେଟ୍ ମୁସ୍‌ନିଝାଲେ ପିରଡ଼ି ଉକୁଡେଙ୍ଗ୍ ଇଜି
କୁକ୍‌ଡିମାର୍‌ଇ ଲୋକ୍ ନି ଆଇ ଲୋକୁ ଆଉଲିଆଜିମାନିକା ସୁଡ଼ଜି,

୨୪ ଜିସୁ ଇର୍ହାନ, “ଝିଜେରେ ଇବେଟ୍‌କୁ ସହସ୍‌ ସାନ୍‌ଡୁ ! ଆଇଲି
ସାଏଡ଼ । କେବଲ୍‌ ଝାଦ୍ ସୁସ୍‌ତାମାନାଡ଼ !” ଝାନି ମାଟା ଝେନଜି
ଝିଜେରେ ବାସେ କିତାର ।

୨୫ ମାତର ଝାର ସଡ଼ି ସରରି ଝେନକା ଜିସୁ ଆଇଲିଦି ବାକ୍‌ରାଦୁ
ସଲ୍‌ସି ତାନି କିୟୁ ଆସ୍‌ସି ନିକ୍‌ତାନ ମାରି ଝାଦ୍ ନିଙ୍ଗ୍‌ତାଡ଼ ।

୨୬ ଇୟା ଗଟ୍‌ନାଦି କାରୁର ଆୟା ରାଜି ଝିଜୁ ତରିନ୍ ଝେଙ୍ଗ୍‌ତା
ସର୍ହାଡ଼ ।

ଜିସୁ ରିଏର୍ କାଣାରିଙ୍ଗ୍ ସୁଣି ସାକ୍ତି ସିତାନ

୨୭ ଜିସୁ ଆବେଟ୍‌କୁ ସନିଝାଲେ ରିଏର୍ କାଣାର ଝାନି ଝାଲେସର୍ହାର
। ଝାର ଆଉଲିଇଜି ଇର୍ହାର, “ଏ ଦାଉଦତି ମାରିନ୍, ମାଙ୍ଗ୍‌ ଦୟା
କିଆ ।”

୨୮ ଜିସୁ ଉଣ୍ଡି ଇନ୍‌ଡ୍ର ଡ଼ଗ୍‌ତାନ । ମାରି ଝାନ ବା ସଲ୍‌ସି ଆୟା
ଇନ୍‌ଡ୍ର ଡ଼ଗ୍‌ତାର । ଆବେ ଜିସୁ ଝାରିଙ୍ଗ୍ ଝେନବାତାନ, “ନାନ୍ ମିଙ୍ଗ୍‌
ନେଗେନ୍ କିଦେଙ୍ଗ୍ ଆଟ୍‌ନାଇଜି ବିସ୍‌ବାସ୍ କିଜିନିଦେରନୋ ?”

ଝାର ଇର୍ହାର, “ହୁଁ ପ୍ରବୁ ।”

୨୯ ନାସ୍ତିଝାଲେ ଜିସୁ ଝାରି କାଣ୍‌କାଙ୍ଗ୍ ମୁଟ୍‌ସି ଇର୍ହାନ, “ମି ବିସ୍‌ବାସ୍
ଇସାବ୍‌ତାନ ଆକା ଆପିଡ଼ ।”

୩୦ ଆୟାଦାପ୍‌ ଝାର କାଣ୍‌କୁ ସୁଡ଼ଦେଙ୍ଗ୍ ଆଟ୍‌ତାର । ଜିସୁ ଝାରିଙ୍ଗ୍
ନାଣ୍ଡ ଆଟ୍‌ଝା ଆଦେସ୍‌ ସିଜି ଇର୍ହାନ, “ଜାଗାରତା ! ଏନ୍ ଏଣ୍ଡେସ୍ ଇୟା
ମାଟା ନେସ୍‌ଏନ୍ ।”

୩୧ ମାତର ଝାର ଆବେଟ୍‌କୁ ସହସି ସଲ୍‌ସି ଜିସୁଦି ଇୟା ମାଟା ଝିଜୁ
ରାଜି ତରିନ୍ ଝେରତାର ।

ଜିସୁ ଅରେନ୍ ଗୁଲେଙ୍ଗ୍ ନେଗେନ୍‌କିତାନ

୩୨ ଝାର ସନିଝାଲେ ଏସ୍ ଲୋକୁ ଅରେନ୍ ଗୁଲେଙ୍ଗ୍ ଜିସୁ
ଲାକ୍‌ତୁ ତାତାର । ଝାନିଙ୍ଗ୍ ଦୁବା ଆସ୍‌ତାମାର୍‌ହାଡ଼ ଆକା ଝାନ ଗୁଲା
ଆତାସର୍ହାମାର୍‌ହାନ ।

୩୩ ଜିସୁ ଖାନି ମେନ୍ଦଲ୍‌ତାନ ଦୁବାଦିଙ୍ଗ ସପତି ଦାପ୍ରେ ଖାନ ମାଟା
 ଖାରଗିଦେଙ୍ଗ ଆସତାନ । ଝିଜେରେ କାବାଆଜି ଇର୍ହାର୍, “ଇସ୍ରାଏଲ୍
 ଦେସ୍ତୁ ମାପ୍ ଇୟାଖାଜା ପାଣି ଏସାଙ୍ଗ୍ ସୁତ୍‌ସୁପ୍‌ମାର୍ହାପ୍ ।”

୩୪ ☆ ମାତର୍ ପାରୁସିର୍ ଇର୍ହାର୍, “ଇୟା ଲୋକୁ ଦୁବେଙ୍ଗ୍ ପେରିକାଡ୍
 ବାଲ୍‌ଜିବୁଲ୍ ସାକ୍ତିଦାନ ଦୁବେଙ୍ଗ୍ ଡିସିସ୍‌ନାନ ।”

ଲୋକା ଉଣ୍ଡିଙ୍ଗ୍ ଜିସୁଦି ଦୟା

୩୫ ☆ ଜିସୁ ବୁଲାଜି ବୁଲାଜି ନାଣ୍ଡ ଗାଡ୍‌କାଙ୍ଗ୍ ନି ନାରକାଙ୍ଗ୍ ୍ସିର୍ହାନ
 । ଝିଜୁ ବାଡିଆଙ୍ଗ୍ ଖାନ ପାର୍ତନାକିନି ଇଲ୍‌କାଙ୍ଗ୍ ସିକିୟା ସିତାନ,
 ମାପୁରୁଦି ରାଜିଦି ନେଗିକାବୁର ପ୍ରଚାର କିତାନ ମାରି ନବ୍‌ଆଡିଝାରିଙ୍ଗ୍
 ନି ରଗ୍ ଲୋକାଙ୍ଗ୍ ନେଗେନ୍‌କିତାନ ।

୩୬ ଲୋକାଙ୍ଗ୍ ସୁଡ଼ଜି ଖାନ ଖାରି ଉଣ୍ଡିଙ୍ଗ୍ ଦୁଃକ୍ କିତାନ, ଇରିଙ୍ଗ୍
 ଗାଉଡ଼ ସିଲି ମେଣ୍ଡେଙ୍ଗ୍ ମାନ୍ଦା ଖାଜା ଖାର୍ ସାକାସିଲିକା ନି ସିନ୍ତା
 ଆଜିମାର୍ହାର୍ ।

୩୭ ☆ ଆଦେଙ୍ଗ୍ ଖାନ ସିସୁରିଙ୍ଗ୍ ଇର୍ହାନ, “ପାସିନାଣ୍ଡ ଆତାମାନାଡ୍,
 ମାତର୍ ତାନିଙ୍ଗ୍ ଉଣ୍ଡାକିଦେଙ୍ଗ୍ ଇଜି ନାଣ୍ଡଲୋକ୍ କୁଲିକିନିକାର୍
 ସିଲେର୍ ।

୩୮ ନାଣ୍ଡଲୋକ୍ କୁଲିକିନିଝାରିଙ୍ଗ୍ ପକ୍‌ସି ପାସିଉଣ୍ଡାକିଜି ଅଡେଙ୍ଗ୍
 ଇଜି ପାସି ମାଲିକ୍‌ତିମାନୁ ପାର୍ତନା କିଦୁ ।”

୧୦

ବାରଲୋକ୍ ସିସୁର୍

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଜିସୁ ଖାନି ବାରଲୋକ୍ ସିସୁରିଙ୍ଗ୍ କୁକ୍‌ସି ଦୁବେଙ୍ଗ୍ ଡିସିସ୍‌କିଦେଙ୍ଗ୍
 ଇଜି ମାରି ଝିଜୁ ରକମ୍‌ତି ରଗ୍ କାସ୍ତୁ ନେଗେନ୍‌ କିଦେଙ୍ଗ୍ ଇଜି ଅଦିକାର୍
 ସିତାନ ।

☆ ୯:୩୪ ମାତିତ ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୯:୩୫ ମାତିତ ୪:୨୩;
 ମାର୍କ ୧:୩୯; ଲୁକ ୪:୪୪. ☆ ୯:୩୬ ଲୁକ ୧୦:୨.

୨ ଆୟା ବାର ଲୋକ ପ୍ରେରିତ ସିସୁରି ଦର ଆତାତ୍ ସିମୋନ ପିତର ଦରତାନ୍ ବା ଷେଙ୍ଗ୍ ନାତ୍ ମାରି ଖାନି ତଡ଼ାନ୍ ଆନ୍ଦିୟ; ଜେବଦଦି ରିଏର୍ ମାରିସିର୍ ଜାକୁବ ନି ଯୋହନ;

୩ ପିଲିପ୍, ବାର୍ତ୍ତଲମି, ଥୋମା, ମାରି ସିସୁର୍ ଲୋସନି ମାତିତ, ଆଲପିଦି ମାରିସି ଜାକୁବ, ଅଫୀୟ;

୪ କିଶାନିୟ ସିମୋନ ଏନ୍ କି ଇସ୍ରାଏଲ୍ ଦେସ୍ତିଙ୍ଗ୍ ରକିୟା କିଦେଙ୍ଗ୍ ବଦା କିଜିମାର୍ହାନ୍ ମାରି ଜିସୁଙ୍ଗ୍ ସାତୁରି କିୟୁସୁ ସର୍ପେ କିତିସିତି ଇସ୍ପାରିୟୋତିୟ ଜିହୁଦା ।

ବାରଲୋକ୍ ସିସୁରିଙ୍ଗ୍ ସିତିମାର୍ରି ପାଣିଦିବନ୍ତୁ

(ମାର୍କ ୬:୭-୧୩; ଲୁକ ୯:୧-୬)

୫ ଜିସୁ ଇୟା ବାରଲୋକ୍ ସିସୁରିଙ୍ଗ୍ ପକ୍ତିଖାଲେ ଆଦେସ୍ ସିଜିଈର୍ହାନ୍, “ମିର୍ ଅଣଜିହୁଦିରି ରାଜିଦୁ ସଲ୍ମାଟ୍ । ମାରି ଆମା ସମିରୋଣ ଗାଡ଼ତୁ ବା ସଲ୍ମାଟ୍ ।

୬ ମାତର୍ ମୁରତିମାନି ମେଣ୍ଟେଙ୍ଗ୍ ଖାଜା ଇସ୍ରାଏଲ୍ତି ଲୋକା ଲାକ୍ତୁ ସାନ୍ତୁ ।

୭ ଖାରିମାନୁ ପ୍ରଚାର କିଜି ଇନ୍ତୁ, ମୁସକୁପୁର ଇଗା ଖାତାତ୍ !

୮ ରଗ୍ତୁ ମାନି ଲୋକାଙ୍ଗ୍ ନେଗେନ୍‌କିଦୁ, ସାତି ଲୋକାଙ୍ଗ୍ ଡେସି ନିକ୍ତୁ, କୁସ୍‌ରୋଗ୍ତି ଲୋକାଙ୍ଗ୍ ନେଗେନ୍‌କିଦୁ, ଦୁବେଙ୍ଗ୍ ଡିସିସ୍ କିଦୁ । ଆମାକା ଆର୍ଏ ପୟ୍ତିମାନିଦେର୍, ଆକା ଆଇଖାରିଙ୍ଗ୍ ଆର୍ଏ ସିଦୁ ।

୯ ଅର୍ସେ ବାଙ୍ଗାଁରାମ୍ ନି ଷେଣ୍ଡି ବା ତାରୁଙ୍ଗ୍ ଇଡ଼ନି ମଣି ଅମାଟ୍,

୧୦ ☆ମାରି ତୁଆନି ମଣି ଆସସି ବୁଲ୍ମାମାଟ୍ । ନାଣ୍ଡ ଆଙ୍ଗ୍‌ଙ୍ଗ୍, ଜୁତେଙ୍ଗ୍ ମାରି ବାଡିଗା ବା ଅମାଟ୍ । ପାଣିକିନିକାର୍ ନିଜେଦି କୁଲି ତାରୁଙ୍ଗ୍ ପୟ୍‌ଦେଙ୍ଗ୍ ଜଗ୍ ମାନାତ୍ ।

୧୧ “ତନ୍‌ତ୍ରି ଗାଡ଼୍ ବା ନାର୍ତୁ ଇତି ଷେନ୍‌କା ଆବେ ଏନ୍ ମି ସେବାକିନାନ୍, ଆୟା ମାଟା ମିର୍ ପୟ୍‌ଦୁ, ଆଇମାନୁ ସନି ସାନ୍ତି ତାମେ ଇଲ୍‌ତୁ ମାନ୍‌ତୁ ।

୧୨ ଉନ୍ତୁ ଇନ୍ତୁ ତୁମ୍ଭୁନି ଖାଲେ ଆବେମାନି ଲୋକାଙ୍ଗ ମାଡ଼ିସକିଜି
ଇନ୍ତୁ, ମି ସାନ୍ତି ଆପିତ୍ ।

୧୩ ଇଲ୍ତି ଲୋକୁ ଜଦି ମିଙ୍ଗ୍ ସେବାକିନାର୍, ଖାରି ଉଣ୍ଡିଙ୍ଗ ମାଡ଼ିସ
କିତିକା ସାନ୍ତି ଆନାଡ୍ । ମାତର୍ ଜଦି ଖାର୍ ମିଙ୍ଗ୍ ସେବା କିଏର୍, ମି
ମାଡ଼ିସକିନିକା ତେପସ ଅତୁ ।

୧୪ ☆ଜଦି ଏମେ ଇନ୍ତୁ ମାରି ଗାଡ଼ତୁ ମିଙ୍ଗ୍ ଲୋକୁ ମାନାଏର୍,
ଆତିଙ୍ଗ ଖାରିଙ୍ଗ୍ ଡିସତିଙ୍ଗ ଇଜି ସିନାଦି ଖାଜା ପାଦାମତି ଦୁଡ଼ି ସାଡ଼ସି
ସିଜି ଆୟା ବାଡ଼ି ଡିସସୋ ସିଦୁ ।

୧୫ ☆ନାନ ମିଙ୍ଗ୍ ସଡ଼ ଇଜିନା, ବିସାର୍ ଦିନ୍ତୁ ଖେରି ମାଣ୍ଡକୁ
ସଦମ୍ ଗମୋରାଦି ଲୋକା ଉଣ୍ଡିଙ୍ଗ ମାପୁରୁ ନାଣ୍ଡ ଦୟା ତରନାନ୍ ।

ଝାନି ତାଡ଼ନା

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ ☆“ଝେନ୍ତୁ ! ନୋରେସକା ଲାକ୍ତୁ ମେଣ୍ଡେଙ୍ଗା ଖାଜା ନାନ୍
ମିଙ୍ଗ୍ ପୋକ୍ସିନା, ମାରି ସାରାସ୍ତି ଖାଜା ଜାଗାର୍ତା ମାରି ପାର୍ଝାଦି
ଖାଜା ସାନ୍ତି ଆଦୁ ।

୧୭ ☆ଜାଗାର୍ତା ମାନ୍ତୁ, ଇରିଙ୍ଗ ଲୋକୁ ମିଙ୍ଗ୍ ତରସି ବିସାର୍ କିନି
ସଭାଦୁ ଅନାର୍ତର ସପେ କିନାର୍ । ପାର୍ତନାକିନି ଇଲ୍ତାଙ୍ଗ ଖାର୍
ମିଙ୍ଗ୍ କର୍ତା ତାକ୍ନାର୍ ।

୧୮ ନା ଉଣ୍ଡିଙ୍ଗ ମିର୍ ରାଜା ନି ସାସନ୍କିନିଖାରି ଆଗ୍ତି ତାଆୟାଆଜି
ବିସାର୍ଆନିଦେର୍ । ଇୟାଉଣ୍ଡିଙ୍ଗ ଖାରିଙ୍ଗ୍ ନି ଅଣଜିହୁଦି ଲୋକାଙ୍ଗ
ନେଗିକାବୁର୍ ସାକି ସିଦେଙ୍ଗ ଇଜି ସାରି ପୟନିଦେର୍ ।

୧୯ ମି ବିସାର୍ ଆନିଖାଲେ ଇନିକା ଇନିଦେର୍, ମାରି ଏଣ୍ଡେସ
ଇନିଦେର୍, ଆୟା ବିସୟତାନ୍ ସିନ୍ତା କିମାର୍ । ଟିକ୍ ଆୟା ସମୟତୁ
ଆକା ମିଙ୍ଗ୍ ଝେର୍ଆଇଆଜି ସିଆନାଡ୍ ।

୨୦ ଇରିଙ୍ଗ ମିଙ୍ଗ୍ ନିଜେ ଇନିକା ଇନ୍ତେଙ୍ଗ ଆଏଡ୍ । ମି ବୁବା
ମାପୁରୁଦି ପବିତ୍ର ଆମ୍ବା ମି ଝେୟୁ ସିଜି ମାଟା ଇନାନ୍ ।

☆ ୧୦:୧୪ ପ୍ରେରିତ ୧୩:୫୧. ☆ ୧୦:୧୫ ମାଡ଼ିଉ ୧୧:୨୪. ☆ ୧୦:୧୫ ଲୁକ ୧୦:୪-୧୨.

☆ ୧୦:୧୭ ଲୁକ ୧୦:୩. ☆ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧, ୧୨; ୨୧:୧୨-୧୫.

୨୧ ☆“ଆୟା ସମୟରୁ ଲୋକୁ ତଡ଼ାନ୍ ତଡ଼ାନ୍ତିଙ୍କ ମାରି ବୁବା ମାରିନ୍ତିଙ୍କ ସାପିସ୍ତେଙ୍କ ଇଜି ସର୍ପେ କିଜି ସିନାର୍ । ବୁବାସି ବା ନିଜେଦି କଡ଼କକାରିଙ୍କ ଉଣ୍ଡିଙ୍କ ଆୟାଞ୍ଜା କିନାନ୍ । କଡ଼କକରା ବୁବାସି ଆଇସି ବିରୁଦ୍‌ତାନ୍ ନିଙ୍ଗନାରୋ ଖାରିଙ୍କ ସାୟାମାର୍‌ଗା ଡାକ୍‌ନାର୍ ।

୨୨ ☆ନା ଉଣ୍ଡିଙ୍କ ଖିଜେରେ ମିଙ୍ଗ୍ କାଡ଼ନାର୍; ମାତର୍ ଏନ୍ ସାରାସାରି ସାନ୍ଦି ବିସ୍‌ବାସ୍‌ତୁ ତିରାଜିତେବାନାନ୍, ଖାନ୍ ରକିୟା ପୟନାନ୍ ।

୨୩ ଉନ୍‌ଡି ଗାଡ଼ତୁ ମିର୍ କାସ୍‌ ପୟତିଙ୍କ ଆଇ ଗାଡ଼ତୁ ଉରକ୍‌ତୁ । ନାନ୍ ମିଙ୍ଗ୍ ସଡ଼ତାନ୍ ଇଜିନା, ମିର୍ ଇସ୍‌ସାଏଲ୍‌ତି ଖିଜୁ ଗାଡ଼କାଙ୍କ ପାଣି ସେସ୍‌କିନି ଆଗଡ଼ି ମନୁସ୍ୟପୁତ୍ର ଦେସି ଖାନାମାନାନ୍ ।

୨୪ ☆“ଏମେ ସିସୁ ଖାନି ଗୁରୁମାଣାନ୍ ସିସୁ ପେରିକାନ୍ ଆଏନ୍, ମାଲିକ୍‌ତି ମାଣାନ୍ ସାକର୍ ପେରିକାନ୍ ସିଲେ ।

୨୫ ☆ସିସୁ ଗୁରୁ ଖାଜା ମାରି ସାକର୍ ମାଲିକ୍‌ତି ଖାଜା ଆଦେଙ୍କ ଆର୍‌ତିଙ୍କ ନାସଦୁନେ ଖେଡ଼ିକା ଆନିକାମାନାଡ଼ । ଉନ୍‌ଡି ଇଲ୍‌ତି ମେମାରିଙ୍କ ଜଦି ଲୋକୁ ବାଲ୍‌ଜିବୁଲ୍ ଇଜି କୁକ୍‌ନାର୍, ଇଲ୍‌ତି ଆଇଖାରିଙ୍କ ମାରି ଏସ ତାଗଇ ଦର୍ ସିଏର୍ ?

ଏଙ୍କ ତିଲାନିକା (ଲୁକ ୧୨:୨-୭)

୨୬ ☆“ଆୟାଉଣ୍ଡିଙ୍କ ଲୋକାଙ୍କ ତିଲାମାର୍ । ଆମାକା ଇଲେଇ ପିଡ଼ିଗଇ ଆତାମାନାଡ଼, ଆକା ତରାଇଆନାଡ଼ ମାରି ଖିଜୁ ମାର୍‌ଗିତି ମାଟା ଖେଙ୍ଗ୍ ନାଁଡ଼ ।

୨୭ ନାନ୍ ମିଙ୍ଗ୍ ଆମାକା ସିକାଟି ସମୟରୁ ଇଜିନା, ଆକା ତାଲାଝେଡ଼ାଦି ସମୟରୁ ଖେକ୍‌ତୁ ମାରି ଆମାକା ମାର୍‌ଗିଜି ଖେରଇମାନିଦେର୍, ଆକା ଇଲୁ ସାଡ଼ ମୁସ୍‌କୁରାନ୍ ପ୍ରଚାର୍ କିଦୁ ।

☆ ୧୦:୨୧ ମାର୍କ ୧୩:୧୨; ଲୁକ ୨୧:୧୭. ☆ ୧୦:୨୨ ମାତିତ ୨୪:୯; ମାର୍କ ୧୩:୧୩; ଲୁକ ୨୧:୧୭; ମାତିତ ୨୪:୧୩; ମାର୍କ ୧୩:୧୩. ☆ ୧୦:୨୪ ଲୁକ ୬:୪୦; ଜୋହନ ୧୩:୧୭; ୧୫:୨୦. ☆ ୧୦:୨୫ ମାତିତ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫. ☆ ୧୦:୨୬ ମାର୍କ ୪:୨୨; ଲୁକ ୮:୧୭.

୨୮ ଏମେକାର କେବଲ୍ ମି ମେନ୍ଦଲ୍‌ତିଙ୍ଗ୍ ନାସ୍ତୁକିନାନ୍, ମାଡ଼ର ମି ଆମ୍ବାଦିଙ୍ଗ୍ ଇନି କେତି କିଦେଙ୍ଗ୍ ଆର୍ଏନ୍, ଝାରିଙ୍ଗ୍ ତିଲାମାଟ୍ । ମାଡ଼ର ଏମେ ମାପୁରୁ ମି ମେନ୍ଦଲ୍ ନି ଆମ୍ବା ରୁଣ୍ଡିଝାନିକାଙ୍ଗ୍ ନରକଦୁ ଦଂସ କିଦେଙ୍ଗ୍ ଆର୍ଏନାନ୍, ଝାନିଙ୍ଗ୍ ତିଲାଦୁ ।

୨୯ ଡାବୁଙ୍ଗ୍ ସିଜି ରୁଣ୍ଡି ସାଡ଼ାପୋଟିଙ୍ଗ୍ କଣ୍ଡେଙ୍ଗ୍ ଆର୍ଏନିଦେର୍, ମାଡ଼ର ମି ବୁବାଦି ସାରି ପୁର୍ଏତିଙ୍ଗ୍ ଉନ୍‌ଡ୍ର ସାଡ଼ା ପଟି ଆଡ଼ଗି ଆର୍ଏଡ଼ ।

୩୦ ମାରି ମି ତାଲାଦି କୁକୁଟି ବା ଝିଜୁ ଲେକିସ୍ କିଆନ୍‌ଆତାମାନାଡ଼ ।

୩୧ ତିଲାମାଟ୍, ନାଣ୍ଡ ସାଡ଼ାପୋଟିଙ୍ଗ୍ ମାଣ୍ଡକୁ ମି ଦାରା ନାଣ୍ଡ ।

କ୍ରିସ୍ତଙ୍ଗ୍ ମାନାନିକା ନି ମାନାଇକା
(ଲୁକ ୧୨:୮-୯)

୩୨ “ଏନ୍‌ଆପିନ୍ ଲୋକା ଆଗିଡ଼ି ନାଙ୍ଗ୍ ମାନାନାର୍, ନାନ୍ ବା ମୁସ୍‌କୁପୁରତି ବୁବା ଆଗିଡ଼ି ଝାରିଙ୍ଗ୍ ନାଦି ଇଜି ନାନ୍ ମାନାନା ।

୩୩ ☆ମାଡ଼ର ଏନ୍‌ ଆଡ଼ରେ ନାଙ୍ଗ୍ ମାନାଏନ୍, ଝାନିଙ୍ଗ୍ ନାନ୍ ବା ନା ମୁସ୍‌କୁପୁରତି ବୁବା ଆଗିଡ଼ି ମାନାଏ ।

ସାନ୍ତି ସିଲେ, ମାଡ଼ର କାଣ୍ଡା
(ଲୁକ ୧୨:୫୧-୫୩; ୧୪:୨୬-୨୭)

୩୪ “ନାନ୍ ଦୁନିଆଦୁ ସାନ୍ତି ସିଦେଙ୍ଗ୍ ଝାତାମାନା ଇଜି ଅଡ଼ବିମାଟ୍ । ସିଲେ, ନାନ୍ ସାନ୍ତି ତାଡେଙ୍ଗ୍ ରେଏ, ମାଡ଼ର କୁଡ଼ାମ୍ ଆସ୍‌ସି ଝାତାମାନା ।

୩୫ ଇରିଙ୍ଗ୍ ନାନ୍ ମାରିସି ବିରଦ୍‌ତାନ୍ ବୁବାସି, ବୁବାସି ବିରଦ୍‌ତାନ୍ ମାରିସି ମାରି ଗାଡ଼ସି ବିରୁଦ୍‌ତାନ୍ ଆଇସି, ଆଇସି ବିରଦ୍‌ତାନ୍ ଗାଡ଼ସି, ମାରି ମିମ୍‌ସି ଝାଲେ କଡ଼େସିଦି ବିରୁଦ୍ ଗଟେକିଦେଙ୍ଗ୍ ଝାତାମାନା ।

୩୬ ନିଜେଦି ଇଲ୍‌ତି ଲୋକୁ ନିଜେଦି ସାଡୁଆନାର୍ ।

୩୭ “ଏନ୍‌ ବୁବାସି ନି ଆଇସିଙ୍ଗ୍ ନା ମାଣ୍ଡକୁ ନାଣ୍ଡ ଜିବନ୍‌ନୋନାନ୍, ଝାନ୍ ନା ସିସୁ ଆଦେଙ୍ଗ୍ ଜଗ୍ ସିଲେନ୍, ମାରି ଏନ୍‌ କଡ଼ଦିଙ୍ଗ୍ ନି ଆଇଲିଦିଙ୍ଗ୍ ନା ମାଣ୍ଡକୁ ନାଣ୍ଡ ଜିବନ୍‌ନୋନାନ୍, ଝାନ୍ ନା ସିସୁ ଆଦେଙ୍ଗ୍ ଜଗ୍ ସିଲେନ୍ ।

୩୮ ☆ ଏନ୍ ନା ଉଣ୍ଡିଙ୍ଗ ଦୁକ୍ ନି ସାନିକା ବଦା କିଜିନା ଝେନ୍‌କା ରେଏନ୍, ଝାନ୍ ନା ସିସୁ ଆଦେଙ୍ଗ ଜର୍ ସିଲେନ୍ ।

୩୯ ☆ ଏନ୍ ନିଜେଦି ଜିବନ୍‌ଡିଙ୍ଗ ରକିୟା କିଦେଙ୍ଗ ବଦାକିନାନ୍, ଝାନ୍ ଆକା ଆରାକିନାନ୍, ମାତର୍ ଏନ୍ ନା ଉଣ୍ଡିଙ୍ଗ ନିଜେଦି ଜିବନ୍ ସିନାନ୍, ଝାନ୍ ସତେଦାନ୍ ଆକା ରକିୟା କିନାନ୍ ।

ପୁରସକାର

(ମାର୍କ ୯:୪୧)

୪୦ ☆ “ଏନ୍ ମିଙ୍ଗ୍ ମାନାନାନ୍, ଝାନ୍ ନାଙ୍ଗ୍ ମାନାନାନ୍, ମାରି ନାଙ୍ଗ୍ ଏନ୍ ମାନାନାନ୍, ଝାନ୍ ନାନ୍ ପକ୍ତିଝାନିଙ୍ଗ୍ ମାନାନାନ୍ ।

୪୧ ଏନ୍ ବାବବାଦିରିଙ୍ଗ୍ ମାପୁରୁଦି କାବୁର୍ ସିନିକାନ୍ ଇଜି ମାନାନାନ୍, ଝାନ୍ ଆୟା ବାବବାଦିରି ପୁରସକାର ପୟନାନ୍ । ମାରି ଏନ୍ ଦାମ୍ବୁ ଲୋକାଙ୍ଗ୍ ଦାମ୍ବୁଦିକାନ୍ ଇଜି ମାନାନାନ୍, ଝାନ୍ ଦାମ୍ବୁ ଲୋକ୍ତି ପୁରସକାର ପୟନାନ୍ ।

୪୨ ମାରି ଏନ୍ ଇୟା ଇସ୍ତି ଲୋକ୍ ମାଣ୍‌କୁ ଅରେନ୍‌ଝାନିଙ୍ଗ୍ ନା ସିସୁ ଇଜି କେବଲ୍ ଗିନା ଏର ଉଣ୍ଡେଙ୍ଗ୍ ସିନାନ୍, ନାନ୍ ମିଙ୍ଗ୍ ସଡ଼ ଇଜିନା, ଆୟାଉଣ୍ଡିଙ୍ଗ୍ ଝାନ୍ ନା ସିସୁ, ସତେନେ ପୁରସକାର ପୟନାନ୍ ।”

୧୧

ଜିସୁ ନି ତୁବନ୍ ସିନି ଯୋହନ

(ଲୁକ ୭:୧୮-୩୫)

୧ ଜିସୁ ଝାନି ବାରଲୋକ୍ ସିସୁରିଙ୍ଗ୍ ଇୟାଞ୍ଜିଲୁ ମାଟା ସିତି ଝେନ୍‌କା ଆୟା ବାଡି ଡିସ୍‌ସି ଲାକ୍‌ତୁରି ଗାଡ଼କାଙ୍ଗ୍ ସଲ୍‌ସି ପ୍ରଚାର କିଦେଙ୍ଗ୍ ଆସ୍‌ତାନ୍ ।

୨ ନାସ୍ତିଝାଲେ ତୁବନ୍ ସିନି ଯୋହନ ଜଇଲ୍‌ତୁ ମାର୍ହାନ୍ । କ୍ରିସ୍ତ ଏମେ ଞ୍ଜିଲୁ ପାଣି କିଜିମାର୍ହାନ୍, ତାନି କାବୁର୍ ପୟଜି ଝାନ୍ ନିଜେଦି ସିସୁରିଙ୍ଗ୍ କ୍ରିସ୍ତଦି ଲାକ୍‌ତୁ ପକ୍‌ତାନ୍ ।

☆ ୧୦:୩୮ ମାତ୍ରି ୧୭:୨୪; ମାର୍କ ୮:୩୪; ଲୁକ ୯:୨୩. ☆ ୧୦:୩୯ ମାତ୍ରି ୧୭:୨୪; ମାର୍କ ୮:୩୫; ଲୁକ ୯:୨୪; ୧୭:୩୩; ୧୭:୨୫. ☆ ୧୦:୪୦ ଲୁକ ୧୦:୧୭; ଜୋହନ ୧୩:୨୦; ମାର୍କ ୯:୩୭; ଲୁକ ୯:୪୮.

୩ ଖାର ସଲସି ଜିସୁଙ୍କୁ ଝେନ୍‌ବାତାର, “ଏମେ ଲୋକୁ ଖାନାନଇଜି ଯୋହନ ଇର୍ହାମାର୍ହାନ, ନିନ୍ ଇନିକା ଆକାନ ନେ, ମାପ୍ ଆଇଖାନିଙ୍ଗ୍ କାପକିଜି ତେବାନାପ୍ ?”

୪ ଜିସୁ ଖାରିଙ୍ଗ୍ ଇର୍ହାନ, “ମିର୍ ଡେସି ସଲସି ଆମାକା ଖିଜୁ ଝେନ୍‌ଜିନିଦେର୍ ମାରି ସୁଡ଼ଜିନିଦେର୍, ଆୟାକାଖିଜୁ ଯୋହନତିଙ୍ଗ୍ ଝେର୍ଡୁ ।

୫ କାଣାର ସୁଡ଼ଦେଙ୍ଗ୍ ଆର୍ସିନାର୍, ସଟାର ବୁଲାଇନାର୍, କୁସୁରୋଗ୍ତି ଲୋକୁ ନେଗେନ୍‌ଆଜିନାର୍, ବଇରା ଲୋକ୍ ଝେନ୍‌ଡେଙ୍ଗ୍ ଆର୍ସିନାର୍, ସାତି ଲୋକୁ ଡେସି ନିଙ୍ଗ୍‌ଜିନାର୍ ମାରି କାକୁତ୍ ଲୋକାମାନୁ ବା ନେଗି କାବୁର୍ ପ୍ରଚାର୍ କିଆଇଆଜିନାଡ଼ ।

୬ ନା ବିସୟତାନ୍ ଏମେଖାରି ଇନିକା ନାମ୍‌ଇକା ସିଲେଡ଼, ଖାନ୍ ଦନ୍‌ ।”

୭ ଯୋହନତି ସିସୁର୍ ଡେସିସର୍‌ରିଖାଲେ ଜିସୁ ଲୋକାଙ୍ଗ୍ ଯୋହନତି ବିସୟତାନ୍ ଇର୍ହାନ, ମିର୍ ଯୋହନତିଙ୍ଗ୍ ସୁଡ଼ଦେଙ୍ଗ୍‌ଇଜି ଏସ୍ତିଖାଲେ ବାଲିବୁମିଦୁ ସର୍‌ରିମାର୍‌ଇଦେର୍, “ଇନିକା ସୁଡ଼ଦେଙ୍ଗ୍ ଆସା କିତିମାହ୍‌ଦେର୍ ? ଇନିକା ଗାଲିଦାନ୍ ଦୁଙ୍ଗ୍‌ଜିମାନି ଉଣ୍ଡି ଦେର୍ ନାଡ଼ା ?

୮ ମିର୍ ଇନିକା ସୁଡ଼ଦେଙ୍ଗ୍ ସତିସର୍‌ଇ ମାର୍‌ଇଦେର୍ ? ପାତଲ୍ ଆଙ୍ଗ୍‌ ଆରାତିମାନି ଅରେନ୍ ଲୋକ୍‌ତିଙ୍ଗ୍ ? ସୁଡ଼ଦୁ, ଆମାକାର୍ ଆୟାଖାଜା ପାତଲ୍ ଆଙ୍ଗ୍‌ ଆରାତି ଲୋକୁ ରାଜାଦି ମେଡ଼ଡୁ ତେବାନାର୍ ।

୯ ନାଙ୍ଗ୍‌ ଇନ୍‌ଡୁ, ଇନିକା ସୁଡ଼ଦେଙ୍ଗ୍ ସହ୍‌ମାହ୍‌ଦେର୍ ? ଇନିକା ଅରେନ୍ ବାବବାଦିଙ୍ଗ୍‌ନୋ ? ନାନ୍ ମିଙ୍ଗ୍‌ ସଡ଼ ଇଜିନା, ମାଡ଼ର ବାବବାଦି ମାଣ୍‌କୁ ଅରେନ୍ ନାଣ୍ଡପେରି ଲୋକ୍‌ତିଙ୍ଗ୍ ସୁଡ଼ଡୁମାନିଦେର୍ ।

୧୦ ଇରିଙ୍ଗ୍ ଇୟା ଯୋହନତି ବିସୟତାନ୍ ସାସ୍ତ୍ରୁ ରାସାତାମାନାଡ଼, ମାପୁରୁ ଇର୍ହାନ, ମି ଉଣ୍ଡିଙ୍ଗ୍ ସାରି ରସ୍‌ତେଙ୍ଗ୍ ନାନ୍ ଆଗ୍ତି ନା ଦୁଡ଼ତିଙ୍ଗ୍ ପକ୍‌ନା ।

୧୧ ନାନ୍ ମିଙ୍ଗ୍‌ ସଡ଼ ଇଜିନା, ପୁର୍ବେଦାନ୍ ନେର୍ ସାନ୍ ଇୟା ଦୁନିଆଦୁ ଏସ ଲୋକୁ ଜନମ୍‌ଆତାମାନାର୍, ଆୟା ଖିଜେରି ମାଣ୍‌କୁ

ତୁବନ୍ ସିନି ଯୋହନ ପେରିକାନ୍ । ମାତର୍ ମୁସ୍କୁପୁରତି ରାଜିତୁ ଏନ୍
ଝିଜେରି ମାଣ୍ଟକୁ ଇସ୍ରିକାନ୍, ଝାନ୍ ଯୋହନତି ମାଣାନ୍ ପେରିକାନ୍ ।

୧୨ ✠ତୁବନ୍ ସିନି ଯୋହନ ଝାନି ସୁସମାଚାର ପ୍ରଚାର କିନି ଦିନ୍ତାନ୍
ନେର୍ ସାନ୍ତି ମୁସ୍କୁପୁରତି ରାଜିତୁ ମୁସ୍କୁ ନାଣ୍ଟ ରେଲ୍‌ନିଅନିକା
ସାଲାଜିନାଡ଼ । ରେନିଅନିକାର ବପୁଦାନ୍ ଅଦିକାର୍ କିଦେଙ୍ଗ୍ ସେସ୍ଟା
କିଜିନାର୍ ।

୧୩ ଯୋହନ ଝାନିସାନ୍ତି ମସାଦି ନିୟମ୍ ନି ବାବବାଦିରି ମାଟାଦାନ୍
ଆୟା ରାଜି ବିସୟତାନ୍ ଇନାଜିମାର୍ହାଡ଼ ।

୧୪ ✠ଜଦି ଝାରି ମାଟା ମିର୍ ବିସ୍ବାସ୍ କିନିଦେର୍, ଆରିଙ୍ଗ୍ ଯୋହନ
ଆଜିନାନ୍ ଏଲ୍‌ୟ, ଆମାକାନ୍ ଆଗ୍ତି ଝାନିକାମାର୍ହାଡ଼ ।

୧୫ ଏମେଝାନିଙ୍ଗ୍ ଗିତଣିମାନାଡ଼, ଝାନ୍ ଝେନିନ୍ !

୧୬ “ଇୟା ଆଜିକାଲ୍‌ତି ଲୋକାଙ୍ଗ୍ ଏମେତାନିଝାଲେ ତୁସନା ?
ଝାର୍ ସାତା ନାଡ଼ମି ବାସ୍‌ସି କାର୍‌ଜିଜିମାନି କଡ଼ରି ଝାଜା । ଉନ୍‌ଡ଼ି
ଦଲ୍‌ତୀ କଡ଼ର୍ ଆଇ ଦଲ୍‌ତିଙ୍ଗ୍ ଇନାର୍,

୧୭ ମାପ୍ ପେଡ଼ିଦି ବାଜା ଏସ୍‌ତାପ୍, ମାତର୍ ମିର୍ ଗାଡ଼ଇତିଦେର୍ ।
ମାପ୍ ଦୁକ୍ତି ପାଟା ପାରିତାପ୍, ମାତର୍ ମିର୍ ଆଡ଼ାବାଇତିଦେର୍ ।

୧୮ ଯୋହନ ଝାଜି ଉପାସ୍ କିଜିମାର୍ହାନ୍, ମାରି ଅଙ୍ଗୁର୍‌ରସ୍
ଉଣ୍ଟୁଏଜିମାର୍ହାନ୍ । ଝିଜେରେ ଇହ୍‌ର୍, ଝାନ୍ ଦୁବାକାସ୍ରିକାନ୍ !

୧୯ ଏସ୍ରିଝାଲେ ମନୁଷ୍ୟପୁତ୍ର ଝାଜି ଉଣାନ୍ ତିନାନ୍, ଝିଜେରେ
ଇହ୍‌ର୍, ଇୟା ଲୋକ୍‌ତିଙ୍ଗ୍ ସୁଡ଼ୁ ! ଝାନ୍ ଅରେନ୍ ପେଟୁ ନି ମଦୁଆ,
ସିସ୍‌ଟୁ ଲୋସ୍‌ନି ଲୋକା ମାରି ପାପି ଲୋକା ସଙ୍ଗ୍ । ମାତର୍ ମାପୁରୁ
ବୁଦି ନିଜେଦି ପାଣିଦାନ୍ ସଡ଼ଇଜି ପାର୍‌ମାଣ୍‌ଆତାନ୍ ।”

ଅବିସ୍‌ବାସି ଗାଡ଼କୁ

(ଲୁକ ୧୦:୧୩-୧୫)

୨୦ ଏମେ ଗାଡ଼କାଙ୍ଗ୍ ଜିସୁ ଝାନି ନାଣ୍ଟ କାବାଆନି ପାଣି କିତାମାର୍ହାନ୍,
ଆୟା ରାଜିତି ଲୋକୁ ଝାରି ପାପତି ଉଣ୍ଟିଙ୍ଗ୍ ମନତିଙ୍ଗ୍ ଡେପ୍‌ଇକା
ସୁଡ଼ି, ଜିସୁ ଆୟା ଗାଡ଼କାଙ୍ଗ୍ ବାସେକିଦେଙ୍ଗ୍‌ଆସ୍‌ତାନ୍ ।

୨୧ ଏ କୋରାଜିନ୍, ଏସା ନାଣ୍ଡ ନିନ୍ଦାଦି ଦୁକ୍ ପୟନିଦେର୍ !
ବେଡ଼ସାଇଦା, ନି ଦସ୍‌ବା ଆୟାଞ୍ଜାଜା ! ନିବାନ୍ ଏମେ କାବାଆନି
ପାଣିଞ୍ଜି କିଆଇଆତାମାନାଡ଼, ଆୟାଞ୍ଜି ଜଦି ସୋର ନି ସିଦନ୍ତୁ
କିଆଇଆତାତମାନ୍ଦି, ଆବେଣି ଲୋକୁ ମେନ୍ଦଲ୍‌ତୁ ନିରୁ ଉସାଜି
ବାସ୍‌ତେଙ୍ଗ ଆରାଜି ମନ୍‌ତିଙ୍ଗ ଡେପ୍‌ତାର ମାନ୍ଦି ।

୨୨ ନାନ୍ ସତେ ଇଜିନା, ମାପୁରୁ ବିସାରକିନି ଦିନ୍‌ତୁ ମି ବାଦ୍‌ଲୁ
ସୋର ନି ସିଦନ୍ତି ଲୋକାଙ୍ଗ ନାଣ୍ଡ ଦୟା ତରନାନ୍ ।

୨୩ ମାରି କପରନାହୁମ୍‌ତୁ ବାସାନିକିନ୍ଦା ! ନିନ୍ ଇନିକା ନିଜେ
ମୁସ୍‌କୁପୁର ସନ୍‌ଡେଙ୍ଗ ବଦାକିଜିନି ? ନିନ୍ ନର୍କ୍‌ଦୁ ପକାଇଆନି ।
ନି ବାନ୍ ଏମେ କାବାଆନି ପାଣି କିଆଇଆତାମାନାଡ଼, ଆକା ଜଦି
ସଦମ୍‌ତୁ କିଆଇଆତାତମାନ୍ଦି, ଆୟା ଗାଡ଼୍‌ନେର୍ ସାନ୍ଦି ତେବାଦେଙ୍ଗ
ଆଡ଼ତାତମାନ୍ଦି ।

୨୪ ☆ନାନ୍ ମିଙ୍ଗ୍ ସଡ଼ ଇଜିନା “ମାପୁରୁ ବିସାର ଦିନ୍‌ତୁ ମି ମାଣ୍‌କୁ
ସଦମ୍‌ତୁମାନି ଲୋକା ଉଣ୍ଡିଙ୍ଗ ନାଣ୍ଡ ଦୟା ତରନାନ୍ ।”

ନାବାନ୍ ଖାଜି ରମ୍‌ଦୁ (ଲୁକ ୧୦:୨୧-୨୨)

୨୫ ଆୟା ସମୟତୁ ଜିସୁ ପାର୍ତନାକିଜି ଇର୍ହାନ୍, “ଏ ବୁବା,
ମୁସ୍‌କୁପୁର ମାରି ଦୁନିଆଦି ପ୍ରବୁ, ଇୟାଞ୍ଜି ମାଟା ନିନ୍ ବୁଦିମାନ
ମାରି ପଡ଼ାତି ଲୋକାମାଣ୍‌କୁ ମାର୍‌କ୍‌ସି ଇଡ଼ଜି ପଡ଼ାଇ ଲୋକାମାନ୍
ଝେକ୍‌ତିମାନି ଆକା ନାନ୍ ନିଙ୍ଗ୍ ଦନ୍‌ସବାଦ୍ ସିଜିନା ।

୨୬ ହୁଁ ବୁବା, ନି ବଦାଦାନ୍ ଇୟାଞ୍ଜି ଗଟାଜି ସଲ୍‌ସିନାଡ଼ ।

୨୭ ☆“ନା ବୁବା ନାଙ୍ଗ୍ ଖିଜୁ ବିସୟ ସିତାମାନ୍, ବୁବେଙ୍ଗ୍ ଡିସ୍‌ତିଙ୍ଗ୍
ମାରିସିଙ୍ଗ୍ ମାରି ଏନ୍ ନେସ୍‌ଏର୍, ମାରି ମାରିସିଙ୍ଗ୍ ଡିସ୍‌ତିଙ୍ଗ୍ ମାରି ଏନ୍
ନେସ୍‌ଏର୍ । ମାରିସି ଏମେଞ୍ଜାରି ଲାକ୍‌ତୁ ବୁବେଙ୍ଗ୍ ଝେଙ୍ଗ୍ ସ୍‌କିନାନ୍,
କେବଲ୍ ଆକାର୍‌ନେ ବୁବେଙ୍ଗ୍ ନେସ୍‌ତେଙ୍ଗ୍ ଆଡ଼ନାର୍ ।

୨୮ “ଏ ଖାନ୍ତି ଖିଜେରେ ନି ବଜ୍‌ତୁ ମାନି ଲୋକୁ ଖିଜେରେ, ନା
ଲାକ୍‌ତୁ ରାଦୁ, ନାନ୍ ମିଙ୍ଗ୍ ରମିସ୍‌କିନା ।

☆ ୧୧:୨୪ ମାଡ଼ିଉ ୧୦:୧୫; ଲୁକ ୧୦:୧୨. ☆ ୧୧:୨୭ ଜୋହନ ୩:୩୫; ଜୋହନ ୧:୧୮;
୧୦:୧୫.

୨୯ ନା ପୁତ୍ରି ନିଜେଦି ମୁସକୁ ପିଣ୍ଡୁ, ମାରି ନାବାଣକୁ ଅଜାଦୁ, ଇରିଙ୍ଗ ନାନ୍ ନିଜେ ସାଦୁ ନି ଜିବନ୍ତୁ କାର୍ମୁ ସୁଣିକିନ୍ଦାଆକା । ଆବେଟ୍ ମିର୍ ରମ୍‌ନିଦେର୍ ।”

୩୦ ନାନ୍ ମି ମୁସକୁ ଏମେ ପୁତ୍ରି ଲାଦେକିନା, ଆକା ପିଣ୍ଡୁଦେଙ୍ଗ କାସୁସିଲେ । ମାରି ମିଙ୍ଗ୍ ଏମେ ବଜ୍ ସିନା, ଆକାବା ନାଣ୍ଡ ଉସାସ୍ ।

୧୨

ରମ୍‌ନିଦିନ୍ତି ବିସୟତାନ୍ ପ୍ରସ୍ନ

(ମାର୍କ ୨:୨୩-୨୮; ଲୁକ ୬:୧-୫)

୧ ତେନି ଏସ ଦିନ୍ ଝେନ୍‌କା ଉଣ୍ଡି, ରମ୍‌ନିଦିନ୍ତୁ ଜିସୁ ପାସି କିଡ଼ିଇ ସିଜି ସଲ୍‌ସିମାର୍‌ହାନ୍ । ଖାନି ସିସୁର୍ ବାଙ୍ଗାଆତାର୍‌ଆକା ଖାର୍ ସେରେନ୍‌କୁ ତେଉସି ତିନ୍‌ଡେଙ୍ଗ୍ ଆସତାର୍ ।

୨ ପାରୁସିର୍ ଇକା ସୁଡ଼ୁଜି ଜିସୁଙ୍ଗ୍ ଇର୍‌ହାର୍, “ସୁଡ଼ୁ, ରମ୍‌ନିଦିନ୍ତୁ ମି ସିସୁର୍ ଏଣ୍ଡେସ୍ ନିୟମ୍ ସିଲି ପାଣି କିଜିନାର୍ ।”

୩ ଜିସୁ ଖାରିଙ୍ଗ୍ ଇର୍‌ହାନ୍, “ଅର୍‌ଲେନ୍‌ ଦାଉଦ ନି ଖାନି ତଡ଼କୁ ବାଙ୍ଗା ଆନିଝାଲେ ଖାନ୍ ଇନିକା କିତାମାର୍‌ଆନ୍, ଆକା ମିର୍ ପଡ଼ାଇଦେର୍ ନୋ ?

୪ ଖାନ୍ ମାପୁରୁଦି ଇଲ୍‌ତୁ ସଲ୍‌ସି ମାପୁରୁ ଉଦେସ୍‌ତାନ୍ ପୁଜାସିତିମାହ୍ ରୁଟି ଖାନ୍ ନି ଖାନି ତଡ଼କୁ ତିର୍‌ହାର୍ । ନିୟମ୍ ଇସାବ୍‌ତାନ୍ ଜାଜକଦିଙ୍ଗ୍ ତିସ୍‌ତିଙ୍ଗ୍ ଆୟା ରୁଟି ତିନ୍‌ଡେଙ୍ଗ୍ ଇଜି ଆଇ ଏଙ୍ଗ୍‌ବା ଅଦିକାର୍ ସିଲେତାଡ଼ ।

୫ ମିର୍ ଇନିକା ପଡ଼ାଇଦେର୍ ନୋ ? ମସାଦି ନିୟମ୍ ଇସାବ୍‌ତାନ୍ ଜାଜକର୍ ରମ୍‌ନି ଦିନ୍‌ତୁ ମନ୍ଦିର୍ ଲୋଇ ଜାଜକତି ପାଣିକିନି ମାଣାନ୍ ରମ୍‌ନି ଦିନ୍ତି ନିୟମ୍ ଅମାନ୍ୟ କିଜିମାରିଙ୍ଗ୍‌ବା ଆୟାଉଣ୍ଡିଙ୍ଗ୍ ଖାର୍ ଦସି ଆଏଜିମାର୍‌ହାର୍ ?

୬ ନାନ୍ ମିଙ୍ଗ୍ ଇଜିନା, ମନ୍ଦିର୍ ମାଣାନ୍ ପେରି ବିସୟ ଇବେମାନାଡ଼ ।

୭ ✨ସାସ୍ତ୍ର ଇନାଡ଼, ନାନ୍ ବଦାକିନା ଦୟା, ପୁଜାସିନିକା ସିଲେ; ଇୟା ମାଟାଦି ଅର୍ତ୍ତ ଜଦି ସତ୍ତତାନ୍ ବୁଜାତିଦେର୍ମାନ୍, ଇୟା ଦସ୍ କିଇ ଲୋକାଙ୍ଗ୍ ମିର୍ ଦସିକିଇତିଦେର୍ମାନ୍ ।

「ଇରିଙ୍ଗ୍ ମନୁସ୍ୟପୁତ୍ର ରମ୍‌ନିଦିନ୍ତି ପ୍ରବୁ ।」

ଅରେନ୍ କିୟୁ ଖାରତିସରଇ ଲୋକୁ

(ମାର୍କ ୩:୧-୬; ଲୁକ ୬:୬-୧୧)

୯ ଜିସୁ ଆୟା ବାତିଦାନ୍ ଡିସ୍‌ସି ପାରତନାକିନି ଇଲ୍‌ତୁ ଡୁବୁତାନ୍ ।

୧୦ ଖାନି ଉନ୍‌ତ୍ରୁ କିୟୁ ଖାରତିସରରି ଅରେନ୍ ଲୋକୁ ଆବେ ମାର୍ହାନ୍ । ଜିସୁଦି ଦସ୍ ଆସ୍‌ତେଙ୍ଗ୍ ଏସ୍ ଲୋକୁ ଆବେ କାପ୍‌କିଜି ମାର୍ହାର୍ । ଆୟା ଉଣ୍ଡିଙ୍ଗ୍ ଖାର ଜିସୁଙ୍ଗ୍ ଖେନ୍‌ବାତାର୍, “ରମ୍‌ନି ଦିନ୍‌ତୁ ନେଗେନ୍ କିନିକା ମା ନିୟମ୍ ବିରୁଦ୍ ସିଲେନୋ ?”

୧୧ ✨ଜିସୁ ଇର୍ହାନ୍, “ଜଦି ମି ଲୋଇରାନ୍ ଏ ଖାନି ମେଣ୍ଡା ରମ୍‌ନିନାଣ୍ଡିଙ୍ଗ୍ ଉନ୍‌ତ୍ରୁ ପେରି ଗୁଟାବୁ ଆର୍‌ନାଡ଼, ମିର୍ ତାନିଙ୍ଗ୍ ନିକ୍‌ସି ତେଇଦେର୍‌ନୋ ?

୧୨ ଅରେନ୍ ଲୋକ୍ତି ଦାରା ଉନ୍‌ତ୍ରୁ ମେଣ୍ଡାଦି ବାଦ୍‌ଲୁ ନାଣ୍ଡ । ମାରି ରମ୍‌ନି ନାଣ୍ଡିଙ୍ଗ୍ ଆଇଖାନିଙ୍ଗ୍ ସାକାକିନିକା ମା ନିୟମ୍ ଇସାବ୍‌ତାନ୍ ନେଗି ପାଣି ।”

୧୩ ଇକା ଇଜି ଖାନ୍ କିୟୁ ଖାରତିମାର୍‌ରି ଲୋକ୍ତିଙ୍ଗ୍ ଇର୍ହାନ୍, “ନି କିୟୁ ପେର୍‌ଆ ।”

ଖାନ୍ ଖାନି କିୟୁ ପେର୍‌ତି ଦାପ୍ରେ ଆୟା କିୟୁ ଆଇ କିୟୁ ଖାଜା ନେଗେନ୍ ଆତାସର୍‌ହାଡ଼ ।

୧୪ ଇୟା ଖେନ୍‌କା ପାରୁସିର୍ ଆୟା ବାତିଦାନ୍ ସହସି ସଲ୍‌ସି ଜିସୁଙ୍ଗ୍ ଡାକ୍‌ତେଙ୍ଗ୍ ଇଜି ଉପାୟକିତାର୍ ।

ମାପୁରୁ ବାସେକିତି ସେବାକିନିକାନ୍

୧୫ ଖାନି ବିରଦ୍‌ତାନ୍ ଆତିମାନି ଉପାୟତି ମାଟା ଖେନ୍‌ଜି ଜିସୁ ଆୟା ରାଜି ଡିସ୍‌ସି ଆଇତରିନ୍ ସର୍‌ହାନ୍ । ନାଣ୍ଡ ଲୋକୁ ଖାନି ଖେନ୍‌କା ଖେନ୍‌କା ସର୍‌ହାର୍ । ମାରି ଖାନ୍ ଖିଜୁ ରଗ୍ ଲୋକାଙ୍ଗ୍ ନେଗେନ୍ କିତାନ୍ ।

୧୭ ମାତର ଖାନି ବିସୟତାନ୍ ଆଇଝାରିଙ୍ଗ୍ ଇନିକା ଇନ୍ ଉଣ୍ଡିଙ୍ଗ୍
ଆଦେସ୍ ସିତାନ୍ ।

୧୭ ଇୟାବାଣାନ୍ ବାବବାଦି ଜିସାୟଦି ମାଣାନ୍ ମାପୁରୁ ଏମେ ମାଟା
ଇର୍ହାମାର୍ହାନ୍, ଆକା ସତ୍ ଆଦେଙ୍ଗ୍ ଇକା ଇର୍ହାନ୍ ।

୧୮ “ଇକାନ୍ ନା ଦାସ୍, ଏମେଖାନିଙ୍ଗ୍ ନାନ୍ ବାସେକିତାମାନା,
ଖାନିଙ୍ଗ୍ ନାନ୍ ଲାଡକିନା, ଖାନି ଉଣ୍ଡିଙ୍ଗ୍ ନାନ୍ ଖେଡିକା ।

ନା ଆମ୍ବା ଖାନି ମୁସ୍କୁ ରେତାନାଡ଼;

ଝିଜୁ ଅଣଜିହୁଦି ଲୋକାମାନୁ ଖାନ୍ ନା ବିସାରକିନି ବିସୟ
ଖେରନାନ୍ ।

୧୯ ଖାନ୍ ଜାତିଜଗଡ଼ା କିଏନ୍ କି ଆଉଲି ଆଏନ୍,

ରାସ୍ତା ମଜାୟ ନିଲ୍ଲଜି ନାଣ୍ଡ ଆଉଲି ଆଜି ମାଟା ଇନ୍ଏନ୍ ।

୨୦ ଖାନ୍ ଖାଙ୍ଗ୍ ତି ନାଡ଼ାଦିଙ୍ଗ୍ ରୁକ୍ଏନ୍,

ମାରି କାସ୍ନିସାଲିତାଦିଙ୍ଗ୍ ନାପ୍ଏନ୍ ।

ଖାନ୍ ସାକିସିଲିଝାରିଙ୍ଗ୍ ନି ସିଲିସାତିକାର୍ ନ୍ୟାୟ ବିସାର ପୟନିସାଦି
ଖାନ୍ ଖାନି କିନିମାଣାନ୍ ସୁପ୍ ଆଏନ୍ ।

୨୧ ଖାନି ମୁସ୍କୁ ଦେସ୍ତି ଝିଜୁ ଅଣଜିହୁଦି ଲୋକୁ ଆସା ଇଡନାର୍
।”

ଜିସୁ ନି ବାଲ୍ଜିବୁଲ୍

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ତାନି ଖେନ୍କା ଅର୍ଲେନ୍ ଲୋକୁ ଅରେନ୍ କାଣା ନି ଗୁଲେଙ୍ଗ୍
ତାସିଝାତାର୍ । ଖାନ୍ ଦୁବା କାସ୍ତାମାର୍ହାଡ଼ ଆକା ମାଟା ଇନ୍ଡେଙ୍ଗ୍
ଆର୍ଏଜି ମାର୍ହାନ୍ । ଜିସୁ ଖାନିଙ୍ଗ୍ ନେଗେନ୍କିତାନ୍ । ଖାନ୍
ସୁଡ଼େଙ୍ଗ୍ଆଟାନ୍ । ମାରି ମାଟା ଇନ୍ଡେଙ୍ଗ୍ ଆଟାନ୍ ।

୨୩ ଜିସୁଦି ଇୟା ପାଣିଦୁ ଝିଜୁ ଲୋକୁ କାବାଆଜି ଇର୍ହାର୍, “ଇକାନ୍
ଇନିକା ଆୟା ଦାଉଦ ମାରିନ୍ ଆଏନ୍ ନୋ ?”

୨୪ ☆ପାରୁସିର୍ ଇକା ଖେନ୍ଜି ଇର୍ହାର୍, “ଖାନ୍ ଦୁବେଙ୍ଗ୍ ପେରିକାନ୍
ବାଲ୍ଜିବୁଲ୍ ସାକ୍ତି ପୟଜି ଦୁବେଙ୍ଗ୍ ଡିସିସକିଜିନାନ୍ ।”

୨୫ ଖାର୍ ଇନିକା ଏଡ଼ କିଜିନାର୍ ଜିସୁ ନେସ୍ତେଙ୍ଗ୍ଆଟସି ଇର୍ହାନ୍,
ଉନ୍ଡି ଦେସ୍ତି ଲୋକୁ ଖେର୍ଏ ଖେର୍ଏ ଦଲ୍ ବାଗ୍ଆଜି ନିଜେ

ନିଜେଦି ଲୋଇ ଜୁଦ୍ କିତିଙ୍ଗ, “ଆୟା ଦେସ୍ ନାଣ୍ଟ ଦିନ୍ ତେବାଏଡ୍ । ଏମେ ଗାଡ୍ ବା ଇଲୁ ଲୋଇ ଆଇ ଆଇ ଦଲ୍‌ଆଜି ଜାଟିଜଗଡ଼ା କିତିଙ୍ଗ, ୱାର୍ ବେଗି ନାସ୍ତୁଆନାସନାଡ୍ ।

୨୭ ଆରିଙ୍ଗ, ସୟତାନ୍ ରାଜିଦୁ ଜଦି ଉନ୍‌ତ୍ରି ଦଲ୍ ଆଇ ଦଲ୍ ବିରଦ୍‌ତାନ୍ ଜୁଦ୍‌କିନାଡ୍, ନେସ୍‌ତେଙ୍ଗ୍ ଆନାଡ୍‌ଜେ ଆକା କଣ୍ଟୁ କଣ୍ଟୁଆଜି ଦଂସ୍ ଆନାସନାଡ୍ ।

୨୮ ମିର୍ ଇଜିନିଦେର୍, ନାନ୍ ଜଦି ବାଲ୍‌ଜିବୁଲ୍‌ତି ସାକ୍ତିଦାନ୍ ତାଗ୍‌ଲ୍ ଦୁବେଆଙ୍ଗ୍ ଧେରଜିନା । ଆରିଙ୍ଗ୍ ୱାନିକାଙ୍ଗ୍ ଧେରଦେଙ୍ଗ୍ ଇଜି ମି ସିସୁରିଙ୍ଗ୍ ଏନ୍ ସାକ୍ତି ସିଜିନାନ୍ ? ମି ସିସୁରି ଇୟା ପାଣିଦାନ୍ ମି ଦସ୍‌କିନିକା ମିସ୍ ଇଜି ପାର୍‌ମାଣ୍‌ଆଜିନାଡ୍ ।

୨୯ ଦୁବେଙ୍ଗ୍ ଡିସ୍‌ସ୍‌କିନି ସାକ୍ତି ନାନ୍ ବାଆଲ୍‌ଜିବୁଲ୍‌ତି ମାଣାନ୍ ପୟ୍‌ଏ । ମାପୁରୁଦି ଆମ୍‌ଦାନ୍ ଆକା ନାନ୍ ପୟ୍‌ତାମାନା । ଇୟାମାଣ୍‌କୁ ମାରି ଉନ୍‌ତ୍ରି ବିସୟ୍ ପାର୍‌ମାଣ୍‌ଆଜିନାଡ୍ ମାପୁରୁଦି ରାଜି ମି ଲାକ୍‌ତୁ ୱାତାଡ୍‌ନି ।

୩୦ “ଅରେନ୍ ବପୁମାନି ଲୋକ୍‌ତିଙ୍ଗ୍ ଆଗ୍‌ଡି ତର୍‌ଏତିଙ୍ଗ୍, ଏନ୍ ୱାନି ଇଲୁଡୁ ଡୁଗ୍‌ଜି ୱାନି ଦନ୍ ରେଲ୍‌ଜ ଅତେଙ୍ଗ୍ ଆର୍‌ଏନ୍ ।

୩୧ ☆ଏନ୍ ନା ତରିନ୍ ସିଲେନ୍, ୱାନ୍ ସଡ୍‌ନେ ନା ବିରୁଦ୍‌ତାନ୍ ମାନାନାର୍ । ଏନ୍ ନା ୱାଲେ ମିସାଜି ଉଣ୍ଡାକିଏଜିନାନ୍, ୱାନ୍ ଇନ୍‌ଙ୍ଗ୍ ଆନିଙ୍ଗ୍ କିନା ପୋକ୍‌ନାନ୍ ।

୩୨ ଇୟାଉଣ୍ଡିଙ୍ଗ୍ ନାନ୍ ମିଙ୍ଗ୍ ସଡ୍ ଇଜିନା, ଲୋକୁ ଏମେ ପାପ୍ କିପିନ୍ ବା ନିନ୍‌ଆ ମାଟା ଇନିନ୍, ଆୟାଉଣ୍ଡିଙ୍ଗ୍ ୱାନିଙ୍ଗ୍ କେମାସିଆଇ ଆଦେଙ୍ଗ୍ ଆର୍‌ନାଡ୍ । ମାତର୍ ଜଦି ଏନ୍ ପବିତ୍ରଆମ୍‌ଦି ବିରଦ୍‌ତାନ୍ ନିନ୍‌ଆ ମାଟା ଇନାନ୍, ୱାନି କେମାଆଏଡ୍ ।

୩୩ ☆ଏମେକାନ୍ ମନୁସ୍‌ପୁତ୍ରଦି ବିରଦ୍‌ତାନ୍ ଇନିକା ଇରିଙ୍ଗ୍, ୱାନ୍ କେମା ପୟ୍‌ନାନ୍ । ମାତର୍ ଏନ୍ ପବିତ୍ରଆମ୍‌ଦି ବିରଦ୍‌ତାନ୍ ନିନ୍‌ଆ ମାଟା ଇନାନ୍, ୱାନ୍ ଇଲେଇ ମାରି ୱାନିଦିନ୍‌ଡୁ ଏସାଙ୍ଗ୍‌ବା କେମାପୟ୍‌ଏନ୍ ।

ମାରାନ୍ ନି ତାନି ପଲ୍
(ଲୁକ ୬:୪୩-୪୫)

୩୩ ☆ “ନେଗି ପଲ୍ ଆସ୍‌ତେଙ୍ଗ୍ ଇଜି ମାରାନ୍ ମଟା ଆନିଦରକାର । ତାଗ୍‌ଲ ମାରାତୁ ତାଗ୍‌ଲ ପଲ୍ ଆସ୍‌ନାତ୍ । ମାରାନ୍ ଏଣ୍ଡେସ୍‌ନାନିକା, ପଲ୍‌ତାନ୍ ନେସ୍‌ତେଙ୍ଗ୍‌ଆନାତ୍ ।

୩୪ ☆ ମିର୍ ସାରାସ୍‌ତି ଖାଜା ତାଗ୍‌ଲ ଲୋକୁ, ମିର୍ ନେଗି ମାଟା ଏଣ୍ଡେସ୍ ଇନ୍‌ଡେଙ୍ଗ୍ ଆଟ୍‌ନିଦେର୍ ? ଅରେନ୍‌ଖାନି ମନ୍ ଲୋଇ ଆମାକା ଅଡ୍‌ବିଜିମାନାନ୍, ଆକା ଖେୟୁଦାନ୍ ସପ୍‌ନାନ୍ ।

୩୫ ଅରେନ୍ ନେଗି ଲୋକୁ ନେଗି ସାମାନ୍‌ତୁ ବର୍ତ୍ତ ଆତିମାନି ଖାନି ଜିବନ୍‌ତାନ୍ ନେଗି ମାଟା ସପ୍‌ସି ତାନାନ୍ । ଅରେନ୍ ତାଗ୍‌ଲ ଗୁଣ୍ଡୁତି ଲୋକୁ ତାଗ୍‌ଲ ସାମାନ୍‌ତୁ ବର୍ତ୍ତ ଆତିମାନି ଖାନି ଜିବନ୍‌ତାନ୍ ତାଗ୍‌ଲ ମାଟା ସପ୍‌ସି ତାନାନ୍ ।

୩୬ “ମିର୍ ଇହ୍ ମାନି ଖିଜୁ ଉପକା ମାଟେଙ୍ଗ୍ ଉଣ୍ଡିଙ୍ଗ୍ ବିସାର୍ ଦିନ୍‌ତୁ ମିଙ୍ଗ୍ ଇସାବ୍ ସିଦେଙ୍ଗ୍‌ଆନାତ୍ ।

୩୭ ମି ମାଟାଦାନ୍ ମିର୍ ବିସାର୍‌ଆଜି ନିର୍ଦ୍‌ସ୍ ନୋ ଦସି ଇଜି ଆସାଈଆନିଦେର୍ ।”

କାବାଆନି ପାଣିକିଦେଙ୍ଗ୍ ଦାବିକିତାର୍

(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ ☆ ଅର୍ଲେନ୍ ଏସ ପାରୁସିର୍ ନି ଦାମ୍‌ ଗୁରୁର୍ ଜିସୁଙ୍ଗ୍ ଇହ୍‌ର, “ଗୁରୁ, ନି ଉଣ୍ଡି କାବାଆନି ପାଣି ସୁଡ୍‌ଦେଙ୍ଗ୍ ବଦା କିଜିନାପ୍ ।”

୩୯ ☆ ଜିସୁ ଖାରିଙ୍ଗ୍ ଇହ୍‌ନ୍, “ଇୟା ଜଗ୍‌ତି ଲୋକୁ ଏସା ଦୁସ୍ ନି ମାପୁରୁଙ୍ଗ୍ ମାନାଇକାର୍ ।” ମିର୍ ନାଙ୍ଗ୍ ଉଣ୍ଡି କାବାଆନି ପାଣି ତର୍‌ତେଙ୍ଗ୍ ଇଜିନିଦେର୍ ? କେବଲ୍ ବାବବାଦି ଜୁନସ୍‌ତି ଜିବନ୍‌ତୁ ଗଟେଆତିମାନି କାବାଆନି ପାଣି ନେ ମିଙ୍ଗ୍ ତର୍‌ସି ସିଆଈଆନାତ୍ ।

୪୦ ଜୁନସ୍ ଏଣ୍ଡେସ୍ ମିନି ପଟାଦୁ ମୁଣ୍ଡି ଦିନ୍ ମୁଣ୍ଡି ନାଡ଼ା ତେବାତାମାର୍‌ହାନ୍, ଆୟାଖାଜା ମନୁସ୍‌ସପୁଡ୍ ବୁମି ଲୋଇ ମୁଣ୍ଡି ଦିନ୍ ମୁଣ୍ଡି ନାଡ଼ା ତେବାନାନ୍ ।

☆ ୧୨:୩୩ ମାଡ଼ିଉ ୭:୨୦; ଲୁକ ୬:୪୪. ☆ ୧୨:୩୪ ମାଡ଼ିଉ ୩:୭; ୨୩:୩୩; ଲୁକ ୩:୭;

ମାଡ଼ିଉ ୧୫:୧୮; ଲୁକ ୬:୪୫. ☆ ୧୨:୩୮ ମାଡ଼ିଉ ୧୭:୧; ମାର୍କ ୮:୧୧; ଲୁକ ୧୧:୧୭.

☆ ୧୨:୩୯ ମାଡ଼ିଉ ୧୭:୪; ମାର୍କ ୮:୧୨.

୪୧ ଆମା ନାଣ୍ଡିଙ୍ଗ ମାପୁରୁ ବିସାରକିନାନ୍ ନିନିବିତି ଲୋକୁ ମି
ବିରଦ୍‌ତାନ୍ ଇନ୍‌ଡ୍ରେଙ୍ଗ୍ ଇଜି ନିନାର୍, ଇରିଙ୍ଗ୍ ଜୁନସ୍‌ତି ପ୍ରଚାର୍
ଝେନ୍‌ଜି ଖାର ପାପ୍ ସାରିଦାନ୍ ଡେସିଞ୍ଜାତାର୍ । ମାରି ସୁଡ଼ୁ, ନାନ୍
ମିଙ୍ଗ୍ ଇଜିନା, ଜୁନସ୍‌ତି ମାଣ୍‌କୁ ପେରିକାନ୍ ଅରେନ୍ ଇବେନ୍‌
ମାନାନ୍ ।

୪୨ ମାପୁରୁଦି ବିସାର ଦିନ୍‌ଡୁ ସିବାଦି ରାଣି ମି ଦସ୍ ତର୍‌ଡେଙ୍ଗ୍
ଇଜି ନିନାର୍, ଇରିଙ୍ଗ୍ ସଲମନ୍‌ତି ବୁଦିଦି ମାଟା ଝେନ୍‌ଡ୍ରେଙ୍ଗ୍ ଇଜି
ଦୁନିଆଦି ଆକ ଦେସ୍‌ତାନ୍ ଖାଦ୍ ଖାତା ମାର୍‌ହାଡ଼; ମାତର୍ ନାନ୍
ସତେନେ ଇଜିନା, ସଲମନ୍‌ତି ମାଣ୍‌କୁ ଇବେ ପେରିକାନ୍ ଅରେନ୍
ଇବେ ମାନାନ୍ ।

ତାଗ୍‌ଇ ଆମା ଡେସିଞ୍ଜାନିକା (ଲୁକ ୧୧:୨୪-୨୬)

୪୩ “ଉଣ୍ଡି ତାଗ୍‌ଇଦୁବା ଅରେନ୍ ଲୋକୁ ମାଣାନ୍ ସତିସ୍‌ରଇ
ଝେନ୍‌କା ଖାର୍‌ତି ବାତି ସୁଡ଼ିଜି ମାରି ଉନ୍‌ଡ୍ରି ରମ୍‌ନି ବାତି ପୟ୍‌ନାଡ଼ ।
ଜଦି ଆୟା ନାନି ବାତି ତାନେଙ୍ଗ୍ ପୁର୍‌ଏଡ଼ ।

୪୪ ନାସ୍ତିଞ୍ଜାଲେ ଖାଦ୍ ଇନାଡ଼, ନାନ୍ ଏମେ ଇନ୍‌ଡ୍ରେଙ୍ଗାନ୍ ସତା
ଞ୍ଜାତାମାର୍‌ଆ, ନା ଆୟା ଇନ୍‌ଡ୍ରେ ମାରିଡେସି ସନା, ଖାଦ୍ ଡେସି ସଲ୍‌ସି
ସୁଣାଡ଼, ଆୟା ଇଲୁ ମାରି ସିପାଇଆଜି ମେଲା ତେବାତାମାନାଡ଼ ।

୪୫ ନାସ୍ତିଞ୍ଜାଲେ ଖାଦ୍ ସଲ୍‌ସି ତାନେମାଣାନ୍ ନାଣ୍ଡି ତାଗ୍‌ଇ ମାରି
ସାଡ଼ଗୋଟା ଆଡ଼ମେଙ୍ଗ୍ ଅର୍‌ସେ ଆସ୍‌ନା ଞ୍ଜାନାଡ଼ । ମାରି ଞ୍ଜାକ୍ ଞ୍ଜାଜି
ଆୟା ଇଲୁ ଲୋଇ ସଲ୍‌ସି ବାସାନେ । ନାସ୍ତିଞ୍ଜାଲେ ଲୋକ୍‌ତି ଅବସ୍ତା
ଆଗ୍‌ଡିରି ବାଦ୍‌ଲୁ ନାଣ୍ଡି ତାଗ୍‌ଇକା ଆନାଡ଼ । ଇଲେଇ ଜିବନ୍‌ମାନି
ତାଗ୍‌ଇ ଲୋକା ଉଣ୍ଡିଙ୍ଗ୍ ଆୟାଞ୍ଜା ଗଟାନାଡ଼ ।”

ଜିସୁଦି ଆଇସି ନି ତଡ଼ାନ୍‌କୁ (ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜିସୁ ଲୋକା ଞ୍ଜାଲେ ଞ୍ଜାର୍‌ଗିଜିସାନିଞ୍ଜାଲେ ଞ୍ଜାନି ଆଇସି ନି
ତଡ଼ାନ୍‌କୁ ଆୟା ବାଡ଼ିଦୁ ଞ୍ଜାଜି ଞ୍ଜାନିଙ୍ଗ୍ ଇନିକା ଇନ୍‌ଡ୍ରେଙ୍ଗ୍ ଇଜି
ଆଡ଼ରେ କାପ୍‌କିଜି ଞ୍ଜାନିଙ୍ଗ୍ କୁକିସ୍‌କିତାର୍ ।

୪୭ ଅରେନ୍ ଲୋକୁ ଖାଜି ଜିସୁଙ୍କୁଁ ଇର୍ହାନ୍, “ସୁଡ଼ଆ, ମି ଯାୟା ନି ତଡ଼ାନ୍କୁ ନି ଉଣିଙ୍ଗ ଆଡ଼ରେ କାପକିଜିନାର୍ ।”

୪୮ ଜିସୁ ଇର୍ହାନ୍, “ଏନ୍ ନା ଯାୟା ? ମାରି ଏର୍ ନା ତଡ଼ାନ୍କୁ ?”

୪୯ ସିସୁରି ତରିନ୍ କିୟୁ ଜୁଟ୍ସି ଇର୍ହାନ୍, “ସୁଡ଼ଦୁ, ଇୟାକାର୍ ଆଜିନାର୍ ନା ଯାୟା ନି ତଡ଼ାନ୍କୁ ।

୫୦ ଏନ୍ ନା ମୁସୁକୁପୁରତି ବୁବାଦି ବଦାଦିଙ୍ଗ ମାନାନାନ୍, ଖାନ୍ ନା ତଡ଼ାନ୍, ନା ତାଙ୍ଗ ମାରି ନା ଯାୟା ।”

୧୩

ଝିତୁ ଝିଡ଼ନି କାତା

(ମାର୍କ ୪:୧-୯; ଲୁକ ୮:୪-୮)

୧ ଆୟାନାଣ୍ଡିଙ୍ଗ ଜିସୁ ଇଲ୍ତାନ୍ ସହସି ଗାତା ପାଡ଼ି ସର୍ହାନ୍ । ଆବେ ଖାନ୍ ସିକିୟା ସିଦେଙ୍ଗ ବାସ୍ତାନ୍ ।

୨ ✧ ଖାନ୍ ସାରିବେଡ଼ତି ନାଣ୍ଡ ଲୋକୁ ଉଣ୍ଡାତା ମାର୍ହାର୍ ଜେ ଖାନ୍ ଉନ୍ତୁ ଡଙ୍ଗାଦୁ ସଲ୍ସି ବାସ୍ତାନ୍ । ଲୋକୁ ଝିଜେରେ ସାମ୍ବୁର୍ ପାଡ଼ି ତେବାତାର୍ ମାରି ଖାନ୍ ମାଟା ଝେର୍ଆର୍ ।

୩ ଖାନ୍ କାତାଦାନ୍ ଖାରିଙ୍ଗ ନାଣ୍ଡ ମାଟେଙ୍ଗ ସିକିୟା ସିତାନ୍ । ଖାନ୍ ଇର୍ହାନ୍, “ଅର୍ଲେନ୍ ଅରେନ୍ ଲୋକୁ ଝିତୁ ଝିଡ଼ତେଙ୍ଗ ସତାନ୍ ।

୪ ଖାନ୍ କିଡ଼ିଇଦୁ ଝିତୁ ଝିଡ଼ନିଖାଲେ ଏସ ଝିତୁ ସାରି ପାଡ଼କାଦୁ ଆର୍ତେ ଆକା ପଟିଙ୍ଗ ଖାଜି ଆୟାଝିଜୁ ଝିତୁ ତିର୍ଏ ।

୫ ମାରି ଏସ ଝିତୁ ଉଣା ସିକାଲାମାନି ପଡ଼ିପି ବୁମିଦୁ ଆର୍ତାଡ଼ । ମାରି ନାଣ୍ଡ ସିକାଲା ସିଲେତାଡ଼ ଆକା ଝିତୁ ଦାପ୍ରେ ନେରିତାଡ଼ ।

୬ ମାତର୍ ତାନି ଝେଲା ଆଡ଼ଗି ସଲ୍ଏଡ଼ ମାର୍ହାଡ଼ଆକା ଝେଡ଼ା ତେର୍ଝେଲ୍ତାନ୍ ଝେଡ଼ାଡ଼ ମାରି ସାତା ସର୍ହାଡ଼ ।

୭ ଏସ ଝିତୁ ସାମ୍ବକା ଦୁପା ଲୋଇ ଆର୍ତାଡ଼ । ଇୟା ସାମ୍ ମାରାକ୍ ଝିଜୁ ପିର୍ଜି ପାଡ଼ାଝିଜୁଦିଙ୍ଗ ତିଗିତେ ପକ୍ତେ ।

୮ ମାତର୍ ମାରି ଏସ ଝିତୁ ନେଗି ବୁମିଦୁ ଆର୍ଜି ମାରାକ୍ଆଜି ପଲ୍ ଆସ୍ତାଡ଼ । ଏସ ସହେ ଗୁଣ୍ଡ, ଏସ ସାଟେ ଗୁଣ୍ଡ, ମାରି ଏସ ତିରିସ୍ ଗୁଣ୍ଡ ପଲ୍ ଆସ୍ତାଡ଼ ।”

୯ ଜିସୁ କାତା ଡିସ୍ ସି ଇର୍ହାନ, “ଆମାଝାନିଙ୍ଗ୍ ଝେନ୍‌ଡ୍ରେଙ୍ଗ୍ ଗିତଣିଙ୍ଗ୍‌ମାନେ, ଝାନ ଝେନିନ୍ ।”

ଜିସୁ ଏନ୍ଦା କାତା ଝେର୍‌ତାନ

(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଝେନ୍‌କା ସିସୁର୍ ଜିସୁଦି ଲାକ୍‌ତୁ ଝାଜି ଝେନ୍‌ବାତାର୍, “ଲୋକାଙ୍ଗ୍ ସିକିୟା ସିନିଝାଲେ ନିନ୍ ଏନ୍ଦା କାତାଦାନ୍ ଝେର୍‌ସିନି ?”

୧୧ ଜିସୁ ଇର୍ହାନ, ମୁସକୁପୁର୍ତି ମାର୍‌ଗିତିମାନି ବିସୟ ନେସ୍‌ଡେଙ୍ଗ୍ ଇଜି ମିଙ୍ଗ୍ ବୁଦି ସିଆଇ ଆତାମାନାଡ୍, ମାତର୍ ଝାରିଙ୍ଗ୍ ସିଆଇ ଆଏଡ୍ ।

୧୨ ☆ଆମାଝାନିଙ୍ଗ୍ ମାନାଡ୍, ଝାନିଙ୍ଗ୍ ନାଣ୍ଡ ସିଆଇ ଆନାଡ୍ ମାରି ଆବେର୍ ଝାନ ନାଣ୍ଡ ଲାବ୍ କିନାନ୍ । ମାତର୍ ଆମାଝାନିଙ୍ଗ୍ ସିଲେଡ୍, ଝାନିଦି ଆମାକା ମାନାଡ୍, ଆକାବା କୁଡ୍‌ସି ଅଆୟ୍‌ଆନାଡ୍ ।

୧୩ ଝାରିଙ୍ଗ୍ ନାନ୍ କାତାଦାନ୍ ସିକିୟା ସିଜିନା, ଇରିଙ୍ଗ୍ ଝାର୍ ସୁଡ୍‌ବୁ ସୁଡ୍‌ବୁ ସୁଡ୍‌ଦେଙ୍ଗ୍ ଆର୍‌ଏର୍ ମାରି ଝେନ୍‌ବୁ ଝେନ୍‌ବୁ ବୁଜାଏର୍ ।

୧୪ ବାବଦାଦି ଜିସାୟ୍‌ଦି ବବିସଡ୍ ମାଟା ଝାରି ଉଣ୍ଡିଙ୍ଗ୍ ସଡ୍ ଆଜିନାଡ୍ ।
ଇୟା ଲୋକୁ ଝେନ୍‌ଜି ଝେନ୍‌ଜି ଇନିକା ବୁଜାଏର୍ ।

ସୁଡ୍‌ଜି ସୁଡ୍‌ଜି ଇନିକା ସୁଡ୍‌ଦେଙ୍ଗ୍ ଆର୍‌ଏର୍ ।

୧୫ ଇରିଙ୍ଗ୍ ଝାରି ମୋନ୍ ପିଲା ବୁଦି,

ଝାର୍ ଗିତଣିଙ୍ଗ୍ ଝେର୍‌ପାତାମାନାର୍

ମାରି କାଣ୍ଡକୁ ମୁକ୍ତାମାନାର୍ ।

ଆକା ଆଏଡିମାରିଙ୍ଗ୍ ଝାର୍

କାଣ୍ଡକାଣ୍ଡକୁ ସୁଡ୍‌ବୁଦେଙ୍ଗ୍ ଆର୍‌ତାର୍‌ମାନ୍

ମାରି ଝାର୍ ଗିତଣିଦାନ୍ ଝେନ୍‌ଡ୍ରେଙ୍ଗ୍ ଆର୍‌ତାର୍‌ମାନ୍

ମାରି ବୁଜାଜିଝାଜି ନା ଲାକ୍‌ତୁ ଡେସିଝାତାର୍‌ମାନ୍

ମାରି ଝାରିଙ୍ଗ୍ ନାନ୍ ନେଗେନ୍‌କିତାମାନ୍ ।

୧୬ ☆“ମିର୍ ଏସା ବାଗ୍ୟଦି ଲୋକୁ ! ମିର୍ ସୁଡ୍‌ଦେଙ୍ଗ୍ ଆର୍‌ସିନିଦେର୍ ମାରି ଝେନ୍‌ଡ୍ରେଙ୍ଗ୍ ଆର୍‌ସିନିଦେର୍ ।

☆ ୧୩:୧୭ ମାତିଉ ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭.
୧୦:୨୩,୨୪.

☆ ୧୩:୧୭ ଲୁକ

୧୭ ଇୟା ମାଟା ନାନ୍ ମିଙ୍ଗ୍ ସତ୍ ଇଜିନା, ଏସ ବାବବାଦିର୍ ନି ଏସ ମାପୁରୁଦି ଲୋକୁ, ମିର୍ ଆମାକା ସୁଡ଼ଜିନିଦେର୍; ଆକା ସୁଡ଼ଦେଙ୍ଗ୍ ଇଜି ମାରି ଝେନ୍‌ଜିନିଦେର୍; ଆୟାଝିକୁ ଝାର ଝେନ୍‌ଡେଙ୍ଗ୍ ବଦାକିତାର୍, ମାତର୍ ଝେନ୍‌ଏତାର୍ ।

ଜିସୁ ଝିତୁ ଝିଡ଼ନି ଲୋକ୍ତି କାତା ବୁଜାକିତାନ୍

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ “ଆରିଙ୍ଗ୍ ଝେନ୍‌ଡୁ, ଝିତୁ ଝିଡ଼ନିକାନ୍ କାତାଦି ଅର୍ତ୍ତ ଇଜିନାନ୍ । ବୁଜାଦେଙ୍ଗ୍ ତେରେପେତେ ଆଦୁ ।

୧୯ ଏର୍ ମୁସ୍କୁପୁରତି ନେଗି କାରୁର୍ ଝେନାର୍, ମାତର୍ ବୁଜାଏର୍ । ଝାନ ଝିତାତିମାନି ସାରି ଲାକ୍‌ତୁରି ବୁମିଦି ଝାଜା । ସୟତାନ୍ ଝାନି ଜିବନ୍‌ଡୁ ଝିତାତିମାନି ଆୟା ବାକ୍ୟ ଡିବିସ୍‌କିନାଅନାଡ଼ । ସାରି ଲାକ୍‌ତୁ ଆର୍ତ୍ତିମାନି ଝିତୁଦି ଅର୍ତ୍ତ ।

୨୦ ଏମେକାର୍ ବାକ୍ୟ ଝେରୁଇଦାପ୍ରେ ଝେଡ଼ିକାଦାନ୍ ଆସ୍‌ନାନ୍, ଝାର ପିଡ଼ିପି ବୁମିଦୁ ଆର୍ତ୍ତିମାନି ଝିତୁଦି ସାମାନ୍ ।

୨୧ ଝାରି ମନ୍‌ଡି ଲୋଇ ଇକା ସଲ୍‌ଏଡ଼ ଆକା ଝାର ତାନିଙ୍ଗ୍ ନାଣ୍ଡ ସମୟ ଆସ୍‌ସି ଇଡ଼ଦେଙ୍ଗ୍ ଆର୍‌ଏର୍ । ଇୟା ମାଟା ଉଣ୍ଡିଙ୍ଗ୍ ଏସ୍‌ଝାଲେ କାସ୍‌ନି କାସ୍‌ ଝାନାଡ଼, ଝାର ଦାପ୍ରେ ତାନିଙ୍ଗ୍ ଡିସ୍‌ନାର୍ ।

୨୨ ଏନ୍ ବାକ୍ୟ ଝେନାନ୍, ମାରି, ଦୁନିଆଦି ସିନ୍ତା ମାରି ଦନ୍‌ଡି ଆସା ଝାନିଙ୍ଗ୍ ତିଗ୍‌ନା ପକ୍‌ନାଡ଼, ମାରି ଝାର ପସଲ୍ ଆସ୍‌ଏର୍, ଆୟା ଲୋକ୍ ସାମ୍‌କା ଦୁପାଦୁ ଝିତାତିମାନି ବୁମିଦି ଝାଜା ।

୨୩ ମାତର୍ ଏନ୍ ବାକ୍ୟ ଝେନ୍‌ଜି ବୁଜାନାନ୍, ଆୟାକାର୍ ଝିତାତିମାନି ନେଗି ବୁମିଦି ଝାଜା । ଝାର ନାଣ୍ଡ ପସଲ୍ ଆସ୍‌ନାର୍, ଏନ୍ ସହେ ଗୁଣ୍ଡୁ ଏନ୍ ସାଟେ ଗୁଣ୍ଡୁ ଏନ୍ ତିରିସ୍ ଗୁଣ୍ଡୁ ।”

ଗଲୁଡକାଦିଲାଟା କାତା

୨୪ ଜିସୁ ମାରିଉଣ୍ଡି କାତା ଇଜି ଇର୍ହାନ୍ । ମୁସ୍କୁପୁର୍ ଇୟାଝାଜା ଅରେନ୍ ଲୋକୁ ଝାନି କିଡ଼ିଇବୁ ନେଗି ଗଦ୍‌ମୁ ଝିତୁ ଝିଡ଼ତାନ୍ ।

୨୫ ଅରଲେନ୍ ନାଡ଼ା ଝାର ଝିଜେରେ ତରିତିମାରୁଇଝାଲେ ଅରେନ୍ ସାଡୁ ଝାଜି ଆୟା ଗଦ୍‌ମୁ ଲୋଇ ଏସ ଗଲୁଡକା ଲାଟା ଝିତୁ ଝିଡ଼ତାସର୍ହାଡ଼ ।

୨୭ ଏସ୍ତିଖାଲେ ମାରାକ୍ ଝିଜୁ ପିର୍ଜି ସେରେନ୍ ସତାଡ଼, ନାଡ଼ମି ନାଡ଼ମି ଗଲୁତକା ଲାଟା ତରିତାଡ଼ ।

୨୮ ଆୟା ଲୋକତି ସାକରକୁ ଖାଜି ଇର୍ହାର୍, ଆଜ୍ଜା, ନିନ୍ତୋ କିଡ଼ିଇଦୁ ନେଗି ଝିଡୁ ଝିଡ଼ିମାରହି, ଗଲୁତକାଲାଟେଙ୍ଗ୍ ଏମେଣ୍ଟକୁ ଖାତେ ?

୨୯ ଖାନ୍ ଖାରିଙ୍ଗ୍ ଇର୍ହାନ୍, ଅରେନ୍ ସାତୁ ଇକା କିତାମାନାନ୍ । ମାରି, ସାକରକୁ ଖାନିଙ୍ଗ୍ ଇର୍ହାର୍, ଆରିଙ୍ଗ୍ ମାପ୍ ସଲ୍ସି ଆକେଙ୍ଗ୍ ରେଲ୍ଜି ଉଣ୍ଡେ ମାନୁ କିନାପ୍, ଇକା ଇନିକା ନିନ୍ ବଦାକିନି ?

୩୦ ମାତର୍ ଖାନ୍ ଇର୍ହାନ୍, “ସିଲେ, ଏସ୍ତିଖାଲେ ମିର୍ ଗଲୁତକା ଲାଟା ଉଣ୍ଡା କିରୁ କିରୁ ଆୟାଝିଜୁଦି ଖାଲେ ଗଦମୁ ରେନି ପକ୍ନିଦେର୍ ।

୩୧ ପାସି କୟ୍ଇ ସାହି ରୁଣ୍ଡିଖାନିକାଙ୍ଗ୍ ଅର୍ସେ ପିର୍ଦେଙ୍ଗ୍ ଡିସସୋ ସିଦୁ, ମାରି ପାସି କୟ୍ନିଖାଲେ ନାନ୍ କୟ୍ନି ଖାରିଙ୍ଗ୍ ଇନା, ଆଡେକ୍ତେଙ୍ଗ୍ ଇଜି ଆଗଡ଼ି ଗଲୁତକା ଲାଟା ଉନ୍ତେମାନୁ କିଜି କାଟେଙ୍ଗ୍ ତରଆ, ମାତର୍ ଗଦମୁ ନା କଲ୍କିଦୁ ଉଣ୍ଡା କିଜିଇତିଆ ।”

ସାର୍ସୁ ପାଡ଼ଡ଼ି କାତା

(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୨ ଜିସୁ ଖାରିଙ୍ଗ୍ ମାରିଉନ୍ତ୍ର କାତା ଖେର୍ସି ଇର୍ହାନ୍, “ମୁସ୍କୁପୁର୍ ଇୟାଖାଜା ଉନ୍ତ୍ର ସାର୍ସୁ ପାଡ଼ଡ଼ି ଖାଜା, ଆମାକା ଅସି ଅରେନ୍ ଲୋକୁ ନିଜେଦି କିଡ଼ିଇଦୁ ଝିଡ଼ିତାନ୍

୩୩ ଆକା ତୋ ଝିଜୁ ଝିଡୁ ପାଡ଼କା ମାଣାନ୍ ଇସ୍ତିକାଡ଼, ମାତର୍ ଆକା ପିରିତିଙ୍ଗ୍ ଝିଜୁ କୁସାଦି ମାଣ୍ଟକୁ ପେରିକା ଆଜି ଇୟାଖାଜା ମାରାନ୍ ଆନାଡ଼ ଜେ, ବାଦଡ଼ି ପଟିଙ୍ଗ୍ ଖାଜି ତାନି କମେଆଙ୍ଗ୍ ଜାଲୁ ତରସି ବାସାନେ ।”

କମିର୍ଦି କାତା

(ଲୁକ ୧୩:୨୦-୨୧)

୩୩ ଜିସୁ ଖାରିଙ୍ଗ୍ ମାରିଉନ୍ତ୍ର କାତା ଖେର୍ସି ଇର୍ହାନ୍, “ମୁସ୍କୁପୁର୍ ଇୟାଖାଜା । ଅରେଡ଼ ଆଇମା କାଣ୍ଡେକ୍ କମିର୍ ଅସି ଆତା ଅଟା ଗୁଣ୍ଡାଦୁ ମିସାକିଜି ପଡ଼ିକସି ଇର୍ତାଡ଼ । ଟିକ୍ ସମୟତୁ ଝିଜୁ ଦୁର୍ ଗୁଣ୍ଡା ଆବେ ମିସାଜି ଉଦ୍ଜି ନିଙ୍ଗ୍ ତାଡ଼ ।”

ଜିସୁ କାତାଦାନ୍ ଝେରତାନ୍

(ମାର୍କ ୪:୩୩-୩୪)

୩୪ ଜିସୁ ଇୟାଞ୍ଜିକୁ ମାଟା କାତାଦାନ୍ ଲୋକାଙ୍ଗ୍ ଝେରସିମାର୍ହାନ୍,
ମାରି କାତା ଝେରଏଣ୍ଡା ଝାନ୍ ଝାରିଙ୍ଗ୍ ଇନିକା ଇନ୍‌ଏଜିମାର୍ହାନ୍,

୩୫ ଏଣ୍ଡେସ୍ ବାବବାଦି ମାଣାନ୍ ରାସାତି ଇୟା ବାକ୍ୟ ସତ୍ ଆନାଡ୍,
“ନାନ୍ କାତାଦାନ୍ ଝାରି ଝାଲେ ମାଟା ଝାର୍‌ଗିନା ।
ଦୁନିଆ ତିଆରଥାତି ଆଗ୍‌ଡିରି ନେସ୍‌ଇମାନି ଝିକୁ ମାଟା
ଇୟାଞ୍ଜା ନାନ୍ ଝାରିଙ୍ଗ୍ ବୁଜାକିନା ।”

ଜିସୁ ଗଲୁତକାଲାଟାଦି ବିସୟତାନ୍ ବୁଜାକିତାନ୍

୩୬ ଲୋକା ଗଲିଦାନ୍ ସହସି ଝାଜି ଜିସୁ ଏସିଝାଲେ ଇଲୁ ଲୋଇ
ସହାନ୍, ଝାନି ସିସୁର୍ ଝାଜି ଝେନ୍‌ବାତାର୍, “କିଡିଇଦି ଗଲୁତକାଲାଟାଦି
କାତାଦି ଅର୍ତ୍ତ ମାଙ୍ଗ୍ ବୁଜାକିଆ ।”

୩୭ ଜିସୁ ଇହାନ୍, ଏମେ ଲୋକୁ ନେଗି ଝିତୁ ଝିତ୍‌ତାନ୍, ଝାନ୍
ମନୁସ୍ୟପୁତ୍ର ।

୩୮ ଇୟା ଦୁନିଆ ଆଜିନାଡ୍ କିଡିଇ । ଏମେକାର୍ ମୁସ୍‌କୁପୁରତି
ଅଦିକାରି, ଝାର୍ ନେଗି ଝିତୁ । ଗଲୁତକାଲାଟେଙ୍ଗ୍ ସୟତାନ୍‌ତି ଝାଲେ
ବୁଲାନିକାର୍ ।

୩୯ ଏମେ ସାତୁ ଗଲୁତକା ଲାଟା ଝିତ୍‌ତାନ୍, ଝାନ୍ ସୟତାନ୍ । ପାସି
ଉଣ୍ଡାକିନି ସମୟ ଆଜିନାଡ୍ ଝିଜ୍‌ନି ଜୁଗ୍ । ପାସି କୟ୍‌ନିକାର୍ ଆଜିନାଡ୍
ମୁସ୍‌କୁପୁରତି ଦୁଡ୍‌କୁ ।

୪୦ ଗଲୁତକା ଲାଟେଙ୍ଗ୍ ଏଣ୍ଡେସ୍ ଉଡ୍‌ତେମାନୁ କିଜି ଆଡ୍‌କାଈଆଡେ,
ଜୁଗ୍ ଝିଜ୍‌ନିଝାଲେ ଆୟାଞ୍ଜା ଆନାଡ୍ ।

୪୧ ମନୁସ୍ୟପୁତ୍ର ଝାନି ରାଜିଦାନ୍ ଝିକୁ ତାଗ୍‌ଇ ପାଣିକିନିଝାରିଙ୍ଗ୍ ନି
ଏମେକାର୍ ଆଇଝାରିଙ୍ଗ୍ ପାପ୍ କିବିସ୍ କିଦେଙ୍ଗ୍ ଉଡ୍‌ନାର୍, ଝାରିଙ୍ଗ୍
ଉଣ୍ଡାକିଦେଙ୍ଗ୍ ଇଜି ମୁସ୍‌କୁପୁରତି ଦୁଡ୍‌କାଙ୍ଗ୍ ପକ୍‌ନାନ୍ ।

୪୨ ଝାର୍ ଇୟା ଝିଜେରିଙ୍ଗ୍ କାସିନି ସିସୁଦୁ ପକ୍‌ନେ । ଆବେ ଇୟା
ଲୋକୁ ଆଡ୍‌ବାନାର୍ ମାରି ପାଲ୍‌କୁ କାଡ୍‌ତେ କିନାର୍ ।

୪୩ ନାସ୍ତିତ୍ୱାଲେ ମାପୁରୁଦି ଲୋକୁ ମୁସକୁପୁରତି ବୁବାମାନୁ ଖେଡ଼ାଦି
 ଖାଜା ଜାୟ ଆନାର । ଏମେଖାନିଙ୍ଗ୍ ଖେନ୍ତେଙ୍ଗ୍ ଗିତଣିଙ୍ଗ୍ମାନେ,
 ଖାନ ଖେନିନ୍ ।

ମୁସତି ଦନ୍ତି କାତା

୪୪ ମୁସକୁପୁର କିଡ଼ିଇଦୁ ମାରଗିତିମାନି ଦନ୍ତି ଖାଜା । ଅରେନ୍
 ଲୋକୁ ଆକା ସୁଡ଼ଜି ମାରକ୍ସି ଇଟ୍ତାନ ମାରି ଖେଡ଼ିକାଦାନ ସଲ୍‌ସି
 ନିଜେଦି ଝିଜୁ ପରଜି ଆୟା କିଡ଼ିଇଦିଙ୍ଗ୍ କଟାନ ।

ନାଣୁଦାରାଦି ମୁଛାଦି କାତା

୪୫ ମାରି, ମୁସକୁପୁର ଇୟାଖାଜା । ଅରେନ୍ ବେପାରି ନାଣୁଦାରାଦି
 ମୁଛା ପୟଜିମାହାନ ।

୪୬ ଉଣ୍ଡି ନାଣୁଦାରାଦି ମୁଛା ପୟଜି ଖାନ ଖାନ ଝିଜୁ ଦନ୍ ପରଜି
 ତାନିଙ୍ଗ୍ କଟାନ ।

ମିନ୍‌କୁ ଆସ୍‌ନି ଜାଡ଼ିଦି କାତା

୪୭ ମାରି, ମୁସକୁପୁର ଉଣ୍ଡି ମିନ୍‌କୁ ଆସ୍‌ନି ଜାଡ଼ିଦି ଖାଜା । ମିନ୍‌କୁ
 ଆସ୍‌ନିକାର ଗାତାଦୁ ଜାଡ଼ି ପକ୍‌ସି ରକମ୍ ରକମ୍ ଜାଡ଼ିଦି ମିନ୍‌କୁ
 ଆସ୍‌ନାର ।

୪୮ ଜାଡ଼ି ପୁରୁନ୍‌ଆଡ଼ିଙ୍ଗ୍ ଲୋକୁ ଗାତା ପାଡ଼ି ରେଲ୍‌ଜି ତାତାର,
 ମାରି ବାସ୍‌ସି ନେଗି ନେଗି ମିନ୍‌କୁ ଆସ୍‌କିଜି ସାଟ୍‌ନାଦୁ ଇଡ୍‌ନାର ମାରି
 ତାଗ୍‌ଇ ମିନ୍‌କୁ ପକ୍‌ନାର ।

୪୯ ଜୁଗ୍ ଝିଜିନି ଖାଲେ ଇୟାଖାଜା ଆନାଡ୍ । ଦୁଡ଼କୁ ସହସିଖାଜି
 ଦାମ୍‌ଦିଲୋକା ମାଣ୍‌କୁ ତାଗ୍‌ଇ ଲୋକାଙ୍ଗ୍ ଖେର୍‌ଏକିନେ ।

୫୦ ମାରି ଖାରିଙ୍ଗ୍ ସିସୁ କାସ୍‌ନିମାନୁ ପକ୍‌ନାର; ଆବେ ଆଡ଼୍‌ବାନାର
 ମାରି ପାଲ୍‌କୁ କାଡ଼୍‌ରେକିନାର ।

ପାଡ଼ିଇକା ନି ପୁନି ମାଟା

୫୧ ଜିସୁ ସିସୁରିଙ୍ଗ୍ ଖେନ୍‌ବାତାନ, “ଇୟାଝିଜୁ ବିସୟ ବୁଜାଦେଙ୍ଗ୍
 ଆଟ୍‌ସିନିଦେର୍ ?”

ଖାର ଇର୍ହାର, “ହୁଁ ପ୍ରବୁ ।”

୫୨ ଜିସୁ ଖାରିଙ୍ଗ୍ ଇର୍ହାନ୍, “ଏମେ ଇଲୁଦି ମାଲିକ୍ ନିଜେଦି
ରୁଦାମ୍ତାନ ପୁନିକା ନି ପାଡ଼ିଇ ଜିନିସ୍ ସପନାନ୍, ଦାମ୍ବୁଗୁରୁ ଏନ୍
ମୁସ୍‌କୁପୁରତୁ ସିସୁଆତାମାନାନ୍ ଖାନ୍ ଇୟାଝାଜା ।”

ଜିସୁଙ୍କୁ ନାଜରିତତୁ ମାନାଏତାର୍
(ମାର୍କ ୬:୧-୬; ଲୁକ ୪:୧୬-୩୦)

୫୩ ଜିସୁ ଇୟାଝିଜୁ କାତା ଝିସ୍ତି ଝେନ୍‌କା ଆୟା ବାଡ଼ିଦାନ୍ ସର୍ହାନ୍

୫୪ ମାରି, ଜିସୁ ନିଜେଦି ବୁବାସି ଗାଡ଼ତୁ ଖାଜି ଲୋକାଙ୍ଗ୍ ଖାରି
ପାର୍ତନା କିନି ଇଲୁଦୁ ଇୟାଝାଜା ସିକିୟା ସିତାନ୍ ଜେ, ଖାର୍
କାବାଆଜି ଇର୍ହାନ୍, “ଇୟାଝାଜା ବୁଦି ମାରି ସାକ୍ତିଦି ପାଣି ଏମେଶ୍‌କୁ
ପୟତାନ୍ ?” ଖାର୍ ଝେନ୍‌ବାତାର୍, “ଇୟା କାବାଆନିପାଣିଦି
ବିସୟତାନ୍ ଇନିକା ?”

୫୫ ଇକାନ୍ ଇନିକା ଆୟା ବାଡ଼େଇତି ମାରିନ୍ ଆଏନ୍ ? ମରିୟମ୍
ଇନିକା ତାମେ ଆଇସି ଆଏଡ଼ ? ଜାକୁବ, ଜସେପ୍, ସିମୋନ୍ ନି ଜିହୁଦା
ଇନିକା ଖାନି ତଡ଼ାନ୍‌କୁ ଆଏର୍ ?

୫୬ ଖାନି ତାଙ୍ଗ୍ ଇନିକା ଇବେ ବାସାର୍ ? ଇୟାଝିଜୁ ବୁଦି ନି
ସାକ୍ତି ଖାନ୍ ପୟତାନ୍ ଏମେଶ୍‌କୁ ?

୫୭ ☆ଇକା ଇଜି ଖାର୍ ଜିସୁଙ୍କୁ ମାନାଏତାର୍ ।

ଜିସୁ ଖାରିଙ୍ଗ୍ ଇର୍ହାନ୍, “ଅରେନ୍ ବାବବାଦି ନିଜେଦି ଇଲୁ ନି
ନାର୍ତିଙ୍ଗ୍ ଡିସ୍ତିଙ୍ଗ୍ ଆଇ ଝିଜୁମାନୁ ସନ୍‌ମାନ୍ ପୟନାନ୍ ।”

୫୮ ଖାର୍ ଖାନିଙ୍ଗ୍ ବିସ୍‌ବାସ୍ କିଏତାର୍‌ଆକା ଖାନ୍ ଆବେ ଖାନି
କାବାଆନି ପାଣି ମାରି ନାଣ୍ଡ କିଏତାନ୍ ।

୧୪

ଡୁବନ୍‌ସିନି ଯୋହନତି ସାନିକା

(ମାର୍କ ୬:୧୪-୨୯; ଲୁକ ୯:୭-୯)

୧ ଆୟା ସମୟତୁ ଗାଲିଲିଦି ସାସନ୍‌କିନି ସାମନ୍ତରାଜା ହେରୋଦ
ଜିସୁଦି ବିସୟତାନ୍ ଝେରୁଆନ୍ ।

୨ ୱାନ ୱାନି ପାଣିକିନିଝାରିଙ୍ଗ୍ ଇର୍ହାନ, “ଇକାନ ସତେନେ ତୁବନ୍‌ସିନି ଯୋହନ ଡେସି ଜିବନ୍ ପୟ୍‌ଜି ୱାତାମାନାନ୍ । ଆୟା ଉଣ୍ଡିଙ୍ଗ୍ ୱାନି କାବାଆନି ପାଣିକିଦେଙ୍ଗ୍ ସାକ୍ତି ମାନାଡ଼ ।”

୩ ☆ଡେନି ଆଗ୍ଡି ହେରୋଦ ଯୋହନତିଙ୍ଗ୍ ତର୍ସିସକିଦେଙ୍ଗ୍ ଆଦେସ୍ ସିତାମାର୍ହାନ, ମାରି ୱାନିଙ୍ଗ୍ ସିକିଣିଦାନ୍ ତର୍ସି ଜଇଲ୍‌ତୁ ଇଡିସକିତାମାର୍ହାନ । ୱାନି ତଡାନ୍ ପିଲିପ୍‌ତି ଆଡ୍‌ସି ହେରଦିଆଦି ଉଣ୍ଡିଙ୍ଗ୍ ୱାନ୍ ଇକା କିତାମାର୍ହାନ ।

୪ ତୁବନ୍‌ସିନି ଯୋହନ ହେରଦତିଙ୍ଗ୍ ଇଜିମାର୍‌ଆନ୍, “ହେରଦିଏଙ୍ଗ୍ ୱେଡି କିନିକା ନି ଟିକ୍‌ ସିଲେଡ଼ ।”

୫ ଆୟାଉଣ୍ଡିଙ୍ଗ୍ ହେରଦ ଯୋହନତିଙ୍ଗ୍ ସାୟାମାର୍‌ଗା ତାକ୍‌ଡେଙ୍ଗ୍ ବଦାକିଜିମାର୍ହାନ, ମାତର୍ ଜିହୁଦି ଲୋକାଙ୍ଗ୍ ୱାନ୍ ତିଲାଜିମାର୍ହାନ । ଇରିଙ୍ଗ୍ ୱାର୍ ଯୋହନତିଙ୍ଗ୍ ଅରେନ୍ ବାବବାଦି ଇଜି ମାନାଜିମାର୍ହାର୍ ।

୬ ହେରୋଦତି ଜନମ୍‌ଦିନ୍ ନାଣ୍ଡିଙ୍ଗ୍ ହେରଦିଆଦି ଗାଡ୍‌ସି କୁଡାଙ୍ଗ୍ ଆଗ୍ଡି ଗାଡ୍‌ସି ହେରଦତିଙ୍ଗ୍ ୱେଡିକା କିବିସକିତାଡ଼ ।

୭ ଆବେଟ୍ ୱାନ୍ ତାନିଙ୍ଗ୍ ପାର୍‌ମାଣ୍‌କିଜି ଇର୍ହାନ, “ନାନ୍ ପାର୍‌ମାଣ୍‌ କିଜି ଇଜିନା, ନିନ୍ ଆମାକା ଲସ୍‌ନି, ନାନ୍ ନିଙ୍ଗ୍ ଆକା ସିନା ।”

୮ ତାନି ଆଇସିଦି ମାଟା ଆସ୍‌ସି ଆଇଲି ଇର୍ହାଡ଼, “ତୁବନ୍‌ସିନି ଯୋହନତି ତାଲା ଇବେ, ଇୟାଦାପ୍ରେ ଉଣ୍ଡି ସାଡ୍‌ଝାଦୁ ଇଡ୍‌ଜି ନାଙ୍ଗ୍ ସିଦା ।”

୯ ଇକା ୱେନ୍‌ଜି ରାଜା ନାଣ୍ଡି ଦୁଃଖ କିତାନ୍ । ମାତର୍ କୁଡାଙ୍ଗ୍ ଆଗ୍ଡି ପାର୍‌ମାଣ୍‌ କିତାମାର୍ହାନଆକା ଆଇଲିଦି ଆସାଦିଙ୍ଗ୍ ପୁରା କିଦେଙ୍ଗ୍ ଆଦେସ୍ ସିତାନ୍ ।

୧୦ ଆବେଟ୍ ଜଇଲ୍‌ତୁ ଯୋହନତି ତାଲାଦିଙ୍ଗ୍ ଲୋକାଙ୍ଗ୍ ପକ୍‌ସି କଇସକିତାନ୍ ।

୧୧ ମାରି ଉଣ୍ଡି ସାଡ୍‌ଝାଦୁ ୱାନି ତାଲା ଇଡ୍‌ଜି ଆୟା ଆଇଲିଦିଙ୍ଗ୍ ସିତାର୍ । ୱାଦ୍ ତାନିଙ୍ଗ୍ ଅସି ତାନି ଆଇସିଙ୍ଗ୍ ସିତାଡ଼ ।

୧୨ ତାନିଝେନ୍‌କା ଯୋହନତି ସିସୁର୍ ଝାଜି ମୁସ୍‌ତେଙ୍ଗ୍‌ ଜିନି ଝାନି ସାତି ମାଡ଼ାଦିଙ୍ଗ୍‌ ଅତାର । ଝାର ସଲ୍‌ସି ଜିସୁଙ୍ଗ୍‌ ଇୟା ଦୁକ୍‌ତି କାରୁର୍ ଝେର୍‌ତାର ।

ଜିସୁ ପାସ୍‌ ହାଜାର୍‌ ଲୋକାଙ୍ଗ୍‌ ଉର୍‌ପିସ୍‌କିତାନ

(ମାର୍କ ୬:୩୦-୪୪; ଲୁକ ୯:୧୦-୧୭; ଜୋହନ ୬:୧-୧୪)

୧୩ ଯୋହନତି କାରୁର୍ ଝେର୍‌ଇଦାପ୍ରେ ଜିସୁ ତଙ୍ଗାଦୁ ଏକ୍‌ସି ଉଣ୍ଡି, ସିମ୍ବା ବାତିଦୁ ସର୍ହାନ । ଜିସୁ ଆବେ ସଲ୍‌ସି ମାନିକା ନେସ୍‌ସି ଲାକ୍‌ତୁରି ଗାଡ଼ାକାଣ୍‌କୁ ନାଣ୍ଡ ଲୋକ୍‌କୁ ବୁଲାଇ ବୁଲାଇ ଜିସୁଝାଲେ ସର୍ହାର ।

୧୪ ମାରି, ଜିସୁ ତଙ୍ଗାଦାନ ସତାନନୋ ନାଣ୍ଡ ଲୋକାଙ୍ଗ୍‌ ସୁଡ଼ୁଡ଼ି ଝାରି ଉଣ୍ଡିଙ୍ଗ୍‌ ଦୁଃକ୍‌ କିତାନ, ଝାନି ଜିବନ୍‌ ଦୟାଦୁ ଆଡ଼ବାତାସର୍ହାଡ଼ । ନାଣ୍ଡ ରଗ୍‌ ଲୋକାଙ୍ଗ୍‌ ଝାନ ନେଗେନ୍‌କିତାନ ।

୧୫ ଆୟା ନାଣ୍ଡିଙ୍ଗ୍‌ ମିଲ୍‌ମିଲିକା ସିସୁର୍ ଝାଜି ଇର୍ହାର୍‌, “ନାଣ୍ଡ ଝେଡ଼ା ଆତାଡ଼ନି, ମାରି ଇୟା ବାତି ସିମ୍ବା, ଲୋକାଙ୍ଗ୍‌ ପକ୍‌ଆ । ଝାର ନାରକାଙ୍ଗ୍‌ ସଲ୍‌ସି ନିଜେଦି ଉଣ୍ଡିଙ୍ଗ୍‌ କାଦି କଡ଼ିରି ।”

୧୬ ଜିସୁ ଝାରିଙ୍ଗ୍‌ ଇର୍ହାନ, “ଝାର ଇବେଟ୍‌କୁ ସନି ଦର୍‌କାର୍‌ ସିଲେ । ମିର୍ ଝାରିଙ୍ଗ୍‌ ଇନିକା ଉଣ୍ଡେଙ୍ଗ୍‌ ସିଦୁ ।”

୧୭ ସିସୁର୍ ଇର୍ହାର୍‌, “ଇବେ ମା ଲାକ୍‌ତୁ କେବଲ୍‌ ପାସ୍‌ଗୋଟା ରୁଟିଙ୍ଗ୍‌ ମାରି ରୁଣ୍ଡି ମିନ୍‌କୁ ମାନେ ।”

୧୮ ଜିସୁ ଇର୍ହାନ, “ଆକେଙ୍ଗ୍‌ ଇବେ ନା ଲାକ୍‌ତୁ ତାଗାଟ୍‌ ।”

୧୯ ଲୋକାଙ୍ଗ୍‌ ଲାଟା ମୁସ୍‌କୁ ବାସ୍‌ତେଙ୍ଗ୍‌ ଜିନି ଜିସୁ ଆୟା ପାସ୍‌ଗୋଟା ରୁଟିଙ୍ଗ୍‌ ମାରି ରୁଣ୍ଡି ମିନ୍‌କୁ ଅତାନ ମାରି ସ୍‌ର୍ଗ୍‌ ତରିନ୍‌ ସୁଡ଼ୁଜି ମାପୁରୁଙ୍ଗ୍‌ ଦନ୍‌ସବାଦ୍‌ ସିତାନ । ମାରି ଝାନ ରୁଟିଆଙ୍ଗ୍‌ ରୁକ୍‌ସି ରୁକ୍‌ସି ସିସୁରି କିୟୁଦୁ ସିତାନ । ସିସୁର୍ ଆୟାଞ୍ଜି ଅସି ଲୋକା ଲୋକ ବାଟାକିତାସିତାର ।

୨୦ ଝିଜେରେ ତିର୍‌ଆରୋ ପଟାପାଜିତାର । ତାନିଝେନ୍‌କା ସିସୁର୍ ଆମା ମକା ରୁଟିଙ୍ଗ୍‌ ଏଜିଡେ, ଆକେଙ୍ଗ୍‌ ଉଣ୍ଡା କିଜି ବାରଗୋଟା ତାଡ଼ିଆଙ୍ଗ୍‌ ବଡ଼ କିତାର ।

୨୧ ଆଇମେକ୍‌ ନି କଡ଼ରିଙ୍ଗ୍‌ ଡିସ୍‌ସି ୫,୦୦୦ ହାଜାର୍‌ ମେମାର୍‌ଙ୍ଗ୍‌ ଇୟା କାଦି ଉଟାମାର୍‌ହାର୍‌ ।

ଜିସୁ ଏରୁ ମୁସକୁ ବୁଲାଇବା

(ମାର୍କ ୬:୪୫-୫୨; ଜୋହନ ୬:୧୫-୨୧)

୨୨ ଇୟା ଝେନ୍‌କା ଜିସୁ ସିସୁରିଙ୍ଗ୍ ଡଙ୍ଗାଦୁ ଏକସି ଝାନି ଆଗଡ଼ି ଗାତା ଆୟା ପାଡ଼ି ସନ୍‌ଡ୍ରେଙ୍ଗ୍ ଇଜି ଇର୍ହାନ୍, ମାରି ଝାନ୍ ଝେନ୍‌କା ତେବାଜି ଲୋକାଙ୍ଗ୍ ପକ୍‌ତାନ୍ ।

୨୩ ଜିସୁ ଲୋକାଙ୍ଗ୍ ପୋକ୍‌ତି ଝେନ୍‌କା ଝାନ୍ ପାର୍‌ତନା କିଦେଙ୍ଗ୍ ଇଜି ଗରନ୍ ମୁସକୁ ସର୍ହାନ୍, ମାରି ମିଲ୍‌ମିଲ୍‌କା ଆତି ଝେନ୍‌କା ଝାନ୍ ଆବେ ଅରେନ୍ ତେବାତାନ୍ ।

୨୪ ମାତର୍ ଡଙ୍ଗା ନାସ୍ତିଖାଲେ ଗାତା ପାଡ଼ିବାନ୍ ନାଣ୍ଡ ଆକ ମାର୍ହାଡ଼ ମାରି ନାଣ୍ଡ ଗାଲି ଆଜିମାର୍ହାଡ଼ଆକା ଉଲ୍‌କା ଦକାଦାନ୍ ଦୁଙ୍ଗ୍ ଡିମାର୍ହାଡ଼ ।

୨୫ ସାଲ୍‌ଦି କର୍‌ରୁ କେଡେପି ଜିସୁ ସାମ୍‌ଦୁର୍ ମୁସକୁ ବୁଲାଇ ସିସୁରି ଲାକ୍‌ତୁ ଝାତାନ୍ ।

୨୬ ମାରି ସିସୁରି ଝାନିଙ୍ଗ୍ ସାମ୍‌ଦୁର୍ ମୁସକୁ ବୁଲାନିକା ସୁଡ଼ତୁରୋ ତିଲାଜି ଇର୍ହାନ୍, “ଇକା ତୋ ଦୁବା !” ମାରି, ଝାର୍ ତିଲାଜି ଆଉଲି ଆତାର୍ ।

୨୭ ଜିସୁ ଆୟାଦାପ୍ରେ ଝାରି ଝାଲେ ଝାର୍‌ଗିଜି ଇର୍ହାନ୍, “ସାସ୍ ଆସ୍‌ତୁ, ଇକାନ୍ ତୋ ନାନ୍, ତିଲାମାର୍ !”

୨୮ ଇକା ଝେନ୍‌ଜି ପିତର୍ ଇର୍ହାନ୍, “ପ୍ରବୁ, ଜଦି ସଡ଼ତାନ୍ ନିନ୍‌ଆନିମାନି, ଏରୁ ମୁସକୁ ବୁଲାଇ ନି ଲାକ୍‌ତୁ ଝାଦେଙ୍ଗ୍ ଇଜି ନାଙ୍ଗ୍ ଆଦେସ୍ ସିଦା ।”

୨୯ ଜିସୁ ଇର୍ହାନ୍, “ରାଆ ।” ପିତର୍ ଡଙ୍ଗାଦାନ୍ ରେତାଜି ଜିସୁଦି ତରିନ୍ ଏରୁ ମୁସକୁ ବୁଲାଇଦେଙ୍ଗ୍ ଆସ୍‌ତାନ୍ ।

୩୦ ମାତର୍ ଗାଲି ନାଣ୍ଡ ଆନିକା ସୁଡ଼ଜି ତିଲାତାନ୍ ମାରି ଏରୁତୁ ମୁଡ଼ଗୁଜି ସନ୍‌ଡ୍ରେଙ୍ଗ୍‌ଆସ୍‌ତାନ୍ । ଆବେର୍ ଝାନ୍ ଆଉଲି ଆଜି କୁକ୍‌ତାନ୍, “ପ୍ରବୁ, ନାଙ୍ଗ୍ ରକିୟାକିଆ ।”

୩୧ ଜିସୁ ଆୟାଦାପ୍ରେ କିୟୁ ସପ୍‌ସି ଝାନିଙ୍ଗ୍ ଆସ୍‌ସି ଇର୍ହାନ୍, “ଏ ଅଡ଼ପ୍ ବିସ୍‌ବାସି ! ଏନ୍‌ ନିନ୍‌ ଆନିମାନକିତି ?”

୩୨ ଝାର୍ ରିଏର୍ ଡଙ୍ଗାଦୁ ଏକ୍‌ତାର୍ ମାରି ଆୟାଦାପ୍ରେ ଗାଲି ତିର୍ ଆତାଡ଼ ।

୩୩ ଆବେଟ୍ ଡଙ୍ଗାଦୁମାନି ସିସୁର୍ କାବାଆଜି ଜିସୁଙ୍କୁ ମାଡ଼ିସକିଜି
ଇର୍ହାର୍, “ନିନ୍ ସତେନେ ମାପୁରୁଦି ମାରିସି ।”

ଜିସୁ ଗିନେସରତୁ ରଗିରିଙ୍ ନେଗେନ୍‌କିତାନ୍

(ମାର୍କ ୭:୫୩-୫୭)

୩୪ ୱାର ନାସି ଗିନେସରତ ଗାଡ଼ତୁ ୱାତାର ।

୩୫ ଆବେଣି ଲୋକୁ ଜିସୁଙ୍କୁ ସିନିସକିଦେଙ୍ ଆବ୍‌ସି ଲାକ୍‌ତୁରି
ନାର୍‌କାଙ୍ ମାନି ରଗ୍ ଲୋକାଙ୍ ଜିସୁ ଲାକ୍‌ତୁ ତାତାର ।

୩୬ ରଗ୍‌ଲୋକାଙ୍ ଆବ୍‌କା ନି ୱାତି ଜାଲି ମୁଟ୍‌ତେଙ୍ ସାରି ସିଦା
ଇଜି ୱାର ଜିସୁଙ୍କୁ ମାଡ଼ିସକିତାର । ଏମେକାର୍ ମୁଟ୍‌ତାର୍, ୱାର୍
ନେଗେନ୍ ଆତାର୍ ।

୧୫

ପୁର୍ବେଦି ଡକ୍‌ବାଦାରି ନିତିନିୟମ୍

(ମାର୍କ ୭:୧-୧୩)

୧ ଅରଲେନ୍ ଏସ ଲୋକୁ ପାରୁସିର୍ ମାରି ସାସ୍‌ବିର୍ ଜିରୁସାଲମ୍‌ତାନ୍
ଝାଜି ଜିସୁଙ୍କୁ ୱେନ୍‌ବାତାର୍,

୨ “ମା ପୁର୍ବେଦିଡକ୍‌ବାଦାର ଆମାଞ୍ଜିକୁ ନିତିନିୟମ୍ ସିତା
ସର୍‌ଆମାନାର୍, ନି ସିସୁର୍ ଏନ୍‌ଆମାଞ୍ଜିକୁ ମାନାଏଜିନାର୍ ? ଡ଼ି
ଆଗ୍‌ଡିନେ ମା ନିତିନିୟମ୍ ନେଗେନ୍‌କିଜି କିକୁ ନର୍‌ବାଏଣ୍ଡା ଏନ୍‌
ଉଣ୍ଡିନାର୍ ।”

୩ ଜିସୁ ୱାରିଙ୍ ଇର୍ହାନ୍, ମିର୍ ଏନ୍‌ ମାପୁରୁଦି ମାଟା ମାନାଏଜି
ନିଜେଦି ନିତିନିୟମ୍ ଇସାବ୍‌ତାନ୍ ପାଣି କିଜିନିଦେର୍ ?

୪ ମାପୁରୁ ତୋ ୱେର୍‌ତାମାନାନ୍, ବୁବା ଯାୟାଏଙ୍ ମାନାଦୁ, ଏନ୍
ନିଜେଦି ବୁବା ନି ଯାୟାଙ୍ ଆନାଦୁରିଆ ସିନାନ୍, ୱାନ୍ ସାନି ଦଣ୍ଡ
ପୟନାନ୍ ।

୫ ମାତର୍ ମିର୍ ଇଜିନିଦେର୍, ଆମା ଲୋକୁ ବୁବା ନି ଯାୟାଙ୍
ଇନାନ୍, ନା ମାଣ୍‌କୁ ଆମାକା ମି ଉଣ୍ଡିଙ୍ ଆତାମାନାଡ୍, ଆକା ପ୍ରବୁଦି
ଉଦେସ୍‌ତାନ୍ ପୁଜା ସିଆତାମାନାଡ୍ ।

୬ ଖାନ୍ ମାରି ନିଜେଦି ବୁବା ନି ଯାୟାରିଙ୍ଗ ସମ୍ମାନ କିଏନ୍ ।
ଇୟାଖାଜା ଇସାବ୍ତାନ୍ କିଜି ଖାଜି ମିର୍ ମାପୁରୁଦି ମାଟା ମାନାଏଜି
ନିଜେଦି ସିକିୟା ଇସାବ୍ତାନ୍ ବୁଲାଜିନି ।

୭ ଏ ସାଲାକିଦି ଦାମ୍ବୁ ଦଲ୍, ଜିସାଈୟ ମି ବିସୟତାନ୍ ଜତାର୍ତ୍ତ ଖାଜା
ଇୟା ବାବବାଣି ଖେରତାମାନାନ୍ ।

୮ ମାପୁରୁ ଇଜିନାନ୍, ଇୟା ଲୋକୁ କେବଲ୍ ମାଟାଦାନ୍ ନାଙ୍ଗ୍ ସମ୍ମାନ
କିନାର୍,

ମାତର୍ ଖାରି ଜିବନ୍ ନା ମାଣାନ୍ ନାଣୁ ଆକ ।

୯ ନାଙ୍ଗ୍ ଖାର୍ ଆମା ଆରାଦନା କିନାର୍, ଆକା ପାଣିସିଇକା,
ଇରିଙ୍ଗ୍ ଖାର୍ ଲୋକୁ ତିଆର୍ କିତି ନିୟମକୁ ନା ମାଟା ଇଜି
ଖେରସିନାର୍ ।

ଲୋକତିଙ୍ଗ୍ ଅପବିତ୍ର କିଜିମାନି ବିସୟ

(ମାର୍କ ୭:୧୪-୨୩)

୧୦ ତାନେଖେନ୍ଦକା ଜିସୁ ଲୋକାଙ୍ଗ୍ ଲାକ୍ତୁ କୁକ୍ସି ଖାରିଙ୍ଗ୍ ଇର୍ହାନ୍,
“ଖେନ୍ଦୁ ମାରି ବୁଜାତୁ;

୧୧ ଲୋକା ଖେୟୁ ସିଜି ଆମାକା ଲୋଇ ତନ୍ନୁନାତୁ, ଆକା ଖାନିଙ୍ଗ୍
ଅପବିତ୍ର କିଏତ୍; ମାତର୍ ଖେୟୁଦାନ୍ ଆମାକା ସନାତ୍, ଆକା ଖାନିଙ୍ଗ୍
ଅପବିତ୍ର କିନାତ୍ ।”

୧୨ ନାସିଖାଲେ ସିସୁର୍ ଜିସୁଦି ଲାକ୍ତୁ ଖାଜି ଇର୍ହାନ୍, “ନି ମାଟା
ଖେନ୍ଦୁ ପାରୁସିର୍ ରିସା ଆତାମାନାର୍, ଇକା ଇନିକା ନିନ୍ ନେସେଇ
?”

୧୩ ଜିସୁ ଇର୍ହାନ୍, “ଏମେ ମାରାକ୍ ଖିଜୁ ନା ମୁସକୁପୁରତି ବୁବା
ଉର୍ବନ୍, ଆୟାଖିଜୁ ମାଗ୍ନେ ସନେ ।

୧୪ ✧ ଖାରିଙ୍ଗ୍ ତିସସୋ ସିଦୁ, ଖାର୍ କାଣାର୍, ଆଇ କାଣାରି
ସାରିତରନିକାର୍; ମାରି, ଅରେନ୍ କାଣା ମାରି ଅରେନ୍ କାଣାଦିଙ୍ଗ୍ ସାରି
ତରନା ସିନାନ୍, ଆର୍ତିଙ୍ଗ୍ ରିଏର୍ବା ଗୁଟାଦୁ ଆର୍ନାର୍ ।”

୧୫ ଆବେର୍ ପିତର୍ ଖାନିଙ୍ଗ୍ ଇର୍ହାନ୍, “ଇୟା କାତା ମାଙ୍ଗ୍
ନେସ୍ନିଖାଜା ବୁଜାକିଜ ସିଦା ।”

୧୭ ଜିସୁ ଖାରିଙ୍ଗ୍ ଇର୍ହାନ, “ମିର ବା ଇନିକା ଇୟାସାନ୍ତି ବୁଜାଦେଙ୍ଗ୍ ଆର୍ଏଜିନିଦେର୍ ।

୧୮ ନିସବା ବୁଜାଦେଙ୍ଗ୍ ଆର୍ଏଜିନିଦେର୍ ? ଆମାକା ଇନିକା ଖେୟୁଦୁ ଡଗୁନାଡ୍, ଆକା ପଟା ଲୋଇ ସନାଡ୍ ମାରି ମେନ୍ଦଲ୍ତାନ ସନା ସନାଡ୍ ।

୧୯ ଫାତର୍ ଆମାଞ୍ଜିକୁ ବିସୟକୁ ଖାନି ଖେୟୁଦାନ୍ ଆତେରେ ଖାନାଡ୍, ଆକା ଖାନି ଜିବନ୍ତାନ ସନାଡ୍, ଆକାନେ ଲୋକତିଙ୍ଗ୍ ଅପବିତ୍ର କିନାଡ୍ ।

୨୦ ଇରିଙ୍ଗ୍ ଖାନି ଜିବନ୍ତାନ ତାଗ୍‌ଇସିନ୍ତା, ସାୟାମାର୍‌ଗାତାକ୍‌ନିକା, ଦାରିପାଣି, ତାଗ୍‌ଇପାଣି, ଡଙ୍ଗା, ମିସ୍‌ମାଟା ଖେରନିକା ମାରି ନିନ୍ଦାକିନିକା ନାଣ୍ଟ ରକମ୍‌ତି ନିୟମ୍ ସିଲି ପାଣି କିନାନ୍ ।

୨୧ ଇୟାଞ୍ଜିକୁ ବିସୟ ଲୋକତିଙ୍ଗ୍ ଅପବିତ୍ର କିନାଡ୍ । ମାତର୍ ନିତିନିୟତାନ୍ କିୟୁ ନରବାଏଣ୍‌ଗା ଉଣିକା ଆକା ଲୋକତିଙ୍ଗ୍ ଅପବିତ୍ର କିଏଡ୍ ।”

ଅରେଡ୍ ଆଇମାଦି ବିସ୍‌ବାସ୍

(ମାର୍କ ୭:୨୪-୩୦)

୨୨ ଜିସୁ ଆୟା ବାଡି ଡିସ୍‌ତାନନୋ ସୋର ନି ସିଦନ୍ ରାଜିଦି ଗାଡ୍‌କାଙ୍ଗ୍ ସୋର୍ହାନ ।

୨୩ ଆବେନ୍ତୁ ତେବାଜି ମାନି ଅରେଡ୍ କିଣାନିୟା ଆଇମା ଜିସୁଦି ଲାକ୍‌ତୁ ଖାଜି ଇର୍ହାଡ୍, “ଏ ପ୍ରବୁ, ଦାଉଦତି ମାରିନ୍, ନାଙ୍ଗ୍ ଦୟା କିଆ । ନା ଗାଡିଙ୍ଗ୍ ଦୁବା ଆସ୍‌ତାମାନାଡ୍ ମାରି ଖାଦ୍ ନାଣ୍ଟ କାସ୍‌ ବଗାଜିନାଡ୍ ।”

୨୪ ମାତର୍ ଜିସୁ ତାନେଙ୍ଗ୍ ପଦେକ୍ ମାଟାବା ଇନ୍‌ଏତାନ୍ । ମାରି ଖାନି ସିସୁର୍ ଖାଜି ଖାନିଙ୍ଗ୍ ମାଡିସ୍‌କିଜି ଇନ୍‌ଡେଙ୍ଗ୍ ଆସ୍‌ତାର୍, “ତାନେଙ୍ଗ୍ ବେଗି ସନ୍‌ଡେଙ୍ଗ୍ ଇନିଆ, ସୁଡୁଆ ଖାଦ୍ ଏଣ୍‌ସ୍‌ ଆଉଲି ଆଜି ମା ଖେନ୍‌କା ଖେନ୍‌କା ଖାଜିନାଡ୍ ।”

୨୫ ଜିସୁ ଇର୍ହାନ, “ନାନ୍ ଇସ୍‌ଏଲ୍ କୁଟୁମ୍‌ତି ମୁରିତିମାନି ମେଣ୍‌ସ୍‌ଆଙ୍ଗ୍ ଡିସ୍‌ତିଙ୍ଗ୍ ମାରି ଏ ଲାକ୍‌ତୁ ରେଏ ।”

୨୫ ଆଇମା ଝାଜି ଜିସୁଦି କାଲ୍‌କା ଆଡ଼ଗି ମେଣ୍ଡେଙ୍ଗ୍ ଗଟ୍‌କିଜି ଇର୍ହାଡ଼, “ଏ ପ୍ରବୁ, ନାଙ୍ଗ୍ ଦୟା କିଆ ।”

୨୬ ଜିସୁ ଇର୍ହାନ୍ । “ଇରିଙ୍ଗ୍ କଡ଼ରି ବାଟା ଖାଦି ଅସି ନୁକୁଡ଼ିଆଙ୍ଗ୍ ମାନୁ ପୋକ୍‌ନିକା ନେଗେଡ଼ ସିଲେ ।”

୨୭ ଆଇମା ଇର୍ହାଡ଼, “ଆକା ସଡ଼ ପ୍ରବୁ, ମାତର ନୁକୁଡ଼ିଙ୍ଗ୍ ବା ଟେବୁଲ୍ ଆଡ଼ଗି ଆର୍‌ନି ମାଲିକ୍‌କା ସକ୍‌ଡ଼ି ଉନ୍‌ଶ୍ରେ ପଇନେ ।”

୨୮ ଜିସୁ ତାନିଙ୍ଗ୍ ଇର୍ହାନ୍, “ନିନ୍‌ ଅରେଡ଼ ତାଟି ବିସ୍‌ବାସ୍‌ଡ଼ି । ନି ବଦା ପୁରା ଆନାଡ଼ ।” ଆୟା ଦ୍ରାପେନେ ତାନି ଗାଡ଼ସି ନେଗେନ୍ ଆତାଡ଼ ।

ଜିସୁ ନାଣ୍ଡ ଲୋକାଙ୍ଗ୍ ନେଗେନ୍ କିତାନ୍

୨୯ ଜିସୁ ଆବେଟ୍‌ତାନ୍ ଡିସ୍‌ତାନ୍‌ନୋ ଗାଲିଲି ଗାତା ଲାକ୍‌ଡୁ ଝାତାନ୍, ମାରି ଗରନ୍ ମୁସ୍‌କୁ ସୋର୍ହାନ୍‌ନୋ ଆବେନ୍ ବାସ୍‌ତାନ୍ ।

୩୦ ନାଣ୍ଡ ଲୋକ୍‌କୁ ଝାଜି ଝାନି ଲାକ୍‌ଡୁ ଉଣ୍ଡାତାର୍ । ଝାର୍ ତଟା, ଗୁଲା, କାଣା, ବୁଲାଦେଙ୍ଗ୍ ଆଟ୍‌ଇକାର୍ ମାରି ନାଣ୍ଡ ନବ୍‌ଆତି ଲୋକାଙ୍ଗ୍ ତାସି ଜିସୁଦି ପାଦାମ୍ ଆଡ଼ଗି ଇଟ୍‌ତାର୍ ମାରି ଜିସୁ ଆୟା ଓଜେରିଙ୍ଗ୍ ନେଗେନ୍ କିତାନ୍ ।

୩୧ ଗୁଲାର୍ ଜେ ଝାର୍‌ଗିଜିନାର୍, କିକୁକାଲ୍‌କୁ ଝାର୍‌ଡ଼ିକାର୍‌ବା ନେଗେନ୍ ଆତାର୍, ତଟାର୍ ବୁଲାଜିନାର୍ ମାରି କାଣାର୍ ସୁଡ଼୍‌ଦେଙ୍ଗ୍ ଆଟ୍‌ସିନାର୍, ଇକା ସୁଡ଼୍‌ଡୁ ଲୋକ୍‌ଓଜେର୍ କାବା ଆତାର୍, ମାରି ଇସ୍ରାଏଲ୍‌ଡି ମାପୁରୁଙ୍ଗ୍ ଦନ୍‌ସ୍‌ବାଦ୍ କିତାର୍ ।

ଜିସୁ ନାଲ୍‌ଗି ହାଜାର୍ ଲୋକାଙ୍ଗ୍ ଉଣ୍ଡେଙ୍ଗ୍ ସିତାନ୍

(ମାର୍କ ୮:୧-୧୦)

୩୨ ଜିସୁ ନିଜେଦି ସିସୁରିଙ୍ଗ୍ ଲାକ୍‌ଡୁ କୁକ୍‌ସି ଇର୍ହାନ୍, “ଇୟା ଲୋକା ଉଣ୍ଡିଙ୍ଗ୍ ନା ଜିବନ୍ ଆଡ଼୍‌ବାଜିନାଡ଼, ଇରିଙ୍ଗ୍ ଇୟାକାର୍ ମୁନେନ୍ ଆତାଡ଼ିନି ନା ଝାଲେ ମାନାର୍ ମାରି ଇୟାଝାରି ମାନୁ ଇନିକା ଉନ୍‌ଶ୍ରେଙ୍ଗ୍ ସିଲେଡ଼ । ଝାର୍ ଉଣ୍ଡୁଏଣ୍‌ଗା ଇବେଟ୍‌କୁ ସୋଲିର୍, ଇୟା ମାଟା ନାନ୍ ଅଡ଼୍‌ବିଏ; ଇରିଙ୍ଗ୍ ଡେସିସୋନିଝାଲେ ସାରିଦୁ ଝାର୍ ଝାନ୍‌ନା ସନାର୍ ।”

୩୩ ସିସୁର ଖାନିଙ୍ଗ୍ ଖେନ୍ବାତାର୍, “ଇୟା ସିମ୍ବା ବାଡ଼ିଦୁ ନିସ ଲୋକାଙ୍ଗ୍ ଉର୍ପିସକିଦେଙ୍ଗ୍ ଇଜି ମାଡ଼ ଏମେଟ୍‌କୁ ନାଣ୍ଟ କାଦି ପଇନିକା ?”

୩୪ ଜିସୁ ଖାରିଙ୍ଗ୍ ଖେନ୍ବାତାନ୍, “ମି ଲାକ୍‌ତୁ ଏସଗୋଟା ରୁଟିଙ୍ଗ୍ ମାନେ ?”

୩୫ ଖାର୍ ଇର୍ହାର୍, “ସାଡ଼ଗୋଟା ରୁଟିଙ୍ଗ୍ ମାରି ଏସ ଇସି ମିନ୍‌କୁ ମାନେ ।”

୩୬ ଜିସୁ ଲୋକାଙ୍ଗ୍ ବୁମି ମୁସ୍‌କୁ ବାସ୍‌ତେଙ୍ଗ୍ ଆଦେସ୍ ସିତାନ୍ ।

୩୭ ତାନେଖେନ୍‌କା ଖାନ୍ ଆୟା ସାତଗଟା ରୁଟି ମାରି ମିନ୍‌କୁ ଅସି ମାପୁରୁଙ୍ଗ୍ ଦନ୍‌ସବାଦ୍ ସିତାନ୍ ମାରି ଆୟାଖାନିକାଙ୍ଗ୍ ମକେଙ୍ଗ୍ ମକେଙ୍ଗ୍ କିଜି ରୁକ୍‌ସି ସିସୁରିଙ୍ଗ୍ ସିତାନ୍ । ସିସୁର ଆକା ଲୋକାଙ୍ଗ୍ ବାଟାକିତାସିତାର୍ ।

୩୮ ମାରି, ଝିଜେରେ ତିନ୍‌ଞ୍ଜି ପଟା ପାଜିତାର୍ ମାରି ଡିକ୍‌ଡି ମକାରୁଟିଙ୍ଗ୍ ଏସ ଏଜିତେ, ଆକା ସିସୁର ସାତଗଟା ଡାଡ଼ିଆଙ୍ଗ୍ ବର୍ତ୍ କିତାର୍ ।

୩୯ ଉଟି ଲୋକ୍, ଆଇମେକାଙ୍ଗ୍ ନି କଡ଼ରିଙ୍ଗ୍ ଡିସ୍‌ସି ନାଲ୍‌ଗି ହାଜାର୍ ମେମାରୁଙ୍ଗ୍ ମାହାର୍ ।

୪୦ ତାନେଖେନ୍‌କା ଜିସୁ ଝିଜୁ ଲୋକାଙ୍ଗ୍ ପୋକ୍‌ତାନ୍‌ନୋ ଡଙ୍ଗାଦୁ ଏକ୍‌ତାନ୍‌ନୋ ମଗଦାନ୍ ରାଜିଦୁ ଖାତାନ୍ ।

୧୭

କାବାଆନି ପାଣି ତରତେଙ୍ଗ୍ ଇଜି ଦାବି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ✧ ଅର୍ଲେନ୍ ଏସଲୋକ୍ ପାରୁସିର୍ ନି ସାଦୁକିର୍ ଜିସୁଙ୍ଗ୍ ଦସ୍ ଆସ୍‌ତେଙ୍ଗ୍ ଇଜି ଖାନି ଲାକ୍‌ତୁ ଖାତାର୍ । ଖାର୍ ଖାନିଙ୍ଗ୍ ଇର୍ହାର୍, ମାପୁରୁ ଖାନିଙ୍ଗ୍ ଆସ୍‌କିତାମାନାନ୍ ଇଜି ପାର୍‌ମାଣ୍ ସିନି ଉଣ୍ଡିଙ୍ଗ୍ ଖାନ୍ ଉନ୍‌ଡ୍ର କାବାଆନି ପାଣି କିଜ ତର୍‌ଆ ।

୨ ମାତର୍ ଜିସୁ ଖାରିଙ୍ଗ୍ ଇର୍ହାନ୍, “ମିଲିମିଲିକା ବେଡାଦୁ ବାଦ୍‌ଡ ନେତେର୍ ତରିଡିଙ୍ଗ୍ ନେଗି ପାଗ୍ ଆନାଡ଼ ଇଜି ମିର୍ ଇଜିନିଦେର୍,

✧ ୧୭:୧ ମାତିତ ୧୭:୩୮; ଲୁକ ୧୧:୧୭.

୩ ମାରି ସାଲିଦିବେଡ଼ାଦୁ ବାଦ୍‌ତ ଲାଲ୍ ନି ସିକାଟି ତରିଡିଙ୍ଗ ପିରୁ ଆନିକା ନେସ୍‌ନିଦେର୍ । ମିର୍ ବାଦ୍‌ଡିଙ୍ଗ ସୁଡ଼ଜି ପାଗ୍‌ତି ମାଟା ଆଗଡ଼ି ନେସ୍‌ନିଦେର୍ । ମାତର୍ ଇଲେଇତି ସମୟତି ସିନେଙ୍ଗ୍‌ଝିନ୍ଦୁ ମିର୍ ନେସ୍‌ଡେଙ୍ଗ୍ ଆଟ୍‌ଇଦେର୍ ?

୪ ☆ଡାଗ୍‌ଇ ନି ଏମେକାର୍ ମାପୁରୁଙ୍ଗ୍ ବିସ୍‌ବାସ୍ କିଏର୍ ଖାର୍ ସିନା ସୁଡ଼ନ୍ଦାର୍, ମାତର୍ ଜୁନସ୍‌ତି ସିନା ଡିସ୍‌ତିଙ୍ଗ୍ ଆଇ ଆମାକାବା ସିନା ଖାରିଙ୍ଗ୍ ସିଆୟ୍‌ଆଏଡ଼ ।”

ମାରି, ଖାନ୍ ଖାରିଙ୍ଗ୍ ଡିସ୍‌ତାନ୍‌ନୋ ସୋର୍ହାନ୍ ।

କମିର୍ ନାନି ପାରୁସି ନି ସାବୁକିରି ସିକିୟା

(ମାର୍କ ୮:୧୪-୨୧)

୫ ସିସୁର୍ ଗାଡା ଆୟାପାଡ଼କା ଇତାରୋ ସୁଡ଼ଡୁର୍‌ଜେ, ଖାର୍ ରୁଟିଙ୍ଗ୍ ତାଡେଙ୍ଗ୍ ବାଣାତାର୍ ।

୬ ☆ଜିସୁ ଖାରିଙ୍ଗ୍ ଇର୍ହାନ୍, “ଜାଗାର୍‌ତା ଆଦୁ, ପାରୁସି ନି ସାବୁକିରି କମିର୍‌ଦାନ୍ ଜାଗାର୍‌ତାଆଦୁ ।”

୭ ଖାର୍ ଇୟା ବିସୟ୍‌ଡୁ ଖାରିଖାରି ଲୋଇ ଖାର୍‌ଗିଜି ସାତାର୍, “ମାଡ଼ ରୁଟିଙ୍ଗ୍ ଡେଇକା ଇଜି ଖାନ୍ ଇକା ଇଜିନାନ୍ ।”

୮ ଖାର୍ ଇନିକା ଇଜିମାର୍ହାନ୍ ନେସ୍‌ତାନ୍‌ନୋ ଜିସୁ ଖାରିଙ୍ଗ୍ ଇର୍ହାନ୍, “ମି ଲାକ୍‌ଡୁ ରୁଟିଙ୍ଗ୍ ସିଲୁ ଇଜି ଏୟା ଖାର୍‌ଗିଜି ସାଜିନିଦେର୍ ? ମି ବିସ୍‌ବାସ୍ ଏସ୍ ଉଣା ।

୯ ☆ମିର୍ ଇନିକା ଇୟାସାନ୍‌ସିବା ବୁଜାଦେଙ୍ଗ୍ ଆଟ୍‌ଇଜିନିଦେର୍ ? ୫,୦୦୦ ହାଜାର୍ ଲୋକାମାନ୍ ନାନ୍ ପାସ୍‌ଗୋଟା ରୁଟିଙ୍ଗ୍ ବାଟାକିତିମାନି ମାଟା ଇନିକା ମିଙ୍ଗ୍ ଏଡ଼ ସିଲେଡ଼ ? ନାସ୍ତିଖାଲେ ଏସ୍‌ଗୋଟା ଡାଡ଼ିଆଙ୍ଗା ବର୍ତ୍ତିକିତିମାର୍‌ଇଦେର୍ ?

୧୦ ☆ମାରି ଆୟା ୫,୦୦୦ ହାଜାର୍ ଲୋକାଙ୍ଗ୍ ସାତଗଟା ରୁଟିଙ୍ଗ୍ ମାଟା ଏଡ଼ ସିଲେଡ଼ ? ନାସ୍ତିଖାଲେ ମିର୍ ଏସ୍‌ଗୋଟା ଡାଡ଼ିଆଙ୍ଗା ବର୍ତ୍ତିକିତିମାର୍‌ଇଦେର୍ ?

☆ ୧୭:୪ ମାତିଉ ୧୭:୩୯; ଲୁକ ୧୧:୨୯. ☆ ୧୭:୬ ଲୁକ ୧୨:୧. ☆ ୧୭:୯ ମାତିଉ ୧୪:୧୭-୨୧. ☆ ୧୭:୧୦ ମାତିଉ ୧୫:୩୪-୩୮.

୧୧ ନାନ୍ ଜେ ରୁଟିଙ୍ଗ ବିସୟତାନ୍ ଇନ୍‌ଏନ୍ ମାର୍‌ଆ, ଇକା ଏଣ୍ଡେସ୍ ବୁଜାଦେଙ୍ଗ୍ ଆଟ୍‌ଇଜିନିଦେର୍ ? ନାନ୍ ଇଜିନା, ପାରୁସି ନି ସାଦୁକିରି କମିର୍‌ଦାନ୍ ଜାଗାର୍‌ତାମାନୁ ।”

୧୨ ନାସ୍ତିଝାଲେ ସିସୁର୍ ବୁଜାଦେଙ୍ଗ୍ ଆଟ୍‌ତାର୍ ଜେ ଜିସୁ ରୁଟିଦି କମିର୍ ମାଟା ଇନ୍‌ଏନ୍‌ମାର୍‌ହାନ୍, ମାତର୍ ପାରୁସି ନି ସାଦୁକିରି ସିକିୟା ଉଣ୍ଡିଙ୍ଗ୍ ଜାଗାର୍‌ତା କିତାମାର୍‌ହାନ୍ ।

ଜିସୁ ମସିହ ଇଜି ପିତର ଖେର୍‌ତାନ୍

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ଖେନ୍‌କା ଜିସୁ କାଇସରିୟା ପିଲିପି ଗାଡ୍ ଲାକ୍‌ତୁରି ରାଜିଦୁ ଝାଜି ନିଜେଦି ସିସୁରିଙ୍ଗ୍ ଖେନ୍‌ବାତାନ୍, “ମନୁସ୍ୟପୁତ୍ର ଏନ୍ ଇଜି ଇୟା ବିସୟତାନ୍ ଲୋକୁ ଇନିକା ଇଜିନାର୍ ?”

୧୪ ☆ଝାର୍ ଇର୍‌ହାର୍, “ଏନ୍ ଏନ୍ ଇଜିନାର୍, ଝାନ୍ ତୁବନ୍‌ସିନି ଯୋହନ, ଏନ୍ ଏନ୍ ଇଜିନାର୍ ‘ଏଲିୟା,’ ମାରି ଆଇକାର୍ ଇଜିନାର୍, ଜିରିମିୟା ସିଲିତିଙ୍ଗ୍ ବାବବାଦିରି ମାଣାନ୍ ଅରେନ୍ ।”

୧୫ ଜିସୁ ଖେନ୍‌ବାତାନ୍, “ନାନ୍ ଏନ୍ ଇୟା ବିସୟତାନ୍ ମିର୍ ଇନିକା ଇଜିନିଦେର୍ ?”

୧୬ ☆ସିମୋନ ପିତର୍ ଇର୍‌ହାନ୍, “ନିନ୍ କ୍ରିସ୍ ଅର୍ତାଡ୍ ମସିହ, ଜିବନ୍‌ମାନି ମାପୁରୁଦି ମାରିନ୍ ।”

୧୭ ଜିସୁ ଇର୍‌ହାନ୍, “ଏ ଜୁନସ୍‌ତି ମାରିନ୍ ସିମୋନ, ନିନ୍ ଦନ୍‌ୟ !” ଇୟା ସଡ୍ ନିନ୍ ଆମା ଲୋକାମାଣାନ୍ ପୟ୍‌ଇ । ନା ମୁସକୁପୁରୁତି ବୁବା ନିଜେ ଇକା ନିମାନ୍ ଖେର୍‌ତାମାନାନ୍ ।

୧୮ ଆୟାଉଣ୍ଡିଙ୍ଗ୍ ନାନ୍ ବା ନିଙ୍ଗ୍ ଇଜିନା, ନିନ୍ ପିତର ଅର୍ତାଡ୍ ପିଡିପି । ମାତର୍ ଇୟା ମୁଲ୍ ପିଡିପି ମୁସକୁ ନାନ୍ ନା ମଣ୍ଡୁଲି ତିଆରିକିନା । ଇୟାଝାଜାକି ସାନିଝାଜା ଇନି ଦଂସକିନି ସାଲ୍ତି ତାନିଙ୍ଗ୍ ନାସ୍ତୁ କିଦେଙ୍ଗ୍ ଆଟ୍‌ଏଡ୍ ।

୧୯ ☆ନାନ୍ ନିଙ୍ଗ୍ ମୁସକୁପୁରୁତି କୁସିକାଣ୍ଡି ସିନା, ମାରି ନିନ୍ ଦୁନିଆଦୁ ଆମାକା ବନ୍‌କିନି, ମୁସକୁପୁରୁଡ୍ ଆକା ବନ୍‌ତେବାନାଡ୍,

☆ ୧୭:୧୪ ମାତିଉ ୧୪:୧୨; ମାର୍କ ୬:୧୪,୧୫; ଲୁକ ୯:୭,୮.

☆ ୧୭:୧୭ ଜୋହନ

୬:୬୮,୬୯. ☆ ୧୭:୧୯ ମାତିଉ ୧୮:୧୮; ଜୋହନ ୨୦:୨୩.

ମାରି ନିନ୍ ଦୁନିଆଦୁ ଆମାକା ଇନିକା ଡିସ୍‌ନିସିନି, ମୁସ୍‌କୁପୁରୁତୁ ଆକା ଡିସ୍‌ନି ।

୨୦ ଜିସୁଙ୍କୁ ଜେ ମସିହ ଇଜି ଇକା ଏଙ୍ଗ ଇନ୍‌ଇ ଉଣ୍ଡିଙ୍ଗ୍ ଝାନ୍ ସିସୁରିଙ୍ଗ୍ ମାଟା ସିତାନ୍ ।

ଜିସୁ ନିଜେଦି ସାନିକା ନି ଡେସିଜିବନ୍‌ଆନି ବିସୟତାନ୍
ଝେରତାନ୍

(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଆୟା ସମୟତାନ୍ ଜିସୁ ନିଜେଦି ସିସୁରିଙ୍ଗ୍ ନେସ୍‌ନିଝାଜା ଇନ୍‌ଡ୍ରେଙ୍ଗ୍ ଆସ୍‌ତାନ୍, “ନାନ୍ ପୁରା ଜିରୁସାଲମାତୁ ସନ୍‌ଡ୍ରେଙ୍ଗ୍ ଆନାଡ୍ ମାରି ଦାମ୍‌ଜାଜକ, ଦାମ୍‌ଗୁରୁ ମାରି ନେତାର୍‌ରି, କିୟୁଦାନ୍ ନାଣ୍ଡ ଦୁଃକ୍‌କାସୁବଗାଜି ସାଦେଙ୍ଗ୍‌ପଡାନାଡ୍, ମାତର୍ ମୁନେଟି ଝେନ୍‌କା ମାରିଡେସିଜିବନ୍ ଆଜିନିଙ୍ଗ୍ ନା ।”

୨୨ ପିତର୍ ଜିସୁଙ୍କୁ ଉନ୍‌ଡ୍ରି ବାଡିଦୁ ଅତାନ୍‌ନୋ ବୁଦିଝେରସି ଇନ୍‌ଡ୍ରେଙ୍ଗ୍ ଆସ୍‌ତାନ୍, “ମାପୁରୁ କିମାକିନ୍, ପ୍ରବୁ, ନି ଉଣ୍ଡିଙ୍ଗ୍ ଇୟାଞ୍ଜିଦୁ ଏସ୍‌କାଙ୍ଗ୍‌ବା ଗଟାମାକିଡ୍ ।”

୨୩ ଜିସୁ ମାର୍‌ଜିବେସ୍‌ସି ପିତରତିଙ୍ଗ୍ ଇର୍ହାନ୍, “ନା ଆଗ୍‌ଡିରାନ୍ ଆକ ସାଙ୍ଗ୍‌ଆ ସୟତାନ୍, ନିନ୍‌ ନା ଉଣ୍ଡିଙ୍ଗ୍ ଉନ୍‌ଡ୍ରିବାଦା, ଇରିଙ୍ଗ୍ ନିନ୍‌ ମାପୁରୁଦି ବିସୟ ଅଡ୍‌ବିଏଣ୍ଡା ଲୋକା ବିସୟ ଅଡ୍‌ବିଜିନି ।”

୨୪ ☆ତାନେଝେନ୍‌କା ଜିସୁ ସିସୁରିଙ୍ଗ୍ ଇର୍ହାନ୍, “ଏନ୍‌ଆପିନ୍ ନାଝାଲେ ଝାଦେଙ୍ଗ୍ ବଦାକିନାନ୍, ଆର୍‌ତିଙ୍ଗ୍ ଝାନ୍ ନିଜେଦିଙ୍ଗ୍ ମାନାମାକିନି, ମାରି ନିଜେଦି କୁସ ପିଣ୍ଡିଜି ନା ଝେନ୍‌କା ଝେନ୍‌କା ବୁଲ୍‌ାଦେଙ୍ଗ୍‌ଆନାଡ୍ ।

୨୫ ☆ଇରିଙ୍ଗ୍ ଏନ୍‌ଆପିନ୍ ନିଜେଦି ଜିବନ୍‌ତିଙ୍ଗ୍ ରକିୟା କିଦେଙ୍ଗ୍ ବଦାକିନାନ୍, ଝାନ୍ ଆକା ଆରାକିନାନ୍, ମାତର୍ ଏନ୍‌ ନା ଉଣ୍ଡିଙ୍ଗ୍ ନିଜେଦି ଜିବନ୍‌ତିଙ୍ଗ୍ ଆରାକିନାନ୍, ଝାନ୍ ଆକା ପଇନାନ୍ ।

୨୬ ଜଦି ଅରେନ୍ ଲୋକୁ ସାରାଦୁନିଆଦିଙ୍ଗ୍ ଜିଣାଜି, ମାତର୍ ନିଜେଦି ଜିବନ୍‌ତିଙ୍ଗ୍ ଆରାକିନାନ୍, ଝାନିଙ୍ଗ୍ ଇନି ଲାବ୍‌ଆନାଡ୍ ?

☆ ୧୭:୨୪ ମାତିତ ୧୦:୩୮; ଲୁକ ୧୪:୨୭. ☆ ୧୭:୨୫ ମାତିତ ୧୦:୩୯; ଲୁକ ୧୭:୩୩; ଜୋହନ ୧୨:୨୫.

ଲୋକୁ ଖାନି ଜିବନ୍ତିଙ୍ଗ ଡେସି ପଇଦେଙ୍ଗ, ଇନିକା ସିଦେଙ୍ଗ
ଆବ୍‌ନାନ୍ ।

୨୭ ☆ ମନୁସ୍ୟପୁତ୍ର ବୁବା ମାପୁରୁଦି ମାଣାନ୍ ଗୌରବ୍ ନି ମୁସକୁପୁରତି
ଦୁଡକାଝାଲେ ମାରିଡେସି ଖାନାନ୍ । ନାସ୍ତିଝାଲେ ଖାନ୍ ଝିଜୁ ଲୋକାଙ୍ଗ
ଖାନି କିତିମାନି ପାଣି ଇସାବ୍‌ତାନ୍ ପଲ୍‌ସିନାନ୍ ।

୨୮ ନାନ୍ ମିଙ୍ଗ୍ ସଡ଼ ଇଜିନା, ମନୁସ୍ୟପୁତ୍ର ରାଜା ଆଜି ଖାନିସାନ୍
ଇବେନ୍‌ ନିରୁଇ ତେବାତିମାନି ଏସୋଲୋକ୍ ଏଣ୍ଡେସ୍ କିଜିବା ସାନିକା
ଝେଡ଼ଏର୍ ।”

୧୭

ଜିସୁଦି ମୁତର୍ ବାଦ୍‌ଲେଆନିକା

(ମାର୍କ ୯:୨-୧୩; ଲୁକ ୯:୨୮-୩୭)

୧ ସଥ ଦିନ୍ ଝେନ୍‌କା ଜିସୁ ପିତର୍ ମାରି ଜାକୁବ୍, ଯୋହନ
ଡଡ଼ରିଏରିଙ୍ଗ୍ ଅସି ଉନ୍‌ଡ୍ର ପେରି ଗରନ୍ ମୁସକୁ ସର୍ହାର୍ । ଆବେନ୍‌
ଆଇକାନ୍ ଏନ୍ ସିଲେତାନ୍ ।

୨ ସିସୁର୍ ସୁଡ଼ରୁ ସୁଡ଼ରୁ ଜିସୁଦି ଉନ୍‌ଡ୍ର ମୁତର୍ ବାଦ୍‌ଲେଆଜି
ଜାୟ୍‌ଆତାଡ଼ । ଖାନି ମକମ୍ ଝେଡ଼ାଝାଜା ଜାୟ୍‌ଆତାଡ଼ ମାରି ଖାନି
ଆଙ୍ଗ୍ ଜାୟ୍‌ ଝାଜା ଅଡ଼ିନିକା ତରିତାଡ଼ ।

୩ ମୋଶା ନି ଏଲିୟା ଜିସୁଦି ଝାଲେ ଝାର୍‌ଗିସାନିକା ସିସୁର୍ ସୁଡ଼ତୁର୍
।

୪ ଆବେନ୍‌ ପିତର୍ ଜିସୁଙ୍ଗ୍ ଇର୍ହାନ୍, ଏ ପ୍ରବୁ, ଏସ ଝେଡ଼ିକାଦି ମାଟା,
ମାଡ଼ ଇବେନ୍‌ ମାନିକା । ନିନ୍ ଜଦି ବଦାକିନି, ଇବେନ୍‌ ନାନ୍ ମୁନ୍‌ଡ୍ର
ଗୁଡେଙ୍ଗ୍ ତିଆରକିନା । ନି ଉଣ୍ଡିଙ୍ଗ୍ ଉନ୍‌ଡ୍ର, ମୋସାଦି ଉଣ୍ଡିଙ୍ଗ୍ ଉନ୍‌ଡ୍ର
ମାରି ଏଲିୟାଦି ଉଣ୍ଡିଙ୍ଗ୍ ଉନ୍‌ଡ୍ର ।

୫ ☆☆☆ ପିତର୍ ଇୟା ମାଟା ଇନିଝାଲେ ଖାଣ୍ଡେକ୍ ବାଦଡ଼ ଇମ୍‌ଜି ଝାତା
ଦୋ ଝାରିଙ୍ଗ୍ ବାଦଡ଼ତି ନିଡ଼ଟା ପିଡ଼ିକ୍‌ତାଡ଼ ମାରି ଆବେଟ୍‌ତାନ୍ ଉନ୍‌ଡ୍ର
ବଲ୍ ଝାତାଡ଼, “ଇୟାକାନ୍ ନା ଲାଡ଼ତି ମାରିନ୍, ଝେନିମାନୁ ନାନ୍ ନାଣ୍ଡ
ଝେଡ଼ିକା । ଝେନି ବାକ୍ୟ ଝେନ୍‌ଡୁ ।”

☆ ୧୭:୨୭ ମାତିତ ୨୫:୩୧; ରୋମିୟ ୨:୭. ☆ ୧୭:୫ ମାତିତ ୩:୧୭; ୧୭:୧୮; ମାର୍କ
୧:୧୧; ଲୁକ ୩:୨୨. ☆ ୧୭:୫ ୨ ପିତର୍ ୧:୧୭, ୧୮.

୭ ସିସୁର ଆୟା ବଲ୍ ଖେରରାନୋ ନିସ ତିଲାତାର ଜେ ଖାର ବୁମିଦୁ ମକମପାଡ଼କିସି ମେଡେତାର ।

୭ ଜିସୁ ଖାରି ଲାକ୍ତୁ ଖାଜି ଖାରିଙ୍ଗ୍ ମୁର୍ତ୍ତାନନୋ ଇର୍ହାନ, “ନିଙ୍ଗ୍ ଦୁ ତିଲାମାର ।”

୮ ମାରି, ଖାର ମୁସ୍ତୁ ବେସସି କେବଲ୍ ଜିସୁଙ୍ଗ୍ ଡିସ୍ତିଙ୍ଗ୍ ମାରି ଏଙ୍ଗ୍ବା ସୁଡ଼ୁତାର ।

୯ ଖାର ଗରନ୍ତାନ ରେତାଜି ଖାନିଖାଲେ ଜିସୁ ଖାରିଙ୍ଗ୍ ଆଦେସ୍ ସିଜି ଇର୍ହାନ, “ମନୁସ୍ୟପୁତ୍ର ସାତିମାଣାନ ମାରିଡେସିଜିବନ୍ ଆଇସାଦି ଇୟା ମିର ସୁଡ଼ିମାଟା ଏଙ୍ଗ୍ବା ଇନ୍ମାର ।”

୧୦ ସିସୁର ଜିସୁଙ୍ଗ୍ ଖେନ୍ବାତାର, ଏଲିୟ ଆଗ୍ଡି ଖାନାନ ଇଜି ମା ସାସ୍ତିର୍ ଏୟା ଇର୍ହାମାନାର ?

୧୧ ଜିସୁ ଇର୍ହାନ, ହୁଁ, ଏଲିୟ ଆଗ୍ଡି ଖାଜି ଖିଜୁ ବିସୟ ମାରିଡେସି ତିଆରକିନାନ ।

୧୨ ☆ମାତର୍ ନାନ ମିଙ୍ଗ୍ ଇଜିନା, “ଏଲିୟ ଖାତାସ୍ତିସ୍ତାନନି ମାରି ଖାନିଙ୍ଗ୍ ସିନିସକିଏଶ୍ବା ଲୋକୁ ଖାନି ଉଣ୍ଡିଙ୍ଗ୍ ଆମାକା ବଦା, ଆୟାକା କିତାମାନାର । ମନୁସ୍ୟପୁତ୍ର ଉଣ୍ଡିଙ୍ଗ୍ ବା ଖାର ଆୟାଖାଜା ତାଗ୍ଡପାଣି କିନାର ।”

୧୩ ନାସ୍ତିଖାଲେ ସିସୁର ବୁଜାଦେଙ୍ଗ୍ ଆର୍ତାର ଜେ, ଜିସୁ ତୁବନ୍ସିନି ଯୋହନତି ବିସୟତାନ ଖେରସିନାନ ।

ଜିସୁ ଦୁବାଆସ୍ତି କଡ଼ଦିଙ୍ଗ୍ ନେଗେନ୍‌କିତାନ

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ଜିସୁ ନି ଖାନି ସିସୁର ଲୋକା ଗଲି ଲୋଇ ଡେସି ଖାତି ଖେନ୍‌କା ଅରେନ୍ ଲୋକୁ ଜିସୁ ଲାକ୍ତୁ ଖାଜି ମେଣ୍ଡେଙ୍ଗ୍ ଗଟ୍‌କିଜି ଇର୍ହାନ,

୧୫ ଏ ପ୍ରବୁ, ନା ମାରିନ୍‌ତିଙ୍ଗ୍ ଦୟା କିଆ, ମୁର୍ହାରୋଗ୍ତୁ ନାଶ୍ତ କାସ୍ତୁ ପୟଜିନାନ ମାରି ଖାନ ଏସ୍ ଦେବେଙ୍ଗ୍ ସିସୁଦୁ ନି ଏର୍ଡୁ ଆରନାନ ।

୧୬ ନାନ ନି ସିସୁରି ଲାକ୍ତୁ ଖାନିଙ୍ଗ୍ ତାତାମାରଆ, ମାତର୍ ଖାର ଖାନିଙ୍ଗ୍ ନେଗେନ୍ କିଦେଙ୍ଗ୍ ଆର୍ଏତାର ।

୧୭ ଜିସୁ ଇର୍ହାନ, “ଏ ଅବିସ୍ବାସ ନି ବାୟାର ମିର୍ ! ମି ଖାଲେ ନାନ ମାରିଏସ ଦିନ୍ ତେବାନା ? ମାରି ଏସ ଦିନ୍ ମି ବ୍ୟବହାର ସାସକିନା ? ଆୟା କଡ଼ଦିଙ୍ଗ ନା ଲାକ୍ତୁ ତାଗାର୍ ।”

୧୮ କଡ଼ ଲୋଇମାନି ଦୁବାଦିଙ୍ଗ ଜିସୁ ଆଦରିସ୍ କିତାନ । ଦୁବା ଖାନିଙ୍ଗ ଡିସ୍ସି ସତାସର୍ହାତ୍ ମାରି ଆୟା ଦାପେନେ କଡ଼ ନେଗେନଆତାନ ।

୧୯ ତାନେଝେନକା ସିସୁର୍ ଜିସୁଙ୍କୁଁ ଅରେନ୍‌ଖାନିଙ୍ଗନେ ଖାଜି ଝେନବାତାର୍, “ମାପ୍ ଏନ୍ଦା ଆୟା ଦୁବାଦିଙ୍ଗ ପେର୍ଦେଙ୍ଗ ଆର୍ଏତାପ୍ ?”

୨୦ ☆ଜିସୁ ଇର୍ହାନ, “ମି ବିସ୍ବାସ ପୁରା ଉଣା । ନାନ ମିଙ୍ଗ୍ ସଡ଼ ଇଜିନା, ଜଦି ଉନ୍‌ଡ୍ର ସାରସୁ ପାଡ଼ ଖାଜା ମି ବିସ୍ବାସ ମାନାଡ଼, ଇୟା ଗରନ୍‌ଡିଙ୍ଗ ଇବେଟ୍‌ତାନ ଆବେନ୍‌ ଗୁସାଜସାଙ୍ଗାଆ ଇଜି ଇରିଙ୍ଗ, ଆକା ଗୁସାନାଡ଼ । ବିସ୍ବାସତି ତାଟ୍‌ତାନ ମିର୍ ଝିନ୍‌ କିଦେଙ୍ଗ ଆର୍‌ନିଦେର୍ ।”

୨୧ ମାତର୍ ପାର୍‌ତନା ନି ଉପବାସ୍ ଡିସ୍‌ଡିଙ୍ଗ ଆଇକା ଇନି ଉପାୟତାନ ଇୟାଖାଜା ଦୁବା ସୋହସ ସଲ୍‌ଏତେ ।*

ଜିସୁ ନିଜେଦି ସାନି ବିସ୍‌ୟତାନ ମାରି ଉନ୍‌ଡ୍ର ଦେବେଙ୍ଗ ଇର୍ହାନ
(ମାର୍କ ୯:୩୦-୩୨; ଲୁକ ୯:୪୩-୪୫)

୨୨ ସିସୁର୍ ଝିଜେରେ ଗାଲିଲିଦୁ ଉନ୍‌ଡ୍ରମାନୁ ଆତି ଝେନକା ଜିସୁ ଖାରିଙ୍ଗ ଇର୍ହାନ, “ମନୁସ୍ୟପୁତ୍ର ଲୋକା କିୟୁତୁ ସପେ ଆଦେଙ୍ଗ ସଲ୍‌ସିନାନ ।

୨୩ ଖାର୍ ଖାନିଙ୍ଗ ତାକ୍‌ନାର୍, ମାତର୍ ମୁନେଟି ଝେନକା ଖାନ୍ ମାରିଡେସିଜିବନ୍ ଆନାନ ।” ଆବେଟ୍‌କୁ ସିସୁର୍ ନାଣ୍ଡ ଦୁକ୍ ଆତାର୍ ।

ଜିସୁ ମନ୍ଦିରତୁ ସିସୁଟୁ ସିତାନ

☆ ୧୭:୨୦ ମାଡ଼ିଉ ୨୧:୨୧; ମାର୍କ ୧୧:୨୩; ୧ କରିନ୍ଥିୟ ୧୩:୨.

* ୧୭:୨୧ ମାତର୍ ପାର୍‌ତନା ନି ଉପବାସ୍ ଡିସ୍‌ଡିଙ୍ଗ ଆଇକା ଇନି ଉପାୟତାନ ଇୟାଖାଜା ଦୁବା ସୋହସ ସଲ୍‌ଏତେ / ଇୟା ପଦ୍ ପାଡ଼ିଇ ରାସାତିମାନୁ ସିଲେଡ଼ ।

୨୪ ତାନେଝେନକା ଜିସୁ ନି ଖାନି ସିସୁର କପରନାହୁମତୁ ଖାତାର, ମନ୍ଦିରତି ସିସୁରଲୋସନିକାର ପିତରତି ଲାକ୍ତୁ ଖାଜି ଝେନ୍ଦବାତାର, “ମି ଗୁରୁ ଜନିକା ମନ୍ଦିରତି ସିସୁର ସିଏନ୍ ନୋ ?”

୨୫ ପିତର ଇର୍ହାନ, “ହୁଁ, ସିନାନ୍ ।”

ପିତର ଇନ୍ଦ୍ର ଖାତି ଝେନକା ଜିସୁ ଆଗଡ଼ି ଖାନିଙ୍ଗ୍ ଝେନ୍ଦବାତାନ୍, “ସିମୋନ, ନିନ୍ ଜନିକା ଅଡ଼ବିଜିନି ? ଇୟା ଦୁନିଆଦି ରାଜାରିଙ୍ଗ୍ ଏନ୍ ସିସୁରତାବୁଙ୍ଗ୍ ସିନାନ୍ ଖାରି ଦେସ୍ତି ପ୍ରଜାରି ମାଣ୍ଡକୁ ନୋ ଆଇଦେସ୍ତିଖାରି ମାଣ୍ଡକୁ ?”

୨୬ ପିତର ଇର୍ହାନ, “ଆଇଦେସ୍ତିଖାରି ମାଣ୍ଡକୁ ।”

ଜିସୁ ଇର୍ହାନ, “ଆରତିଙ୍ଗ୍ ଦେସ୍ତି ପ୍ରଜାର ସିସୁରତରନି ବଜୁତାନ୍ ଉସାସ୍ଆନାର ?

୨୭ ମାତର ମାପ୍ ଇଲେଇ ଖାରିଙ୍ଗ୍ ଅପ୍ମାନ୍ କିଦେଙ୍ଗ୍ ଅଡ଼ବିଏପ୍ । ମିର୍ ଗାତାଦୁ ସୋଲ୍ସ ବଣସି ପୋକ୍ତୁ । ଆଗଡ଼ି ଆମା ମିନି ଖାନାଡ଼, ତାନି ଝେନ୍ଦବାନ୍ ଉନ୍ଦ୍ର ଝେନ୍ଦଣ୍ଡି ଅଦ୍ଲି ପଇନିଦେର୍ । ଆକା ଅସ ନା ଉଣ୍ଡିଙ୍ଗ୍ ନି ମି ଉଣ୍ଡିଙ୍ଗ୍ ମନ୍ଦିରତି ସିସୁରତାବୁଙ୍ଗ୍ ସିଦୁ ।”

୧୮

ମୁସକୁପୁରତିରାଜିଦୁ ଝିଜେରିମାଣାନ୍ ପେରିକାନ୍ ଏନ୍ ?

(ମାର୍କ ୯:୩୩-୩୭; ଲୁକ ୯:୪୭-୪୮)

୧ ☆ନାସ୍ତିଖାଲେ ସିସୁର ଜିସୁଦି ଲାକ୍ତୁ ଖାତା ଝେନ୍ଦବାତାର, “ମୁସକୁପୁରତି ରାଜିଦୁ ଝିଜେରିମାଣାନ୍ ଏନ୍ ପେରିକାନ୍ ?”

୨ ଜିସୁ ଅରେନ୍ ଇସ୍ତି କଡ଼ଦିଙ୍ଗ୍ ଖାରି ଆଗଡ଼ି ନିଲପ୍ତାନନୋ ଇର୍ହାନ,

୩ ☆ନାନ୍ ମିଙ୍ଗ୍ ସଡ଼ ଇଜିନା, ମିର୍ ଇସ୍ତିକଡ଼ଖାଜା ବାଦ୍ଲିଆଏତିଙ୍ଗ୍ ଏସାଙ୍ଗ୍ବା ମୁସକୁପୁରତି ରାଜିଦୁ ସନ୍ତେଙ୍ଗ୍ ଆଟ୍ଟିଦେର୍ ।

୪ ମାରି, ଏନ୍ ଇୟା ଇସ୍ତି କଡ଼ଦି ଖାଜା ନିଜେଦିଙ୍ଗ୍ ନମ୍ପ ଆନାନ୍, ଖାନ୍ ମୁସକୁପୁରତି ରାଜିଦୁ ଝିଜେରିଙ୍ଗ୍ ପେରିକାନ୍ ।

୫ ମାରି, ଏନ୍‌ଆପିନ୍ ନା ଦରତାନ୍ ଇୟାଝାଜା ଅରେନ୍ ଇସ୍ରି କଡ଼ଦିଙ୍ଗ୍ ମାନାନାର୍, ଝାନ ନାଙ୍ଗ୍ ବା ମାନାନାର୍ ।

ପାପ୍‌ତୁ ଆର୍‌ପ୍‌ନିକା

(ମାର୍କ ୯:୪୨-୪୮; ଲୁକ ୧୭:୧-୨)

୬ ମାତର୍ ଏନ୍‌ଆପିନ୍ ନାମାନୁ ବିସ୍‌ବାସ୍ କିଜିମାନି ଇୟା ଇସ୍ରିକଡ଼ରି ମାଣ୍‌କୁ ଅରେନ୍‌ଝାନିଙ୍ଗ୍ ଏର୍‌ପେନାନ୍, ଝାନି କକଲ୍‌ଲାଦୁ ଉନ୍‌ଡ୍ରି ପେରି ଜାତାକାଲୁ ତର୍‌ସୋ ଝାନିଙ୍ଗ୍ ସାମ୍‌ଦୁର୍‌ତି ନାଣ୍‌ଗୁମିମାନି ଏର୍‌ତୁ ପୋକ୍‌ତିଙ୍ଗ୍ ଝାନି ଉଣ୍ଡିଙ୍ଗ୍ ନେଗେନ୍‌ଆନାଡ଼ ।

୭ ଲୋକାଦି ବିସ୍‌ବାସ୍‌ତୁ ଏର୍‌ପେନି ଉଣ୍ଡିଙ୍ଗ୍ ଗାଦି ମାଟେଙ୍ଗ୍‌ମାନେ । ଆୟାଉଣ୍ଡିଙ୍ଗ୍ ଇୟା ଦୁନିଆଦି ଅବସ୍ତା ନିସ୍‌ ତିଲାନିକା । ଝିଜୁଝାଲେ ଇୟାଝାଜା ଆର୍‌ପ୍‌ନିକା ଝାନାଡ଼, ମାତର୍ ଏନ୍ ଏର୍‌ପିନିକା ଗଟାକିନାନ୍, ଝାନି ଦସ୍‌ ଏସା ପେରିକାଆନାଡ଼ !

୮ ✠ଜଦି ମି କିୟୁ ନି ପାଦାମ୍ ଉଣ୍ଡିଙ୍ଗ୍ ମିର୍‌ ବିସ୍‌ବାସ୍‌ ଆରାକିନିଦେର୍‌, ଆର୍‌ତିଙ୍ଗ୍‌ ଆକା କୟ୍‌ଜ ପୋକ୍‌ତୁ । ରୁଣ୍ଡି କିକୁ ନି ରୁଣ୍ଡି ପାଦାମ୍‌କୁ ମାନ୍‌ଞ୍ଜି ଏସ୍‌କାଙ୍ଗ୍‌ଝିଜିଇ ସିସୁଦୁ ପୋକାନି ବାଦୁଲୁ ଉନ୍‌ଡ୍ରି କିୟୁ ନି ଉନ୍‌ଡ୍ରେ ପାଦାମ୍‌ ସିଲେଣ୍‌ଗା ଏସ୍‌କାଙ୍ଗ୍‌ଝିଜିଇ ଜିବନ୍‌ଡୁ ଡ଼ଗୁନିକା ମି ଉଣ୍ଡିଙ୍ଗ୍ ନେଗେଡ଼ ।

୯ ✠ମାରି, ମି କାଣ୍‌ଗା ଉଣ୍ଡିଙ୍ଗ୍ ଜଦି ମି ବିସ୍‌ବାସ୍‌ ନାଷ୍ଟୁ ଆଜିନାଡ଼, ତାନିଙ୍ଗ୍ ଉଦୁଜ ପୋକ୍‌ତୁ । ରୁଣ୍ଡି କାଣ୍‌କୁ ମାନ୍‌ଞ୍ଜି ସିସୁକାସ୍‌ନି ନରକଦୁ ପୋକାନି ବାଦୁଲୁ ଉନ୍‌ଡ୍ରି କାଣ୍‌ଗା ଅସି ଏସ୍‌କାଙ୍ଗ୍‌ଝିଜିଇ ଜିବନ୍‌ଡୁ ଡ଼ଗୁନିକା ମି ଉଣ୍ଡିଙ୍ଗ୍ ନେଗେଡ଼ ।

ମୁରିତିମାନି ମେଣ୍ଡାଦି କାତା

(ଲୁକ ୧୫:୩-୭)

୧୦ ✠ଇୟା ଇସ୍ରିକଡ଼ରି ମାଣ୍‌କୁ ଅରେନ୍‌ଝାନିଙ୍ଗ୍ ବା ନିସାର୍‌ କିମାଟ୍ । ନାନ୍ ମିଙ୍ଗ୍‌ ସଡ଼ ଇଜିନା, ଇୟାଝାରିଙ୍ଗ୍ ଜାତୁନ୍‌କିଜିମାନି ମୁସ୍‌କୁପୁର୍‌ତି ଦୁଡ଼କୁ ଝିଜୁଦିନ୍ ନା ବୁବା ମାପୁରୁଦି ଲାକ୍‌ଡୁମାନେ ।

୧୧ ଇରିଙ୍ଗ ସାରିବାଣାତିମାନି ଲୋକାଙ୍ଗ ରକ୍ଷା କିଦେଙ୍ଗ ମନୁସ୍ୟପୁତ୍ର ଖାତାମାନାନ । *

୧୨ ମିର୍ ଇନିକା ଅଡ଼ବିଜିନିଦେର୍, ଜଦି ଅରେନ୍ ଲୋକାଞ୍ଜି ୧୦୦ ଗୋଟା ମେଣ୍ଡେଙ୍ଗମାନେ ମାରି ଆବେଶୁକୁ ଉନ୍ତୁ ମୁରୁନାଡ଼, ଆରତିଙ୍ଗ ଖାନ୍ ଇନିକା କିନାନ୍ ? ନବେ ନଅଗୋଟା ମେଣ୍ଡେଙ୍ଗା ଗରନ୍ ଲାକ୍ତୁ ସାରାଦେଙ୍ଗ ଡିସ୍ନାସିନାନ୍ନୋ ଆୟା ମୁରିତିମାନି ମେଣ୍ଡାଦିଙ୍ଗ ପୟଦେଙ୍ଗସୋନାନ୍ ।

୧୩ ଏସ୍ତ୍ରାଲେ ଖାନ୍ ମେଣ୍ଡାଦିଙ୍ଗ ପୟନାନ୍, ନାନ୍ ମିଙ୍ଗ୍ ସଡ଼ ଇଜିନା, ମୁରୁଇତିମାନି ନବେ ନଅଗୋଟା ମେଣ୍ଡେଙ୍ଗା ଉଣ୍ଡିଙ୍ଗ ଖାନି ଏସ ଖେଡ଼ିକା, ଇୟା ଉନ୍ତେ ମେଣ୍ଡାଦି ଉଣ୍ଡିଙ୍ଗ ଖାନିକାମାଣାନ୍ ନାଣ୍ଡ ଖେଡ଼ିକାଆନାନ୍ ।

୧୪ ଟିକ୍ ଆୟାଞ୍ଜା, ଇୟା ଇସ୍ତିକଡ଼ରି ମାଣ୍ଡକୁ ଅରେନ୍ ଖାନିଙ୍ଗ ବା ସାରିବାଣାପିନ୍, ଇକା ମି ମୁସ୍କୁପୁରୁତି ବୁବା ମାପୁରୁଦି ବଦା ସିଲେଡ଼ ।

ମି ବିରଦ୍ତାନ୍ ଏନ୍ ଦସ୍ କିନାନ୍

୧୫ ଅରେନ୍ ତଡ଼ାନ୍ ଜଦି ମି ବିରଦ୍ତାନ୍ ଇନି ଦସ୍ କିନାନ୍, ଖାନି ଲାକ୍ତୁ ସୋଲ୍ସ ଖାନି ଦସ୍ ଖାନିଙ୍ଗ ତରସସିଦୁ । ମାତର୍ ମିର୍ ରିଇଦେର୍ ଅରେନ୍ନେ ମାନିଞ୍ଜାଲେ ଇକା ନେସ୍ଇଞ୍ଜାଜା କିଦୁ । ଜଦି ଖାନ୍ ମି ମାଟା ଖେନାନ୍, ନି ତଡ଼ାନ୍ତିଙ୍ଗ ନିନ୍ ଡେସି ପଇନିଦେର୍ ।

୧୬ ଜଦି ଖାନ୍ ଖେନ୍ଏନ୍, ଅରେନ୍ ସିଲ୍ତିଙ୍ଗ ରିଏରିଙ୍ଗ ଆସସୋ ଖାନି ଲାକ୍ତୁସାନ୍ତୁ । ମା ସାସ୍ତ୍ରଦି ଇସାବ୍ତାନ୍, “ରିଏର୍ ସିଲ୍ତିଙ୍ଗ ମୁଏରିଙ୍ଗ ଶାକିଦି ଆଗଡ଼ି ମି ଖିଜୁ ଦାବି ସଡ଼ ଇଜି ପାରାମାଣ୍ ଆପିଡ଼ ।”

୧୭ ଜଦି ଖାନ୍ ମି ମାଟା ମାନାଏନ୍, ଆରତିଙ୍ଗ ଇୟା ବିସୟତାନ୍ ପାର୍ତତନା ମଣ୍ଡଲିଦିଙ୍ଗ ଖେର୍ତୁ, ସାରାସାରିଖେନକା, ଜଦି ଖାନ୍ ମଣ୍ଡଲି ମାଟା ବା ମାନାଏନ୍, ଆରତିଙ୍ଗ ଖାନିଙ୍ଗ ଅରେନ୍ ସିସ୍ତୁ ଡାରୁଙ୍ଗ ଲୋସ୍ନିକାନ୍ ସିଲ୍ତିଙ୍ଗ ଅରେନ୍ ଅବିସ୍ବାସସି ଇଜି ଅଡ଼ବିଜି ଖାନିଞ୍ଜାଲେ ମିସାବିଡ଼ାଆମାଟ୍ ।

* ୧୮:୧୧ ଇରିଙ୍ଗ ସାରିବାଣାତିମାନି ଲୋକାଙ୍ଗ ରକ୍ଷା କିଦେଙ୍ଗ ମନୁସ୍ୟପୁତ୍ର ଖାତାମାନାନ / ଇୟା ପଦ୍ ପାଡ଼ିଇ ରାସାତିମାନୁ ସିଲେଡ଼ । ☆ ୧୮:୧୫ ଲୁକ ୧୭:୩.

ସାରି ସିଇକା ନି ସାରିସିନିକା

୧୮ ☆ “ନାନ୍ ମିଙ୍ଗ୍ ସଡ଼ ଇଜିନା, ମିର୍ ଇୟା ଦୁନିଆଦୁ ଆମାକା ବନ୍ଦକିନିଦେର୍, ମୁସକୁପୁରତୁ ବା ଆକା ବନ୍ଦେବାନାଡ଼ ମାରି ଆମାଞ୍ଜାନିଙ୍ଗ୍ ମିର୍ ଦୁନିଆଦୁ ସାରିସିନିଦେର୍, ମୁସକୁପୁରତୁ ବା ଆକା ସାରିସିଆୟାଆନାଡ଼ ।

୧୯ “ମାରି ନାନ୍ ମିଙ୍ଗ୍ ସଡ଼ ଇଜିନା, ଦୁନିଆଦୁ ଏସ୍ତିଞ୍ଜାଲେ ମି ଲୋଇରାନ୍ ରିଇଦେର୍ ଜେ ଏଣ୍ଡେସ୍ ନାନି ବିସୟତାନ୍ ଉନ୍ତେମନଆଜି ଆୟାଉଣ୍ଡିଙ୍ଗ୍ ପାରତନାକିନିଦେର୍, ନା ମୁସକୁପୁରତି ବୁବା ମି ଆୟା ବଦାପୁରାକିନାନ୍ ।

୨୦ ଇରିଙ୍ଗ୍ ଏମେ ବାଡ଼ିଦୁ ରିଏର୍ ଲୋକ୍ ସିଲ୍ଡିଙ୍ଗ୍ ମୁଏର୍ ଲୋକ୍ ନା ଦର୍ତ୍ତାନ୍ ଉନ୍ତେମାନୁ ଉଣ୍ଡାନାର୍, ଆୟା ବାଡ଼ିଦୁ ନାନ୍ ଖାରିମାନୁ ମାନା ।”

କେମାସିଇମାନି ପାଣିକିନିଞ୍ଜାନି କାତାଦି ମାଟା

୨୧ ☆ ଅର୍ଲେନ୍ ପିତର୍ ଖାତାନ୍ନୋ ଜିସୁଙ୍ଗ୍ ଝେନ୍ବାତାନ୍, “ପ୍ରବୁ, ଅରେନ୍ ତଡ଼ାନ୍ ନା ବିରଦତାନ୍ ବାରବାର୍ ଦସ୍ କିଜିମାର୍ହାନ୍, ଖାନିଙ୍ଗ୍ ନାନ୍ ଏସ୍ ଦେବେଙ୍ଗ୍ କେମାକିନା ? ଇନିକା ସାଡ଼ଦେବେଙ୍ଗ୍ ସାହି ?”

୨୨ ଜିସୁ ଇର୍ହାନ୍, “ସିଲେ ସାଡ଼ଦେବେଙ୍ଗ୍ ସିଲେ ।” ମାତର୍ ସାଡ଼ଦେବେଙ୍ଗ୍ ସଡ଼ୁରି ଗୁଣ୍ଡୁ ସାହି ।

୨୩ ଇରିଙ୍ଗ୍ ମୁସକୁପୁର୍ ଇୟାଞ୍ଜା । ଅର୍ଲେନ୍ ଅରେନ୍ ରାଜା ପାଣିକିନିଞ୍ଜାରି ଇସାବ୍ ଆକୁ ସୁଡ଼ୁଦେଙ୍ଗ୍ ଇଜି ବଦାକିତାନ୍ ।

୨୪ ଖାନ୍ ଇୟା ଇସାବ୍ ଆରାମ୍ କିଡ଼ିଞ୍ଜାଲେ ଲକେ ତାବୁଙ୍ଗ୍ ଅତି ଅରେନ୍ ପାଣିକିନିଞ୍ଜାନିଙ୍ଗ୍ ରାଜାଦି ଲାକ୍ତୁ ତାତାର୍ ।

୨୫ ରୁଣ୍ଡୁ ତେଞ୍ଜି ଉଣ୍ଡିଙ୍ଗ୍ ଇୟା ଲୋକ୍ତିମାନୁ ଇନିକା ସିଲେଡିଙ୍ଗ୍ ଖାନି ମାଲିକ୍ ଖାନିଙ୍ଗ୍ ମାରି ଖାନି ଆଡ଼ସିଙ୍ଗ୍, କଡ଼କକ୍ତା ମାରି ଖିଜୁ ସମ୍ପତ୍ତି ପୋରଜ ରୁଣ୍ଡାବୁଙ୍ଗ୍ ଅତେଙ୍ଗ୍ ଆଦେସ୍ ସିତାନ୍ ।

୨୬ ସାକର୍ ରାଜାଦି କାଲ୍‌କା ଆଡ଼ଗି ପାଡ଼ିଗିଜି ମାଡ଼ିସକିଜି ଇର୍ହାନ୍, “ଆଞ୍ଜା ମାରି ଅଡ଼ପ୍ ସାସ୍ ଆସ୍‌ଆ ନାନ୍ ନି ଖିଜୁ ରୁଣ୍ଡାବୁଙ୍ଗ୍ ତେଞ୍ଜେନାସିନା ।”

୨୭ ମାଲିକଦି ମନ୍ତ୍ର ଦୟା ଆତାତ, ଆବେଟ୍ ରୁଣ୍ଡାବୁଙ୍ଗତାନ କେମାସିଜି ଖାନ ସାକରତିଙ୍ଗ୍ ଡିସ୍ତାସିତାନ ।

୨୮ ଇୟା ଲୋକୁ ବୁଲାଜି ସନିଝାଲେ ଖାନିମାଣାନ ଉଣା ଏସ ଡାବୁଙ୍ଗ୍ ରୁଣ୍ଡ ଅତିମାନି ଖାନି ଅରେନ୍ ଅର୍ସେପାଣିକିନି ସାକରତିଙ୍ଗ୍ ବେଟ୍‌ବୁଡାତାନ । ଖାନ ଖାନି କକ୍‌ଲାଦିଙ୍ଗ୍ ଆସ୍‌ସି, ଖାନି କକ୍‌ଲାଦିଙ୍ଗ୍ ପିଡିସି ଇର୍ହାନ, ନା ମାଣାନ ଉଦାର୍ ଅତିମାନି ଡାବୁଙ୍ଗ୍ ଡେସି ସିଦା ।

୨୯ ଖାନିଝାଲେ ଅର୍ସେ ପାଣିକିକାନ ଖାନି କାଲ୍‌କା ଆଡ଼ଗି ପାଡିଗିଜି ମାଡିସକିଜି ଇର୍ହାନ, ସାସ୍ ଆସ୍‌ଆ, ନି ଝିଜୁ ଡାବୁଙ୍ଗ୍ ତେଝେନାସିନା ।

୩୦ ମାତର ପାର୍‌ତୁମ୍‌ତି ଲୋକୁ ଖାନି ଗୁଆରି ଝେନ୍‌ଏତାନ, ମାରି ରୁଣ୍ଡାବୁଙ୍ଗ୍ ତେଝେଇ ସାନ୍ଦି ଖାନିଙ୍ଗ୍ ଜଇଲ୍‌ତୁ ଇଡିସକିତାନ ।

୩୧ ଇୟା ଗଟ୍‌ନା ସୁଡ଼ୁ ଆଇ ଅର୍ସେପାଣିକିନିକାର୍ ନାଣ୍ଡ ଦୁକ୍‌ଆତାର । ଖାର ରାଜାଦି ଲାକ୍‌ତୁ ସର୍ହାର୍‌ନୋ ଆମାକା ଗଟାତା ମାର୍ହାଡ଼, ଝିଜୁ ଝେଡ଼ତାର ।

୩୨ ରାଜା ପାର୍‌ତୁମ୍‌ତି ପାଣିକିନିଝାନିଙ୍ଗ୍ କୁକିସକିତାନନୋ ଇର୍ହାନ, ଏ ଜଗସିଲି ପାଣିକିନିକିନ୍ଦା, ନିନ୍ ଗୁଆରି କିତିଆକା ନାନ୍ ନି ଝିଜୁ ରୁଣ୍ଡାବୁଙ୍ଗ୍ ଡିସ୍ତାସିତା ।

୩୩ ନାନ୍ ଏଣ୍ଡେସ୍ ନି ଉଣ୍ଡିଙ୍ଗ୍ ଦୟା ତର୍‌ତା, ନି ଅର୍ସେପାଣି କିନିଝାନିଙ୍ଗ୍ ବା ଆୟାଝାଜା ଦୟା କିନିକା ନି ଟିକ୍ ମାର୍ହାଡ଼ ।

୩୪ “ରାଜା ନାଣ୍ଡ ରିସାଆତାନ ମାରି ଝିଜୁ ରୁଣ୍ଡାବୁଙ୍ଗ୍ ଡେସିସିଇ ସାନ୍ଦି ଦଣ୍ଡବଗାନି ଉଣ୍ଡିଙ୍ଗ୍ ଖାନିଙ୍ଗ୍ ଜଇଲ୍‌ତୁ ପୋକ୍‌ତାନ ।”

୩୫ ଜିସୁ ଝିଜୁ ମାଟା ଝିସ୍ତାନନୋ ଝାରିଙ୍ଗ୍ ଇର୍ହାନ, “ମି ବିରଦ୍‌ତାନ ଦସ୍ କିତିମାନି ତଡାନ୍‌ତିଙ୍ଗ୍ ଜିବନ୍‌ନୋନିଝାଜା ଜଦି କେମାକିଇଦେର୍, ଆରତିଙ୍ଗ୍ ନା ମୁସ୍‌କୁପୁରତି ବୁବା ବା ମି ଉଣ୍ଡିଙ୍ଗ୍ ଇୟାଝାଜା ବ୍ୟବହାର୍ କିନାନ୍ ।”

୧୯

ଆଡ଼ସିଙ୍ଗ୍‌ଡିସିନି ବିସୟତାନ ଜିସୁଦି ସିକିୟା
(ମାର୍କ ୧୦:୧-୧୨)

୧ ଜିସୁ ଇୟାଞ୍ଜିଲୁ ମାଟା ଝେରୁତି ଝିସ୍ତି ଝେନ୍‌କା ଗାଲିଲି ଡିସ୍‌ସି ଜର୍ଦ୍ଦନ ଗାଡାଦି ଆୟାପାଡୁକା ମାନି ଜିହୁଦା ରାଜିଦୁ ସୋର୍ହାର ।

୨ ମାରି, ନାଣ୍ଟ ଲୋକୁ ଝାନି ଝେନ୍‌କା ଝେନ୍‌କା ସୋର୍ହାର ମାରି ଝାନ୍ ଗାଦି ରଗ୍‌ଲୋକାଙ୍ଗ ନେଗେନ୍‌କିତାନ୍ ।

୩ ଏସଲୋକ୍ ପାରୁସିର୍ ଝାନି ଲାକ୍‌ତୁ ଝାତାରୋ ଝାନିଙ୍ଗ୍ ଗୁଟାଦୁ ଆର୍‌ପଡେଙ୍ଗ୍ ସେସ୍‌କିତାର୍ । ଝାର୍ ଝାନିଙ୍ଗ୍ ଝେନ୍‌ବାତାର୍, “ମସାଦି ନିୟମ୍ ଇସାବ୍‌ତାନ୍ ଅରେନ୍‌ ଇନି ବିସୟ୍‌ତାନ୍ ନିଜେଦି ଆଡ୍‌ସିଙ୍ଗ୍ ଡିସ୍‌ନିଆକୁ ସିଦେଙ୍ଗ୍ ଆଟ୍‌ନାନ୍ ନୋ ?”

୪ ଜିସୁ ଇର୍ହାନ୍, ମିର୍ ଇନିକା ସାସ୍ତ୍ରୁ ପଡ଼ାଇଦେର୍ ନୋ, ତିଆରକିତିମାଲିକ୍ ଆଗ୍‌ଡିରାନ୍‌ନେ ଝାରିଙ୍ଗ୍ ମେମାରି ନି ଆଇମା କିଜି ତିଆର୍ କିତାନ୍ ?

୫ ନାସ୍ତିଝାଲେ ମାପୁରୁ ଇର୍ହାମାର୍ହାନ୍, “ଇୟାଉଣ୍ଡିଙ୍ଗ୍ ଅରେନ୍‌ ମେମାର୍‌ଏନ୍‌ ନିଜେଦି ବୁବାୟାୟେଙ୍ଗ୍ ଡିସ୍‌ସି ନିଜେଦି ଆଡ୍‌ସି ଝାଲେ ତେବାନାନ୍ ମାରି ଆୟା ରିଏର୍ ଅରେନ୍‌ଆନାର୍ ।

୬ ଝାର୍ ମାରି ରିଏର୍ ଆଏର୍, ମାତର୍ ଅରେନ୍‌ନେ । ଆମାଝାରିଙ୍ଗ୍ ମାପୁରୁ ମିସାକିତାମାନାନ୍, ଆକା ଲୋକୁ ଝାରିଙ୍ଗ୍ ଝେରେଏ କିମାକିର୍ ।”

୭ ☆ପାରୁସିର୍ ଝାନିଙ୍ଗ୍ ଝେନ୍‌ବାତାର୍, “ଆର୍‌ଡିଙ୍ଗ୍ ଆଇମାଦିଙ୍ଗ୍ ଡିସ୍‌ନି ଆକୁ ସିଜି ଡିସ୍‌ନି ଉଣ୍ଡିଙ୍ଗ୍ ମୋସା ଏନ୍‌ ନିୟମ୍ କିତାମାନାନ୍ ?”

୮ ଜିସୁ ଝାରିଙ୍ଗ୍ ଇର୍ହାନ୍, “ମି ଜିବନ୍‌ଡି ଆଟ୍‌ଝାଦିଙ୍ଗ୍ ସୁଡ଼ଜି ମୋସା ମିଙ୍ଗ୍ ଇୟାଞ୍ଜା କିତାମାର୍ହାନ୍ । ମାତର୍ ତିଆର୍‌ଆଡି ଆଗ୍‌ଡି ଇୟାଞ୍ଜା ନିୟମ୍ ସିଲେତାଡ୍ ।

୯ ☆ମାତର୍ ନାନ୍ ମିଙ୍ଗ୍ ଇଜିନା, ଏନ୍‌ଆପିନ୍‌ ନିଜେଦି ଆଡ୍‌ସିଙ୍ଗ୍ ଦାରିପାଣି ଦସ୍ ଡିସ୍‌ତିଙ୍ଗ୍ ଆଇ ଇନି ବିସୟ୍‌ତାନ୍ ଡିସ୍‌ନାନ୍ ନୋ ଆଇ ଆଇମାଦିଙ୍ଗ୍ ପେଡିଆନାନ୍, ଝାନ୍ ନିଜେ ଦାରିପାଣି କିନାନ୍ ।”

୧୦ ସିସୁର୍ ଝାନିଙ୍ଗ୍ ଇର୍ହାନ୍, “ଆଡ୍‌ସି ଝାଲେ କନ୍‌ଲିଦି ଜଦି ଇୟାଞ୍ଜା ବିସୟ୍‌ମାନି ମାଟା, ଆର୍‌ଡିଙ୍ଗ୍ ପେଡିଆଇକା ନେଗେଡ୍ ।”

୧୧ ଜିସୁ ଇର୍ହାନ୍, “ଇୟା ସିକିୟା ଓଜେରି ଉଣ୍ଡିଙ୍ଗ୍ ସିଲେ । ମାପୁରୁଦି ମାଣାନ ଏମେଝାରିଙ୍ଗ୍ ଇକା ସିଆୟାଆତାମାନାଡ଼, କେବଲ୍ ଝାର୍ ଇକା ମାନାଦେଙ୍ଗ୍ ଆଟ୍‌ନାର୍ ।

୧୨ ଇନିଇନି ବିସୟତାନ୍ ଲୋକୁ ପେଡ଼ିଆଏଣ୍‌ଗା ତେବାନାସୋନାର୍ । ଏସଲୋକ୍ ଜନମ୍‌ତାନ୍ ପେଡ଼ିଆନି ଉଣ୍ଡିଙ୍ଗ୍ ଜଗ୍‌ସିଲେର୍, ଏସ ଲୋକାଙ୍ଗ୍ ଲୋକୁ ଆୟାଝାଜା କିତାମାନାର୍, ମାରି ଏସଲୋକ୍ ମୁସ୍‌କୁପୁରତି ଉଣ୍ଡିଙ୍ଗ୍ ପାଣିକିଦେଙ୍ଗ୍ ପେଡ଼ିଆଏଣ୍‌ଗା ତେବାନାର୍ । ଏମେକାର୍ ଇୟା ସିକିୟାଦି ଅର୍ତ୍ତ ବୁଜାଦେଙ୍ଗ୍ ଆଟ୍‌ସିନାର୍, ଝାର୍ ଆକା ମାନାପିର୍ ।”

ଜିସୁ ଇସ୍ତ୍ର କଡ଼ରିଙ୍ଗ୍ ଆସିର୍ବାଦ୍ କିନାନ୍

(ମାର୍କ ୧୦:୧୩-୧୬; ଲୁକ ୧୮:୧୫-୧୭)

୧୩ ନାସ୍ତିଝାଲେ ଇସ୍ତ୍ରକଡ଼ରି ମୁସ୍‌କୁ କିୟ୍ ଇଡ଼ଜି ପାର୍‌ତନା କିଦେଙ୍ଗ୍ ଇଜି ଏସଲୋକ୍ ଝାରିଙ୍ଗ୍ ଜିସୁଦି ଲାକ୍‌ତୁ ତାତାର୍ । ଆୟା ଲୋକାଙ୍ଗ୍ ସିସୁର୍ ଆଦରିସ୍ କିତାର୍ ।

୧୪ ମାତର୍ ଜିସୁ ଇର୍ହାନ୍, “ଇସ୍ତ୍ର କଡ଼ରିଙ୍ଗ୍ ନା ଲାକ୍‌ତୁ ଝାଦେଙ୍ଗ୍ ସିଦୁ । ଝାରିଙ୍ଗ୍ ବାଦାକିମାଟ୍, ଇରିଙ୍ଗ୍ ମୁସ୍‌କୁପୁରତି ଅଦିକାରି ଏମେକାର୍ ଝେରିଝାଜା ଆୟା ଲୋକତି ଅଦିକାରି ।”

୧୫ ମାରି, ଝାରି ମୁସ୍‌କୁ କିୟ୍ ଇଡ଼ଜି ଆସିର୍ବାଦ୍ କିତି ଝେନ୍‌କା ଝାନ୍ ଆବେଟ୍‌ତାନ୍ ସୋର୍ହାନ୍ ।

ଅରେନ୍ ମାଜନ୍ ମୁରୁଲି

(ମାର୍କ ୧୦:୧୭-୩୧; ଲୁକ ୧୮:୧୮-୩୦)

୧୬ ଅରେଲେନ୍ ଅରେନ୍ ମୁରୁଲି ଜିସୁଦି ଲାକ୍‌ତୁ ଝାତାନ୍‌ନୋ ଝେନ୍‌ବାତାନ୍, “ଏ ଗୁରୁ, ଏସକାଙ୍ଗ୍‌ଝିଜିଇ ଜିବନ୍ ପୟ୍‌ନି ଉଣ୍ଡିଙ୍ଗ୍ ନାନ୍ ଇନି ନେଗି ପାଣି କିଦେଙ୍ଗ୍ ଆନାଡ଼ ?”

୧୭ ଜିସୁ ଝାନିଙ୍ଗ୍ ଇର୍ହାନ୍, “ନେଗି ପାଣି ବିସୟତାନ୍ ନାଙ୍ଗ୍ ଏନ୍‌ ଝେନ୍‌ବାଜିନି ? ମାପୁରୁ ନେ କେବଲ୍ ନେଗିକାନ୍ । ମାପୁରୁଦି ମାଟେଙ୍ଗ୍ ମାନାତିଙ୍ଗ୍, ଏସକାଙ୍ଗ୍‌ଝିଜିଇ ଜିବନ୍ ପୟ୍‌ଦେଙ୍ଗ୍ ଆଟ୍‌ନି ।”

୧୮ ଝାନ୍ ଝେନ୍‌ବାତାନ୍, “ଆମାଝିଜୁ ମାଟେଙ୍ଗ୍ ?”

ଜିସୁ ଇର୍ହାନ୍, “ଲୋକାଙ୍କ ସାୟାମାର୍ଗା ଡାକ୍‌ମାଟ୍, ଦାରିପାଣି କିମାଟ୍, ଡକ୍‌ କିମାଟ୍, ଏ ବିରଦ୍‌ତାନ୍ ମିସ୍‌ମାଟା ସାକିସିମାଟ୍,
 ୧୯ ବୁବାୟାୟ୍‌କୋ ମାନାବୁ, ମାରି ଲାକ୍‌ତୁରି ଲୋକାଙ୍କ ନିଜେଦିଙ୍କ୍ ଜିବନ୍‌ନୋତିଝାଜା ଜିବନ୍‌ନୋଦୁ ।”

୨୦ ମୁରୁଲି ଇର୍ହାନ୍, “ଇୟାଝିଜୁ ମାଟେଙ୍କ୍ ମାନାତାମାନା, ନାନ୍ ମାରି ଇନିକା ନାଙ୍‌ ଉଣାମାନାଟ୍ ?”

୨୧ ଜିସୁ ଝାନିଙ୍କ୍ ଇର୍ହାନ୍, “ଜଦି ନିନ୍‌ ନେଗିକାନ୍ ଆଦେଙ୍କ୍ ବଦାକିଜିନି, ସାଙ୍‌ଆଁ, ନି ଝିଜୁ ସମ୍‌ତି ପରଜ ଆୟା ତାବୁଙ୍କ୍ ସିଲିସାତିଝାରିଙ୍କ୍ ଦାନ୍ ସିଆ । ଆର୍‌ତିଙ୍କ୍ ନିନ୍‌ ମୁସ୍‌କୁପୁରତୁ ଦନ୍ ପଇନି । ଇୟାଝିଜୁ କିଜଝିସ୍‌ସୋ ନା ଝେନ୍‌କା ଝେନ୍‌କା ରାଆ ।”

୨୨ ମୁରୁଲି ଇୟା ମାଟା ଝେନ୍‌ଞ୍ଜି ଦୁଃକ୍ ଆଜି ସୋର୍‌ହାନ୍, ଇରିଙ୍କ୍ ଝାନ୍ ପେରି ମାଜନ୍‌ଲୋକ୍ ମାର୍‌ହାନ୍ ।

୨୩ ଜିସୁ ନିଜେଦି ସିସୁରିଙ୍କ୍ ଇର୍ହାନ୍, ନାନ୍ ମିଙ୍‌ ସଡ୍ ଇଜିନା, ମାଜନ୍‌ ଲୋକ୍ ବଡେ କସ୍‌ଦାନ୍ ମୁସ୍‌କୁପୁରତୁ ସନାର୍ ।

୨୪ ମାରିଡେସି ନାନ୍ ମିଙ୍‌ ଝେରସିନା, ମାପୁରୁଦି ରାଜିଦୁ ମାଜନ୍ ଲୋକତି ସନି ବାବୁଲୁ ସୁଜିଦି ବର୍‌ ସିଜି ଉଟ୍ ଡଗୁନିକା ଉସାସ୍ ।

୨୫ ସିସୁର୍ ଇକା ଝେନ୍‌ଞ୍ଜି କାବାଆତାରୋ ଝେନ୍‌ବାତାର୍, “ଆର୍‌ତିଙ୍କ୍ ଏନ୍ ରକିୟା ପଇଦେଙ୍କ୍ ଆଟ୍‌ନାନ୍ ?”

୨୬ ଜିସୁ ସିସୁରିଙ୍କ୍ ସାଡ୍‌କୁ ସାଡ୍‌କୁ ସୁଡ୍‌ଜି ଇର୍ହାନ୍, “ଇକା ଲୋକାଦି ଉଣିଙ୍କ୍ ଆଟ୍‌ଝା ଆଦେଙ୍କ୍ ଆଟ୍‌ନାଟ୍, ମାତର୍ ମାପୁରୁଦିଙ୍କ୍ ଉଣିଙ୍କ୍ ଆନାଟ୍, ଇରିଙ୍କ୍ ମାପୁରୁ ଝିଜୁ କିଦେଙ୍କ୍ ଆଟ୍‌ନାନ୍ ।”

୨୭ ଇକା ଝେରଆନ୍‌ନୋ ପିତର୍ ଇର୍ହାନ୍, “ସୁଡ୍‌ଦୁ, ମାପ୍ ଝିଜୁ ଡିସ୍‌ସି ନି ଝେନ୍‌କା ଝାତା ମାନାପ୍ । ମାଡ୍ ଇନିକା ପଇନିକା ?”

୨୮ ✠ଜିସୁ ଝାରିଙ୍କ୍ ଇର୍ହାନ୍, ନାନ୍ ମିଙ୍‌ ସଡ୍ ଇଜିନା, ପୁନି ଜଗତି ଏସ୍‌ିଝାଲେ ମନୁସ୍ୟପୁତ୍ର ନିଜେଦି ଗୌରବ୍‌ମୟ ରାଜାଗାଦିଦୁ ବାସ୍‌ନାନ୍, ନାସ୍‌ିଝାଲେ ନା ଇୟା ବାରଲୋକ୍ ସିସୁର୍ ବା ବାରଗୋଟା ରାଜାଗାଦିଦୁ ବାସ୍‌ନାରୋ ଇସ୍ରାଏଲ୍‌ତି ବାରଗୋଟା କୁଟୁମ୍‌ତି ମୁସ୍‌କୁ ସାସନ୍ କିନିଦେର୍ ।

୨୯ ମାରି ଏମେକାର ନା ଉଣ୍ଡିଙ୍ଗ ନିଜେଦି ଇଲୁ, ତଡ଼ାନତିଙ୍ଗ ନି ତାଙ୍ଗ, ବୁବା ନି ଯାୟେଙ୍ଗ, କଡ଼କକ୍ତାରିଙ୍ଗ ମାରି ବୁମିବାଡ଼ା ଡିସ୍ତାମାନାନ୍, ଝାର ତାନି ସଏ ଗୁଣୁ ପୟନାର; ମାରି ଏସ୍କାଙ୍ଗ୍‌ଝିଙ୍ଗ ଜିବନ୍ ବା ପୟନାର ।

୩୦ ☆ମାତର ଆଗଡ଼ି ମାନି ଏସ ଲୋକୁ ଝେନ୍‌କା ଆନାର ମାରି ଝେନ୍‌କା ମାନି ଏସ ଲୋକୁ ଆଗଡ଼ି ଆନାର ।

୨୦

ଅଙ୍ଗୁରକିଡ଼ିଇଦୁ ପାଣିକିନିକାନ୍

୧ ମୁସ୍କୁପୁର ଇୟାଝାଜା । ଅରେନ୍ ଲୋକୁ ଅରଲେନ୍ ଉଟ୍‌ଲା ନାଡ଼ାକାଦେ ଝାନି ଅଙ୍ଗୁର କିଡ଼ିଇଦୁ ପାଣି କିଦେଙ୍ଗ ଇଜି ବୁତିଲୋକାଙ୍ଗ ପୟଦେଙ୍ଗ ସୋତାନ୍ ।

୨ ଆମାଝାରିଙ୍ଗ ପୟତାନ୍, ଝିଜେରିଙ୍ଗ ଅରଲେଟିଙ୍ଗ ଉନ୍‌ଡ଼ି ଲାକା ଝେଣ୍ଡିଅଦଲି ବୁତି ତାବୁଙ୍ଗ ସିଦେଙ୍ଗ ତେଝେତାନ୍‌ନୋ ଝାରିଙ୍ଗ ନିଜେଦି କିଡ଼ିଇଦୁ ପୋକ୍‌ତାନ୍ ।

୩ ତାନେଝେନ୍‌କା ନାଣ୍ଡିଙ୍ଗ ନଅଟା ବେଡ଼ାଦୁ ସାତାଦୁ ସର୍‌ହାନ୍‌ନୋ ସୁଡ଼ତୁନ୍, ମାନ୍‌ଲୋକ୍ ସିମ୍ବା ଆଜି ନିର୍‌ଆମାନାର ।

୪ ଝାରିଙ୍ଗ ଝାନ୍ ଇର୍‌ହାନ୍, ମିର୍ ବା ନା ଅଙ୍ଗୁର କିଡ଼ିଇଦୁ ସୋଲ୍‌ସ ପାଣି କିଦୁ, ମିଙ୍ଗ ସାମାନ୍ ବୁତି ସିନା ।

୫ ଝାର ସୋର୍‌ହାନ୍‌ନୋ ପାଣି କିଦେଙ୍ଗ ଆସ୍‌ତାର । ଝେଡ଼େ ବାର୍‌ଟା ମାରି ତିନ୍‌ଟା ବେଡ଼ାଦୁ ଟିକ୍ ଆୟାଝାଜା ମାରି ଏସ ପାଣିକିନିଝାରିଙ୍ଗ ତାତାନ୍‌ନୋ ପାଣିଦୁ ଲାଗିସ୍‌କିତାନ୍ ।

୬ ମାରି ମିଲ୍‌ମିଲିକା ପାସ୍‌ଟା ବେଡ଼ାଦୁ ମାରି ଉନ୍‌ଡ଼ି ଦେବା ସାତାଦୁ ସର୍‌ହାନ୍‌ନୋ ସୁଡ଼ତୁନ୍, ମାରି ଏସ ଲୋକୁ ନିର୍‌ଆମାନାର, ଝାରିଙ୍ଗ ଝେନ୍‌ବାତାନ୍, ଝେଡ଼ଝେଡ଼ାର ପାଣିକିଏଣ୍‌ଗା ଏନ୍‌ ଇବେନ୍‌ ସମୟ ନାସ୍‌କିଜିନିଦେର୍ ?

୭ ଝାର ଇର୍‌ହାନ୍, ଏନ୍ ମାଙ୍ଗ ପାଣିଦୁ ଲାଗିସ୍‌କିଏର୍ । ଝାନ୍ ଝାରିଙ୍ଗ ଇର୍‌ହାନ୍, ଆର୍‌ଡିଙ୍ଗ ମିର୍ ଝିଜୁ ନା ଅଙ୍ଗୁର କିଡ଼ିଇଦୁ ସୋଲ୍‌ସ ପାଣିକିଦୁ ।

୮ ଆୟାନାଣ୍ଡିଙ୍ଗ୍ ମିଲ୍‌ମିଲିକା ବେଡ଼ାଦୁ କିଡ଼ିଇଦି ମାଲିକ୍
ରୁମାସ୍ତାଦିଙ୍ଗ୍ ଇର୍ହାନ, ପାଣିକିଡ଼ିଝାରିଙ୍ଗ୍ କୁକ୍‌ଆ । ଆମାକାର୍
ଝିଜେରିମାଣାନ୍ ଝେନ୍‌କା ପାଣି ଆରାମ୍‌କିତାମାନାର୍, ଆଗ୍‌ଡ଼ି ଝାରି
ବୁଡ଼ି ସିଆ । ଆମାକାର୍ ଝିଜେରି ଆଗ୍‌ଡ଼ି ପାଣିଦୁ ଝାତାମାନାର୍ ଝାରି
ବୁଡ଼ିତାବୁଙ୍ଗ୍ ସାରାସାରିଝେନ୍‌କା ସିଆ ।

୯ ମିଲ୍‌ମିଲିକା ପାସ୍‌ଟାଦୁ ଆମାକାର୍ ପାଣିଦୁ ଝାତା ମାହାର୍, ଝାର୍
ଝିଜେରେ ଉନ୍‌ଡ୍ରୁ ଝେଣ୍ଡିଅଦଲି ତାବୁଙ୍ଗ୍ ପୟ୍‌ତାର୍ ।

୧୦ ଆମାକାର୍ ଆଗ୍‌ଡ଼ି ପାଣି ଆରାମ୍‌ କିତାମାହାର୍, ଝାର୍ ନାଣ୍ଡି
ପୟ୍‌ନିକା ଇଜି ଅଡ଼ିବିତାର୍, ମାତର୍ ଝାନ୍ ବା ଉନ୍‌ଡ୍ରୁ ଉନ୍‌ଡ୍ରୁ
ଝେଣ୍ଡିଅଦଲି ତାବୁଙ୍ଗ୍ ପୟ୍‌ତାର୍ ।

୧୧ ଝାର୍ ନିସ ଅସି ମାଲିକ୍ ବିରଦ୍‌ତାନ୍ ଝେଡ଼ିକାଆଏଣ୍‌ଗା ଝେରସି
ଇର୍ହାର୍,

୧୨ ମିଲ୍‌ମିଲିକା ପାସ୍‌ଟାଦୁ ପାଣି ଆରାମ୍‌ କିତିମାନିକାର୍ ଉନ୍‌ଡ୍ରୁ
ଗନ୍‌ଟାନେ ପାଣି କିତାମାନାର୍ । ମାପ୍ ଇୟା ନିସ ତେରଝେଲ୍‌ଡ଼ିଙ୍ଗ୍
ଝେଡ଼ାର୍ କଟେଆତାପ୍, ମାରି ବୁଡ଼ିତାବୁଙ୍ଗ୍ ସିଡ଼ିଝାଲେ ଝାରିଙ୍ଗ୍ ମା
ଝାଲେ ସାମାନ୍ କିଜିସିଡ଼ି ।

୧୩ ମାଲିକ୍ ଝାରି ଲୋଇରାନ୍ ଅରେନ୍‌ଝାନିଙ୍ଗ୍ ଇର୍ହାନ, ବନ୍ଧୁ; ନାନ୍
ନିଙ୍ଗ୍ ଟକେକିଏ । ଅର୍‌ଲେଟି ବୁଡ଼ି ତାବୁଙ୍ଗ୍ ଉନ୍‌ଡ୍ରୁ ଝେଣ୍ଡି ଅଦଲି
ଅସି ପାଣି କିଦେଙ୍ଗ୍ ମିର୍ ଝିଜିଦେର୍ ରାଜିଆତିମାରିଇଦେର୍ ।

୧୪ ମି ଆୟା ବୁଡ଼ିତାବୁଙ୍ଗ୍ ଅସି ଇନ୍‌ଡ୍ରୁ ସାନ୍‌ଡ୍ରୁ, ମିଙ୍ଗ୍ ଏସ
ସିତାମାନା, ଉନ୍‌ଡ୍ରୁ ଗନ୍‌ଟା ପାଣି କିତିମାନି ଲୋକ୍‌ଡ଼ିଙ୍ଗ୍ ବା ନାସନେ
ସିଦେଙ୍ଗ୍ ନା ବଦା ।

୧୫ ନା ନିଜେଦି ଦନ୍‌ଡ଼ିଙ୍ଗ୍ ଏଣ୍ଡେସ୍ ବଦା ଆୟାଝାଜା କାର୍‌ସୁକିଦେଙ୍ଗ୍
ଇନିକା ନା ଅଦିକାର୍ ସିଲେଡ଼ ? ସିଲେ ନାନ୍ ଦାନ୍‌ସିନିକାନ୍ ଆଡ଼ିଙ୍ଗ୍
ମିର୍ ନାଙ୍ଗ୍ ଆକାର୍‌ଆଜିନିଦେର୍ ?

୧୬ ☆ଇୟା କାତାଦି ମାଟା ଝିସ୍‌ତାନ୍‌ନୋ ଜିସୁ ଇର୍ହାନ, “ଝେନ୍‌କା
ମାନି ଲୋକୁ ଆଗ୍‌ଡ଼ି ଆନାର୍ ମାରି ଆଗ୍‌ଡ଼ି ମାନି ଲୋକୁ ଝେନ୍‌କା
ଆନାର୍ ।”

ଜିସୁ ନିଜେଦି ସାନି ନିଜ୍ଞାନି ବିସୟତାନ ମୁନ୍ତ୍ର ଦେବେଙ୍ଗ
ଇର୍ହାନ

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

୧୭ ଜିସୁ ଜିରୁସାଲମତୁ ସନି ସାରିତୁ ବାରଲୋକ୍ ସିସୁରିଙ୍ଗ୍ ଉନ୍ତ୍ର
ଲାକ୍ତୁ କୁକ୍ତାଅତାନନୋ ଅରେନ୍ନେ ଇର୍ହାନ,

୧୮ “ଝେନ୍ତୁ, ମାଡ଼ ଜିରୁସାଲମତୁ ସୋଲ୍‌ସିନିକା, ଆବେନ୍ତୁ
ମନୁସ୍ୟପୁତ୍ର ପେରି ଜାଜକ ମାରି ଦାମ୍‌ଗୁରୁରି କିୟୁତୁ ସର୍ପେଆନାନ୍
। ମାରି ଝାର୍ ଝାନିଙ୍ଗ୍ ସାନିଦଣ୍ଡ ସିନାର୍

୧୯ ମାରି ଝାର୍ ଅଣଜିହୁଦିରି କିୟୁତୁ ସର୍ପେ କିଜି ସିନାର୍ ।
ଆଇଜାତିଦିକାର୍ ଝାନିଙ୍ଗ୍ ସେମାର୍ କିନାର୍, କରତା ମାଡ଼ ଡାକ୍‌ନାର୍
ମାରି କୁସକାଟୁଟୁ ଏକିସକିନାର୍, ମାଡର୍ ମୁନେଟି ଝେନ୍‌କା ଝାନ୍
ମାରିଡେସି ଜିବନ୍‌ଆଜି ନିଜ୍ଞାନାନ୍ ।”

ଅରେଡ଼ ଯାୟାଦି ମାଡ଼ିସ୍‌କିନିକା

(ମାର୍କ ୧୦:୩୫-୪୫)

୨୦ ଇୟା ସମୟତୁ ଜେବଦିଦି ଆଡ଼ସି ତାନି ରିଏରି ମାରିସିରି
ଝାଲେ ଜିସୁଦି ଲାକ୍ତୁ ଝାଜି, ଜିସୁଙ୍ଗ୍ ମାଡ଼ିସ୍‌କିଜି ଝାନିମାଣାନ୍ ଇନିକା
କିଦେଙ୍ଗ୍ ଲସତାଡ଼ ।

୨୧ ଜିସୁ ତାନିଙ୍ଗ୍ ଝେନ୍‌ବାତାନ୍, “ନିନ୍ ଇନିକା ବଦାକିଜିନି ?” ଝାଦ୍
ଇର୍ହାଡ଼, “ନିନ୍ ଏସ୍ତିଝାଲେ ରାଜା ଆନି, ନା ଇୟା ରିଏର୍ ମାରିସିରିଙ୍ଗ୍
ନି ଉଣେରି କିୟୁ ତରିନ୍ ମାରି ଅରେନ୍ ଲୋକ୍‌ଡିଙ୍ଗ୍ ନି ଡେବ୍‌ରିକିୟୁ
ତରିନ୍ ବାସ୍ତେଙ୍ଗ୍ ମାଟା ସିଦା ।”

୨୨ ଜିସୁ ଜେବଦିରି ରିଏର୍ ମାରିସିରିଙ୍ଗ୍ ଇର୍ହାନ, “ମିର୍ ଇନିକା
ଲସସିନିଦେର୍, ଆୟାକା ମିର୍ ନେସ୍‌ଡେଙ୍ଗ୍ କି ବୁଝାଦେଙ୍ଗ୍
ଆଟ୍‌ଏଜିନିଦେର୍ । ନାନ୍ ଏମେ ଦୁଃଖବୋଗତି ଉଣିଡୁବାଇତାନ୍
ଉନ୍‌ଶ୍ରେଙ୍ଗ୍ ସୋଲ୍‌ସିନା, ମିର୍ ଇନିକା ଆବେଟ୍‌ତାନ୍ ଉନ୍‌ଶ୍ରେଙ୍ଗ୍
ଆଟ୍‌ନିଦେର୍ ?”

ଝାର୍ ଇର୍ହାର୍, “ହୁଁ ଆଟ୍‌ନାପ୍ ।”

୨୩ ଜିସୁ ଝାରିଙ୍ଗ୍ ଇର୍ହାନ, “ମିର୍ ନା ଆୟା ଡୁବାଇତୁ ଉଣିଦେର୍
ସଡ଼, ମାଡର୍ ନା ଉଣେରି ମାରି ଡେବିରି ତରିନ୍ ବାସ୍‌ଡେଙ୍ଗ୍‌ଇଜି ଏଙ୍ଗ୍

ଆସକିଦେଇ ଅଦିକାର ନାହିଁ ସିଲେଡ଼ । ଆମାଝାରି ଉଣ୍ଡିଙ୍ଗ ନା
ବୁବା ଆୟା ବାଡ଼ି ତିଆର କିତାମାନାନ୍, ଆକା କେବଲ୍ ଝାରିଦି ।”

୨୪ ଏସ୍ତିଝାଲେ ଆଇ ଦାସଲୋକ୍ ସିସୁର ଇୟା ମାଟା ଝେରୁଆର,
ଆୟା ତଡ଼ରିଏରି ମୁସକୁ ଗିଦରି ଆତାର ।

୨୫ ☆ଜିସୁ ସିସୁରିଙ୍ଗ୍ ଉନ୍ତେମାନୁ କିଜି ଇର୍ହାନ୍, “ମିର୍
ନେସନିଦେର୍, ଇୟା ଦୁନିଆଦି ଅଣଜିହୁଦି ରାଜାର ଆଇଝାରି ମୁସକୁ
ଅଦିକାର କିତାରମାଦି ମାରି ପେରି ପେରି ନେତାର ବା ଆଇଝାରି
ମୁସକୁ ସାସନକିନାର ।

୨୬ ☆ମି ଲୋଇ ଆୟାଝାଜା ସିଲେଡ଼, ମାତର୍ ମି ଲୋଇରାନ୍
ଅରେନ୍ ପେରିକାନ୍ ଆଦେଙ୍ଗ୍ ବଦାକିନାନ୍, ଝାନ୍ ଆଇଝାରି
ସେବାକିନିକାନ୍ ଆପିନ୍,

୨୭ ମାରି ମି ଲୋଇରାନ୍ ଏନ୍ ପେରିକାନ୍ ଆଦେଙ୍ଗ୍ ବଦାକିନାନ୍,
ଝାନ୍ ଆଇଝାରି ଗତିମୁରୁଲି ଝାଜା ଝାରି ସେବା କିପିନ୍,

୨୮ ଏଣ୍ଡେସ୍ ମନ୍ତୁଷ୍ୟପୁତ୍ର ଯେ ନାନ୍ ସେବା ପଇଦେଙ୍ଗ୍ ରେଏ,
ମାତର୍ ସେବା କିଜି ଆଇଝାରିଦି ଡିସିସକିନି ଉଣ୍ଡିଙ୍ଗ୍ ନିଜେଦି ଜିବନ୍
ସିଦେଙ୍ଗ୍ ଇଜି ଝାତାମାନାନ୍ ।”

ଜିସୁ ରିଏର୍ କାଣାରିଙ୍ଗ୍ ସୁଡ଼ନୁ ସାକ୍ତି ସିତାନ୍

(ମାର୍କ ୧୦:୪୭-୫୨; ଲୁକ ୧୮:୩୫-୪୩)

୨୯ ଅରଲେନ୍ ଜିସୁ ସିସୁରି ଝାଲେ ଜିରିହୋ ଗାଡ଼୍ ଡିସିସି ସନିଝାଲେ
ନାଣ୍ଡଲୋକୁ ଝାନି ଝେନ୍କା ଝେନ୍କା ବୁଲାତାର ।

୩୦ ରାସ୍ତା ପାଡ଼ି ବାସ୍ତିମାନି ରିଏର୍ କାଣାର, ଜିସୁ ଆୟା ସାରି
ଝାଜିନାନ୍ ଇଜି ଝେନ୍ଝି ନାଣ୍ଡ ଆଉଲି ଆଜି କୁକ୍ତାର, “ଏ ପ୍ରବୁ,
ଦାଉଦତି ମାରିନ୍ ! ମାଙ୍ଗ୍ ଦୟା କିଆ ।”

୩୧ ଲୋକ୍ ଖିଜେରେ ଝାରିଙ୍ଗ୍ ଆଦରିସକିଜି ଆଲେଜ ମାନ୍ତେଙ୍ଗ୍
ଇର୍ହାନ୍, ମାତର୍ ଝାର ମାରି ନାଣ୍ଡ ଆଉଲି ଆଜି ଇର୍ହାନ୍, “ଏ ପ୍ରବୁ,
ଦାଉଦତି ମାରିନ୍ ! ମାଙ୍ଗ୍ ଦୟା କିଆ ।”

୩୨ ଆବେନୁ ଜିସୁ ନିରୁଆନନୋ ଝାରିଙ୍ଗ୍ କୁକ୍‌ତାନନୋ
ଝେନ୍‌ବାତାନ, “ନାନ୍ ମିଙ୍ଗ୍ ଇନିକା କିନା ଇଜି ମିର୍ ବଦା
କିଜିନିଦେର୍?”

୩୩ ଝାର୍ ଇର୍ହାର୍, “ପ୍ରବୁ ମାଙ୍ଗ୍ ସୁଡ଼ନ୍ତି ସାକ୍ତି ସିଦା ।”

୩୪ ମାରି, ଜିସୁ ଦୟାଦାନ୍ ଦାନ୍‌ଆଜି ଝାରି କାଣକାଙ୍ଗ୍ ମୁର୍‌ତାନ,
ମାରି ଆୟାଦାପ୍ରେ ଝାର୍ ସୁଡ଼ୁଦେଙ୍ଗ୍ ଆର୍‌ତାର୍ ମାରି ଝାନି ଝେନ୍‌କା
ଝେନ୍‌କା ବୁଲ୍‌ାଦେଙ୍ଗ୍ ଆସ୍‌ତାର୍ ।

୨୧

ଜିରୁସାଲମ୍‌ତୁ ଜିସୁଦି ଗୌରବ୍‌ମୟ ଡଗ୍‌ନିକା

(ମାର୍କ ୧୧:୧-୧୧; ଲୁକ ୧୯:୨୮-୪୦; ଜୋହନ ୧୨:୧୨-୧୯)

୧ ଜିସୁ ନି ଝାନି ସିସୁର୍ ଜିରୁସାଲମ୍‌ତି ଲାକ୍‌ତୁରି ଜିଡ଼ ଗରନ୍ ମୁସ୍‌କୁ
ମାନି ବେଡ଼ପାଗି ନାଟ ଇତାର୍ । ନାସ୍ତିଝାଲେ ଜିସୁ ରିଏର୍ ସିସୁରିଙ୍ଗ୍
ଇୟା ମାଟା ଝେର୍‌ସି ପୋକ୍‌ତାନ ।

୨ “ମି ଆଗ୍‌ଡିରି ଆୟା ନାଟ ସାନ୍‌ଡୁ, ଆବେ ଇତି ଦାପ୍ରେନେ
ଡରାତିମାନି ଉନ୍‌ଡ୍ର ଗଦଦିଙ୍ଗ୍ ମାରି ତାନେଝାଲେ ଉନ୍‌ଡ୍ର
ଗଦପିଲାଦିଙ୍ଗ୍ ସୁଣିଦେର୍; ଝାନିକାଙ୍ଗ୍ କୁଡ଼ସ ନା ଲାକ୍‌ତୁ ଆସ୍‌ସୋ
ରାଦୁ ।

୩ ମାରି ଏନ୍ ମିଙ୍ଗ୍ ଇନିକା ଝେନ୍‌ବାତିଙ୍ଗ୍, ଆର୍‌ତିଙ୍ଗ୍ ଇନିଦେର୍,
ଝେନ୍‌କାମାନୁ ପ୍ରବୁଙ୍ଗ୍ ଦର୍‌କାର୍ ମାନାଡ଼ । ଆୟାଦାପ୍ରେନେ ଝାନ୍
ଝାନିକାଙ୍ଗ୍ ଡିସ୍‌ନାସିନାନ୍ ।”

୪ ବାବବାଦିରି ମାଣାନ୍ ରାସ୍‌ତିମାନି ଇୟା ବାକ୍ୟ ଏଣ୍ଡେସ୍ ପୁରା
ଆନାଡ଼, ଆୟାଉଣ୍ଡିଙ୍ଗ୍ ଇକା ଗଟାତାଡ଼ ।

୫ “ସିୟୋନତି ଗାଡ଼ତିଙ୍ଗ୍ ଇନ୍‌ଆଁ,

ସୁଡ଼ୁ, ନି ରାଜା ମି ଲାକ୍‌ତୁ ଝାଜିନାନ୍;

ଝାନ୍ ସାକ୍ତି ମାରି ଗଦପିଲା ନି

ଗଦଦି ମୁସ୍‌କୁ ବାସ୍‌ତାନନୋ ଝାଜିନାନ୍ ।”

୬ ସିସୁର୍ ସୋର୍‌ହାର୍‌ନୋ ଜିସୁ ଝେର୍‌ତି ଇସାବ୍‌ତାନ୍ ପାଣି କିତାର୍ ।

୭ ଗଦ ନି ଗଦପିଲାଦିଙ୍ଗ୍ ତାତାରୋ ଝାନିକା ମୁସ୍‌କୁ ନିଜେନିଜେଦି
ଝାତିଙ୍ଗ୍ ପିଡ଼ିକ୍‌ତାର୍, ମାରି ଜିସୁ ଆୟା ଗଦ ମୁସ୍‌କୁ ବାସ୍‌ତାନ୍ ।

୮ ମାରି, ଲୋକାଞ୍ଜିଜେରି ମାଣାନ୍ ଏସଲୋକ୍ ଜିସୁ ସୋଲ୍‌ସିମାନି ରାସ୍ତା ମୁସ୍‌କୁ ନିଜେ ନିଜେଦି ଖାତିଙ୍ଗ୍ ପାର୍‌ତାସିତାର୍ ମାରି ଏସଲୋକ୍ ମାରାତାନ୍ କାଜିରି କମେଙ୍ଗ୍ କାଡ଼ସି ତାସି ରାସ୍ତାଦୁ ପାର୍‌ତେଙ୍ଗ୍ ଆସ୍‌ତାର୍ ।

୯ ଜିସୁଦି ଆଗଡ଼ି ନି ଝେନ୍‌କା ସୋଲ୍‌ସିମାନି ଲୋକ୍‌କୁ ଝିଜେରେ ନାଣ୍ଡ ଆଉଲି ଆଜି ଇନ୍‌ଡ୍ରେଙ୍ଗ୍ ଆସ୍‌ତାର୍, ହୋଣାନା, “ଦାଉଦତି ମାରିନ୍, ପ୍ରବୁଦି ଦରତାନ୍ ଏନ୍ ଖାଜିନାନ୍, ମାପୁରୁ ଖାନିଙ୍ଗ୍ ଆସିର୍ବାଦ୍ କିପିନ୍ । ମାପୁରୁଙ୍ଗ୍ ପ୍ରସଂସା ଆପିଡ୍ ।”

୧୦ ମାରି, ଏସ୍ତ୍ରାଞ୍ଜାଲେ ଜିସୁ ଜିରୁସାଲମାତୁ ଇତାନ୍, ଗାଡ଼ଞ୍ଜିଜୁ ଇକାନ୍ ଏନ୍ ଇଜି ପୁରା ବେମ୍‌ର୍ ଆତାର୍ । ଲୋକ୍‌କୁ ଝେନ୍‌ବାତାର୍, “ଆୟାକାନ୍ ଏନ୍ ?” ଆଇକାର ଇର୍ହାନ୍,

୧୧ “ଖାନ୍ ଆଜିନାନ୍, ଗାଲିଲି ରାଜିଦି ନାଜରିତଦି ବାବବାଦି ଜିସୁ ।” ଲୋକ୍‌କୁ ଝେର୍‌ତାର୍ ।

ଜିସୁ ମନ୍ଦିରତୁ ସୋର୍ହାନ୍

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜୋହନ ୭:୧୩-୨୨)

୧୨ ଜିସୁ ମନ୍ଦିର ଲୋଇ ଡରିତାନ୍‌ନୋ ଆୟା ବାଡ଼ିଦୁ କଡ଼ଜି ପର୍‌ଜି କିଜିମାନି ଝିଜୁ ଲୋକାଙ୍ଗ୍ ଆତେରେ ସୋପ୍‌ତାନ୍ । ମାରି ଅଦଲିଙ୍ଗ୍ ମାର୍‌ନିଞ୍ଜାରି ପାସ୍‌ରା ମାରି ପାଉରା ପର୍‌ନିଞ୍ଜାରି ପାସ୍‌ରା ମାର୍ତ୍ତା ପୋକ୍‌ତାନ୍,

୧୩ ମାରି ଜିସୁ ଖାରିଙ୍ଗ୍ ଇର୍ହାନ୍, “ଦର୍ମୁସାସ୍ତଦୁ ରାସାତାମାନାଡ଼, ନା ମନ୍ଦିର ପାର୍‌ତନା ଇଲୁ ଇଜି ଝେଙ୍ଗ୍ ନାଡ଼, ମାତର୍ ମିର୍ ତାନିଙ୍ଗ୍ ତଙ୍ଗାରି ଇଲୁ କିଜିମାନିଦେର୍ ।”

୧୪ ଜିସୁ ମନ୍ଦିରତୁ ମାନିଞ୍ଜାଲେ କାଣାର୍ ନି କିକୁକାଲ୍‌କୁ ଖାର୍‌ତିକାର୍ ଖାନି ଲାକ୍‌ତୁ ଖାତାର୍ ମାରି ଖାନ୍ ଖାରିଙ୍ଗ୍ ନେଗେନ୍‌କିତାନ୍ ।

୧୫ ପେରି ଜାଜକ ମାରି ଦାର୍ମୁଗୁରୁର୍ ଖାନି କାବାଆନି ପାଣି ଝିଜୁ ମାରି ମନ୍ଦିର ଲୋଇ “ଦାଉଦ ମାରିନ୍ ମାପୁରୁଦି ପ୍ରସଂସା ଆପିଡ୍” ଇଜି ନାଣ୍ଡ ଆଉଲିଆଜିମାନି କଡ଼ରିଙ୍ଗ୍ ସୁଡ଼ଜି ରିସା ଆତାର୍ ।

୧୬ ଖାର୍ ଜିସୁଙ୍ଗ୍ ଝେନ୍‌ବାତାର୍, “ଇୟାକାର୍ ଇନିକା ଆଜିନାର୍, ମିର୍ ଝେନ୍‌ଡ୍ରେଙ୍ଗ୍ ଆସ୍‌ସିନିଦେର୍ ?”

ଜିସୁ ଇର୍ହାନ, “ପୁରା ଝେନଞ୍ଜିନା । ଦର୍ମସାସ୍ତ୍ରଦୁ ଇୟା ମାଟା ଇନିକା ପଡ଼ାଇଦେର୍, ମିର୍ କଡ଼ରିଙ୍ଗ ନି ଇସି କଡ଼ର୍ ଟିକ୍ ଇସାବତାନ ପ୍ରସଂସା କିଦେଙ୍ଗ ସିକିୟା ସିତିମାନିଦେର୍ ?”

୧୭ ଇକା ଇନଞ୍ଜି ଜିସୁ ଖାରିଙ୍ଗ ଡିସ୍ତାନନୋ ଜିରୁସାଲମତାନ ବେତନିୟାଦୁ ସୋର୍ହାନ, ଆବେନ୍ନୁ ଖାନ୍ ନାଡ଼ା ତେବାତାନ ।

ଜିସୁ ତଗାମାରାତିଙ୍ଗ ଆନାଦୁରିଆସିତାନ

(ମାର୍କ ୧୧:୧୭-୧୪; ୧୭:୨୦)

୧୮ ମାରନାଣ୍ଡିଙ୍ଗ ସାଲ୍‌ଦିନେ ଜିସୁ ଜିରୁସାଲମତୁ ଡେସିସନିଞ୍ଜାଲେ ବାଙ୍ଗା ସାତାନ ।

୧୯ ରାସ୍ତା ପାଡ଼ି ଉନ୍‌ଡ୍ରୁ ତଗା ମାରାନ ମାର୍ହାଡ଼ । ଜିସୁ ତାନେ ଲାକ୍‌ତୁ ସୋର୍ହାନନୋ ଆବେନ୍ନୁ ଆକୁ ଡିସ୍‌ତିଙ୍ଗ ମାରି ଇନିକାବା ତଏତାନ । ଖାନ୍ ମାରାନତିଙ୍ଗ ଇର୍ହାନ, “ନିନ୍ ମାରି ଏସ୍‌କାଙ୍ଗବା ପଲ୍ ଆସ୍‌ଇ ।” ଆୟାଦାପ୍ରେ ତଗା ମାରାନ ଖାରତାସୋର୍ହାଡ଼ ।

୨୦ ସିସୁର୍ ଆକା ସୁଡ଼ୁଜି କାବାଆତାରୋ ଝେନ୍‌ବାତାର୍, “ତଗା ମାରାନ ନିସାଦାପ୍ରେ ଖାରତାସୋର୍ହାଡ଼ ଏଣ୍ଡେସ୍ ?”

୨୧ ଜିସୁ ଇର୍ହାନ, “ନାନ୍ ମିଙ୍ଗ୍ ସଡ଼ ଇଜିନା, ମନ୍‌ତୁ ଅଡ଼ପବା ଅଡ଼ବିଏଣ୍ଡା ମିର୍ ଜଦି ପୁରାଦାନ ବିସ୍‌ବାସ୍ କିନିଦେର୍, ନାନ୍ ଇୟା ତଗା ମାରାନ ଉଣ୍ଡିଙ୍ଗ ଆମାକା କିତାମାନା, ମିର୍ ବା ଆକା କିଦେଙ୍ଗ ଆର୍‌ନିଦେର୍ । କେବଲ୍ ନାସ୍ ସିଲେ, ଏମେ ଲୋକୁ ଇୟା ଗରନ୍‌ତିଙ୍ଗ ନିନ୍ ନିଙ୍ଗି ସାମ୍‌ଦୁର୍‌ତୁ ସଲ୍‌ସି ଆର୍‌ଆ ଇଜି ଇନାନ, ଆକାବା ଆନାଡ଼ ।

୨୨ ବିସ୍‌ବାସ୍‌କିଜ ପାରତାନାଦୁ ଆମାକା ଲସ୍‌ନିଦେର୍, ଆୟାଞ୍ଜିଲୁ ମିର୍ ପଇନିଦେର୍ ।”

ଜିସୁଦି ଅଦିକାର ବିସୟତାନ ପ୍ରସ୍ନ

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ଜିସୁ ମନ୍‌ଦିର୍‌ତୁ ଡେସିଞ୍ଜାଜି ଆବେନ୍ନୁ ସିକିୟା ସିନିଞ୍ଜାଲେ ପେରି ଜାଜକର୍ ନି ଜିହୁଦି ନେତାର୍ ଖାନି ଲାକ୍‌ତୁ ଖାଜି ଝେନ୍‌ବାତାର୍, “ନିନ୍ ଆମା ଅଦିକାରତାନ ଇୟାଞ୍ଜିଲୁ ପାଣି କିଜିନି ? ମାରି, ଇୟା ନିଙ୍ଗ୍ ଏନ୍ ଇୟା ଅଦିକାର ସିତାନ ?”

୨୪ ଜିସୁ ଖାରିଙ୍ଗ୍ ଇର୍ହାନ୍, “ନାନ୍ ବା ମିଙ୍ଗ୍ ଉନ୍ତ୍ର ମାଟା
 ଝେନ୍‌ବାନା, ଆୟା ଉତର୍ ସିଦେଙ୍ଗ୍ ଆର୍‌ତିଙ୍ଗ୍, ନାନ୍ ଆମା
 ଅଦିକାର୍‌ତାନ୍ ଇୟାଞ୍ଜି ପାଣି କିଜିନା, ଆକା ନାନ୍ ବା ମିଙ୍ଗ୍
 ଝେର୍‌ନା ।”

୨୫ ତୁବନ୍ ସିନି ଅଦିକାର୍ ଯୋହନ ଏମାଣାନ୍ ପୟ୍‌ତାମାହାନ୍ ?
 ମାପୁରୁମାଣାନ୍ ନୋ ଲୋକାମାଣାନ୍ ?

ଝାର୍ ଝାରି ଝାରି ଲୋଇ ଝାର୍‌ଗିସାଜି ଇନ୍‌ଡ୍ରେଙ୍ଗ୍ ଆସ୍‌ତାର୍, “ଇୟା
 ବିସୟ୍‌ତାନ୍ ଇନିକା ଝେର୍‌ନିକା ? ଜଦି ଇନିକା ମାପୁରୁମାଣାନ୍,
 ଆର୍‌ତିଙ୍ଗ୍ ଯୋହନତିଙ୍ଗ୍ ଏକା ବିସ୍‌ବାସ୍ କିଏଜିନିଦେର୍ ଇଜି ଝାନ୍
 ମାଙ୍ଗ୍ ଝେନ୍‌ବାନାନ୍ ।

୨୬ ମାତର୍ ଲୋକାମାଣାନ୍ ଇଜି ଇନିକା, ଆର୍‌ତିଙ୍ଗ୍ ଝିଜୁଲୋକାଙ୍ଗ୍
 ମାଡ୍ ତିଲାଜିନିକା, ଇରିଙ୍ଗ୍ ଯୋହନ ଅରେନ୍ ବାବବାଦି ଇଜି
 ଝିଜେରେ ଲୋକୁ ବିସ୍‌ବାସ୍‌କିଜିନାର୍ ।”

୨୭ ଆବେର୍ ଝାର୍ ଜିସୁଙ୍ଗ୍ ଇର୍ହାର୍, “ମାପ୍ ନେସ୍‌ଏପ୍ ।” ଜିସୁ
 ଝାରିଙ୍ଗ୍ ଇର୍ହାନ୍, ନାନ୍ ଆମା ଅଦିକାର୍‌ତାନ୍ ଇୟାଞ୍ଜି କିଜିନା, ଆକା
 ନାନ୍ ବା ମିଙ୍ଗ୍ ଇନ୍‌ଏ ।

ରିଏର୍ କଡ଼ରି କାତା

୨୮ “ଇଲେଇ ଇୟା ବିସୟ୍‌ତାନ୍ ମିର୍ ଇନିକା ଅଡ଼ବିଜିନିଦେର୍ ।
 ଅରେନ୍ ଲୋକାଦି ରିଏର୍ କଡ଼ର୍ ମାହାର୍ । ଅର୍‌ଲେନ୍ ଝାନ୍ ପେରି
 ମାରିନ୍‌ତିଙ୍ଗ୍ ଇର୍ହାନ୍, ‘ମାରିନ୍, ନେର୍ ମା ଅଙ୍ଗୁର୍ କିଡ଼ିଇଦୁ ସୋଲ୍‌ସ୍
 ପାଣିକିଆ ।’

୨୯ ଝାନ୍ ଇର୍ହାନ୍, ନା ବଦା ସିଲେଡ୍, ମାତର୍ ଝେନ୍‌କା ମନ୍‌ତିଙ୍ଗ୍
 ଡେପ୍‌ସି ପାଣି କିଦେଙ୍ଗ୍ ସୋର୍ହାନ୍ ।

୩୦ ବୁବାସି ଇସ୍ତି ମାରିସିଙ୍ଗ୍ ବା ଆୟା ପାଣି କିଦେଙ୍ଗ୍ ଇର୍ହାନ୍ । ‘ହୁଁ,
 ଆଜ୍ଜା,’ ସୋଲ୍‌ସିନା ଇଜି ଇସ୍ତି ମାରିନ୍ ଇର୍ହାନ୍ । ମାତର୍ ଝାନ୍ ପାଣିଦୁ
 ମୁଡ଼ୁକେ ସୋଲ୍‌ଏତାନ୍ ।

୩୧ ଇୟା ରିଏର୍ କଡ଼ରି ମାଣାନ୍ ଏନ୍ ତାମେ ବୁବାସିଦି ମାଟା
 ମାନାତାମାହାନ୍ ?”

ଝାର୍ ଇର୍ହାର୍, “ପେରି ମାରିନ୍ ।”

ଜିସୁ ଖାରିଙ୍ଗ ଇର୍ହାନ, ନାନ୍ ମିଙ୍ଗ୍ ସତ୍ ଇଜିନା, ସିସ୍ତୁ ଲୋସନିକାର୍ ନି ଦାରିପାଣିକିନିକାର୍ ମିମାଣ୍ଡୁ ଆଗଡ଼ି ମାପୁରୁଦି ରାଜିବୁ ସୋନାର୍ ।

୩୨ ☆ ତୁବନ୍ ସିନି ଯୋହନ ମି ଲାକ୍ତୁ ଖାଜି ଟିକ୍ ସାରି ତରତାସିତା ମାର୍ହାନ, ମାତର୍ ମିର୍ ଖାନିଙ୍ଗ୍ ବିସ୍ବାସ୍ କିଇତିଦେର୍ । ମାତର୍ ସିସ୍ତୁ ଲୋସନିକାର୍ ନି ଦାରିପାଣିକିନିକାର୍ ଖାନି ମାଟାଦାନ୍ ବିସ୍ବାସକିତାର୍, ଇକା ସୁଡ଼ୁ ବା ମିର୍ ମୋନ୍ ଡେପ୍ସି ଖାନିଙ୍ଗ୍ ବିସ୍ବାସ୍ କିଇତିଦେର୍ ।

ଅଙ୍ଗୁରକିଡ଼ିଇତୁ ବାଗ୍ତାନ୍ ପାଣିକିନିଝାରି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଜିସୁ ଇର୍ହାନ, “ମାରି ଉନ୍ତ୍ର କାତା ଝେନ୍ତୁ ।” ଅରେନ୍ ବୁମିମାଲିକ୍ ମାର୍ହାନ, ଖାନ୍ ଉନ୍ତ୍ର ଅଙ୍ଗୁର କିଡ଼ିଇ କିତାନନୋ ସାରିବେଡ଼ି କୋଅଟି ସୋସ୍ତାନ୍ ମାରି ଆୟା ଲୋଇ ଦାକ୍ଷାକୁଣ୍ଡ କାରିତାନ୍ନୋ କାପକିନି ସାମ୍ବୁ ଡିଆରକିତାନ୍, ମାରି ବାଗ୍ତୁ ପାଣିକିନିଝାରିଙ୍ଗ୍ ଆୟା ତଡ଼ି ବାଗ୍ତାନ୍ ସିତାନ୍ନୋ ଆଇଦେସ୍ତୁ ସୋର୍ହାନ ।

୩୪ ଅଙ୍ଗୁରକିଡ଼ି କୟ୍ନିଝାଲେ ଖାନ୍ ବାଗ୍ତୁପାଣିକିନି ଝାରି ଲାକ୍ତୁ ନିଜେଦି ବାଗ୍ ଲସ୍ତେଙ୍ଗ୍ ଇଜି ନିଜେଦି ଗତିମୁରୁଲିଙ୍ଗ୍ ପୋକ୍ତାନ୍ ।

୩୫ ମାତର୍ ବାଗ୍ତୁ ପାଣିକିନିକାର୍ ଆୟା ଗତିମୁରୁଲିଙ୍ଗ୍ ଆସ୍ତାରୋ ଅରେନ୍‌ଝାନିଙ୍ଗ୍ ଡାକ୍ତାର୍, ଆଇ ଅରେନ୍‌ଝାନିଙ୍ଗ୍ ସାୟାମାର୍ଗାତାକ୍ତାର୍, ମାରି ଅରେନ୍‌ଝାନିଙ୍ଗ୍ କାଲ୍‌କୁ ପୋକ୍ସି ଡାକ୍ତାର୍ ।

୩୬ ମାରି କିଡ଼ିଇ ମାଲିକ୍ ନାଣ୍ଡ ଲୋକାଙ୍ଗ୍ ଆଇ ପାଣିକିନି ଗତିମୁରୁଲିଙ୍ଗ୍ ପୋକ୍ତାନ୍ ମାରିଡେସି ପୋକ୍ତାନ୍ । ଝାରିଉଣ୍ଡିଙ୍ଗ୍ ବା ବାଗ୍ତୁ ପାଣିକିନିକାର୍ ଆୟାଝାଜା କିତାର୍ ।

୩୭ ସାରାସାରିଝେନ୍‌କା କିଡ଼ିଇ ମାଲିକ୍ ନିଜେଦି ମାରିନ୍‌ଡିଙ୍ଗ୍ ବାଗ୍ତୁପାଣିକିନି ଝାରି ଲାକ୍ତୁ ପୋକ୍ତାନ୍, ଖାନ୍ ଅଡ଼ବିତାନ୍, ଝାର୍ ଖାନି ମାରିନ୍‌ଡିଙ୍ଗ୍ ମାନାନାର୍ ।

୩୮ ମାତର ବାଗ୍‌ତୁ ପାଣିକିନିକାର ମାଲିକ୍ତି ମାରିନିତିଙ୍କ ସୁତୁଆରୋ ଖାରି ଖାରି ଲୋଇ ଖାରିଗିତାର, ଇୟାକାନ୍ ସୁତୁ, ମାଲିକ୍ତି ମାରିନ୍ । ରାତୁ, ଖେନିଙ୍କ ବା ସାୟାମାରଗା ତାକ୍‌ନାଟ୍, ଆରତିଙ୍କ ସମ୍ପତ୍ତି ମାଦିଆନାଟ୍ ।

୩୯ ଆବେଟ୍ ଖାର ଖାନିଙ୍କ ଆସ୍‌ସି କିଡ଼ିଇଦାନ୍ ପେରିତାରୋ ଆତେରେ ସାୟାମାରଗା ତାକ୍‌ତାର ।

୪୦ ଜିସୁ ଖେନବାତାନ୍, “ଇଲେଇ, ଏସ୍‌ତ୍ରାଲେ କିଡ଼ିଇଦି ମାଲିକ୍ ଖାନାନ୍, ଖାନ୍ ବାଗ୍‌ତାନ୍ ପାଣିକିନିଖାରିଙ୍କ ଇନିକା କିନାନ୍ ।”

୪୧ ଖାର ଇର୍ହାନ୍, “ଆୟା ତାଗ୍‌ଇଖାରିଙ୍କ ଖାନ୍ ପୁରା ତାକ୍‌ନାନ୍ ମାରି ଆମା ବାଗ୍‌ତାନ୍‌ପାଣିକିନିକାର ସାମାନ୍ ବେଡାଦୁ ଖାନି ବାଗ୍‌ ପଲ୍ ସିନାର, କିଡ଼ିଇ ଖାରି କିୟୁଦୁ ଡିସ୍‌ନାସିନାନ୍ ।”

୪୨ ଜିସୁ ଖାରିଙ୍କ ଇର୍ହାନ୍, ଇୟା ଦାମ୍‌ସାସ୍ତ୍ର ମାଟା ଇନିକା ମିର୍ ପଡ଼ାଇଦେର,

ଆମା କାଲୁଦିଙ୍କ ଇଲୁକୁ ତିଆରକିନିକାର

ପାଣିସିଏଡ଼ଇଜି ଡିସ୍‌ତାସିତାମାର୍ହାନ୍,

ଆକାନେ ପେରିକା କନାଦି କାଲୁ ଆତାଡ୍ । ପ୍ରବୁ ନିଜେ ଇକା ଇରଆମାନାନ୍ ।

ପ୍ରବୁଦି ପାଣି ଖିଜୁ ଏସା କାବାନିକା ?

୪୩ ଜିସୁ ମାରି ଇର୍ହାନ୍, ଆଦେଙ୍କ ମିଙ୍ଗ୍ ଇଜିନା, ମାପୁରୁଦି ରାଜି ମିମାଣକୁ ଅଆୟଆନାଟ୍ ମାରି ଆମା ଲୋକୁ ମାପୁରୁଦି ବଦାଦାନ୍ ପାଣିକିନାର, ଖାରିଙ୍କ ଆକା ସିଆଇଆନାଟ୍ ।

୪୪ ମାରି ଏନ୍ ଇୟା କାଲୁ ମୁସ୍‌କୁ ଆରନାନ୍, ଖାନ୍ ମକା ମକା ଆନାନ୍, ମାରି ଇୟା କାଲୁ ଆମାଖାନି ମୁସ୍‌କୁ ଆରନାଟ୍, ଖାନିଙ୍କ ଆକା ଗୁଣ୍ଡୁଗୁଣ୍ଡା କିନାଟ୍ । *

୪୫ ପେରି ଜାଜକର୍ ନି ପାରୁସିର୍ ଇୟା କାତାଦି ମାଟା ଖେନଞ୍ଜି ଜିସୁ ଖାରିଙ୍କ ସୁତୁଜି ଇଜିନାନ୍‌ଇଜି ବୁଜାଦେଙ୍କ ଆଟ୍‌ତାର ।

୪୬ ମାରି, ଖାର ଖାନିଙ୍କ ଆସ୍‌ତେଙ୍କ ସେସ୍‌କିତାର, ମାତର ଲୋକା ଗଲି ତିଏଲ୍‌ତିଙ୍କ ଖାର ଆକା କିଦେଙ୍କ ଆଟ୍‌ଏତାର, ଇରିଙ୍କ ଖାର ଜିସୁଙ୍କୁ ଅରେନ୍ ବାବବାଦି ଇଜି ଅଡ଼ବିଜି ମାର୍ହାନ୍ ।

* ୨୧:୪୪ ଇୟା ପଦ୍ ଖିଜୁ ପାଡ଼ିଇ ରାସାତିମାକୁ ସିଲେଡ୍ ।

୨୨

ପେଡ଼ି ବୋଜିଦି କାତା

(ଲୁକ ୧୪:୧୫-୨୪)

^୧ ଜିସୁ ମାରିଡ଼େସି କାତାଦାନ୍ ଲୋକାଙ୍ଗ୍ ଖେରତାନ୍ ।

^୨ ମାପୁରୁଦିରାଜି ଇୟାଞ୍ଜା । ଅରଲେନ୍ ଅରେନ୍ ରାଜା ନିଜେଦି ମାରିନ୍ତିଙ୍ଗ୍ ପେଡ଼ି ବୋଜି ତିଆରକିତାନ୍ ।

^୩ କୁକ୍ତିମାରିଇ ଲୋକାଙ୍ଗ୍ ବୋଜିଦୁ କୁକ୍ସ ତାତେଙ୍ଗ୍ ଇଜି ଖାନ୍ ସାକରକାଙ୍ଗ୍ ପୋକ୍ତାନ୍ । ମାତର୍ ଆୟା ଲୋକୁ ଖାଦେଙ୍ଗ୍ ବଦା କିଏତାର୍ ।

^୪ ରାଜା ମାରିଡ଼େସି ଆଇ ସାକରକାଙ୍ଗ୍ ମାଣ୍ଟୁ ଇୟା କାବୁର୍ ଖେରସି ପୋକ୍ତାନ୍, ପେଡ଼ି ବୋଜି ତିଆରଆତାଡ଼ନି, ବାଲ୍ସିତି ବାଲ୍ସିତି କଡ଼ି ମାରି ଗାଡ଼ାଲ୍ କୟ୍ତାରୋ ଝିନ୍ତୁ ତିଆରଆତାମାନାଡ଼, ବୋଜିଦୁ ବେଗି ରାଦୁ ।

^୫ ମାତର୍ ଖାର୍ ଇୟା ମାଟାଦିଙ୍ଗ୍ ଆସ୍‌ଏଣ୍ଟା ନିଜେନିଜେଦି ପାଣି କିଦେଙ୍ଗ୍ ଆସ୍‌ତାର୍ ଅରେନ୍ ଖାନି କିଡ଼ିଇଦୁ ସୋର୍ହାନ୍, ମାରି ଅରେନ୍ ନିଜେଦି ଦୁକାନ୍‌ତୁ ସର୍ହାନ୍

^୬ ମାରି ଏସ ଲୋକୁ ରାଜାଦି ସାକରକାଙ୍ଗ୍ ଆସ୍‌ତାରୋ ଡାକ୍ସି ଡାକ୍ସି ସାୟାମାରଗାଡାକ୍ତାର୍ ।

^୭ ରାଜା ନାଣ୍ଟ ରିସା ଆଜି ସନ୍‌ସରିଙ୍ଗ୍ ପୋକ୍ତାନ୍, ଖାର୍ ଆୟା ସାୟାମାରଗାଡାକ୍ତି ଖାରିଙ୍ଗ୍ ସାୟାମାରଗାଡାକ୍ତାରୋ ଖାରି ଗାଡ଼ତିଙ୍ଗ୍ ଆଡ଼କାତାର୍ ।

^୮ ତାନେ ଖେନ୍‌କା ରାଜା ସାକରକାଙ୍ଗ୍ କୁକ୍ତାନ୍‌ନୋ ଇର୍ହାନ୍, ନା ପେଡ଼ି ବୋଜି ତିଆର ଆତାମାନାଡ଼, ମାତର୍ ନାନ୍ କୁକ୍ତିମାରିଇ ଲୋକୁ ଜଗ୍‌ସିଲେର୍ ।

^୯ ଇଲେଇ ପେରି ପେରି ସାକ୍ତିଆଙ୍ଗ୍ ସୋଲ୍‌ସ ଏସ ଲୋକାଙ୍ଗ୍ ପଇନିଦେର୍, ଝିଜେରିଙ୍ଗ୍ ମା ବୋଜିଦୁ କୁକ୍ସତାଗାଟ୍ ।

^{୧୦} ଆବେଟ୍ ସାକରକୁ ସାକ୍ତିଦିଙ୍ଗ୍ ସାକ୍ତି ବୁଲାଜି ନେଗିକାନ୍‌ଆପିନ୍ ମାରି ତାଗ୍‌ଇକାନ୍‌ଆପିନ୍; ଏସ ଲୋକାଙ୍ଗ୍ ପୋୟ୍‌ତାର୍, ଝିନ୍ତୁ ଲୋକାଙ୍ଗ୍ କୁକ୍ତା ତାତାର୍ ମାରି ପେଡ଼ି ଇଲୁଦୁ ବଡ଼ ଆତାର୍ ।

୧୧ “ରାଜା କୁଡ଼ାଆଙ୍କାଁ ସୁଡ଼ତୁଦଙ୍କାଁ ଖାତାନ୍ । ଖାନ୍ ସୁଡ଼ତୁନ୍, ଖାରି ଲୋଇରାନ୍ ଅରେନ୍ ପେଡ଼ି ଆଙ୍କାଁ ଆରାଏନ୍ ।

୧୨ ରାଜା ଖାନିଙ୍କାଁ ଖେନ୍ବାତାନ୍, ବନ୍ଧୁ, ପେଡ଼ି ଆଙ୍କାଁ ଆରାଏଣ୍ଡା ଏଣ୍ଡେସ୍ ଇୟା ବାଡ଼ିତୁ ଖାତି ? ଆୟାକାନ୍ ଆଲେତାନୋ ତେବାତାନ୍ ।

୧୩ ☆ରାଜା ସେବାକିନିକାଙ୍କାଁ ଇର୍ହାନ୍, ଖାନି କିକୁ ପାଦାମ୍ବୁ ତରସୋ ଆତେରେ ସିକାଟିତୁ ପୋକ୍ତୁ । ଆବେନ୍ ଖାନ୍ ଆଡ଼ାବାଜି ଖାନି ପାଲୁକୁ କାତ୍ରେକିନାନ୍ ।”

୧୪ କାତା ଖେର୍ତେଙ୍କାଁ ଖିସ୍ତାନ୍ନୋ ଜିସୁ ଇର୍ହାନ୍, “ନାଣ୍ଡ ଲୋକୁ କୁକାୟାଆତାମାନାର୍, ମାତର୍ ଉଣା ଲୋକୁ ବାସେଆତାମାନାର୍ ।”

ସିସୁଟୁ ସିନି ବିସୟତାନ୍ ପ୍ରସ୍ନ

(ମାର୍କ ୧୨:୧୩-୧୭; ଲୁକ ୨୦:୨୦-୨୬)

୧୫ ଏସଲୋକ୍ ପାରୁସିର୍ ସଲ୍‌ସି ଜିସୁଙ୍କୁଁ ପ୍ରସ୍ନ ଖେନ୍ବାଜି ଖାନିଙ୍କାଁ ଗୁଟାତୁ ଆରେପ୍‌ତେଙ୍କାଁ ଇଜି ଉପାୟ ପୟତାର୍ ।

୧୬ ଖାର୍ ନିଜେଦି ଏସଲୋକ୍ ସିସୁରିଙ୍କାଁ ମାରି ହେରୋଦ ଦଲତୀ ଏସ ଲୋକାଙ୍କାଁ ଜିସୁଦି ଲାକ୍ତୁ ପୋକ୍ତାର୍ । ଖାର୍ ଖାଜି ଜିସୁଙ୍କୁଁ ଇର୍ହାନ୍, “ଏ ଗୁରୁ, ମାପ୍ ନେସନାପ୍, ନିନ୍ ସଡ଼ ଇନି ମାରି ନିନ୍ ମାପୁରୁଦି ସଡ଼ ବିସୟତାନ୍ ସିକିୟା ସିନି । ମାରି ଆଇକାର୍ ଇନିକା ଅଡ଼ବିନାର୍ ଆୟା ବିସୟତାନ୍ ବେମ୍‌ରିଆଇ, ଇରିଙ୍କାଁ ନିନ୍ ଏମେଝାରି ମାଟାଦିଙ୍କାଁ ମନ୍‌ସିଇ ।

୧୭ ଆର୍ଡିଙ୍କାଁ ମାଙ୍କାଁ ଇନିଆ, ଇୟା ବିସୟତାନ୍ ନି ମାଟାଇନିକା ? କାଇସର୍ ରାଜେଙ୍କାଁ ସିସୁଟୁ ସିନିକା ନିୟମତି ଇସାବ୍‌ତାନ୍ ଟିକ୍ ନୋ ବୁଲ୍ ?”

୧୮ ମାତର୍ ଜିସୁ ଖାରି ତାଗ୍‌ଇ ଉପାୟ ନେସସି ଇର୍ହାନ୍, “ଏ କପଟିର୍, ନାଙ୍କାଁ ଗୁଟାତୁ ଆରେପ୍‌ତେଙ୍କାଁ ଏନ୍ଦା ସେସ୍‌କିଜିନିଦେର୍ ?

୧୯ ଆମା ଅଦଲିଦାନ୍ ସିସୁଟୁ ତରସିନିଦେର୍, ଆବେନ୍ ଉନ୍‌ଡ଼ି ତାସ ନାଙ୍କାଁ ତରୁ !”

ଖାର୍ ଉନ୍‌ଡ଼ି ଅଦଲି ତାରୁଙ୍କାଁ ତାତାରୋ ଖାନିଙ୍କାଁ ସିତାର୍ ।

୨୦ ୱାନ ୱାରିଙ୍ଗ୍ ୱେନ୍‌ବାତାନ୍, “ଇୟା ଅଦ୍‌ଲି ମୁସ୍‌କୁ ଏ ବମା ମାରି ଦର୍ ମାନାଡ଼ ?”

୨୧ ୱାର୍ ଇର୍ହାନ୍, କାଇସର୍‌ଦି, “ଜିସୁ ୱାରିଙ୍ଗ୍ ଇର୍ହାନ୍, ଆର୍‌ଡିଙ୍ଗ୍ ଆମାକା କାଇସର୍‌ଦି, ଆକା କାଇସର୍ ରାଜେଙ୍ଗ୍ ସିଦୁ ମାରି ଆମାକା ମାପୁରୁଦି, ଆକା ମାପୁରୁଙ୍ଗ୍ ସିଦୁ ।”

୨୨ ୱାର୍ ଇକା ୱେନ୍‌ଞ୍ଜି କାବାଜି ୱାନିଙ୍ଗ୍ ଡିସ୍‌ସି ସୋର୍ହାନ୍ ।

ଡେସିନିଙ୍ଗ୍‌ନି ବିସୟତାନ୍ ପ୍ରସ୍ନ

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ ☆ଆୟାନାଣ୍ଡିଙ୍ଗ୍ ସାଦୁକି ଦଲତୀ ଏସ ଲୋକୁ ଜିସୁଦି ଲାକ୍‌ତୁ ୱାତାର୍ । ସାଦୁକିର୍ ବିସ୍‌ବାସ୍‌କିଜି ମାର୍ହାନ୍ ଜେ, ମାରିଡେସିନିଙ୍ଗ୍‌ନିକା ସିଲେଡ଼ ।

୨୪ ୱାର୍ ଜିସୁଙ୍ଗ୍ ୱେନ୍‌ବାତାର୍, “ଏ ଗୁରୁ, ମୋସା ଇର୍ହାମାନାନ୍, ଜଦି ଅରେନ୍ ଲୋକୁ କଡ଼କକ୍‌ରା ଆଏଣ୍ଡା ସାନାସନାନ୍, ଆର୍‌ଡିଙ୍ଗ୍ ୱାନି ତଡ଼ାନ୍ ୱାନି ଆଡ଼ସିଙ୍ଗ୍ ପେଡ଼ି ଆନାନ୍ ମାରି ୱାରି କଡ଼ର୍ ଆୟା ସାତି ଲୋକ୍‌ତି କଡ଼ର୍ ଇଜି ସିନାଆନାର୍ ।

୨୫ ୱେନ୍‌ଡୁ, ମା ଲୋଇ ସାଡ଼ଲୋକ୍ ତଡ଼ାନ୍‌କୁ ମାର୍ହାନ୍ । ପେରି ତଡ଼ାନ୍ କଡ଼କକ୍‌ରା ଆଏଣ୍ଡା ସାତା ସର୍ହାନ୍ ଆକା ୱାନି ୱେନ୍‌କାରି ତଡ଼ାନ୍ ତଡ଼ାନ୍‌ତି ଆଡ଼ସିଙ୍ଗ୍ ପେଡ଼ିଆତାନ୍ ।

୨୬ ମାତର୍ ଇୟାଞ୍ଜାନି ୱେନ୍‌କାରିକାନ୍, ମଜାୟ୍‌ଏନ୍ ମାରି ସାରାସାରି ସାଡ଼ଲୋକ୍ ସାନ୍ଦି ଆୟାଞ୍ଜା ଗଟାତାଡ଼ ।

୨୭ ସାରାସାରିଞ୍ଜେନ୍‌କା ଆୟା ଆଇମା ସାତା ସୋର୍‌ହାଡ଼ ।

୨୮ ଆମା ନାଣ୍ଡିଙ୍ଗ୍ ସାତି ଲୋକୁ ମାରିଡେସିନିଙ୍ଗ୍‌ନାର୍, ଇୟା ଆଇମା ଏ ଆଇମା ଇଜି ସିନାଆନାଡ଼ ? ୱିଜେର୍‌ତ ତାନିଙ୍ଗ୍ ପେଡ଼ି ଆତାମାର୍ହାନ୍ ।”

୨୯ ଜିସୁ ୱାରିଙ୍ଗ୍ ଇର୍ହାନ୍, “ମିର୍ ଏସ ବାୟାର୍ ! ଦାମ୍‌ସାସ୍ତ ନି ମାପୁରୁଦି ସାକ୍ତି ନେସ୍‌ଇଦେର୍ ।

୩୦ ମାରିଡେସିନିଙ୍ଗିନି ଝେନ୍‌କା ସାତି ଲୋକୁ ଝିଜେରେ ମୁସକୁପୁରତି ଦୁଡ଼କା ଖାଜା ତେବାନାର । ଖାର ପେଡ଼ିଆଏର୍ କି ପେଡ଼ି କିଏର୍ ।

୩୧ ସାତି ଲୋକୁ ମାରିଡେସିନିଙ୍ଗିନି ବିସୟତାନ ମାପୁରୁ ଆମାକା ଝେରତାମାନାନ, ମିର ଇନିକା ସାସ୍ତ୍ରୁ ଏସକାଙ୍ଗ ପଡ଼ାଇଦେର୍ ?

୩୨ ମାପୁରୁ ଇରଆମାନାନ, ମାପ୍ ଅବ୍ରାହାମ, ଇସହାକ ମାରି ଜାକୁବଦି ମାପୁରୁ ।”

“ଝାନ ଜିବନ୍‌ମାନିଝାରି ମାପୁରୁ ସାତିଝାରି ମାପୁରୁ ଆଏନ୍ ।”

୩୩ ଲୋକୁ ଜିସୁଦି ସିକିୟା ଝେନ୍‌ଞ୍ଜି କାବାଆତାର ।

ପେରି ଆଞ୍ଜା

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଏସିଝାଲେ ପାରୁସିର୍ ଝେରଆର୍ ଜେ ଜିସୁ ସାଦୁକିରିଙ୍ଗି ବୁଢ଼କିବିସତାମାନାନ, ଖାର ଉନ୍‌ଡେମାନୁ ଆଜି ଜିସୁଦି ଲାକ୍‌ତୁ ଝାତାର

୩୫ ମାରି ଝାରି ମାଣ୍‌କୁ ଅରେନ୍ ଦାମ୍‌ଗୁରୁ ଜିସୁଙ୍ଗୁ ଗୁଟାଦୁ ଆରେପ୍‌ତେଙ୍ଗ ଇଜି ଉନ୍‌ଡ୍ରୁ ମାଟା ଝେନ୍‌ବାତାନ,

୩୬ ଝାନ ଝେନ୍‌ବାତାନ “ଗୁରୁ, ମୋସାଦି ନିୟମ୍‌ତୁ ଆମା ଆଞ୍ଜା ଝିଜେରିମାଣ୍‌କୁ ପେରିକା ?”

୩୭ ଜିସୁ ଝାନିଙ୍ଗ ଇର୍ହାନ, ମି ପ୍ରବୁ ମାପୁରୁଙ୍ଗ ପୁରାଝିଜୁ ଜିବନ୍, ପୁରାଝିଜୁ ମୋକ୍‌ଲ ମାରି ପୁରାଝିଜୁ ମନ୍ ସିଜି ଜିବନ୍ ନଆ ।

୩୮ ଇକା ଆଜିନାଡ଼ ଝିଜେରିମାଣ୍‌ନ ପେରିକା ମାରି ପେରିମାଟା ।

୩୯ “ମାରି ଉନ୍‌ଡ୍ରୁ ପେରି ଆଞ୍ଜା ଆଜିନାଡ଼, ମି ଲାକ୍‌ତୁରି ଲୋକାଙ୍ଗ ନିଜେଦିଙ୍ଗ ଜିବନ୍‌ନୋତିଝାଜା ନୋଦୁ ।

୪୦ ☆ଇୟା ରୁଣ୍ଡି ମାଟେଙ୍ଗ ମୁସକୁ ମୋସାଦି ଝିଜୁ ନିୟମ୍ ମାରି ବାବବାଦିରି ସିକିୟା ଆସାଇଡ଼ନାଡ଼ ।”

କ୍ରିସ୍ତ ଆଜିନାନ ମସିହ

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ଏସ୍ତ୍ରାଈଲେ ପାରୁସିର୍ ଉଣ୍ଡାତା ମାର୍ହାର୍, ଜିସୁ ଖାରିଙ୍ଗ୍
ଝେନ୍‌ବାତାନ୍,

୪୨ “କ୍ରିସ୍ତ ଅର୍ତ୍ତ ମସିହଦି ବିସୟତାନ୍ ମିର୍ ଇନିକା ଅଡ୍‌ବିଜିନିଦେର୍
? ଖାନ୍ ଏ କୁଟୁମ୍ ?”

ଖାର୍ ଇର୍ହାର୍, “ଖାନ୍ ଦାଉଦଦି କୁଟୁମ୍ ।”

୪୩ ଜିସୁ ଝେନ୍‌ବାତାନ୍, ଆରତିଙ୍ଗ୍ ଦାଉଦ ମସିହଙ୍ଗ୍ “ନା ପ୍ରବୁ”
ଇଜି ଏନ୍ଦା ଇର୍ହାମାନାନ୍ ? ଇରିଙ୍ଗ୍ ଆମ୍ବା ଝେର୍‌ନିମାଣାନ୍ ଖାନ୍
ରାସ୍‌ତାମାନାନ୍,

୪୪ ପ୍ରବୁ ନା ପ୍ରବୁଙ୍ଗ୍ ଇର୍ହାନ୍,

ମାପ୍ ମି ସାଡୁରିଙ୍ଗ୍ ମି କାଲ୍‌କା ଆଡ୍‌ଗି

କିଇ ସାନ୍ତି ମିର୍ ମା ଉଣି ତରିନ୍ ବାସ୍‌ତୁ ।

୪୫ ଜଦି ଦାଉଦ ମସିହଙ୍ଗ୍ ନା ପ୍ରବୁ, ଇଜି ମାନାତା ମାନାନ୍, ଆରତିଙ୍ଗ୍
କ୍ରିସ୍ତ ଅର୍ତ୍ତ ମସିହ ଏଣ୍ଡେସ୍ ଦାଉଦତି ମାରିନ୍ ଆଦେଙ୍ଗ୍ ଆଟ୍‌ନାନ୍ ?

୪୬ ଜିସୁଙ୍ଗ୍ ଏନ୍ ଇୟାତାନି ଉତର୍ ସିଦେଙ୍ଗ୍ ଆଟ୍‌ଏତାର୍ । ଆୟା
ନାଣ୍ଡିରାନ୍ ଏନ୍ ଖାନିଙ୍ଗ୍ ମାରି ପ୍ରସ୍ତ ଝେନ୍‌ବାଦେଙ୍ଗ୍ ସାସ୍ କିଏତାର୍ ।

୨୩

ଦର୍ମଗୁରୁ ମାରି ପାରୁସିର୍ ବିରଦ୍‌ତାନ୍ ଜିସୁଦି ଜାଗାର୍‌ତାମାନି
ମାଟା

(ମାର୍କ ୧୨:୩୮-୩୯; ଲୁକ ୧୧:୪୩; ୨୦:୪୫-୪୬)

୧ ଜିସୁ ସିସୁରିଙ୍ଗ୍ ମାରି ଝିଜୁଲୋକାଙ୍ଗ୍ ଇର୍ହାନ୍,

୨ ଦର୍ମଗୁରୁ ମାରି ପାରୁସିର୍ ମୋସାଦି ନିୟମତିଙ୍ଗ୍ ସିକିୟା ସିଦେଙ୍ଗ୍
ଅଦିକାର୍ ପୟତିମାନି ଝେର୍‌ନିକାର୍,

୩ ଆଦେଙ୍ଗ୍ ଖାର୍ ଆମାକା କିଦେଙ୍ଗ୍ ଝେର୍‌ସିନାର୍, ଆକା କିଦୁ ।
ମାତର୍ ଖାରି ପାଣି ଇସାବ୍‌ତାନ୍ ପାଣି କିମାଟ୍ । ଇରିଙ୍ଗ୍ ଖାର୍ ନିଜେ
ଝେର୍‌ସିମାନି ସିକିୟା ଇସାବ୍‌ତାନ୍ ପାଣି କିଏର୍ ।

୪ ଖାରି ସିକିୟାଝିଜୁ ଲୋକା ମୁଟାମ୍ ମୁସ୍କୁ ନାଣ୍ଡି ବଜୁ ଖାଜା
ତିର୍‌ନାସିନାର୍, ମାତର୍ ଆୟାଝିଜୁ ବଜୁ ପିଣ୍ଡିଦେଙ୍ଗ୍‌ଇଜି ନିଜେଦି
ଡାସ୍‌କାଦାନ୍ ବା ଅଡ୍‌ପ୍‌ବା ସାକା କିଏର୍ ।

୫ ☆ଝାର ଲୋକାଙ୍ଗ ତରତେଙ୍ଗ ଇତି ଝିନ୍ନୁ ପାଣି କିନାର । ସୁଡ଼ୁ,
ଝାର ସାସ୍ତ୍ର ପଦ ରାସାତିମାନି ଏସି ଏସି ମାଟେଙ୍ଗ ମୁକୁଦୁ ନି ରେକାଦୁ
ତରାତାମାନାର । ମାରି ସୁଡ଼ୁ, ଝାର ଆରାନିମାନି ପେରି ପେରି
ଝାତିଦି ଜାଲିଙ୍ଗ ଝିନ୍ନୁ ଏସ ନିରିକା ।

୬ ଝାର ବଜିଙ୍ଗ ନେଗି ବାତି ମାରି ପାରତନାକିନି ଇଲ୍ଲକାଙ୍ଗ ପେରି
ବାତି ଅଦିକାର କିଦେଙ୍ଗ ନେଗେନ୍ ଅଡ଼ବିନାର ।

୭ ମାରି ସାତାସାଉକାଦୁ ମାଡ଼ିସକିନିକା ପୟଦେଙ୍ଗ ମାରି ଲୋକା
ମାଣାନ୍ ଏ ଗୁରୁ, ଇତି ମାନାଦେଙ୍ଗ ନେଗେନ୍ ଅଡ଼ବିନାର ।

୮ ମାତର ମିଙ୍ଗ ଏନ୍ ଗୁରୁ ଇତି କୁକନିକା ଟିକ୍ ସିଲେ । ଇରିଙ୍ଗ
ମିର ଝିଜିଦେର୍ ନିଜେନିଜେଦି ତଡ଼ାନକୁ ମାରି ମି ଗୁରୁ କେବଲ୍
ଅରେନ୍ନେ ।

୯ ମାରି ଦୁନିଆଦୁ ମିର ଏଙ୍ଗବା ବୁବା ଇତି ମାନାନିକା ଟିକ୍ ସିଲେ,
ଇରିଙ୍ଗ ମି ବୁବା ଅରେନ୍ନେ, ଝାନ୍ ମୁସକୁପୁରତୁ ମାନାନ୍ ।

୧୦ ମିଙ୍ଗ ମାଲିକ୍, ଇତି ଏନ୍ବା କୁକମାକିନ୍, ଇରିଙ୍ଗ ମି
ଅରେନ୍ନମାତର ମାଲିକ୍ ଆଜିନାନ୍ ମସିହ ।

୧୧ ☆ମି ଲୋଇରାନ୍ ଏନ୍ ଝିଜେରିମାଣାନ୍ ପେରିକାନ୍, ଝାନ୍ ମି
ସେବା କିପିନ୍ ।

୧୨ ☆ଏନ୍ ନିଜେଦିଙ୍ଗ ମୁସକୁ ପେରାନାନ୍, ଝାନିଙ୍ଗ ଆଡ଼ଗି
କିନାର ମାରି ଏନ୍ ନିଜେଦିଙ୍ଗ ଆଡ଼ଗି କିଆନାନ୍, ଝାନିଙ୍ଗ ମୁସକୁ
ପେରିସିକିନାର ।

ସାଲାକି ଦାର୍ମୁଲୋକାଙ୍ଗ ଜିସୁ ସେମାରକିତାନ୍

(ମାର୍କ ୧୨:୪୦; ଲୁକ ୧୧:୩୯-୪୨, ୪୪, ୫୨; ୨୦:୪୭)

୧୩ ଏ ଦାର୍ମୁଗୁରୁ ନି ପାରୁସିର୍ ମି ଝେନ୍କାରି ଦସ୍ ଏସା ବୟଙ୍ଗାର
! ଏ ସାଲାକି ଦାର୍ମୁଦଲ୍, ମୁସକୁପୁରରାଜିଦି ଡଗୁନି ସେରଲା
କେରତିମାନିଦେର୍ । ମିର ନିଜେ ଆବେ ଡଗୁଇଜିନିଦେର୍ ମାରି
ଆମାକାର ଡଗୁଦେଙ୍ଗ ବଦାକିଜିନାର, ଝାରିଙ୍ଗ ସାରି ଡିସ୍ଇଜିନିଦେର୍
।

☆ ୨୩:୫ ମାତିର ୨:୧. ☆ ୨୩:୧୧ ମାତିର ୨୦:୨୭, ୨୭; ମାର୍କ ୯:୩୫; ୧୦:୪୩, ୪୪; ଲୁକ
୨୨:୨୭. ☆ ୨୩:୧୨ ଲୁକ ୧୪:୧୧; ୧୮:୧୪.

୧୪ ଏ କପଟି ଦାମ୍ଭୁଗୁରୁ ନି ପାରୁସିର୍, ମି ଦସ୍ ଏସା ତାଗ୍‌ଇକାଆନାଡ଼ । ଇରିଙ୍ଗ୍ ମିର୍ ସାଲ୍‌କିଦାନ୍ ନିରୁଇ ପାର୍‌ତାନା କିନି ଦାପେ ଦାପେ ରାଣ୍ଡି ଆଇମେକା ଇଲୁକୁ ଝିଜୁ ଡିବିସ୍‌ସୋ ଅନିଦେର୍; ଆଦେଙ୍ଗ୍ ମିର୍ ନାଣ୍ଡି ଦଣ୍ଡି ପଇନିଦେର୍ । *

୧୫ ଏ କପଟି ଦାମ୍ଭୁଗୁରୁ ନି ପାରୁସିର୍, ମି ଦସ୍ ଏସା ତାଗ୍‌ଇକାଆନାଡ଼ । ମିର୍ ସାମୁଦୁର୍ ନାସି ଆଇ ଦେସକାଙ୍ଗ୍ ସୋଲ୍‌ସି ଅରେନ୍‌ଝାନିଙ୍ଗ୍ ମି ଦାମ୍ଭୁଦୁ ମିସାକିଦେଙ୍ଗ୍ ଇଜି ପୟ୍‌ଜିବୁଲ୍‌ଜିନିଦେର୍ । ମାତର୍ ଆୟାଝାଜା ଅରେନ୍‌ଝାନିଙ୍ଗ୍ ପୟ୍‌ଜିଙ୍ଗ୍, ଝାନିଙ୍ଗ୍ ନରକଦୁ ଦଣ୍ଡି ପୟ୍‌ଦେଙ୍ଗ୍ ମିମାଣାନ୍ ଦୁଇଗୁଣୁ ନାଣ୍ଡି ସାକା କିଜିନିଦେର୍ ।

୧୬ ଏ କାଣା ସାରିବୁଲାନିକାର୍, ମି ଦସ୍ ଏସା ତିଲ୍‌ନିକା । ମିର୍ ସିକିୟା ସିଜିମାନିଦେର୍, ଏନ୍ ମନ୍ଦିର୍ ଦରତାନ୍ ପାରାମାଣ୍ କିତିଙ୍ଗ୍, ଆକା ଝାନ୍ କିଦେଙ୍ଗ୍ କୁସାମାଡ଼ ସିଲେ; ମାତର୍ ମନ୍ଦିର୍ତୁ ମାନି ବାଙ୍ଗାଁରାମ୍ ଦରତାନ୍ ଏନ୍ ପାରାମାଣ୍ କିତିଙ୍ଗ୍ ଝାନିଙ୍ଗ୍ ଆକା କିଦେଙ୍ଗ୍ ପଡ଼ାନାଡ଼ ।

୧୭ ଏ କାଣା ବୁଦି ସିଲିକିଦେରା, ବାଙ୍ଗାଁରାମ୍ ପେରିକା ନୋ ବାଙ୍ଗାଁରାମ୍‌ତିଙ୍ଗ୍ ପବିତ୍ର କିଜିମାନି ମନ୍ଦିର୍ ପେରିକା ?

୧୮ ମିର୍ ବା ସିକିୟା ସିଜିମାନିଦେର୍, ଅରେନ୍ ଲୋକୁ ବେଦି ଦରତାନ୍ ପାରାମାଣ୍ କିତିଙ୍ଗ୍, ଝାନ୍ ଆକା କିଦେଙ୍ଗ୍ କୁସାମାଡ଼ ସିଲେ । ମାତର୍ ବେଦି ମୁସ୍‌କୁ ଇତିନିମାନି ପୁଜାସିନି ଦରତାନ୍ ପାରାମାଣ୍ କିତିଙ୍ଗ୍, ଆକା ନିୟମ୍‌ସିଲେଡ଼ ।

୧୯ ମିର୍ ଏସା କାଣାର୍, ଆମାକା ପେରି ପୁଜାସିନିକା ନୋ ପୁଜାସିନିତାନିଙ୍ଗ୍ ପବିତ୍ର କିଜିମାନି ବେଦି ?

୨୦ ମାରି ଏନ୍ ବେଦି ଦରତାନ୍ ପାରାମାଣ୍ କିତିଙ୍ଗ୍, ଝାନ୍ ବେଦି ମାରି ଆୟା ମୁସ୍‌କୁ ମାନି ଝିଜୁ ପୁଜାସିନି ସାମାନ୍‌କା ଦରତାନ୍ ପାରାମାଣ୍ କିନାନ୍ ।

୨୧ ଏନ୍ ମନ୍ଦିର୍ ଦରତାନ୍ ପାରାମାଣ୍ କିତିଙ୍ଗ୍ ଝାନ୍ ମନ୍ଦିର୍ ମାରି ଆବେନ୍‌ ବାସାଜିମାନି ମାପୁରୁ ଦରତାନ୍ ପାରାମାଣ୍ କିନାନ୍ ।

୨୨ ☆ମାରି, ଏନ୍ ମୁସ୍‌କୁପୁରତି ଦରତାନ୍ ପାରାମାଣ୍ କିତିଙ୍ଗ୍,

* ୨୩:୧୪ ଇୟା ପଦ୍ ଝିଜୁ ପାଡ଼ିଇ ରାସାତିମାନ୍ ସିଲେଡ଼ । ☆ ୨୩:୨୨ ମାଡ଼ିଉ ୫:୩୪.

ମାପୁରୁଦି ରାଜାଗାଦି ମାରି ତାନିମୁସକୁ ବାସ୍ତିମାନି ମାପୁରୁ ଦରତାନ୍ ପାରାମାଣ୍ କିନାନ୍ ।

୨୩ ଏ କପଟି ଦାମ୍ବୁଗୁରୁ ନି ପାରୁସିର୍, ମି ଅବସ୍ତା ବେସି ତାଗ୍‌ଇକାଆନାଡ଼ ! ମିର୍ ମାପୁରୁଦି ଉଦେସ୍‌ତାନ୍ ପୋଦିନା, ପାନ ମଡ଼ରି ମାରି ଜିରାଦି ବା ଦସ୍‌ବାଗ୍‌ତାନ୍ ଉଣ୍ଟି ବାଗ୍ ମାପୁରୁଙ୍ଗ୍ ଦାନ୍ ସିନିଦେର୍; ମାତର୍ ନ୍ୟାୟ ବିସାର୍, ଦୟା, ବିସ୍‌ବାସ୍ ଇୟାଜିନ୍ତୁ ନିୟମ୍‌ତି ପେରି ପେରି ବିସୟ୍‌କୁ ଖେଡ଼ା କିଜିନିଦେର୍ । ନିୟମ୍‌ତି ଇୟା ବିସୟ୍‌କୁ ଆଗ୍‌ତି ଅବ୍ୟାସ୍ କିନିକା ମାନାଡ଼ ।

୨୪ ଏ କାଣା ସାରିଦୁବୁଲାନିକାର୍, ମିର୍ ଇନିକା ଉଣିଝାଲେ ଆନାଡ଼ ଆବେ ଝିଜା ଆରୁନାମାନାଡ଼ ଇଜି ତାନିଙ୍ଗ୍ ଜଲପ୍‌ନିଦେର୍, ମାତର୍ ଉଡ଼ିଙ୍ଗ୍ ଡିଙ୍ଗ୍ ନିଦେର୍ ।

୨୫ ଏ କପଟି ଦାମ୍ବୁଗୁରୁ ମାରି ପାରୁସିର୍, ଏସା ବୟ୍‌ଜାର୍ ମି ସାରାସାରି ବୁଲାନିକା । ମିର୍ ତୁବାଇ ନି ସାଡ଼ାଝାଦି ଆତେରେ ତରିନ୍ ନେଗେନ୍ ନୋର୍‌ଜିମାନିଦେର୍, ମାତର୍ ଆୟାଝାନିକା ଲୋଇ ଗିଦ୍‌ରି ନି ଆକାର୍ ବର୍ତ୍ ଆତାମାନାଡ଼ ।

୨୬ “ଏ କପଟି ଦାମ୍ବୁଗୁରୁ ମାରି ପାରୁସିର୍, ଆଗ୍‌ତି ତୁବାଇତି ଲୋଇରିକା ନେଗେନ୍ ନରଦୁ, ଏଣ୍ଟେସ୍ ଆବେଣି ଆଡ଼ରେଦିକା ବା ନେଗେନ୍ ନୋର୍‌ଆୟ୍‌ଆନାଡ଼ !

୨୭ ☆“ଏ କପଟି ଦାମ୍ବୁଗୁରୁ ନି ପାରୁସିର୍ ! ମିର୍ ଏସା ନାଣ୍ଟ ଦସ୍ ବଗାନିଦେର୍ । ମିର୍ ଝିଜୁ ଆତେରେ ତରିନ୍ ସୁନ୍‌ତିରିପାତିମାନି ମୁସ୍‌ତିବାଡ଼ିଦି ଝାଜା । ଆକା ଆତେରେ ସୁନ୍‌ର୍ ତରନାଡ଼, ମାତର୍ ଲୋଇ ପେଡେକ୍ ନି ସାବ୍‌ତି ମାଡ଼ାଦାନ୍ ବର୍ତ୍ ।

୨୮ ଆୟାଝାଜା ମିର୍ ବା ଆତେରେ ଲୋକା ଆଗ୍‌ତି ନେଗେନ୍ ତରିନିଦେର୍, ମାତର୍ ମି ଲୋଇରିକା ସାଲାକି ନି ପାପ୍‌ତୁ ବର୍ତ୍ ।

ଜିସୁ ଝାରି ଦଣ୍ଡବଗାନିକା ବିସୟ୍‌ତାନ୍ ଖେର୍‌ତାନ୍
(ଲୁକ ୧୧:୪୭-୫୧)

୨୯ “ଏ କପଟି ଦାମ୍ବୁଗୁରୁ ନି ପାରୁସିର୍ ! ମି ଉଣ୍ଟିଙ୍ଗ୍ ଇକା ଏସା ବୟ୍‌ଜାର୍ । ବାବବାଦିରି ଉଣ୍ଟିଙ୍ଗ୍ ମିର୍ ସୁନ୍‌ର୍‌ତି ମୁସ୍‌ନିବାଡ଼ି

ତିଆରକିଜିନିଦେର ମାରି ଦାମ୍ଭୁଲୋକାରି ଏଡକିନି ମୁଣ୍ଡା ଝିନ୍ତୁ
ରସ୍‌ସିନିଦେର ।

୩୦ ମାରି ମିର ଇଜିନିଦେର, ଜଦି ମି ପୁର୍ବେଦିତକ୍‌ରାଦାଦାରି
ବେଡାଦୁ ମିର ତେବାତିଙ୍‌ମାନ୍ଦି, ଆରତିଙ୍‌ ଝାରି ଝାଜା
କିଇତିଦେରମାନ୍ଦି ମାରି ବାବବାଦିରିଙ୍‌ ଡାକ୍‌ଇତିଦେରମାନ୍ଦି ।

୩୧ ଇୟା ମାଟା ଝେରନି ମାଣ୍ଡକୁ ସଡ଼ ଇଜି ମାନାଜିନିଦେର ଜେ ମିର
ବାବବାଦିରିଙ୍‌ ସାୟାମାରଗା ଡାକ୍‌ତିଝାରି କୁଟୁମ୍ ।

୩୨ ଆରତିଙ୍‌ ମିର ଆଗଡ଼ି ସାଦୁ, ମି ପୁର୍ବେଦିତକ୍‌ରାଦାଦାରି ଆରାମ୍
କିତି ପାଣିଦିଙ୍‌ ପୁରା କିଦୁ ।

୩୩ ☆ଏ ସାରାସକୁ ! ଏ ବିସ୍‌ମାନି ସାରାସତି କଡ଼ର ! ମିର ନରକ
ଦଣ୍ଡତାନ୍ ରକ୍ଷାପୟନାପ୍ ଇଜି ଆସାକିଜିନିଦେର ?

୩୪ ଆଦେଙ୍‌ ନାନ୍ ଝେରସିନା; ନାନ୍ ମି ଲାକ୍‌ଡୁ ବାବବାଦିର, ଗୁରୁର
ମାରି ବୁଦିମାନିଝାରିଙ୍‌ ପୋକ୍‌ତାନା; ଝାରି ଲୋଇରାନ୍ ଏଙ୍‌ ଏଙ୍‌
ସାୟାମାରଗା ଡାକ୍‌ନିଦେର, ଏସ ଲୋକାଙ୍‌ କୁସଦୁ ସାୟାମାରଗା
ଡାକ୍‌ନିଦେର ମାରି ଆଇଝାରିଙ୍‌ ପାରତନାକିନି ଇଲ୍‌କାଙ୍‌ କର୍ତ୍ତା
ଡାକ୍‌ସି ଉନ୍‌ଡ୍ର ଗାଡ଼ତାନ୍ ମାରି ଉନ୍‌ଡ୍ର ଗାଡ଼ଡୁ ପେରନିଦେର ।

୩୫ ଆମା ଦାମ୍ଭୁ ହେବଲ୍‌ତି ସାତି ମାଣାନ୍ ଆମା ବେରିକିୟଦି ମାରିସି
ଜିକରିୟଙ୍‌ ମିର ମନ୍ଦିରତି ପବିତ୍ର ବାଡିଦୁ ନି ପୁଜାସିନି ବେଦି ନାଡ଼ମି
ସାୟାମାରଗା ଡାକ୍‌ତିଦେର, ଝାନି ସାତି ସାନ୍ଦି ଦୁନିଆଦୁ ଏସଲୋକ୍
ଝିନ୍ତୁ ଦାମ୍ଭୁଦି ଲୋକାଙ୍‌ ସାୟାମାରଗା ଡାକ୍‌ତିମାନିଦେର । ଆୟା
ଦୋସ୍‌ସିଲି ଲୋକା ସାତିମାନି ଦଣ୍ଡ ମି ମୁସକୁ ଝାନାଡ଼ ।

୩୬ ନାନ୍ ମିଙ୍‌ ସଡ଼ ଝେରସିନା, ଇୟାଝିନ୍ତୁ ଲୋକାଙ୍‌
ସାୟାମାରଗା ଡାକ୍‌ତି ଉଣ୍ଡିଙ୍‌ ଇୟା ଜଗତି ଲୋକ୍‌ ଦଣ୍ଡ ବଗାନିଦେର
।

ଜିରୁସାଲାମତି ଉଣ୍ଡିଙ୍‌ ଜିସୁଦି ଜିବନ୍‌ନୋନିକା

(ଲୁକ ୧୩:୩୪-୩୫)

୩୭ “ଏ ଜିରୁସାଲାମ୍, ଏ ଜିରୁସାଲାମ୍ ! ମିର ବାବବାଦିରିଙ୍‌
ସାୟାମାରଗାଡାକ୍‌ସିନିଦେର ମାରି ମାପୁରୁ ପୋକ୍‌ତାତି କାବୁର୍
ଅନିତାନି ଝାରିଙ୍‌ କାଲ୍‌କୁ ପୋକ୍‌ସି ଡାକ୍‌ସିନିଦେର । କରୁ ତାନି

ରେକା ଆଡ଼ଗି ପିଲେକାଙ୍କ ଆସି ଇଡ଼ନି ଖାଇ, ମି ଲୋକାଙ୍କ ନା
ରେକା ଆଡ଼ଗି ପିଡ଼କିନି ଉଣ୍ଡିଙ୍କ ନାନ୍ ଏସ ଦେବେଙ୍କ ବଦାକିତା ।
ମାତର ମିର ନାଙ୍କ ଆକା କିଦେଙ୍କ ସିଇତିଦେର ।

୩୮ ଆଦେଙ୍କ ମି ମନ୍ଦିର ଝିରଜାଜି ମାରି ଖାରିକା ଆନାଡ଼ ।

୩୯ ନାନ୍ ମିଙ୍କ ଝେରସିନା, ‘ପ୍ରବୁଦି ଦରତାନ୍ ଏନ୍ ଖାଜିନାନ୍, ଖାନ୍
ଦନ୩, ମିର ଇୟା ମାଟା ଇନ୍‌ଇ ସାନ୍ ଇଲେଇରାନ୍ ନାଙ୍କ ମାରି
ସୁଡ଼ୁଦେଙ୍କ ଆଟ୍‌ଇଦେର ।”

୨୪

ମନ୍ଦିର ଦ୍ରଂସଆନି ବିସୟତାନ୍ ଜିସୁ ଝେରତାନ୍

(ମାର୍କ ୧୩:୧-୨; ଲୁକ ୨୧:୫-୬)

୧ ଜିସୁ ମନ୍ଦିରତାନ୍ ସସି ସନିଖାଲେ ସିସୁର ମନ୍ଦିରତି ମେଡେଇଲୁକୁ
ଝିକୁ ତରନି ଉଣ୍ଡିଙ୍କ ଖାନି ଲାକତୁ ଖାତାର ।

୨ ଜିସୁ ଇର୍ହାନ୍, “ଇଲେଇ ଗିଦେ ଇୟାଝିକୁ ସୁଡ଼ୁଜିନିଦେର । ନାନ୍
ମିଙ୍କ ସଡ଼ ଇଜିନା, ଇୟା ମନ୍ଦିରତି ଉନ୍‌ଡ଼ି କାଲୁ ଆଇ କାଲୁ ମୁସକୁ
ତେବାଉ, ଝିକୁ ବୁମିଦୁମିସାନେ ।”

ଦୁଃକ୍ ନି କାସୁ ପୟନିକା

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ଜିସୁ ଜିତ ଗରନ୍ ମୁସକୁ ବାସତି ମାରିଇଖାଲେ ସିସୁର ଖାନି
ଲାକତୁ ନେସଇଖାଜା ଖାଜି ଝେନବାତାର, “ଇୟାଝିକୁ ଏସକାଙ୍କ
ଗଟାନାଡ଼, ଆକା ମାଙ୍କ ଇନିଆ । ଇନିକା ଗଟାତିଙ୍କ ମାପ୍
ନେସନାପ୍ ଜେ ନିନ୍ ଖାନି ବେଡ଼ା ଆତାଡ଼ନି ମାରି ଇୟା ଜୁଗ୍‌ସେସ୍
ଆନାଡ଼ ।”

୪ ଜିସୁ ଖାରିଙ୍କ ଇରଥାନ୍, ଜାଗାରତା ମାନ୍‌ଡୁ । ଏନ୍ ଏଣ୍ଡେସ୍
ମିଙ୍କ ବାୟା କିଏନ୍ ।

୫ ଗାଦିଲୋକ୍ ନା ଦର ଆସି ଖାଜି ଇନାର, ନାନ୍ ନେ କ୍ରିସ୍ତ ଅର୍ତ୍ତ
ମସିହ । ଇକା ଇନ୍‌ଝି ଖାର ଗାଦିଲୋକାଙ୍କ ବାୟାକିନାର ।

୬ ମିର ଲାକତୁ ସାଲାତିମାନି ଜୁଦତି ଆଉଲି ଝେନିଦେର ମାରି
ଆକ ସାଲାତିମାନି ଜୁଦତି କାବୁର ଝେନିଦେର । ମାତର ତିଲାମାଟ୍ ।

ଇୟାଞ୍ଜିକୁ ପୁରା ଗଟାମାଡ଼, ମାତର୍ ଇୟାତାନି ଅର୍ତ୍ତ ଆଏଡ଼ ଜେ ଜୁଗ୍ ସେସ୍‌ଆନି ଦିନ୍ ଲାକ୍‌ତୁ ।

୭ ଦେସ୍ ଦେସ୍‌ତି ଲୋଇ ଜୁଦ୍ ସାଲାନାଡ଼, ଉନ୍‌ଡ୍ରା ରାଜି ଆଇ ରାଜି ମୁସ୍‌କୁ ଡାକ୍‌ନାଡ଼ । ଝିଜୁ ତରିନ୍ ଉନ୍‌ଶ୍ରେ ତିନ୍‌ଡ୍ରେଙ୍ଗ୍ ପୁର୍‌ଏଡ଼ ମାରି ବୁମିକମ୍‌ ଆନାଡ଼ ।

୮ ମାତର୍ ଇୟାଞ୍ଜିକୁ ଜନମ୍‌କିନି କାସୁଦି ଆରାମ୍ ମାତର୍ ।

୯ ମିର୍ ଆସାୟାଆଜି ଦୁଃକ୍‌କାସୁ କିନି ଉଣ୍ଡିଙ୍ଗ୍ ସରପେ କିନାର୍ ମାରି ମିଙ୍ଗ୍ ସାୟାମାରଗା ଡାକ୍‌ନାର୍, ନାବାନ୍ ବିସ୍‌ବାସ୍ କିତିମାନି ଉଣ୍ଡିଙ୍ଗ୍ ମିର୍ ଝିଜେରି ଲୋକାଦି ମାଣାନ୍ କାଡ଼ାଇଆନିଦେର୍ ।

୧୦ ନାସ୍ତିଝାଲେ ଗାଦିଲୋକ୍ ଝାରି ବିସ୍‌ବାସ୍ ଆରାକିନାର୍, ନିଜେନିଜେଦିଙ୍ଗ୍ କାଡ଼ାଜିସାଜି ନିଜେନିଜେଦି ଉଣ୍ଡିଙ୍ଗ୍ ଆସିସ୍‌କିଆୟାଆନାର୍ ।

୧୧ ନାସ୍ତିଝାଲେ ଗାଦିଲୋକ୍ ବଣ୍ଡ ବାବବାଦିଦିର୍ ଝାଜି ଲୋକାଙ୍ଗ୍ ବାୟାକିନାର୍ ।

୧୨ ମାରି ଅଦାମ୍ ନାଣ୍ଡ ଆତାଡ଼ଆକା ଏସାଲୋକା ମାପୁରୁଙ୍ଗ୍ ଜିବନ୍‌ନୋନିକା ସିତିଡ଼ିଆନାଡ଼ ।

୧୩ ମାତର୍ ଏନ୍ ସାରାସାରି ଝେନ୍‌କା ସାନ୍ଦି ସାସ୍‌ଆସ୍‌ସି ତେବାନାନ୍, ଝାନ୍ ରକିୟା ପଇନାନ୍ ।

୧୪ ମାପୁରୁଦି ରାଜିଦି ବିସ୍‌ୟତାନ୍ ନେଗିକାବୁର୍ ଝିଜୁ ଲୋକାଦି ଲାକ୍‌ତୁ ସାକି ସିଦେଙ୍ଗ୍ ଇୟା କାବୁର୍ ସାରାଦୁନିଆଦି ଝିଜୁ ତରିନ୍ ପ୍ରଚାର୍ ଆନାଡ଼ । ତାନେଝେନ୍‌କା ଜୁଗ୍‌ସେସ୍ ଆନାଡ଼ ।

ନାସ୍ତିକିନି କାଡ଼ନ୍ ବିସ୍‌ୟ

(ମାର୍କ ୧୩:୧୪-୧୩; ଲୁକ ୨୧:୨୦-୨୪)

୧୫ ମିର୍ ଏସ୍ତିଝାଲେ ବାବବାଦି ଦାନିୟେଲ୍ ମାଣାନ୍ ଝେର୍‌ଇଆତି ନାସ୍ତିକିନି କାଡ଼ନ୍ ତାନେଙ୍ଗ୍ ମନ୍ଦିର୍ ପବିତ୍ର ବାଡ଼ିଦୁ ନିନିମାନିକା ସୁଣିଦେର୍ । ଇୟାତାନି ଅର୍ତ୍ତ ଇନିକା, ପଡ଼ାଜ ବୁଜାଦୁ ।

୧୬ ନାସ୍ତିଝାଲେ ଆମାଲୋକ୍ ଝିଜେରେ ଜିହୁଦା ଗାଡ଼ତୁ ମାନାର୍, ଝାର ଗରନ୍ ମୁସ୍‌କୁ ଉରୁକ୍‌ସି ସଲିର୍ ।

୧୭ ☆ଆମାକାର ସାତ ମୁସକୁ ମାନାର, ଝାର ଇଲୁ ଲୋଇ ସାମାନପତର ଅତେଙ୍ଗ ଇଜି ଆଡ଼ଗି ଝାଜି ଝେଡ଼ା ନାସ୍ତୁ କିମାକିନ୍ ।

୧୮ ଆମାକାର କିଡ଼ିଇଦୁ ସୋଲ୍‌ସି ମାନାର, ନିଜେଦି ସାଦର ତାତେଙ୍ଗ ଇଜି ଡେସି ସଲ୍‌ମାକିନ୍ ।

୧୯ ନାସ୍ତିଝାଲେ ପଟାଦୁମାନି ଆଇମାଲୋକ୍ ମାରି ଇସ୍ତି କଡ଼ରିଙ୍ଗ ଆସ୍‌ସି ପାଲ୍ ଉଟ୍‌ପିସ୍‌କିନି ଆଇସିକା ଅବସ୍ତା ଏସ ତାଗ୍‌ଇକା ଆନାଡ଼ ।

୨୦ ମାପୁରୁଙ୍ଗ ପାରାତାନା କିଜିମାନୁଡୁ, ପିନିକାଡ଼ାଦୁ ସିଲିତିଙ୍ଗ ରମ୍‌ନିନାଣ୍ଡିଆଙ୍ଗା ମିଙ୍ଗ୍ ଏଣ୍ଡେସ୍ ଉରୁକ୍‌ସି ସନ୍‌ଡ୍ରେଙ୍ଗ ପଡ଼ାଏଡ଼ ।

୨୧ ନାସ୍ତିଝାଲେ ଇୟାଝାଜା ନାଣ୍ଡକାସ୍ତୁ ଗଟ୍‌ନା ଜେ, ଦୁନିଆଦି ତିଆରୁଆତିମାଣାନ୍ ନେର୍ ସାନ୍ତି ଗଟାଏଡ଼, ମାରି ଏସ୍‌କାଙ୍ଗ୍‌ବା ଗଟାଏଡ଼ ।

୨୨ ମାଡ଼ର ଇୟା ଦୁଃକଡ଼ି ବେଡ଼ାଦିଙ୍ଗ ମାପୁରୁ ଉଣା କିତାମାନାନ୍, ଆକା ଆଇତିମାରିଙ୍ଗ, ମାରି ଏନ୍ ଜିଜ ମାନ୍‌ଏତାନ୍‌ମାନ୍ତି । ମାଡ଼ର ଝାନି ଆସ୍‌କିତିମାନି ଲୋକାଙ୍ଗ୍ ରକିୟା କିଦେଙ୍ଗ ଇଜି ମାପୁରୁ ଆୟା ସମୟତିଙ୍ଗ ଉଣା କିତାମାନାନ୍ ।

୨୩ ନାସ୍ତିଝାଲେ ଜଦି ଏନ୍ ମିଙ୍ଗ୍ ଇନ୍‌ନାନ୍, ଇବେନ୍‌କୁ କ୍ରିସ୍ତ ମାନାନ୍ ସିଲିତିଙ୍ଗ ଆବେନ୍ ଝାନ୍ ମାନାନ୍; ଆକା ବିସ୍‌ବାସ୍ କିମାଟ୍ ।

୨୪ ଇରିଙ୍ଗ୍ ଆପ୍‌ଶାଦିଙ୍ଗ୍ କ୍ରିସ୍ତ ସିଲିତିଙ୍ଗ୍ ବାବବାଦି ଇନାୟ୍‌ଆଜିମାନି ବଣ୍ଡବାବବାଦିର୍ ନାସ୍ତିଝାଲେ ତର୍‌ଆୟାଆନାର୍ । ଝାର କାବାଆନିକା ମାରି ତିଲାନିପାଣି ତର୍‌ସି ମାପୁରୁଦି ଆସ୍‌କିତିମାନି ଲୋକାଙ୍ଗ୍ ବାୟାକିନାର୍ ।

୨୫ ଝେନ୍‌ଡୁ ! ଆୟା ସମୟ ଝାନି ଆଗ୍‌ଡିନେ ନାନ୍ ମିଙ୍ଗ୍ ଇୟାଝିନ୍ତୁ ମାଟା ଝେର୍‌ଡା ସିଜିନା ।

୨୬ ☆ମାରି, ସୁଡ଼ୁ, ଝାନ୍ ବାଲିରାଜିଦୁ ମାନାନ୍, ଲୋକୁ ଜଦି ମିଙ୍ଗ୍ ଇୟା ମାଟା ଇନାର୍, ଆବେନ୍‌କୁ ସୋଲ୍‌ମାଟ୍ । ମାରି ସୁଡ଼ୁ, ଇବେନ୍‌କୁ ଝାନ୍ ବାକ୍ରା ଲୋଇ ମାର୍‌ଗିତାମାନାନ୍, ଜଦି ଇକା ଇନାର୍, ଝାରିଙ୍ଗ୍ ବିସ୍‌ବାସ୍ କିମାଟ୍ ।

୨୭ ମିରସିନିକା ଏଣ୍ଡେସ୍ ଝେଡ଼ାସନି ତରିଟାନ୍ ନି ଝେଡ଼ାଆରନିତରନି ସାନ୍ଦି ବାଦଡ଼ତିଙ୍ଗ ଜାୟ୍ କିନାଡ଼, ଆୟାଝାଜା ମନୁସ୍ୟପୁତ୍ରଦି ଝାନିକା ଗଟାନାଡ଼ ।

୨୮ ☆“ଏମେମାନୁ ସାତିମାଡ଼ା ମାନାଡ଼, ଆୟାବାନୁ ତେଗେଙ୍ଗ୍ ଉନ୍ତେମାନୁ ଉଣ୍ଡାନେ ।”

ମନୁସ୍ୟପୁତ୍ରଦି ଝାନିକା

(ମାର୍କ ୧୩:୨୪-୨୭; ଲୁକ ୨୧:୨୫-୨୮)

୨୯ ☆“ଆୟା ଦୁଃକକାସ୍ତୁଦି ବେଡ଼ା ଝିଜିନି ବେଡ଼ାଦୁ ଝେଡ଼ା ସିକାଟି ଆନାଡ଼ ମାରି ଲେଜୁ ମାରି ଜାୟ୍ ସିଏନ୍, ମାରି ସୁକେଙ୍ଗ୍ଝିଜୁ ବାଦଡ଼ତାନ୍ ଆରନେ ମାରି ବାଦଡ଼ତି ସାକ୍ତିଝିଜୁ ଇନିଙ୍ଗ୍ ଆନିଆ ଆନେ ।

୩୦ ☆ତାନେଝେନ୍ଦକା ମନୁସ୍ୟପୁତ୍ରଦି ସିନେଙ୍ଗ୍ ବାଦଡ଼ତୁ ତରନେ ମାରି ମନୁସ୍ୟପୁତ୍ର ମେଗେମାଲାଦାନ୍ ପେରି ସାକ୍ତିଦାନ୍ ମାରି ଗୌରବଦାନ୍ ଝାଜିମାନିକା ସୁଡ଼ଜୁ ଦୁନିଆଦି ଝିଜୁ ବାସାଦି ଲୋକୁ ଆଡ଼ାବାନାର ।

୩୧ ବାଜାମରି ଆନାଡ଼ ମାରି ପୃତିବିଦି ଉନ୍ତୁ କନାଦାନ୍ ଆଇ କନା ସାନ୍ଦି ସାରିବେଡ଼ିତିଦାନ୍ ଝାନି ଆସକିତିମାନି ଲୋକାଙ୍ଗ୍ ଉଣ୍ଡା କିଜ ତାନି ଉଣ୍ଡିଙ୍ଗ୍ ମନୁସ୍ୟପୁତ୍ର ଝାନି ଦୁଡ଼କାଙ୍ଗ୍ ପୋକ୍ନାନ୍ ।”

ତଗା ମାରାତାନ୍ ସିକିୟା

(ମାର୍କ ୧୩:୨୮-୩୧; ଲୁକ ୨୧:୨୯-୩୩)

୩୨ “ତଗା ମାରାତାନ୍ କାତା ଅଜାଦୁ, ଏସ୍ତିଝାଲେ ତାନି କମେଆଙ୍ଗ୍ ଆକୁ ପାସ୍ରିକା ମାରି କଡ଼କିକା ଆଜି ପୁନି ଆକୁ କାୟାନାଡ଼, ନାସ୍ତିଝାଲେ ଜେଟାପ୍ ଲେଞ୍ଜୁ ଲାକ୍ତୁ ଝାତାନି ଇଜି ମିର୍ ନେସ୍ସିନିଦେର୍ ।

୩୩ ଆୟାଝାଜା ମିର୍ ବା ଇୟାଝିଜୁ ଗଟ୍ନେଙ୍ଗ୍ ସୁଡ଼ତିଙ୍ଗ୍, ମନୁସ୍ୟପୁତ୍ର ସେରଲା ଲାକ୍ତୁ ଇତାନ୍ ଇକା ଇଜି ମିର୍ ନେସ୍ତୁ ।

୩୪ ନାନ୍ ମିଙ୍ଗ୍ ସତ୍ ଇଜିନା, ମାନ୍‌ତୁଇତିଦୁ, ଇଲେଇ ଜିବନ୍‌ମାନି
ଲୋକା ମାଣାନ୍ ଝିଜେରେ ସାନି ଆଗ୍‌ଡ଼ି ଇୟାଝିନ୍‌କୁ ବିସୟ ଗଟାଏତ୍ ।
୩୫ ବାଦତ୍ ନି ପୃତିବି ମାରାଗ୍‌ନାତ୍; ମାତର୍ ନା ବାକ୍ୟ ଏସକାଙ୍ଗ୍
ମାର୍‌ଗେଏତ୍ ।”

ୱାନ୍ ଝାନିକା ଟିକ୍ ସମୟ ଏନ୍ ନେସ୍‌ଏର୍

(ମାର୍କ ୧୩:୩୨-୩୭; ଲୁକ ୧୭:୨୭-୩୦, ୩୪-୩୬)

୩୬ “ମାତର୍ ଆୟା ଦିନ୍ ବା, ଆୟା ବେଡା ଏସକାଙ୍ଗ୍ ଝାନାତ୍,
ଏନ୍ ଝେର୍‌ତେଙ୍ଗ୍ ଆଟ୍‌ଏନ୍ । ନିଜେ ମାପୁରୁଦି ମାରିନ୍ ନି ଦୁଡ୍‌କୁ ବା
ଆୟାମାଟା ନେସେଡ୍, କେବଲ୍ ବୁବା ମାପୁରୁ ନେସ୍‌ନାନ୍ ।

୩୭ ନୋହଦି ବେଡାଦୁ ଏଣ୍ଡେସ୍ ଗଟାତା ମାର୍‌ହାତ୍, ମନ୍‌ସ୍ୟପୁତ୍ରଦି
ଝାନି ବେଡାଦୁ ଆୟାଝାଜା ଗଟାନାତ୍ ।

୩୮ ଗାଲିପିରୁଦି ଆଗ୍‌ଡ଼ିରି ବେଡାଦୁ ନୋହଦି ଜାହାନ୍‌ତୁ ଡଗୁନି
ଦିନ୍ ସାନ୍ ଲୋକୁ ଉଣିତିନିକା ମାରି ମେମାରି ନି ଆଇମା ପେଡ଼ିଆନି
ଝିଜୁପାଣିଦୁ ଦାନ୍‌ଆତାମାର୍‌ହାତ୍ ।

୩୯ ଗାଲିପିରୁଦୁ ଝାର ଦେଲ୍‌ଜିସନି ସାନ୍ ଇନିକା ଗଟାଜିନାତ୍
ନେସ୍‌ତେଙ୍ଗ୍ ଆଟ୍‌ଏଜି ମାର୍‌ହାତ୍ । ମନ୍‌ସ୍ୟପୁତ୍ର ଝାଜିନି ଦିନ୍‌ତୁ ବା ଟିକ୍
ଆୟାଝାଜା ଆନାତ୍ ।

୪୦ ଆୟା ସମୟତୁ କିଡ଼ିଇଦୁ ପାଣି କିଜିମାନି ରିଏରି ମେମାରିରି
ମାଣ୍‌କୁ ଅରେନ୍‌ଝାନିଙ୍ଗ୍ ଅଆୟ୍‌ଆନାତ୍ ମାରି ଆଇ ଅରେନ୍‌ ଝାନିଙ୍ଗ୍
ଡ଼ିସ୍‌ନାସିନାତ୍ ।

୪୧ ରୁଣ୍ଡି ଆଇମେକ୍ ଜାତାଦୁ ନୁର୍‌ଜିମାନେ, ଅରେଡ୍‌ତାନିଙ୍ଗ୍
ଅଆୟ୍‌ଆନାତ୍ ମାରି ଆଇତାନିଙ୍ଗ୍ ଡ଼ିସ୍‌ନାସିନାତ୍ ।”

୪୨ ମାରି, ଜାଗାର୍‌ତା ମାନ୍‌ତୁ, ଇରିଙ୍ଗ୍ ମି ପ୍ରବୁ ଆମା ନାଣ୍ଡିଙ୍ଗ୍
ଝାନାନ୍, ଆକା ମିର୍ ନେସ୍‌ଇଦେର୍ ।

୪୩ ☆ମାତର୍ ଇକା ନେସ୍‌ସୋ ମାନ୍‌ତୁ, ଏସିଝାଲେ ତଙ୍ଗ୍‌ରଏନ୍
ଡ଼ଗୁନାନ୍ ନେସ୍‌ତିମାରିଙ୍ଗ୍, ଇଲୁମାଲିକ୍ ଜାଗାର୍‌ତାଦାନ୍ ମାନ୍‌ଞ୍ଜି
ତଙ୍ଗ୍‌ରଏନ୍‌ତିଙ୍ଗ୍ ଇନ୍‌ଡ୍ର ଡ଼ଗୁସିତେଙ୍ଗ୍ ସିଏନ୍ ।

୪୪ ମିର୍ ବା ଝିଜୁଦିନ୍ ଜାଗାରତା ଆଜମାନୁ, ଇରିଙ୍ଗ ଆମା
ବେଡ଼ାଦୁ ମିର୍ ଝାନିଙ୍ଗ କାପକିଇ ମାନିଦେର୍ ଆୟା ବେଡ଼ାଦୁ
ମନୁସ୍ୟପୁତ୍ର ଝାନାନ୍ ।

ବିସ୍ବାସ ନି ଅବିସ୍ବାସ ସାକର୍
(ଲୁକ ୧୨:୪୧-୪୮)

୪୫ “ଏନ୍ ଆରତିଙ୍ଗ ବିସ୍ବାସ ନି ବୁଦିଦି ସାକର୍ ? ଆମାଝାରି ମୁସକୁ
ମାଲିକ୍ ଆଇ ସାକର୍କାଙ୍ଗ ଟିକ୍ ବେଡ଼ାଦୁ କାଦି ସିନି ବଜୁ ସିନାମାନାନ୍
।

୪୬ ମାଲିକ୍ ଆଇଦେସ୍ତାନୁ ଡେସିଝାନିଝାଲେ ଆୟା ସାକର୍ ଜଦି
ବିସ୍ବାସତାନୁ ଝାନି ପାଣି ଟିକ୍ କିଜିମାନାନ୍, ସୁଡ଼ଜି ଝାନୁ ଏସ ଝେଡ଼ିକା
ଆନାନ୍, ଝାନୁ ଦନ୍ୟ !

୪୭ ନାନ୍ ମିଙ୍ଗ୍ ସଡ଼ ଇଜିନା, ମାଲିକ୍ ନିଜେଦି ଝିଜୁ ସମ୍ପତିଦି
ଦାଇଡ଼, ସିନି ଉଣ୍ଡିଙ୍ଗ ଆୟାଝାଜା ସାକର୍ତିଙ୍ଗ ଆସ୍ କିନାନ୍ ।

୪୮ ମାତର ଆୟା ତାରଇ ସାକର୍ ଜଦି ଅବିସ୍ବାସ କିଜି ମାଲିକ୍
ଝାନିକା ଝେଡ଼ା ଆନାଡ଼ ଇଜି ଅଡ଼ବିନାନ୍ ମାରି

୪୯ ତଡ଼୍ ସାକର୍କାଙ୍ଗ ଡାକ୍ତେଙ୍ଗ୍ ଆସ୍ସି, ମାରି ମଦୁଆରି ଝାଲେ
ଉନ୍‌ଶ୍ରେଙ୍ଗ୍ ତିନ୍‌ଡେଙ୍ଗ୍ ବାସ୍ନାନ୍ ।

୫୦ ସାକର୍ କାପକିଇଝାଲେ ବେଡ଼ାଦୁ ଦାପ୍ରେ ଅର୍ଲେନ୍ ଏସ୍ତିଝାଲେ
ମାଲିକ୍ ଡେସି ଝାନାନ୍, ଆୟା ନାଣ୍ଡିଙ୍ଗ୍ ମାରି ଝେଡ଼ା ସାକର୍ ନେସ୍‌ଏନ୍
।

୫୧ ମାଲିକ୍ ଝାନିଙ୍ଗ୍ କୟ୍‌ଜି ମକା ମକା କିଜି କପଟିରିଝାଲେ ଝାନି
ବାଗ୍ ଟିକ୍ କିନାନ୍, ଆବେନ୍ ଆଡ଼୍‌ବାନିକା ନି ପାଲୁକୁ କାତ୍ରେକିନାନ୍ ।

୨୫

ଦାସ୍‌ଲୋକା ରିପାଆଇଲିକା କାତା

୧☆ “ଆୟା ବେଡ଼ାଦୁ ମୁସକୁପୁର୍ତିରାଜି ଝାନିକା ଇୟାଝାଜା ଆନାଡ଼
। ଦାସ୍‌ଲୋକ୍ ରିପାଆଇଲିକ୍ ଝିଜେକେ ଉନ୍‌ଡ଼ି ଉନ୍‌ଡ଼ି ଦିଝେଙ୍ଗ୍ ନିୟୁ
ଅସି କାନ୍ୟାମୁରୁଲିଙ୍ଗ୍ ମିସାଦେଙ୍ଗ୍ ସତେ ସର୍‌ଏମାର୍‌ଏ ।

୨ ଝାନିକା ମାଣାନ୍ ପାସ୍‌ଲୋକ୍ ବୁଦିସିଲିକେଙ୍ଗ୍ ମାରି ପାସ୍‌ଲୋକ୍
ବୁଦିମାନିକେଙ୍ଗ୍ ।

୩ ବୁଦ୍ଧିସିଲିକେଙ୍କ ଦିୱେଙ୍କ ଅତେ ମାତର୍ ଅର୍ସେ ନାଣ୍ଟ ନିୟୁ ଅଉମାରୋଏ

୪ ମାତର୍ ବୁଦ୍ଧିମାନିକେଙ୍କ ନିଜେନିଜେଦି ଦିୱାଦି ଖାଲେ କାୟାଦୁ ନିୟୁ ବା ଅତେ ।

୫ କାନ୍ୟାମୁରୁଲି ଖାନିକା ଖେଡ଼ା ଆତାଡ଼ଆକା ରିପାଆଇଲିକ୍ କରଅଜି କରଅଜି ସୁସ୍ତେ ।

୬ “ମାଜାରନାଡ଼ା ଆଉଲି ଖେନ୍ୟାଆତାଡ଼, ଇଦି ସୁଡ଼ୁ କାନ୍ୟାମୁରୁଲି ଖାତାଡ଼ି, ରାଦୁ ଖାନିଙ୍କ ଅର୍ସେ ତାନାଟ୍ ।

୭ ନାସ୍ତିଖାଲେ ରିପାଆଇଲିକ୍ ନିଙ୍ଗ୍ ତେନୋ ନିଜେ ନିଜେଦି ଦିୱେଙ୍କ ରସ୍ତେ ।

୮ ନାସ୍ତିଖାଲେ ବୁଦ୍ଧିସିଲିକେଙ୍କ ବୁଦ୍ଧିମାନିଖାନିକା ଇର୍ସ, ମାଙ୍ଗ୍ କାଣ୍ଡେକ୍ ନିୟୁ ସିଦାଟ୍ । ମା ଦିୱେଙ୍କ୍ ଖିଜୁ ନାମ୍ଜିସୋଲ୍ସିନେ ।

୯ ବୁଦ୍ଧିମାନିକେଙ୍କ ଇର୍ସ, ‘ସିଲେ, ସିଲେ, ସିଲେ,’ ମି ଉଣ୍ଡିଙ୍କ୍ ନି ମା ଉଣ୍ଡିଙ୍କ୍ ନିୟୁ ଇଏଡ଼ । ମିର୍ ଦୁକାନ୍ତୁ ସୋଲ୍ସି ନିଜେନିଜେଦି ଉଣ୍ଡିଙ୍କ୍ ଏସ ନିୟୁ କଡ଼ଜ ତାଗାଟ୍ ।

୧୦ ଆଦେଙ୍କ ବୁଦ୍ଧିସିଲିକେଙ୍କ ନିୟୁ କଣ୍ଡେଙ୍କ ସୋତେ । ଖାକ୍ ସୋରଇ ଖେନ୍କା କାନ୍ୟାମୁରୁଲି ଖାତା ଇତାନ୍ । ତିଆର୍ମାରଇ ପାସଲୋକ୍ ଆଇଲିକ୍ ଖାନି ଖାଲେ ପେଡ଼ି ବଜିଦୁ ସୋରଇ ଖେନ୍କା ସେରଲାଦିଙ୍କ୍ କେରତାଡ଼ିସ୍ତାର ।

୧୧ ☆ “ତାନେଖେନ୍କା ଆଇ ରିପାଆଇଲିକ୍ ବା ଆବେନ୍ନୁ ଖାତେନୋ । ଏ ପ୍ରବୁ, ଏ ପ୍ରବୁ, ସେରଲା ରେଆ; ମାପ୍ ଲୋଇ ଖାନାପ୍ ଇଜି ଖାକ୍ ଆଉଲି ଆତେ ।

୧୨ କାନ୍ୟାମୁରୁଲି ଇର୍ହାନ୍, ସିଲେ ମୁଡ଼ୁକେ ସିଲେ, ମିର୍ ଏର୍, ନାନ୍ ନେସେଏ ।”

୧୩ ଇୟା ମାଟାଦିଙ୍କ୍ ଖିସ୍ତାନନୋ ଜିସୁ ଇର୍ହାନ୍, ଜାଗାରତା ଆଜି ମାନ୍ତୁ । ମିର୍ ଆୟା ଦିନ୍ ନି ଆୟା ଖେଡ଼ା ନେସ୍ତେଙ୍କ୍ ଆଟ୍‌ଇଦେର୍ ।

ମୁଏର୍ ସାକରକା କାତା

(ଲୁକ ୧୯:୧୧-୨୭)

୧୪ ☆ ଆୟା ସମୟତୁ ମୁସ୍କୁପୁର୍ ଇୟାଖାଜା । ଅରେନ୍ ଲୋକୁ

ନିଜେଦି ସାକରକାଙ୍ଗ କୁକ୍ସି ନିଜେଦି ସମ୍ପତ୍ତି ଖାନି କିୟୁଦୁ ଡିସ୍ତା ସିତାନ୍ନୋ ଆଇଦେସ୍ତୁ ସନ୍ତେଙ୍ଗ୍ ସୋତାନ୍ ।

୧୫ ଖାରି ସାକ୍ତିଦାନ୍ ଖାରିଙ୍ଗ୍ ଏସ ଏସ ଖେଣ୍ଡିଟାକେଙ୍ଗ୍ ଉଣ୍ଡାକିଦେଙ୍ଗ୍ ଅରେନ୍‌ଖାନିଙ୍ଗ୍ ସିତାନ୍ ୫,୦୦୦ ଆଜାର୍ ଖେଣ୍ଡିଦି ଅଦ୍‌ଲିଙ୍ଗ୍, ମାରି ଅରେନ୍‌ଖାନିଙ୍ଗ୍ ୨,୦୦୦ ଆଜାର୍ ନି ମାରି ଅରେନ୍‌ଖାନିଙ୍ଗ୍ ୧,୦୦୦ ଆଜାର୍ ମାତର୍ । ମାରି ଖାନ୍ ଆଇଦେସ୍ତୁ ସର୍ହାନ୍ ।

୧୬ ୫,୦୦୦ ଆଜାର୍ ଅଦ୍‌ଲି ପଇତିମାନି ସାକର୍ ଆୟା ଡାବୁଙ୍ଗ୍ ବେପାର୍ କିଜି ମାରି ୫,୦୦୦ ଆଜାର୍ ଲାବ୍ କିତାନ୍ ।

୧୭ ଆୟାଖାଜା ୨,୦୦୦ ଆଜାର୍ ଅଦ୍‌ଲି ପଇତିମାନି ସାକର୍ ମାରି ୨,୦୦୦ ଆଜାର୍ ଲାବ୍ କିତାନ୍ ।

୧୮ ମାତର୍ ଏନ୍ ୧,୦୦୦ ହାଜାର୍ ଅଦ୍‌ଲି ପଇତାମାହାନ୍, ଖାନ୍ ଉନ୍‌ଡି ଗୁଟା କାରିତାନ୍ନୋ ମାଲିକ୍ତି ଆୟା ଡାବୁଙ୍ଗ୍ ଆଡାକ୍ସି ଇର୍ତାନ୍ ।

୧୯ ନାଣ୍ଡ ଦିନ୍ ଖେନ୍‌କା ମାଲିକ୍ ଖାତାନ୍ନୋ ମାରି ସାକରକା ଖାଲେ ଇସାବ୍ କିତାବ୍ କିତାନ୍ ।

୨୦ ୫,୦୦୦ ଆଜାର୍ ଅଦ୍‌ଲି ଅତିମାନି ସାକର୍ ମାଲିକ୍ତିଙ୍ଗ୍ ମାରି ୫,୦୦୦ ଆଜାର୍ ସିଜି ଇର୍ହାନ୍, ଆଞ୍ଜା, ନିନ୍ ନାଙ୍ଗ୍ ୫,୦୦୦ ଆଜାର୍ ଅଦ୍‌ଲି ସିତିମାର୍‌ଇ, ଇକା ସୁଡୁଆ, ନାନ୍ ମାରି ୫,୦୦୦ ଆଜାର୍ ଲାବ୍ ପୟ୍‌ତାମାନା ।

୨୧ ମାଲିକ୍ ଖେଡ଼ିକା ଆତାନ୍ନୋ ଇର୍ହାନ୍, ନେଗିକା କିତିମାନି, ନିନ୍ ନା ନେଗିକିନ୍‌ ମାରି ବିସ୍‌ବାସ୍ତି ସାକର୍ । ନିନ୍ ବିସ୍‌ବାସ୍ତାନ୍ ଉଣା ଦନ୍‌ଡି ଇନିଙ୍ଗ୍‌ଆନିଆ କିଦେଙ୍ଗ୍‌ଆଟିମାନିଙ୍ଗ୍ ନି କିୟୁଦୁ ଗାଦି ଦନ୍ ଡିସ୍‌ନାସିନା । ରାଆ, ନା ଖାଲେ ଖେଡ଼ିକାକିଆ ।

୨୨ ୨,୦୦୦ ଆଜାର୍ ଅଦ୍‌ଲି ଅତିମାନି ସାକର୍ ଖାତା ଇର୍ହାନ୍, ଆଞ୍ଜା, ନିନ୍ ନାଙ୍ଗ୍ ୨,୦୦୦ ଆଜାର୍ ସିତିମାର୍‌ଇ, ନାନ୍ ମାରି ୨,୦୦୦ ଆଜାର୍ ଲାବ୍ କିତାମାନା ।

୨୩ ମାଲିକ୍ ଇର୍ହାନ୍, ନେକ୍‌କା କିତିମାନି । ନିନ୍ ବା ନା ନେଗି ନି ବିସ୍‌ବାସ୍ ସାକର୍ । ଉଣା ଦନ୍‌ତାନ୍ ବିସ୍‌ବାସ୍ ତର୍‌ତିମାନି, ଗାଦି ଦନ୍ ନାନ୍ ନିଙ୍ଗ୍ ନାଣ୍ଡ କିନାସିନା । ରାଆ, ନା ଖେଡ଼ିକାଦୁ ମିସାଆ ।

୨୪ “ସାରାସାରିଖେନ୍‌କା ଏକ୍ ଆଜାର୍ ଖେଣ୍ଡିଅଦ୍‌ଲି ଅତିମାରିଇ

ସାକର ଇର୍ହାନ, ଆଜ୍ଞା, ନିନ୍ ଅରେନ୍ ଆବ୍‌ଝା ଲୋକୁ, ଇକା ନାନ୍ ନେସ୍‌ତାମାର୍‌ହା । ଝିଡ଼ଈମାନି କିଡ଼ିଇଦୁ ନିନ୍ ପାସି କୟ୍‌ନି । ଝିଡୁ ଝିଡ଼ଏଣ୍‌ଗା ପାସି ଉଣ୍‌କିନି ।”

୨୫ ଆୟାଉଣ୍‌ଇ ନାନ୍ ତିଲାତାନୋ ନି ଡାବୁଞ୍‌ ଅତାନୋ ବୁନିଦୁ ମୁସ୍‌ତାମାର୍‌ଆ । ସୁଡୁଆ, ନିଝି ଆୟା ଡାବୁଞ୍‌ ।

୨୬ ମାଲିକ୍ ଇର୍ହାନ, ଏ ଦୁସ୍‌ ମାରି ଗାଡ଼ିଆ ସାକର ! ନିନ୍ ଗିଦେ ନେସ୍‌ତିମାରିଇ, ନାନ୍ ଏମେମାନୁ ଝିଡ଼ଏମାନା, ଆବେନ୍‌ ପାସି କୟ୍‌ନା ?

୨୭ ଆର୍‌ତିଙ୍‌ ନା ଡାବୁଞ୍‌ ଅସି ନିନ୍ ପୁଜିକିନି ଉଣ୍‌ଇ ବେଙ୍କଡୁ ଉଣ୍‌କିତିସିତିମାନ୍‌ । ଆର୍‌ତିଙ୍‌ ତାନିଙ୍‌ ନାନ୍ ପିଲାଦି ଝାଲେ ଡେସି ପୟ୍‌ତାମାନ୍‌ ।

୨୮ ଇକା ଝେର୍‌ସି ମାଲିକ୍ ଆଦେସ୍‌ ସିତାନ୍, ଇୟା ସାକର କିୟ୍‌ଦାନ୍ ଇୟା ଡାବୁଞ୍‌ କୁଡ଼ସଅସ ଆମାଝାନି କିୟ୍‌ଦୁ ୧୦,୦୦୦ ଆଜାର୍‌ ମାନେ, ଝାନିଙ୍‌ ସିଦୁ ।

୨୯ ☆ଇରିଙ୍‌ ଆମାଝାନିଙ୍‌ ମାନେ, ଝାନିଙ୍‌ ନାଣ୍‌ ସିଆୟ୍‌ଆନାଡୁ ମାରି ଝାନ୍ ନାଣ୍‌ ଲାବ୍‌ କିନାନ୍ । ମାତର୍‌ ଆମାଝାନିଙ୍‌ ସିଲୁ, ଝାନି ଲାକଡୁ ଆମାକା ମାନାଡୁ, ଆକାବା କୁଡ଼ନା ଅଆୟ୍‌ଆନାଡୁ ।

୩୦ ☆ଇୟା ଜଗସିଲି ସାକର୍‌ତିଙ୍‌ ଆଡ଼ରେ ସିକାଟିଦୁ ପକଡୁ, ଆବେନ୍‌ ଝାନ୍ ଆଡ଼ବାଜି ପାଲୁକୁ କାତ୍ରେକିନାନ୍ ।

ଝିଜୁଦିନ୍‌ତି ବିସାର୍‌

୩୧ ☆“ଏସ୍ତିଝାଲେ ମନୁସ୍ୟପୁତ୍ର ରାଜାଦି ଝାଜା ଝାନି ମୁସକୁପୁରତି ଦୁଡ଼କାଝାଲେ ଝାନାନ୍, ଝାନ୍ ଗୌରବ୍‌ଜାୟ୍‌ ରାଜାଗାଦିଦୁ ବାସ୍‌ନାନ୍,

୩୨ ମାରି ଦୁନିଆଦି ଝିଜୁ ବାସାଦି ଲୋକୁ ଝାନି ଆଗଡ଼ି ଉନ୍‌ଡେମାନୁ ଆନାର୍‌ । ନାସ୍ତିଝାଲେ ମେଣ୍ଡେଙ୍‌ଗଡ଼ଡୁ ଏଣ୍ଡେସ୍‌ ଗର୍‌ଏଙ୍‌ ନି ମେଣ୍ଡେଆଙ୍‌ ଝେରେଏ କିନାନ୍, ମନୁସ୍ୟପୁତ୍ର ଆୟାଝାଜା ଲୋକାଙ୍‌ ଦୁଇ ବାଗ୍‌ କିନାନ୍ ।

୩୩ ଦାମ୍‌ୁଦି ଲୋକାଙ୍‌ ଝାନ୍ ଉଣି ତରିନ୍‌ ନି ଆଇ ଲୋକାଙ୍‌ ଡେବିରି ତରିନ୍‌ ଇଡ଼ନାନ୍ ।

☆ ୨୫:୨୯ ମାତିଉ ୧୩:୧୨; ମାର୍କ ୪:୨୫; ଲୁକ ୮:୧୮. ☆ ୨୫:୩୦ ମାତିଉ ୮:୧୨; ୨୨:୧୩; ଲୁକ ୧୩:୨୮. ☆ ୨୫:୩୧ ମାତିଉ ୧୭:୨୭; ମାତିଉ ୧୯:୨୮.

୩୪ ନାସ୍ତିଝାଲେ ରାଜା ଖାନି ଉଣି ତରିନ୍‌ମାନି ଲୋକାଙ୍ଗ ଇନ୍‌ନାନ,
ରାଦୁ, ମିଙ୍ଗ୍ ନା ବୁବା ଆସ୍ ବାଦ୍ କିତାମାନାନ । ମି ଉଣିଙ୍ଗ୍
ଦୁନିଆଦି ତିଆରଆତି ଆଗ୍‌ତିରାନ୍ ଆମା ରାଜି ତିଆର୍ ଆତାମାନାଡ୍,
ରାଦୁ, ଆବେନ୍ନୁ ଡୁଗୁଦୁ ।

୩୫ ନାନ୍ ବାଙ୍ଗାଦୁମାରଆ, ମିର୍ ନାଙ୍ଗ୍ ଉନ୍‌ଶ୍ରେ ସିତିଦେର୍; ନାନ୍
ଏରକିସାଜିମାରଆ, ମିର୍ ନାଙ୍ଗ୍ ଏରୁ ଉନ୍‌ଶ୍ରେ ସିତିଦେର୍ । ନାନ୍
ଅରେନ୍‌ନେମାରଆ, ମିର୍ ନାଙ୍ଗ୍ ମି ଇନ୍‌ଡୁ ବାତି ସିତିଦେର୍ ।”

୩୬ ନାନ୍ ତୁମ୍‌ତାମାରଆ, ନାଙ୍ଗ୍ ଆଙ୍ଗ୍ ଆରିସ୍‌କିତିଦେର୍;
ନାନ୍ ନବ୍‌ଆତାମାରଆ, ନାଙ୍ଗ୍ ଜାତୁନ୍ କିତିଦେର୍, ନାନ୍
ଜଇଲ୍‌ତୁମାରଆ, ନାଙ୍ଗ୍ ସୁଡ଼ୁଦେଙ୍ଗ୍‌ଖାତିଦେର୍ ।

୩୭ ଦାମ୍‌ଦିଲୋକୁ ଖାନିଙ୍ଗ୍ ଇନାର୍, ପ୍ରବୁ ! ଏସ୍‌କାଙ୍ଗ୍ ନିଙ୍ଗ୍
ବାଙ୍ଗାଆତିକା ସୁଡ଼ୁ କାଦି ଉନ୍‌ଶ୍ରେଙ୍ଗ୍ ସିତାମାନାପ୍ ? ଏସ୍‌କାଙ୍ଗ୍
ନିଙ୍ଗ୍ ଏରକିସାନିକା ସୁଡ଼ୁ ଏରୁ ଉନ୍‌ଶ୍ରେଙ୍ଗ୍ ସିତାମାନାପ୍ ?

୩୮ ମାରି, ଏସାଙ୍ଗ୍ ଅରେନ୍‌ନେ ସୁଡ଼ୁ ଇଲ୍‌ତୁ ତେବାଦେଙ୍ଗ୍ ବାତି
ସିତାମାନାପ୍ ? ମାରି ତୁମ୍‌ତାଆତିକା ସୁଡ଼ୁ ଆଙ୍ଗ୍ ଆରିସ୍
କିତାମାନାପ୍ ?

୩୯ ଏସ୍‌କାଙ୍ଗ୍ ନିଙ୍ଗ୍ ନବ୍‌ଆତିକା ନି ଜଇଲ୍‌ତୁମାନିକା ସୁଡ଼ୁ ନି
ଲାକ୍‌ତୁ ଖାତାପ୍ ?

୪୦ ରାଜା ଇନାନ, ନାନ୍ ମିଙ୍ଗ୍ ସଡ଼ ଇଜିନା, ଇୟା ନା ତଡ଼ାନକା
ଲୋଇରାନ୍ ଖିଜେରିଙ୍ଗ୍ ଇସ୍‌ଖାରି ଉଣିଙ୍ଗ୍ ମିର୍ ଆମାକା ଖିଜୁ
କିତିଦେର୍, ଆକା ନା ଉଣିଙ୍ଗ୍ କିତିଦେର୍ ।

୪୧ ତାନେଖେନ୍‌କା ରାଜା ତେବିରି ତରିନ୍‌ମାନି ଲୋକାଙ୍ଗ ଇନ୍‌ନାନ,
ଏ ମାପୁରୁଦି ଆନାଦୁରିଆ ପୟ୍‌ତି ଲୋକୁ ! ନା ଆଗ୍‌ତିରାନ୍ ଆକ
ସାନ୍‌ଡୁ । ସୟ୍‌ତାନ୍ ନି ତାନି ଦୁଡ଼କା ଉଣିଙ୍ଗ୍ ଆମା ଏସ୍‌କାଙ୍ଗ୍‌ଖିଜ୍‌କ
କାସ୍‌ସିମାନି ସିସୁ ତିଆର୍ ଆତାମାନାଡ୍ ଆବେନ୍ନୁ ସାନ୍‌ଡୁ ।

୪୨ ନାନ୍ ବାଙ୍ଗାଆତାମାରଆ, ମିର୍ ନାଙ୍ଗ୍ ଉନ୍‌ଶ୍ରେଙ୍ଗ୍
ସିଇତିଦେର୍; ନାନ୍ ଏରକିସାତାମାରଆ, ନାଙ୍ଗ୍ ଏରୁ ଉନ୍‌ଶ୍ରେଙ୍ଗ୍
ସିଇତିଦେର୍ ।

୪୩ ନାନ୍ ଅରେନ୍‌ନେମାରଆ, ନାଙ୍ଗ୍ ମି ଇନ୍‌ଡୁ ବାତି ସିଇତିଦେର୍;
ନାନ୍ ତୁମ୍‌ତାମାରଆ, ନାଙ୍ଗ୍ ଆଙ୍ଗ୍ ଆରିସ୍ କିଇତିଦେର୍; ନବ୍ ନି

ଜଇଲୁତୁ ମାରିଇଝାଲେ ନାଜିଁ ଜାତୁନ୍ କିଇତିଦେର୍ ।

୪୪ ନାସ୍ତିଝାଲେ ଝାର ଉତର୍ ସିନାର୍, “ପ୍ରବୁ, ଏସକାଙ୍ଗ ମାପ୍ ନିଜିଁ ବାଜିଁ, ଏରକି, ଅରେନନେ, ତୁମ୍ଭା, ନବ୍ ନି ଜଇଲୁତୁ ମାନିକା ସୁଡ଼ୁ ନିଜିଁ ସେବା କିଏତାପ୍ ?”

୪୫ ରାଜା ଉତର୍ ସିନାନ୍, ନାନ୍ ମିଜିଁ ସବ୍ ଇଜିନା, ଇୟା ଇସ୍ତି ଲୋକାରି ଲୋଇରାନ୍ ଅରେନ୍‌ଝାନିଙ୍ଗ୍ ସାକା କିଦେଙ୍ଗ୍ ମନାକିତିଦେର୍, ମିର୍ ନାଜିଁ ସାକା କିଦେଙ୍ଗ୍ ମନାକିତିଦେର୍ ।

୪୬ ଇୟାକାର୍ ଝିଜୁଦିନ୍ତି ଉଣ୍ଡିଙ୍ଗ୍ କାସ୍ତବଗାନାର୍, ମାତର୍ ଦାର୍ମୁଦିକାର୍ ଏସକାଙ୍ଗ୍ ଝିଜିଇ ଜିବନ୍ ପୟନାର୍ ।

୨୭

ଜିସୁଦି ବିରଦ୍‌ତାନ୍ ଉପାୟକିତାର୍

(ମାର୍କ ୧୪:୧-୨; ଲୁକ ୨୨:୧-୨; ଜୋହନ ୧୧:୪୫-୫୩)

୧ ଇୟାଝିଜୁ ସିକିୟା ସିତି ଝିସ୍ତି ଝେନକା ଜିସୁ ସିସ୍ତରିଙ୍ଗ୍ ଇର୍ହାନ୍,

୨ “ମିର୍ ନେସ୍‌ନିଦେର୍, ନିସ୍ତାର୍ ପଣ୍ଡୟ ଆଦେଙ୍ଗ୍ ମାରି ରିନେନ୍ ମାନାଡ୍ । ନାସ୍ତିଝାଲେ ମନ୍ତୁସ୍ୟପୁତ୍ର କୁସଦୁ ସାନି ଉଣ୍ଡିଙ୍ଗ୍ ସପ୍ରେଆନାନ୍ ।”

୩ ଆୟା ସମୟତୁ ପେରି ଜାଜକର୍ ମାରି ଆଇ ଜିହୁଦି ନେତାର୍ ଝିଜେରିଙ୍ଗ୍‌ପେରି ଜାଜକ କୟାପାଦି ଇଲୁ ଦୁଆରତୁ ଉନ୍‌ଡ୍ରେମାନ୍ ଉଣ୍ଡାତାର୍ ।

୪ ଜିସୁଙ୍ଗ୍ ସାଲାକିଦାନ୍ ଆସ୍‌ସି ତାକ୍‌ଡେଙ୍ଗ୍ ଇଜି ଉପାୟ କିତାର୍ ।

୫ ମାତର୍ ଝାର ଇର୍ହାର୍, “ଇୟା ପାଣି ମାପ୍ ପଣ୍ଡୟ ବେଡାଦୁ କିନିକା ନେଗେଡ୍‌ସିଲେ । ନାସ୍ତିଝାଲେ ଲୋକୁ ଜାଟିଜଗଡାକିନାର୍ ।”

ବେଡନିୟାଦୁ ଜିସୁ ଅବିସେକ୍ ଆତାନ୍

(ମାର୍କ ୧୪:୩-୯; ଜୋହନ ୧୨:୧-୮)

୬ ଅର୍ଲେନ୍ ଜିସୁ ବେଡନିୟାଦୁ ଆଗ୍‌ଡିରାନ୍ କୁସ୍ତରୋଗ୍ ବଗାତିମାର୍‌ଇ ସିମୋନକା ଇଲୁଦୁ ମାର୍ହାନ୍ ।

୭ ☆ ସିମୋନକା ଇଲୁଦୁ ଜିସୁ ଉନ୍‌ଶ୍ରେଙ୍ଗ୍ ବାସ୍ତି ମାରିଇଝାଲେ

ଅରେଡ଼ ଆଇମା ଉନ୍ତୁ ସାତିଦୁ ନାଣୁଦାରାଦି ବାସନା ନିୟୁ ବର୍ତ୍ତ
କିଜି ତାସି ଖାନି ତାଲା ମୁସକୁ ଖାକତାଡ଼ ।

୮ ସିସୁର୍ ଇକା ସୁଡ଼ୁ ରିସା ଆତାର । ଖାର ତାନିଙ୍ଗ୍ ଇର୍ହାର, “ନିସ
ନାସୁକିତି ଏନ୍ଦା ?”

୯ “ଇୟା ବାସନା ନିୟୁ ନାଣୁ ତାବୁଙ୍ଗ୍ ପର୍ଦେଙ୍ଗ୍ ଆତାଡ଼ମାନ୍ଦି ମାରି
ଆୟା ତାବୁଙ୍ଗ୍ କାକୁତ୍ ଲୋକାଙ୍ଗ୍ ସିଦେଙ୍ଗ୍ ଆତାଡ଼ ମାନ୍ଦି ।”

୧୦ ଖାର ଇନିକା ଖେରସିନାର, ଜିସୁ ନେସ୍ତେଙ୍ଗ୍ ଆଟାନନୋ
ଇର୍ହାନ, “ଆୟା ଆଇମାଦିଙ୍ଗ୍ ଏନ୍ଦା ବାଦାକିଜିନିଦେର୍ ? ନା ଉଣ୍ଡିଙ୍ଗ୍
ଖାଦ୍ ଉନ୍ତୁ ନେଗି ନି ସୁନ୍ଦର୍ ପାଣି କିତାମାନାଡ଼ ।

୧୧ କାକୁତ୍ ଲୋକାଙ୍ଗ୍ ମିଖାଲେ ଖିଜୁଦିନ୍ ପଇନିଦେର୍, ମାତର୍
ନାଙ୍ଗ୍ ଖିଜୁଦିନ୍ ପୟଇଦେର୍ ।

୧୨ ଖାଦ୍ ନା ମେନ୍ଦଲୁ ଇୟା ବାସନା ନିୟୁ ଖାକସି ସିଜି ନା ମୁସନି
ଉଣ୍ଡିଙ୍ଗ୍ ତିଆର୍ କିତି ଖାଜା କିତାମାନାଡ଼ ।”

୧୩ ନାନ୍ ମିଙ୍ଗ୍ ସଡ଼ ଖେରସିନା, ସାରା ଦୁନିଆଦି ଆମା ବାତିଦୁ
ଇୟା ନେଗିକାବୁର୍ ଖେରନାର, ଇୟା ଆଇମା ଆମାକା କିତାମାନାଡ଼,
ତାନିଙ୍ଗ୍ ଏଡ଼କିଜି ଆକାବା ପ୍ରଚାର କିନାର ।

ଜିସୁଙ୍ଗ୍ ଆସିସ୍ କିଦେଙ୍ଗ୍ ଜିହୁଦା ରାଜିଆତାନ୍

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ନାସିଖାଲେ ବାରଲୋକ୍ ସିସୁରି ଲୋଇରାନ୍ ଇସ୍ପାରିୟୋତିୟ
ଯିହୁଦା ଦରତି ଅରେନ୍ ସିସୁ ପେରି ଜାଜକରି ଲାକ୍ତୁ ସୋର୍ହାନନୋ
ଖେନ୍ଦାତାନ୍,

୧୫ “ଜିସୁଙ୍ଗ୍ ଆସିସ୍ କିତି ସିତିଙ୍ଗ୍ ନାଙ୍ଗ୍ ଇନିକା ସିନିଦେର୍ ?”
ଖାର ଖାନିଙ୍ଗ୍ ତିରିସଗୋଟା ଖେଣ୍ଡିଅଦ୍ଲିଙ୍ଗ୍ ଲେକିସ୍ତାସିତାର ।

୧୬ ଆୟାନାଣ୍ଡିରାନ୍ ଜିସୁଙ୍ଗ୍ ଖାରି କିୟୁଦୁ ଆସିସ୍ କିନି ଉଣ୍ଡିଙ୍ଗ୍ ଜିହୁଦା
ସାରି ପୟତାନ୍ ।

ସିସୁରି ଖାଲେ ଜିସୁ ନିସ୍ତାର ପଣ୍ଡୟ ବଜିକିତାନ୍

(ମାର୍କ ୧୪:୧୨-୧୧; ଲୁକ ୨୨:୬-୧୩, ୨୧-୨୩; ଜୋହନ ୧୩:୨୧-
୩୦)

୧୭ “କମିର୍ସିଲି ରୁଟି” ପଣ୍ଡୁୟତି ଆଗଡ଼ିରି ନାଣ୍ଡିଙ୍ଗ ସିସୁର ଜିସୁଦି ଲାକଡୁ ଖାତାରୋ ଝେନ୍‌ବାତାର, “ମାପ୍ ଏମେମାନୁ ନି ଉଣ୍ଡିଙ୍ଗ ନିସ୍ତାର ପଣ୍ଡୁୟତି ବଜି ତିଆରକିନାପ୍ ?”

୧୮ ଜିସୁ ଝେରତାନ, “ଗାଡ଼ଡୁ ସୋଲ୍‌ସ ଆୟା ପେରି ଲୋକ୍‌ତିଙ୍ଗ୍ ଜନିଦେର୍, ‘ଗୁରୁ ଜଜିନାନ୍,’ ନା ଦିନ୍ ଲାକଡୁ ଆଜି ଖାଜିନାଡ଼ । ଖାନି ସିସୁରି ଖାଲେ ମି ଜନ୍‌ଡୁ ଖାନ୍ ନିସ୍ତାର ପଣ୍ଡୁୟ କିନାନ୍ ।”

୧୯ ଜିସୁ ଝେରତି ଇସାବତାନ ସିସୁର ନିସ୍ତାର ପଣ୍ଡୁୟତି ବଜି ତିଆର କିତାର ।

୨୦ ଝେନ୍‌କା ମିଲ୍‌ମିଲିକା ଆତାଡ଼ଆକା ଜିସୁ ନି ବାରଲୋକ୍ ସିସୁର ଉନ୍‌ଶ୍ଟେଙ୍ଗ୍ ବାସ୍‌ତାର ।

୨୧ ଉଣ୍ଡିମାରିଇଖାଲେ ଜିସୁ ଇର୍ହାନ୍, “ନାନ୍ ମିଙ୍ଗ୍ ସଡ଼ ଜଜିନା, ମି ଲୋଇରାନ୍ ଅରେନ୍ ନାଙ୍ଗ୍ ସାଡୁରି କିୟୁଦୁ ସର୍‌ପେ କିନାନ୍ ।”

୨୨ ସିସୁର ନାଣ୍ଡ ଦୁଃଖ ଆଜି ଅରେନ୍ ଝେନ୍‌କା ମାରି ଅରେନ୍ ଜିସୁଙ୍ଗ୍ ଝେନ୍‌ବାତାର, “ପ୍ରୁ, ନାନ୍ ଆକାନ୍ ନୋ ?”

୨୩ ଜିସୁ ଇର୍ହାନ୍, “ଏନ୍ ନା ଖାଲେ ଡୁବାଇଡୁ ରୁଟି ମୁଡ଼କୁନାନ୍, ଖାନ୍ ନାଙ୍ଗ୍ ସାଡୁରି କିୟୁଦୁ ସର୍‌ପେକିନାନ୍ ।

୨୪ ସାସ୍ତ୍ରୁ ରାସାତିମାନି ଖାଜା ମନୁସ୍ୟପୁତ୍ର ସାନିଦଣ୍ଡବଗାନାନ୍, ମାତର୍ ମନୁସ୍ୟପୁତ୍ରଙ୍ଗ୍ ଏନ୍ ଆସିସ୍ କିନାସିନାନ୍, ଖାନି ଦଣ୍ଡ ଏସ ବୟ୍‌କାର୍ ! ଏସ୍‌କାଙ୍ଗ୍ ଜନମ୍ ଆଇତିମାରିଙ୍ଗ୍ ଖାନି ଉଣ୍ଡିଙ୍ଗ୍ ନେଗେନ୍ ଆତାଡ଼ମାନ୍ତି ।”

୨୫ ଆମା ଜିହୁଦା ଖାନିଙ୍ଗ୍ ସାଡୁରି କିୟୁଦୁ ସର୍‌ପେକିତାନ୍, ଖାନ୍ ଇର୍ହାନ୍, ଗୁରୁ, ଖାନ୍ ଜନିକା ନାନ୍ ?

ଜିସୁ ଖାନିଙ୍ଗ୍ ଇର୍ହାନ୍, “ନିନ୍ ଆକା ଜଜିନି ।”

ପ୍ରୁବୋଜ

(ମାର୍କ ୧୪:୨୭-୨୭; ଲୁକ ୨୨:୧୪-୨୦; ୧ କରିନ୍ଥ୍ ୧୧:୨୩-୨୫)

୨୬ ଖାର ଉଣି ବେଡାଦୁ ଜିସୁ ଉନ୍‌ଡି ରୁଟି ତାତାନ୍‌ନୋ ମାପୁରୁଙ୍ଗ୍ ଦନ୍‌ସବାଦ୍ ସିତାନ୍ ମାରି ଆକା ରୁକୁସି ସିସୁରିଙ୍ଗ୍ ସିଜି ଇର୍ହାନ୍, ଅସି ତିନ୍‌ଶ୍ଟୁ; “ଇକା ନା ମେନ୍‌ଲ୍ ।”

୨୭ ତାନେଝେନକା ଝାନ୍ ଉଣି ତୁବାଇ ଅତାନ୍ନୋ ମାପୁରୁଙ୍ଗ୍ ଦନ୍ୟବାଦ୍ ସିତାନ୍ ମାରି ଆକା ସିସୁରିଙ୍ଗ୍ ସିଜି ଇର୍ହାନ୍, ମିର୍ ଝିଜିଦେର୍ ଇବେଟ୍ତାନ୍ ଉଣୁ । ଝାନ୍ ଇର୍ହାନ୍;

୨୮ ଇକା ନା ନେତେର୍ । ଲୋକା ପାପ୍ କେମା ଉଣ୍ଡିଙ୍ଗ୍ ନାନ୍ ନା ଆମା ନେତେର୍ ଝାକସ ସିଦେଙ୍ଗ୍ ସଲ୍‌ସିନା, ଆମାକା ମାପୁରୁଦି ପୁନି ନିୟମ୍‌ତିଙ୍ଗ୍ ସିଲ୍‌ଡାକ୍‌ନାଡ୍ ।

୨୯ ନାନ୍ ମିଙ୍ଗ୍ ଝେର୍‌ସିନା, “ଆମା ନାଣ୍ଡିଙ୍ଗ୍ ନା ବୁବାଦି ରାଜିଦୁ ମି ଝାଲେ ପୁନି ଅଙ୍ଗୁରରସ୍ ଉଣୁଇ ସାନ୍ ନାନ୍ ମାରି ଏସକାଙ୍ଗ୍ ଅଙ୍ଗୁରରସ୍ ଉଣୁଏ ।”

୩୦ ଝାର୍ ଦନ୍ୟବାଦ୍‌ତି ପାଟା ପାରିତି ଝେନକା ଜିତ ଗରନ୍ ମୁସକୁ ସତାସର୍ହାର୍ ।

ପିତର୍‌ତି ମାନାଇ ବିସୟତାନ୍ ଜିସୁଦି ଝେର୍‌ନିକା

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜୋହନ୍ ୧୩:୩୬-୩୮)

୩୧ ନାସ୍ତିଝାଲେ ଜିସୁ ଝାରିଙ୍ଗ୍ ଇର୍ହାନ୍, “ନେର୍ ନାଡା ମିର୍ ଝିଜିଦେର୍ ନାଙ୍ଗ୍ ଡିସ୍‌ନି ଉରକ୍‌ନିଦେର୍ । ସାସ୍ତ୍ରୁ ରାସାତାମାନାଡ୍, ନାନ୍ ମେଣ୍ଡେଙ୍ଗ୍ ସାରାକିନିଝାନିଙ୍ଗ୍ ସାୟାମାରାଗ୍ ଡାକ୍‌ତିଙ୍ଗ୍ ମାରି ମେଣ୍ଡେଙ୍ଗ୍ ଇନିଙ୍ଗ୍ ଆନିଙ୍ଗ୍ ଆନେସନେ ।

୩୨ ☆ମାତର୍ ନାନ୍ ମାରିଡେସିନିଙ୍ଗ୍‌ତି ଝେନକା ମି ଆଗ୍‌ଡିନେ ଗାଲିଲି ରାଜିଦୁ ସନା ।”

୩୩ ପିତର୍ ଜିସୁଙ୍ଗ୍ ଇର୍ହାନ୍, “ଆଇକାର୍ ଝିଜେରେ ନିଙ୍ଗ୍ ଡିସ୍‌ତି ସରିଙ୍ଗ୍ ବା ନାନ୍ ମୁଡ୍‌ଚୁକ ସୋଲଏ ।”

୩୪ ଜିସୁ ପିତରତିଙ୍ଗ୍ ଇର୍ହାନ୍, ନାନ୍ ନିଙ୍ଗ୍ ସଡ୍ ଇଜିନା, ନେର୍ ନାଡା କରୁ କେଡେନି ଆଗ୍‌ଡିନେ ନିନ୍ନୁ ନାଙ୍ଗ୍ ନେସେ ଇଜି ମୁନ୍‌ଡ୍ରି ଦେବେଙ୍ଗ୍ ଇନି ।

୩୫ ପିତର୍ ଇର୍ହାନ୍, “ନି ଝାଲେ ସାଦେଙ୍ଗ୍ ପଡାତିଙ୍ଗ୍ ବା ନାନ୍ ଏସକାଙ୍ଗ୍ ନିଙ୍ଗ୍ ନେସ୍‌ଏ ଇଜି ଇନ୍‌ଏ ।” ଆଇ ସିସୁର୍ ଝିଜେରେ ବା ଆୟାଝାଜା ଇର୍ହାର୍ ।

ଗେଡ଼ସିମାନି ଡଡ଼ିଦୁ ଜିସୁଦି ପାରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୭ ତାନେଝେନ୍‌କା ଜିସୁ ନିଜେଦି ସିସୁରି ଖାଲେ ଗେଡ଼ସିମାନି ଇନି
ଉନ୍‌ଡ଼ି ଡଡ଼ିଦୁ ସର୍ହାନନୋ ଖାରିଙ୍ଗ୍ ଇର୍ହାନ, “ନାନ୍ ଆବେନ୍‌ନୁ ସନାନୋ
ପାରତନା କିଜିମାନି ସାନ୍‌ନି ମିର୍ ଇବେନ୍‌ନୁ ବାସ୍‌ସୋ ମାନ୍‌ଡୁ ।”

୩୭ ଖାନ୍ ପିତର୍ ମାରି ଜେବଦିରି ରିଏର୍ ମାରିସିରିଙ୍ଗ୍ ଖାନି ଖାଲେ
ଅତାନ୍ । ନାସ୍ତିଖାଲେ ଜିସୁ ନାଶ୍ତି ଦୁଃକ୍ ମାରି ଦାନ୍‌ଆଜି,

୩୮ ଖାନ୍ ଖାରିଙ୍ଗ୍ ଇର୍ହାନ, “ଦୁଃକ୍‌ତାନ୍ ନା ଜିବନ୍ ସାନିଖାଜା
ଆଜିନାଡ଼, ଇବେନ୍‌ନୁ ମିର୍ ନା ଖାଲେ କାପ୍‌କିଜି ମାନ୍‌ଡୁ ।”

୩୯ ଜିସୁ କାଣ୍ଡେକ୍ ଆକ ସର୍ହାନନୋ ବୁମିଦୁ ମକମ୍ ପାଡ଼ାକ୍‌ତାନ୍‌ନୋ
ପାରାତାନା କିଜି କିଜି ଇର୍ହାନ, “ଏ ନା ବୁବା, ଜଦି ଆଦେଙ୍ଗ୍‌ଆର୍‌ନାଡ଼,
ଆର୍‌ଡିଙ୍ଗ୍ ଇନ୍‌ୟା ଦୁଃକ୍‌ବୋଗ୍‌ତି ଉଣି ଡୁବାଇ ନା ମାଣାନ୍ ଆକ ଅଆ,
ମାତର୍ ନା ବଦା ସିଲେ । ନି ବଦା ପୁରା ଆପିଡ଼ ।”

୪୦ ତାନେଝେନ୍‌କା ଖାନ୍ ମୁଏର୍ ସିସୁରି ଲାକ୍‌ଡୁ ଡେସି ଖାତାନ୍‌ନୋ
ସୁଡ଼ୁତାନ୍, ଖାନ୍ ସୁସତା ମାନାର । ଜିସୁ ପିତରତିଙ୍ଗ୍ ଇର୍ହାନ, “ମିର୍
ଇନିକା ନା ଖାଲେ ଗନ୍‌ଟା ବା କାପ୍‌କିଦେଙ୍ଗ୍ ଆର୍‌ଇଜିନିଦେର୍ ?

୪୧ ପରିକାଦୁ ଏଣ୍ଡେସ୍ ପଡ଼ାଇଦେର୍, ଇନ୍‌ୟାଉଣ୍ଡିଙ୍ଗ୍ କାପ୍‌କିଜି
ପାରାତାନା କିଦୁ । ଇରିଙ୍ଗ୍ ମି ଆମ୍ବା ବଦାକିନାଡ଼, ମାତର୍ ମେନ୍‌ଲ୍
ଲିଡ଼ଲାଡ଼ା ।”

୪୨ ଜିସୁ ମାରିଡେସି ସର୍ହାନନୋ ପାରତନା କିଜି ଇର୍ହାନ, “ଏ
ନା ବୁବା, ଜଦି ଇନ୍‌ୟା ଦୁଃକ୍‌ବୋଗ୍‌ତି ଉଣି ଡୁବାଇ ନା ମାଣାନ୍
କୁଡ଼ସଅଡେଙ୍ଗ୍ ଆର୍‌ଏର୍ ଆମାସାନ୍‌ନି ନାନ୍ ତାନିଙ୍ଗ୍ ଉନ୍‌ଶ୍ଟେଙ୍ଗ୍
ପଡ଼ାନାଡ଼, ଆର୍‌ଡିଙ୍ଗ୍ ନି ବଦା ପୁରା ଆପିଡ଼ ।”

୪୩ ଖାନ୍ ଖାଜି ମାରିଡେସି ସିସୁରିଙ୍ଗ୍ ସୁସତି ମାରିକା ସୁଡ଼ୁତାନ୍ ।
ଖାରି କାଣ୍ଡୁକ୍ ରେସ ମାନ୍‌ଡେଙ୍ଗ୍ ଆର୍‌ଏଜି ମାର୍‌ହାର ।

୪୪ ଜିସୁ ଖାରିଙ୍ଗ୍ ଡିସସି କାଣ୍ଡେକ୍ ଆକ ସୋଲ୍‌ସି ମୁନ୍‌ଡ଼ି ଦେବେଙ୍ଗ୍
ବା ଆୟାଖାଜା ପାରାତାନା କିତାନ୍ ।

୪୫ ତାନେଝେନକା ଖାନ୍ ସିସୁରି ଲାକଡୁ ଖାଜି ଇର୍ହାନ୍, “ମିର୍ ଇୟାସାନ୍ତି ତରିତିଦେର୍ନୋ ରମ୍ଜିନିଦେର୍ ? ସୁଡ଼ୁ, ମନ୍ସ୍ୟପୁତ୍ର ପାପି ଲୋକା କିୟୁତୁ ସର୍ପେଆନି ସାକ୍ତିବି ବେଡ଼ା ଖାତାନି ।

୪୬ ନିଙ୍ଗୁ, ମାଡ଼ ସନାଟ୍; ସୁଡ଼ୁ, ଏନ୍ ନାଙ୍ଗୁ ଶାତୁରି କିୟୁତୁ ସେରେପନା ସିନାନ୍, ଖାନ୍ ଲାକଡୁ ଖାତାନି ।”

ଜିସୁ ଆସାୟାଆତାନ୍

(ମାର୍କ ୧୪:୫୩-୫୦; ଲୁକ ୨୨:୪୭-୫୩; ଜୋହନ ୧୮:୩-୧୨)

୪୭ ଜିସୁ ଇୟା ମାଟା ଝେର୍ସିମାନି ବେଡ଼ାଦୁ, ଖାରି ବାରଲୋକ୍ ସିସୁରି ଲୋଇରାନ୍ ଜିହୁଦା ଦରତି ସିସୁ ଖାତା ଇତାନ୍ । ଖାନି ଖାଲେ କାଣ୍ଡା ନି ତୁଡ଼ୁକ୍‌କଣେଙ୍ଗ୍ ଆସ୍‌ସି ଗାଦି ଲୋକୁ ଆବେନ୍ନୁ ଉଣ୍ଡାତାର୍ । ଖାରିଙ୍ଗ୍ ପେରି ଜାଜକର୍ ନି ଦାମ୍‌ ନେତାର ପୋକ୍‌ତାମାର୍‌ହାର୍ ।

୪୮ ସାତୁରି କିୟୁତୁ ଆସ୍‌ସିସ୍ କିନିସିନି ଜିହୁଦା ଖାରିଙ୍ଗ୍ ଉନ୍‌ଡ଼ି ସିନା ସିନି ଉଣ୍ଡିଙ୍ଗ୍ ଟିକ୍ କିତାମାର୍‌ହାନ୍, ଖାନ୍ ଖାରିଙ୍ଗ୍ ଇରଥା ମାର୍‌ହାନ୍, “ନାନ୍ ଆମାଖାନିଙ୍ ନଣ୍ଡନା, ଖାନ୍ ଆୟାକାନ୍, ଖାନିଙ୍ ଆସତୁ ।”

୪୯ ଜିହୁଦା ଆୟାଦାପ୍ରେ ଜିସୁଦି ଲାକଡୁ ଖାତାନନୋ, ଏ ଗୁରୁ, ମାଡ଼ିସ୍‌କିନିକା, ଇକା ଇନ୍‌ଞ୍ଜି ଖାନିଙ୍ ନଣ୍ଡିତାନ୍ ।

୫୦ ଜିସୁ ଖାନିଙ୍ ଇର୍ହାନ୍, “ସଙ୍ଗ୍, ନି ପାଣି ବେଗି ଝିସ୍‌ଥା ।”

ତାନେଝେନକା ଖାନ୍ ଲାକଡୁ ଖାଜି ଜିସୁଙ୍ଗୁ ଆସ୍‌ତାରୋ ତର୍‌ତାର୍ ।

୫୧ ଜିସୁଦି ତରିତି ଅରେନ୍ ଲୋକୁ ନିଜେଦି କାଣ୍ଡା ସପ୍‌ତାନନୋ ଝିଜେରିଙ୍‌ପେରି ଜାଜକଦି ସାକର୍‌ତିଙ୍ କାଡ଼ତାନ୍ । ଆୟା ଲୋକ୍‌ତି ଗିତଣି ତେଝିତାଡ଼ ।

୫୨ ଜିସୁ ଖାନିଙ୍ ଇର୍ହାନ୍, “ନି କାଣ୍ଡାଦିଙ୍ ତାନି ବାଡ଼ିତୁ ଇତିଆ । ଆମାକାର୍ କାଣ୍ଡା ସୋପ୍‌ନାର୍ କାଣ୍ଡାଦାନ୍ ସାନାର୍, ଖାନ୍ କାଣ୍ଡାଦାନ୍‌ନେ ସାନାର୍ ।

୫୩ ନିନ୍ନୁ ଇନିକା ନେସ୍‌ଇ, ନାନ୍ ନା ବୁବେଙ୍ଗ୍ ସାକା ଲସ୍‌ତିଙ୍, ଖାନ୍ ନା ଉଣ୍ଡିଙ୍ ଆୟାଦାପ୍ରେନେ ବାରଗୋଟା ସନ୍‌ୟଦଲ୍‌ତି ବାଦୁଲୁ ନାଣ୍ଡ ମୁସ୍‌କୁପୁରତି ଦୁଡ଼କାଙ୍ଗ୍ ପୋକ୍‌ତେଙ୍ଗ୍ ଆଟ୍‌ନାନ୍ ?

୫୪ ମାଡ଼ର୍ ଇୟାଞ୍ଜି ଗଟାନାଡ଼ ଇଜି ଦାମ୍‌ସାସ୍‌ତୁ ଆମାକା ରାସ୍‌ତାମାନାଡ଼, ଆକା ପୁରା ଆନାଡ଼ ଏଣ୍ଡେସ୍ ?”

୫୫ ☆ ଜିସୁ ତାନେଝେନ୍‌କା ଉଣ୍ଡାତିମାରିଇ ଆୟା ଲୋକାଙ୍ଗ୍ ଇର୍ହାନ୍, “ନାନ୍ ଇନିକା ଅରେନ୍ ଉରୁକ୍‌ସିମାନି ଡଙ୍ଗାଋଏନ୍ ଖାଜା କାଣ୍ଡା ନି ତୁଡୁଙ୍ଗ୍ ଆସ୍‌ସି ନାଙ୍ଗ୍ ଆସ୍‌ତେଙ୍ଗ୍ ଖାତିମାନିଦେର୍ ? ନାନ୍ ଝିଜୁଦିନ୍ ମନ୍ଦିର୍‌ତୁ ବାସ୍‌ସି ସିକିୟା ସିଜିମାର୍‌ଆ, ନାସ୍ତିଖାଲେ ମିର୍ ନାଙ୍ଗ୍ ଆସ୍‌ଇତିଦେର୍ !

୫୬ ମାତର୍ ବାବବାଦିର୍ ସାସ୍ତ୍ରୁ ଆମା ଆମାକା ରାସାତାମାନାର୍, ଆୟାଝିଜୁ ପୁରାଆନିଉଣ୍ଡିଙ୍ଗ୍ ଇକା ଗଟାତାମାନାଡ୍ ।”

ନାସ୍ତିଖାଲେ ସିସୁର୍ ଝିଜେରେ ଜିସୁଙ୍ଗ୍ ଡିସ୍‌ସି ଉର୍‌କୁସି ସର୍ହାର ।

ଜିହୁଦିର୍ ପେରିମିଟିଙ୍ଗ୍ ଆଗ୍‌ଡି ଜିସୁ

(ମାର୍କ ୧୪:୫୩-୬୫; ଲୁକ ୨୨:୫୪-୫୫, ୬୩-୭୧; ଜୋହନ ୧୮:୧୩-୧୪, ୧୯-୨୪)

୫୭ ଆମାକାର୍ ଜିସୁଙ୍ଗ୍ ଆସ୍‌ତାମାର୍ହାର୍, ଖାର୍ ଖାନିଙ୍ଗ୍ ଝିଜେରିଙ୍ଗ୍‌ପେରି ଜାଜକ କୟାପାରି ଇନ୍‌ଡ୍ର ଅତାର୍ । ଆୟା ବାଡିତୁ ଦାମ୍‌ଗୁରୁ ନି ଦାମ୍‌ ନେତାର୍ ଉନ୍‌ଡେମାନୁ ଆତାମାର୍ହାର୍ ।

୫୮ ପିତର୍ କାଣ୍ଡେକ୍ ଆକ ମାନ୍‌ଞ୍ଜି ଜିସୁଦି ଝେନ୍‌କା ସୋଲ୍‌ସିମାର୍ହାନ୍ ମାରି ଖାନ୍ ଝିଜେରିଙ୍ଗ୍‌ପେରି ଜାଜକ କୟାପାରି ଇଲୁଦି ଦୁଆର୍ ସାନ୍ଦି ସର୍ହାନ୍ । ଇୟାଝିଜୁ ଗଟ୍‌ନାଦି ଅବସ୍ତା ଇନିକା ଆନାଡ୍, ଆକା ସୁଡୁନ୍ତି ଉଣ୍ଡିଙ୍ଗ୍ ପିତର୍ ଲୋଇ ସୋର୍ହାନ୍‌ନୋ ମନ୍ଦିର୍ କାପ୍‌କିନିଝାରି ଖାଲେ ବାସ୍‌ତାନ୍ !

୫୯ ପେରି ଜାଜକର୍ ନି ଜିହୁଦିର୍ ପେରିମିଟିଙ୍ଗ୍‌ତି ଝିଜେରେ ଜିସୁଙ୍ଗ୍ ସାନିଦଣ୍ଡ ସିନିଉଣ୍ଡିଙ୍ଗ୍ ଖାନି ବିରଦ୍‌ତାନ୍ ମିସ୍‌ସାକି ପୟ୍‌ଦେଙ୍ଗ୍ ତେରେପେତେଆତାର୍ ।

୬୦ ମାତର୍ ଗାଦି ଲୋକ୍ ଜିସୁଦି ବିରଦ୍‌ତାନ୍ ମିସ୍ ମାଟା ଇର୍ହାର୍ । ମାତର୍ ଆୟାଖାଜା ଇନି ପାରାମାଣ୍ ପୟ୍‌ଏତାର୍ । ସାରାସାରିଝେନ୍‌କା ରିଏର୍ ନିଙ୍ଗ୍‌ତାର୍ ।

୬୧ ଖାର୍ ଇର୍ହାର୍, “ଇୟାକାନ୍ ଇର୍‌ଆ ମାର୍ହାନ୍, ନାନ୍ ମାପୁରୁଦି ମନ୍ଦିର୍‌ତିଙ୍ଗ୍ ରୁକୁନାନୋ ମୁନେଟି ଝେନ୍‌କା ତାନିଙ୍ଗ୍ ମାରିଡେସି ତିଆର୍ କିଦେଙ୍ଗ୍ ଆର୍‌ନା ।”

୨୭ ଓଜେରିଙ୍ଗପେରି ଜାଜକ ନିଲ୍‌ତାନନୋ ଜିସୁଙ୍କୁ ଝେନ୍‌ବାତାନ୍, “ନିନ୍ ଏୟା ଇନିକା ଇନ୍‌ଇଜିନି ? ଇୟା ମାଟାଦିଙ୍ଗ ରୁକୁଡେଙ୍ଗ ନିନ୍ ଇନିକା ଝେର୍‌ନିକା ମାନାଡ ?”

୨୮ ମାତର୍ ଜିସୁ ଆଲେତାତେବାତାନ୍ । ଓଜେରିଙ୍ଗପେରି ଜାଜକ ଖାନିଙ୍ଗ ଇର୍ହାନ୍, “ଜିବନ୍‌ମାନି ମାପୁରୁଦି ଦର୍‌ତାନ୍ ନାନ୍ ନିଙ୍ଗ ପାର୍‌ମାଣ୍ ସିଜି ଝେନ୍‌ବାଜିନା, ସଡ଼ତାନ୍ ଇନ୍‌ଆଁ, ନିନ୍ ଇନିକା ମାପୁରୁଦି ମାରିନ୍ କ୍ରସ୍ତ ଅର୍ଡ ମସିହ ?”

୨୯ ଜିସୁ ଖାନିଙ୍ଗ ଇର୍ହାନ୍, “ନିନ୍ ଟିକ୍ ଝେର୍‌ତିମାନି । ମାତର୍ ନାନ୍ ମିଙ୍ଗ ଓଜେରିଙ୍ଗ ଇଜିନା, ମନ୍‌ସ୍ୟପୁତ୍ର ଓଜୁ ସାକ୍ତିମାନିଖାରି ଉଣି ତରିନ୍ ବାସ୍‌ତିମାନିକା ସୁଣି, ମାରି ଖାନିଙ୍ଗ ମୁସ୍କୁପୁରତାନ୍ ମେଗେମାଲାଦି ଖାଲେ ରେତାଜି ଖାନିକା ନିନ୍ ସୁଡ଼ନି ।”

୩୦ ଇକା ଝେର୍‌ଆନ୍‌ନୋ ଓଜେରିଙ୍ଗ ପେରି ଜାଜକ ନିଜେଦି ଆଙ୍ଗ୍‌ଦିଙ୍ଗ କିସସି ପୋକସି ଇର୍ହାନ୍, “ଇକାନ୍ ମାପୁରୁଙ୍ଗ ନିୟାକିତାନ୍ । ମାରି ଆଇ ସାକି ଦର୍‌କାର୍‌ ସିଲେ । ଇୟାଦାପ୍ରେନେ ଇୟାଖାନି ମାପୁରୁଙ୍ଗ ନିୟା ତୋ ମିର୍ ଝେର୍‌ଇଦେର୍ ।

୩୧ ଇୟା ବିସୟତାନ୍ ମି ବଦା ଇନିକା ?”

୩୨ ଖାର୍ ଇର୍ହାନ୍, “ଖାନ୍ ଦସି, ଖାନ୍ ସାନିଦଣ୍ଡୁତି ଜଗ୍ ।”

୩୩ ତାନେଝେନ୍‌କା ଖାର୍ ଜିସୁଦି ମକମତୁ ପୁସ୍କାଡାମ୍‌ପୁସ୍‌ସି ଖାନିଙ୍ଗ ଡାକ୍‌ତାର୍; ମାରି ଏନ୍ ଏନ୍ ଖାନିଙ୍ଗ ସାପାଡା ଡାକ୍‌ସି ଇର୍ହାନ୍,

୩୪ “ଇକାନ୍ କ୍ରସ୍ତ ! ନିନ୍ ପରା ବାବବାଦି, ମାଙ୍ଗ୍ ଝେର୍‌ଆ ତୋ, ଏନ୍ ନିଙ୍ଗ ଡାକ୍‌ତାନ୍ !”

ପିତର୍ ଜିସୁଙ୍କୁ ନେସ୍‌ଏଜି ଇର୍ହାନ୍

(ମାର୍କ ୧୪:୨୭-୨୯; ଲୁକ ୨୨:୫୭-୬୨; ଜୋହନ୍ ୧୮:୧୫-୧୮, ୨୫-୨୭)

୩୫ ଓଜେରିଙ୍ଗପେରି ଜାଜକରି ଆଡ଼ରେରି ଦୁଆର୍‌ତୁ ପିତର୍ ବାସ୍‌ତି ମାରିଇଖାଲେ ଅରେଡ୍ ସାକର୍ ଆଇମା ଲାକ୍‌ତୁ ଖାଜି ଇର୍ହାଡ୍, “ନିନ୍ ବା ଗାଲିଲିଦି ଜିସୁଦି ଖାଲେମାରିଇ ।”

୩୬ ମାତର୍ ପିତର୍ ଓଜେରି ଆଗ୍‌ଡି ଇୟା ମାଟା ନେସ୍‌ଏଜି ଇର୍ହାନ୍, “ନିନ୍ ଇନିକା ଇଜିନି, ନାନ୍ ନେସ୍‌ଏଜିନା ।”

୭୧ ଇକା ଇନ୍ଦ୍ରଞ୍ଜି ଖାନ୍ ଆୟା ଦୁଆର୍ତ୍ତି କେର୍ପି ଲାକ୍ତୁ ସୋର୍ହାନ୍ । ମାରି ଅରେଡ଼ ସାକର୍ ଆଇମା ଖାନିଙ୍ଗ୍ ସୁଡ଼ୁ ଆବେନ୍ନୁ ମାନି ଲୋକାଙ୍ଗ୍ ଇର୍ହାଡ଼, “ଇୟାକାନ୍ ନାଜରିୟତିୟ ଜିସୁଦି ଖାଲେ ମାର୍ହାନ୍ ।”

୭୨ ପିତର୍ ମାରିଡେସି ନେସ୍‌ଏଜି ଇର୍ହାନ୍, “ପାର୍ମାଣ୍ କିଜି ଝେର୍ସିନା, ଆୟା ଲୋକ୍ତିଙ୍ଗ୍ ନାନ୍ ନେସେଏ ।”

୭୩ ଏସ ସମୟ ଝେନ୍‌କା ଆବେନ୍ନୁ ନିରଈମାରିଇ ଲୋକୁ ପିତରତି ଲାକ୍ତୁ ଖାଜି ଇର୍ହାନ୍, “ନିନ୍ନୁ ସତେନେ ଖାରି ଲୋଇରାନ୍ ଅରେନ୍ । ନି ଖାର୍‌ଗିନିମାଣୁକୁ ଇକା ଜାଣାପଡ଼ାଜିନାଡ଼ ।”

୭୪ ପିତର୍ ଇର୍ହାନ୍, “ପାର୍ମାଣ୍ କିଜି ଝେର୍ସିନା, ନା ମାଟା ସଡ଼ନେ । ଆକା ଆଏତିଙ୍ଗ୍ ମାପୁରୁ ନାଙ୍ଗ୍ ଦଣ୍ଟ ସିପିନ୍ । ଆୟା ଲୋକ୍ତିଙ୍ଗ୍ ନାନ୍ ନେସେଏ ।”

ଆୟାଦାପ୍ରେନେ କର୍‌ରୁ କେଡିତାଡ଼ ।

୭୫ ମାରି ଜିସୁ ଇନିକା ଇର୍‌ଆ ମାର୍ହାନ୍, “ପିତର୍ ମନ୍‌ଡୁ ଏଡ଼କିତାନ୍ କର୍‌ରୁ କେଡେନି ଆଗ୍‌ଡିନେ ନାଙ୍ଗ୍ ନେସେଏ ଇଜି ନିନ୍ନୁ ମୁନ୍‌ଡି ଦେବେଙ୍ଗ୍ ଇନି ।” ଖାନ୍ ଆଡେରେ ସର୍ହାନ୍‌ନୋ ନାଣ୍‌ବର୍‌କୁକ୍‌ସି ଆଡ଼ବାତାନ୍ ।

୨୭

ପିଲାଡ଼ି ଆଗ୍‌ଡି ଜିସୁ

(ମାର୍କ ୧୫:୧; ଲୁକ ୨୩:୧-୨; ଜୋହନ୍ ୧୮:୨୮-୩୨)

୧ ମାର୍‌ନାଣ୍ଟିଙ୍ଗ୍ ସାଲ୍‌ଦିନେ ଜିସୁଙ୍ଗ୍ ଡାକ୍‌ଡେଙ୍ଗ୍ ଝିଜେରେ ପେରି ଜାଜକର୍ ମାରି ଦାମ୍‌ ନେତାର ରାଜି ଆତାର ।

୨ ଖାର୍ ଖାନିଙ୍ଗ୍ ସିକିଣିଦାନ୍‌ଡର୍‌ସି ରୋମିୟ ସାସନ୍‌ଡି ପେରିନେତା ପିଲାଡ଼ି ଲାକ୍ତୁ ଅତାର ।

ଜିହୁଦାଦି ସାନିକା

(ପ୍ରେରିତ ୧:୧୮-୧୯)

୩ ☆ଏସ୍‌ଘିଖାଲେ ସାଡୁରି କିୟୁଦୁ ସର୍‌ପେକିତିସିତି ଜିହୁଦା ଝେର୍‌ଆନ୍ ଜେ, ଜିସୁଙ୍ଗ୍ ସାନିଦଣ୍ଟ ଆତାମାନାନ୍, ଖାନ୍ ଏଡ଼କିତାନ୍ ମାରି ପେରି

ଜାଜକ ମାରି ଦାମ୍ନୁ ନେତାରିଙ୍ଗ ଆୟା ତିରିସ୍‌ଗୋଟା ଖେଣ୍ଡିଅଦଲିଙ୍ଗ
ଡେସି ସିତାନନୋ ଇର୍ହାନ,

୪ “ଅରେନ୍ ଦସକିଇ ଲୋକତି ଉଣ୍ଡିଙ୍ଗ ମି କିୟୁଦୁଆସସି
କିତାସିତାନୋ ନାନ୍ ପାପ୍ କିତାମାନା ।”

ଜିହୁଦି ନେତାର ଇର୍ହାର୍, “ଆବେନ୍ନୁ ମାଦି ଇନିକା ମାନାଡ୍ ? ଆକା
ନି ନିଜେଦି ମାଟା ।”

୫ ଜିହୁଦା ଅଦଲିଆଙ୍ଗା ମନ୍ଦିର୍ ଲୋଇ ପୋକ୍ତାସିତା ସୋର୍ହାନ ।
ଖେନ୍‌କା ଖାନ୍ କକଲ୍‌ଲାଦୁ ଉରି ଆସାତାନନୋ ସାତାନ ।

୬ ପେରି ଜାଜକର୍ ଆୟା ଖେଣ୍ଡିଅଦଲିଆଙ୍ଗା ଉଣ୍ଡା କିଜି ଇର୍ହାନ,
“ଇକା ନେତେର୍‌ଡି ଦାରା ତାବୁଙ୍ଗୁ । ଇକା ମନ୍ଦିର୍‌ଡି ପେଡାଦୁ ଇଡ୍‌ନି
ନିୟମତି ବିରଦ୍ ପାଣି ।”

୭ ଆୟା ତାବୁଆଙ୍ଗା ଏଣ୍ଡେସ୍ ସାଲା କିନାର୍, ଇୟା ବିସୟତାନ୍
ଉନ୍‌ଡି ରାଜି ଆଜି କୁମାର ବୁମି ଦର୍‌ଡି କାଣ୍ଡେକ୍ ବୁମି କଟାର୍ । ଇକା
ଆଇଦେସତିଖାରି ମୁସନି ବାତି ଖାଜା ଆତାଡ୍ ।

୮ ନେର୍ ସାନ୍ଦି ଆୟା ବୁମିଦିଙ୍ଗ “ନେତେର୍ ବୁମି” ଇଜି ଆଜିନାର୍ ।

୯ ଇୟାଖାଜା ଜିରିମିୟ ବାବବାଦି ଖେରଡିମାନି, “ବାବବାଣି ପୁରା
ଆତାଡ୍ ଆକାବା ତିରିସ୍ ଟାକେଣାନ୍ ପର୍‌ନି ଉଣ୍ଡିଙ୍ଗ ଇସ୍ରାଏଲ୍‌ଡି
କଡ୍‌ର୍ ରାଜି ଆତା ମାର୍ହାର୍, ଆକା ଅତାର୍,

୧୦ ଆୟା ତିରିସ୍ ଗୋଟା ଖେଣ୍ଡିଅଦଲିଙ୍ଗ ଖାର୍ ତାସି, ମାରି ଖାର୍
କୁମାର୍ କିଡିଇ କଟାର୍ ଇକା କିନି ଉଣ୍ଡିଙ୍ଗ ନାଙ୍ଗୁ ପ୍ରବୁ ଆଦେସ୍
ସିତାମାର୍ହାନ ।”

ପିଲାଡ୍ ଜିସୁଙ୍ଗୁ ଖେନ୍‌ବାତାନ

(ମାର୍କ ୧୫:୨-୫; ଲୁକ ୨୩:୩-୫; ଜୋହନ୍ ୧୮:୩୩-୩୮)

୧୧ ଜିସୁଙ୍ଗୁ ଆଗଡି ସୁଡ଼ୁଡି ରୋମିୟ ଅଦିକାରି ପିଲାଡ୍
ଖେନ୍‌ବାତାନ, “ନିନ୍ ଇନିକା ଜିହୁଦିରି ରାଜା ?”

ଜିସୁ ଖାନିଙ୍ଗ ଇର୍ହାନ, “ନିନ୍ନୁ ଆକା ଇଜିନି ।”

୧୨ ମାଡର୍ ପେରି ଜାଜକର୍ ମାରି ଦାମ୍ନୁ ନେତାରି ଖାନି ବିରଦ୍‌ତାନ୍
ଏମେ ଦସମାଟା ତାତାମାର୍ହାର୍, ଆବେଣି ପଦେକ୍‌ବା ମାଟା
ଇନ୍‌ଏତାନ ।

୧୩ ଆଦେଙ୍ଗ ପିଲାଡ଼ୁ ଖାନିଙ୍ଗ ଇର୍ହାନ, “ନି ବିରଦ୍‌ତାନ ଖାରି ଦସ୍‌ମାଟା ଝିଜୁ ନିନ୍‌ରୁ ଇନିକା ଝେନ୍‌ଡେଙ୍ଗ ଆର୍‌ଇଜିନି ?”

୧୪ ମାଡ଼ିଉ ଜିସୁ ଉତରଦାନ ପଦେକ୍ ବା ଇନ୍‌ଇତିଙ୍ଗ ପିଲାଡ଼ୁ ନାଣ୍ଡ କାବାତାନ ।

ଜିସୁଙ୍କୁ ସାନି ଦଣ୍ଡ ସିଆଇଆନାଡ଼ୁ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜୋହନ ୧୮:୩୯; ୧୯:୧୬)

୧୫ ନିସ୍ତାର ପଣ୍ଡାୟତି ବେଡ଼ାଦୁ ଝିଜୁଲୋକା ବଦାଦାନ ରୋମିୟ ଅଦିକାରି ଜେ ଅରେନ୍‌ଖାନିଙ୍ଗ ଜଇଲ୍‌ତାନ ଡ଼ିସ୍‌ନିସିନି ନିତିନିୟମ ମାର୍ହାଡ଼ୁ ।

୧୬ ନାସ୍ତିଖାଲେ ବାରବ୍‌ବା ଜିସୁ ଦର୍‌ଡ଼ି ଅରେନ୍‌ ଝେଙ୍ଗ୍‌ତିକାନ ଜଇଲ୍‌ତୁ ମାର୍ହାନ । *

୧୭ ଉଣ୍ଡାତିମାରିଇ ଝିଜୁ ଲୋକାଙ୍ଗ ପିଲାଡ଼ୁ ଝେନ୍‌ବାତାନ, ନାନ ଏଙ୍ଗ ଡ଼ିସ୍‌ନା ସିନା ଇଜି ମି ବଦା ? “ବାରବ୍‌ବାଦିଙ୍ଗ ନୋ ଜିସୁ ଆମାଖାନିଙ୍ଗ କ୍ରିସ୍ତ ଇଜି ଇନାର ?”

୧୮ ପିଲାଡ଼ୁ ନେଗେନ୍‌ତାନ ନେସେଡା ମାର୍ହାନ ଜେ ଜିହୁଦି ନେଡାର ଗିଦରିଆଜି ଜିସୁଙ୍କୁ ଖାନି କିୟୁଦୁ ସରପେ କିତାମାନାର ।

୧୯ ପିଲାଡ଼ୁ ବିଚାରକିନି ବାଡ଼ିଦୁ ବାସ୍ତିମାରିଇ ଖାଲେ ଖାନି ଆଡ଼ସି ଉନ୍‌ଡ଼ି କାରୁର୍ ପୋକ୍‌ତାଡ଼ୁ “ଆୟା ଦସ୍‌କିଇ ଲୋକ୍‌ତିଙ୍ଗ ଇନିକା କିମାର୍ । ଇଏନ୍‌ ମିଲି ଉନ୍‌ଡ଼ି ଲବେରୁ ଖାନି ଉଣ୍ଡିଙ୍ଗ ନାନ ନାଣ୍ଡ ଦୁଃକ୍ ଏଡ଼କିତାମାନା ।”

୨୦ ପେରି ଜାଜକର୍ ମାରି ଦାମ୍‌ ନେଡାର ବାରବ୍‌ବାଦିଙ୍ଗ ଡ଼ିସ୍‌ସି କିଜସିଜି, ଜିସୁଙ୍କୁ ସାନିଦଣ୍ଡ ସିନି ଉଣ୍ଡିଙ୍ଗ ପିଲାଡ଼ୁ ଲାକ୍‌ତୁ ଦାବି କିଦେଙ୍ଗ ଲୋକାଙ୍ଗ ଏଗ୍ରିସ୍‌କିଡାର ।

୨୧ ପିଲାଡ଼ୁ ମାରି ଲୋକାଙ୍ଗ ଝେନ୍‌ବାତାନ, “ଇୟା ରିଏରି ମାଣ୍ଡକୁ ନାନ ଏଙ୍ଗ ଡ଼ିସ୍‌ନାସିନା ଇଜି ମି ବଦା ?”

ଖାର ଇର୍ହାର, “ବାରବ୍‌ବାଦିଙ୍ଗ !”

୨୨ ପିଲାଡ଼ୁ ଖାରିଙ୍ଗ ଝେନ୍‌ବାତାନ, “ଆର୍‌ଡ଼ିଙ୍ଗ କ୍ରିସ୍ତ ଦର୍‌ଡ଼ାନ ଝେଙ୍ଗ୍‌ତି ଜିସୁଙ୍କୁ ଇନିକା କିନା ?”

* ୨୭:୧୭ ଏସ ପାଡ଼ିଇ ରାସ୍ତିମାନୁ ଜିସୁ ବାରବ୍‌ବା ଇଜିମାନାଡ଼ୁ ।

“ଖାନିଙ୍ଗ କୁସଦୁ ଏକିସକିଦୁ” ଇଜି ଖାର ଝିଜେରେ ଆଉଲି ଆତାର

୧୩ ପିଲାତୁ ଝେନ୍‌ବାତାନ, “ମାତରୁ ଖାନ ଇନି ଦସ କିତାମାନାନ ?”
 ଖାର ମାରି ନାଶୁ ଆଉଲି ଆଜି ଇନ୍‌ତେଙ୍ଗ ଆସ୍‌ତାର, “ଖାନିଙ୍ଗ
 କୁସଦୁ ଏକିସକିଦୁ ।”

୧୪ ପିଲାତୁ ଏସ୍ତିଖାଲେ ସୁଡ଼ତୁାନ ଜେ ଖାରିଙ୍ଗ ମାରି ଝେରସ ଇନି
 ଲାବ୍ ସିଲେ, ମାରି ଜାଟିଜଗଡ଼ା ଆଜିନାର, ନାସ୍ତିଖାଲେ ଖାନ ଉଡୁଡି
 ଏରୁ ତାତାନନୋ ଲୋକା ଆଗଡିନେ କିୟୁ ନରବାତାନନୋ ଇର୍ହାନ,
 “ଇୟା ଲୋକତି ସାନି ଉଣ୍ଡିଙ୍ଗ ନାନ ଦସ ସିଲେ । ଇକା ମି ପାଣି ।”

୧୫ ଝିଜୁ ଲୋକୁ ଇର୍ହାର, “ଜିସୁଦି ସାନି ଦସ ମାଙ୍ଗ୍ ନି ମା କଡରି
 ମୁସକୁ ରାପିଡ ।”

୧୬ ସାରାସାରିଝେନ୍‌କା ପିଲାତୁ ବାରବବାଦିଙ୍ଗ ଡିସ୍‌ସି ସିଜି ଜିସୁଙ୍ଗ୍
 କରତାଦାନ ଡାକ୍‌ତେଙ୍ଗ୍ ଆଦେସ୍ ସିତାନ, ତାନେଝେନ୍‌କା କୁସଦୁ
 ଏକିସ୍‌ତେଙ୍ଗ୍ ଇଜି ସନ୍‌ସରି କିୟୁଦୁ ସର୍‌ପେ କିତାନ ।

ସନ୍‌ସର ଜିସୁଙ୍ଗ୍ ସେମାରକିତାର

(ମାର୍କ ୧୫:୧୭-୨୦; ଜୋହନ ୧୯:୨-୩)

୨୭ ପିଲାତୁତି ସନ୍‌ସର ଜିସୁଙ୍ଗ୍ ରୋମିୟ ସାସକଦି ମେଡ଼ଲୁଦୁ
 ଅତାର ମାରି ଝିଜେରେ ସନ୍‌ସର ଖାନିଙ୍ଗ କେରପିସି ନିରୁଆର ।

୨୮ ଖାର ଖାନି ଆଙ୍ଗ୍ କୁଡ଼ତାଅତାର ଖାନିଙ୍ଗ ଉନ୍‌ଡି ଲାଲ୍ ରଙ୍ଗତି
 ଆଙ୍ଗ୍ ଆରିସକିତାର ।

୨୯ ସାମ୍ ମାରାତି କମାଦାନ ଉନ୍‌ଡି ଟପି ତିଆର କିଜି ଖାନି
 ତାଲା ମୁସକୁ ଆରିସକିତାର ମାରି ଖାନି ଉଣିକିୟୁଦୁ ଉନ୍‌ଡି ନାଡ଼ା
 ଆସ୍‌ପିସକିତାର । ତାନେଝେନ୍‌କା ଖାନି ଆଗଡି ମେଣ୍ଡେଙ୍ଗ୍ ଗଟକିଜି,
 “ଏ ଜିହୁଦିରି ରାଜା, ମାଡିସକିନିକା, ଇକା ଇନ୍‌ଞ୍ଜି ଖାନିଙ୍ଗ ସେମାର
 କିତାର ।”

୩୦ ଖାର ଖାନି ମୁସକୁ ପୁସ୍‌ତାର, ଆୟା ନାଡ଼ା ଅସି ଖାନି ତାଲାଦୁ
 ଡାକ୍‌ତାର ।

୩୧ ମାରି, ଖାର ଖାନିଙ୍ଗ ସେମାର କିତିଝେନ୍‌କା ଆୟା ରାଜାରି
 ଆଙ୍ଗ୍ କୁଡ଼ସିଅସି ଖାନି ନିଜେଦି ଆଙ୍ଗ୍ ଆରିସକିତାର ମାରି
 ଖାନିଙ୍ଗ କୁସକାର୍‌ତୁ ଏକିସକିଦେଙ୍ଗ୍ ଅତାର ।

ଜିସୁଙ୍କୁ କୁସକାର୍ତ୍ତୁ ଡାକ୍ତାର

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଜୋହନ ୧୯:୧୭-୨୭)

୩୨ ଝାର ଗାଡ଼ତାନ୍ ସନିଝାଲେ ସାରିଦୁ କୁରିଣି ଗାଡ଼ଦି ସିମୋନ ଦରତି ଅରେନ୍ ଲୋକତିଙ୍ଗ ବେଟ୍‌ଆତାର ମାରି ସନ୍‌ଏର୍ ଝାନିଙ୍ଗ ଜିସୁଦି କୁସକାର୍ତ୍ତ ପିଣ୍ଡଦେଙ୍ଗ ଇଜି ଜାସାପେଲ୍‌କିତାର ।

୩୩ ଝାର ଗଲ୍‌ଗଥା ଦରତି ଉନ୍‌ଡ୍ର ବାଡିଦୁ ଇତାର । “ଗଲ୍‌ଗଥାଦି ଅର୍ତ୍ତ କାପାଲ୍ ନାନି ବାଡି ।”

୩୪ ଆବେନ୍‌ ଝାର ଜିସୁଙ୍କୁ କେଇନିକା ମିସାତି ଅଙ୍ଗୁରରସ ଉନ୍‌ଶ୍ରେଙ୍ଗ ସିତାର । ଜିସୁ ତାନେଙ୍ଗ କାଣ୍ଡେକ୍ ଝେଡ଼ଜି ମାରି ଉଣ୍‌ଏତାନ୍ ।

୩୫ ଝାର ଜିସୁଙ୍କୁ କୁସକାର୍ତ୍ତୁ ଏକିସକିଜି ମାରି ଝାନି ଆଙ୍ଗୁଁଝିକୁ କୁଡ଼କୁଡ଼ିଦାନ୍ ନିଜେନିଜେଦି ଲୋଇ ବାଗ୍ କିଜି ଅତାର ।

୩୬ ତାନେଝେନ୍‌କା ଝାର ଆବେନ୍‌ ବାସ୍‌ସି କୁସକାର୍ତ୍ତୁ ଏକିସକିଜି ଜିସୁଙ୍କୁ କାପକିଜି ତେବାତାର ।

୩୭ ଝାନି ବିରଦ୍‌ତାନ୍ ଆତିମାନି ମାଟା ଉନ୍‌ଡ୍ର ରାସାତିମାନି ପାଟା ଝାନି ତାଲାଦି କୁସ ମୁସକୁ ଡତା ଡିସ୍‌ତାମାହାର “ଇୟାକାନ୍ ଜିସୁ, ଜିହୁଦିରି ରାଜା ।”

୩୮ ତାନେଝେନ୍‌କା ଝାର ରିଏର୍ ଡଙ୍ଗାରିଙ୍ଗ ଆବେନ୍‌ କୁସକାର୍ତ୍ତୁ ଏକିସକିତାର, ଅରେନ୍‌ଝାନିଙ୍ଗ ଉଣି ତରିନ୍ ମାରି ଆଇଝାନିଙ୍ଗ ଝାନି ତେବିରି ତରିନ୍ ।

୩୯ ଆୟା ସାରିଦାନ୍ ସୋଲ୍‌ସିମାନି ଲୋକୁ ତାଲା ଦୁକ୍‌ସି ଜିସୁଙ୍କୁ ନିୟା କିଜି ଇହାର ।

୪୦ ☆ “ନିନ୍‌ ମନ୍‌ରତିଙ୍ଗ ରୁକୁନିନୋ ମୁନେଟି ଝେନ୍‌କା ମାରି ତାନିଙ୍ଗ ଡିଆରକିଜିମାରିଇ । ନିନ୍‌ ଜଦି ମାପୁରୁଦି ମାରିନ୍, ନିଜେଦିଙ୍ଗ ରକିୟା କିଆ । କୁସକାର୍ତ୍ତାନ୍ ରେତାଜ ରାଆ ।”

୪୧ ପେରି ଜାଜକର୍, ଦାମ୍‌ଗୁରୁ ମାରି ଦାମ୍‌ ନେତାର ବା ଜିସୁଙ୍କୁ ସେମାରକିଜି ଇହାର,

୪୨ “ଝାନ୍ ଆଇଝାରିଙ୍ଗ୍ ରକିୟାକିଜିମାର୍ହାନ୍, ମାତର୍ ନିଜେଦିଙ୍ଗ୍ ରକିୟା କିଦେଙ୍ଗ୍ ଆର୍ଏଜିନାନ୍ । ଝାନ୍ ପରା ଇସ୍ରାଏଲ୍‌ତି ରାଜା, ଝାନ୍ ଇୟାଦାପ୍ରେ କୁସଦାନ୍ ରେତାଜରାପିନ୍, ମାପ୍ ଝାନିମାନୁ ବିସ୍ବାସକିନାପ୍ ।

୪୩ ଝାନ୍ ନିଜେଦିଙ୍ଗ୍ ମାପୁରୁଦି ମାରିନ୍ ଇନ୍‌ଞ୍ଜି ମାପୁରୁଦି ମୁସକୁ ଆସାଇବ୍‌ତାମାନାନ୍ । ଆର୍ତିଙ୍ଗ୍ ସୁଡ଼ନୁର୍, ମାପୁରୁ ଇଲେଇ ଝାନିଙ୍ଗ୍ ଜିପିସ୍ କିଦେଙ୍ଗ୍ ବଦାକିଜିନାନ୍ ନୋ ସିଲେ ।”

୪୪ ଝାନି ଝାଲେ କୁସକାର୍‌ତୁ ତାକାଇଆତିମାନି ତଙ୍ଗାଁରୁର୍ ବା ଝାନିଙ୍ଗ୍ ଆୟାଝାଜା ସେମାର୍ କିତାର୍ ।

ଜିସୁଦି ସାନିକା

(ମାର୍କ ୧୫:୩୩-୪୧; ଲୁକ ୨୩:୪୪-୪୯; ଜୋହନ ୧୯:୨୮-୩୦)

୪୫ ଆୟା ନାଣ୍ଡିଙ୍ଗ୍ ବାର ଗନ୍‌ଟା ସମୟତୁ ପୃତିବି ଝିନ୍ତୁ ସିକାଟି ଆତାଡ଼ ମାରି ଆକା ମୁନ୍‌ଡ଼ି ଗର୍‌ନା ସାନ୍ତି ତେବାତାଡ଼ ।

୪୬ ଝେଡ଼ାରେସିମାର୍‌ଇ ତିନ୍‌ଟାବେଡ଼ାଦୁ ଜିସୁ ନାଣ୍ଡିଆଉଲିଆଜି ଇର୍ହାନ୍, “ଏଲି, ଏଲି, ଲାମା ସବକ୍‌ତାନି ?” ଅର୍ତ୍ତାଡ଼, “ଏ ନା ମାପୁରୁ, ଏ ନା ମାପୁରୁ, ନିନ୍ତୁ ନାଙ୍ଗ୍ ଏନ୍ଦା ଡ଼ିସ୍‌ତି ?”

୪୭ ଲାକ୍‌ତୁ ନିରୁଇମାରିଇ ଏସଲୋକ୍ ଇକା ଝେନ୍‌ଞ୍ଜି ଇର୍ହାନ୍, “ଝାନ୍ ଏଲିୟଙ୍ଗ୍ କୁକ୍‌ସିନାନ୍ ।”

୪୮ ଅରେନ୍ ଲୋକୁ ଉରୁକ୍‌ସି ସୋଲ୍‌ସି କେଇନିକା ମିସାତି ଅଙ୍ଗୁରରସତୁ ଉନ୍‌ଡ଼ି ଲୁବ୍‌ଲୁବାପାଗା ମୁଡୁକ୍‌ସି ତାନିଙ୍ଗ୍ ନାଡ଼ାଦି ଟିପୁଦୁ ତରସି ଜିସୁଙ୍ଗ୍ ଉଣ୍ଡେଙ୍ଗ୍ ପେର୍‌ତା ସିତାନ୍ ।

୪୯ ମାତର୍ ଆଇକାର୍ ଇର୍ହାନ୍, “କାପ୍‌କିଦୁ, ସୁଡ଼ନୁର୍, ଝାନିଙ୍ଗ୍ ରକିୟା କିଦେଙ୍ଗ୍ ଏଲିୟ ଝାଜିନାନ୍ ନୋ ସିଲେ ।”

୫୦ ଜିସୁ ମାରିଉନ୍‌ଡ଼ି ଦେବେଙ୍ଗ୍ ପେରିଝେୟୁଦାନ୍ ଆଉଲି ଆଜି ସାରାସାରି ଝାନି ଜିବନ୍ ଡ଼ିସ୍‌ତାନ୍ ।

୫୧ ଆୟା ବେଡ଼ାଦୁ ମନ୍ଦିରତୁ ଦୁଙ୍ଗୁଜିମାନି ପାର୍‌ଦା ମୁସକୁରାନ୍ ଆଡ଼ଗି ସାନ୍ତି ରୁଣ୍ଡି ମକେଙ୍ଗ୍ ଆଜି କିଜିତାଡ଼ । ବୁମିକମ୍ପ ଆତାଡ଼, ପିଡ଼ିପିଙ୍ଗ୍‌ଝିନ୍ତୁ ପାତିତେସର୍‌ଏ

୫୨ ମାରି ଏସ ମୁସ୍ତଗୁଟେଙ୍ଗ ରେଆୟାଆତେ, ମାରି ଗାଦି ମାପୁରୁଦି ସାତି ଲୋକୁ ମେନ୍ଦଲତାନ ମାରିଡେସିଜିବନ୍ ଆତାର ।

୫୩ ଇୟାକାର ମୁସ୍ତଗୁଟେଣ୍ଡକୁ ନିଙ୍ଗିଁ ଜାତାର ମାରି ଜିସୁଦି ମାରିଡେସିଜିଙ୍ଗିଁନି ଝେନ୍ଦକା ଇୟାଝାରିଙ୍ଗ ପବିତ୍ର ଗାଡ଼, ଜିରୁସାଲମ୍ବୁ ସନିକା ଗାଦିଲୋକ୍ ସୁଡ଼ୁଆର ।

୫୪ ଜିସୁଙ୍ଗୁଁ କାପକିଦେଙ୍ଗ ତେବାତିମାନି ସେନାପତି ମାରି ସନ୍ୟର୍ ବୁମିକମ୍ ନି ଆଇଆଇ ଗର୍ବନେଙ୍ଗ ସୁଡ଼ୁଜି ତିଲାତା ସର୍ହାର୍, ଝାର୍ ଇର୍ହାର୍, “ସଡ଼ନେ, ଇୟାକାନ ମାପୁରୁଦି ମାରିନ୍ ମାର୍ହାନ ।”

୫୫ ☆ଗାଲିଲିଦାନ ଜିସୁଦି ଝେନ୍ଦକାଝାଜି, ଝାନିଙ୍ଗ ସେବା କିତିମାନି ଗାଦି ଆଇମେକ୍ ଆକରାନ ମାନଞ୍ଜି ଝିଜୁ ସୁଡ଼ୁଜି ମାରେଏ ।

୫୬ ଇୟାଝାନିକା ମାଣ୍ଡକୁ ମାର୍ଏ ମଗ୍ଦଲିନି ମରିୟମ୍, ଜାକୁବ ନି ଜୋସେପ୍ କା ଆଇସି ମରିୟମ୍ ମାରି ଜେବଦିଦି ଆଡ଼ସି ।

ଜିସୁଙ୍ଗୁଁ ମୁସ୍ତାବ୍

(ମାର୍କ ୧୫:୪୨-୪୭; ଲୁକ ୨୩:୫୦-୫୬; ଜୋହନ ୧୯:୩୮-୪୨)

୫୭ ମିଲିମିଲିକା ବେଡ଼ାଦୁ ହାରାମାତିୟା ଗାଡ଼ତି ଜୋସେପ୍ ଦରତି ଅରେନ୍ ମାଜନ୍ ଲୋକୁ ଝାତା ଇତାନ । ଝାନ୍ ଜିସୁଦି ଅରେନ୍ ସିସୁ ମାର୍ହାନ ।

୫୮ ଝାନ୍ ପିଲାଡ଼ତିଙ୍ଗ ତରାଆୟାଆତାନନୋ ଜିସୁଦି ମେନ୍ଦଲତିଙ୍ଗ ଅତେଙ୍ଗ ଇଜି ଅନୁମତି ଲସ୍ତାନ । ଆରତିଙ୍ଗ ପିଲାଡ଼ ଜିସୁଦି ମେନ୍ଦଲତିଙ୍ଗ ଅତେଙ୍ଗ ଆଦେସ୍ ସିତାନ ।

୫୯ ଜୋସେପ୍ ଜିସୁଦି ମେନ୍ଦଲତିଙ୍ଗ ଅତାନନୋ ଉନ୍ତ୍ରୁ ନେଗି ଝାତିଦୁ ତେରେପ୍ତାନ ମାରି

୬୦ ଝାନି ନିଜେଦି ଉଣ୍ଡିଙ୍ଗ କାଲୁଦୁ କାରିତି ମାରିଇ ଉନ୍ତ୍ରୁ ପୁନି ମୁସ୍ତବାଡ଼ିଦୁ ଝାନିଙ୍ଗ ଇଟ୍ତାନ ମାରି ଗୁଟାଦିମକମ୍ବୁ ଉନ୍ତ୍ରୁ ପେରି କାଲୁ କେରେପ୍ତା ସର୍ହାନ ।

୬୧ ମଗ୍ଦଲିନି ମରିୟମ୍ ନି ଆଇ ମରିୟମ୍ ଆୟାବାନୁ ଗୁଟାଦିଙ୍ଗ ମକମ୍ବୁଜି ବାସ୍ତେ ମାର୍ଏ ।

ଗୁଟାଦିଙ୍ଗ କାପକିନିକାର୍

୨୭ ଆୟା ମାରନାଣ୍ଡିଙ୍କ ଅର୍ତ୍ତାତ୍ ରମ୍ଭନାଣ୍ଡିଙ୍କ ପେରି ଜାଜକର୍ ନି ପାରୁସିର୍ ପିଲାତୁତିଙ୍କ ବେଟାଆତାରନୋ ଇର୍ହାତ୍,

୨୩ “ଆଜ୍ଞା, ମାଙ୍କୁ ମନ୍ତୁମାନାତ୍, ଆୟା ମିର୍ଝେର୍ନିକାନ୍ ଜିବନ୍ମାରଇ ଖାଲେ ଇର୍ଆ ମାର୍ହାନ୍, ‘ମୁନେଟି ଝେନ୍କା ନାନ୍ ନିଙ୍କୁନା ।’

୨୪ ଆଦେଙ୍କ ମୁନେନ୍ ସାନ୍ଧି ଆୟା ମୁସ୍ତିଗୁଟାଦିଙ୍କ କାପକିଜ ମାନ୍ତେଙ୍କ କାପକିନିଝାରିଙ୍କ ଆଦେସ୍ ସିପିନ୍, ଆର୍ତିଙ୍କ ଝାନି ସିସୁର୍ ଝାନି ମୋନ୍ଦଲ୍ତିଙ୍କ ତଙ୍ଗାକିଜ ଅସ୍, ଝାନ୍ ଜିବନ୍ଆଜି ନିଙ୍କୁତାମାନାନ୍ ଇଜି ଇନ୍ତେଙ୍କ ଆର୍ଏର୍ । ଝାରି ଇୟା ମିସ୍ ମାଟା ଝିଜୁମାଣ୍ଡି ନାଣ୍ଡି ତାଗ୍‌ଇକା ଆନାତ୍ ।”

୨୫ ପିଲାତ୍ ଝାରିଙ୍କ ଇର୍ହାନ୍, “ଦଲ୍ କାପକିନିଝାରିଙ୍କ ଅତୁ ମାରି ଆୟା ମୁସ୍ତିଗୁଟାଦିଙ୍କ ବେଟି ସୁରକ୍ଷା କିଦୁ ।”

୨୬ ଝାଟ୍ ସର୍ହାତ୍‌ନୋ ଗୁଟାଦିଙ୍କ ସୁରକ୍ଷା କିନି ଉଣ୍ଡିଙ୍କ ତିଆର୍‌କିତାର୍ । ଆୟା ମକମ୍‌ତିଙ୍କ କେରେପସି ଇର୍ତିମାନି କାଲୁ ମୁସ୍‌କୁ ଟାଆପ୍ ବାସାକିଜି କାପକିନି ଉଣ୍ଡିଙ୍କ କାପକିନିଝାରିଙ୍କ ଇର୍ତାତ୍ ।

୨୮

ଜିସୁଦି ତେସି ନିଙ୍କୁକା

(ମାର୍କ ୧୭:୧-୧୦; ଲୁକ ୨୪:୧-୧୨; ଜୋହନ ୨୦:୧-୧୦)

୧ ରମ୍ଭନିଦିନ୍ ଝିଜିତି ଝେନ୍କା ଆଦିଝାଟ୍ ସାଲ୍‌ଦି ମଗ୍‌ଦଲିନି ମରିୟମ୍ ମାରି ଆଇ ମରିୟମ୍ ଦୁକିଦୁ ସୁଡ଼ଦେଙ୍କ୍ ସର୍ହେ ।

୨ ନାସିଝାଲେ ଆୟାଦାପ୍ରେନେ ଉଣ୍ଡି ପେରି ବୁମି ତିରିଗ୍‌ନାତ୍ ଆତାତ୍ । ପ୍ରବୁଦି ଅରେଡ୍ ଦୁଡ୍ ମୁସ୍‌କୁରାନ୍ ରେତାଜି ଝାଜି ଦୁକିଦି ମକମି ମାରଇ କାଲୁଦିଙ୍କ ଗୁସା କିଜି ତାନି ମୁସ୍‌କୁ ବାସ୍‌ତାତ୍ ।

୩ ତାନି ରୁପ୍ ଜାୟ୍‌ତି ଝାଜା ମାରି ତାନି ଆଙ୍କୁ ଆଣ୍ଡାଗା ଝାଜା ଅଡିନିକା ମାର୍ହାତ୍ ।

୪ ଝାନିଙ୍କ୍ ସୁଡ଼ଜି କାପକିନିକାର୍ ତିଲାଜି ତିର୍‌ଗିତାର୍ ମାରି ସାତି ମାଡାଦି ଝାଜା ଆତା ସର୍ହାତ୍ ।

୫ ଦୁହେଁ ଆୟା ଆଇମେକାଙ୍ଗ୍ ଇର୍ହାଡ଼, “ତିଲାମାଟ୍ ।” ନାନ ନେସନା, ମିର୍ କୁସଦୁ ଡାକାଇଆତି ଜିସୁଙ୍କୁ ସୁଡ଼ଦେଙ୍ଗ୍ ଝାତିମାନିଦେର୍ ।

୬ ଝାନ୍ ଇବେ ସିଲେନ୍, ଝାନ୍ ଏଣ୍ଟେସ୍ ଇର୍ହାମାହାନ୍, ଆୟାଝାଜା ନିଙ୍ଗ୍ ତାମାନାନ୍ । ରାଦୁ, ଝାନି ସାତିମାଡ଼ା ଏମେମାନୁ ଇଟ୍ତାମାହାନ୍, ଆୟା ବାତି ସୁଡ଼ଦୁ ।

୭ ଦାପ୍ରେ ସଲ୍ସି ଝାନି ସିସୁରିଙ୍ଗ୍ ଇନ୍ତୁ, ଝାନ୍ ସାତିମାଣାନ୍ ଡେସି ନିଙ୍ଗ୍ ତାମାନାନ୍ ମାରି ମି ଆଗ୍ଡି ଆଗ୍ଡି ଝାନ୍ ଗାଲିଲିଦୁ ସଲ୍ସିନାନ୍ । ଆବେ ମିର୍ ଝାନିଙ୍ଗ୍ ସୁଣିଦେର୍ । ନାନ ଆମାକା ଇର୍ଥା, ମୋନ୍ତୁ ଇଡ଼ଦୁ ।

୮ ଇବେଟ୍ ଝାକ୍ ତିଲାଜି ନି ନାଣ୍ଡୁ ଝେଡ଼ିକାଦାନ୍ ଦୁକିଦାନ୍ ଦାପ୍ରେ ଡେସି ସଲ୍ସି ଝାନି ସିସୁରିଙ୍ଗ୍ କାରୁର୍ ସିଦେଙ୍ଗ୍ ଉର୍ବୁଡେ ।

୯ ଦାପ୍ରେ ଜିସୁ ଝାରିଙ୍ଗ୍ ବେଟ୍‌ବୁଡ଼ାଜି ଇର୍ହାନ୍, “ମି ସାନ୍ତିଆପିଡ଼ ।” ଝାର୍ ଝାନି ଲାକ୍ତୁ ସଲ୍ସି ଝାନି ପାଦାମ୍ବୁ ଆସ୍‌ସି ମାଡ଼ିସ୍‌କିତାର୍ ।

୧୦ ଜିସୁ ଝାରିଙ୍ଗ୍ ଇର୍ହାନ୍, “ତିଲାମାଟ୍ ।” ମିର୍ “ସଲ୍ସି ନା ତଡ଼ାନ୍‌କାଙ୍ଗ୍ ଝେର୍ଥା, ଝାର୍ ଗାଲିଲିଦୁ ସଲ୍ସିର୍, ଆବେ ଝାର୍ ନାଙ୍ଗ୍ ସୁଣାର୍ ।”

କାପ୍‌କିନିଝାରି ମାଟା

୧୧ ଆଇମେକ୍ ଆବେଟ୍‌କୁ ବୁଲାଜି ସୋଲ୍‌ସିମାନିଝାଲେ ମୁସ୍‌ତିଗୁଟାଦିଙ୍ଗ୍ କାପ୍‌କିଜି ଡେବାଜିମାର୍‌ଇ ଏସଲୋକ୍ କାପ୍‌କିନିକାର୍ ଗାଡ଼ତୁ ଡେସିସୋର୍ହାନ୍‌ନୋ ପେରି ଜାଜକରିଙ୍ଗ୍ ଇୟାଞ୍ଜିଦୁ ଗଟ୍‌ନା ଝେର୍ତ୍ତାର୍ ।

୧୨ ପେରି ଜାଜକର୍ ଦାମ୍‌ନୁ ନେତାରି ଝାଲେ ଝାର୍‌ଗିଜି ସାତାର୍, ଆୟା ସନ୍‌ସରିଙ୍ଗ୍ ଗାଦି ତାରୁଙ୍କୁ ଲାଞ୍ ସିଜି ଝାରିଙ୍ଗ୍ ଇର୍ହାନ୍,

୧୩ “ମିର୍ ଝେର୍ତ୍ତୁ ଜେ ନାଡ଼ା ମିର୍ ସୁସ୍‌ତିମାରିଇବେଡ଼ାଦୁ ଝାନି ସିସୁର୍ ଝାଜି ମାଡ଼ାଦିଙ୍ଗ୍ ଡଙ୍ଗାକିତାଅତାର୍ ।

୧୪ ମାରି, ଜଦି ସାସନ୍‌କିନିକାନ୍ ଇୟା ମାଟା ଝେନ୍‌ନାନ୍ ମାପ୍ ଝାନିଙ୍ଗ୍ ବୁଜାକିନାସିନାପ୍‌ଜେ ମିର୍ ଦସ୍‌କିଇଦେର୍ । ଇୟା ବିସୟ୍‌ତାନ୍ ମିର୍ ଦାନ୍‌ଆମାଟ୍ ।”

୧୫ ସନ୍ୟତ୍ ତାରୁକୁ ଅସି ଖାରିଙ୍ଗ୍ ଖେରତିମାନି ଇସାବତାନ୍ ପାଣି କିତାର । ଖାର ନାସ୍ତିଖାଲେ ଆମାକା ଇର୍ହାର୍, ଜିହୁଦିର୍ ନେର୍ ସାନ୍ ଆୟା ମାଟା ଖେରସିନାର ।

ସିସୁରିଙ୍ଗ୍ ଜିସୁ ତରାୟଆତାନ୍

(ମାର୍କ ୧୬:୧୪-୧୮; ଲୁକ ୨୪:୩୬-୪୯; ଜୋହନ ୨୦:୧୯-୨୩; ପ୍ରେରିତ ୧:୬-୮)

୧୬ ଜିସୁ ଖେରତିମାନି ଅନୁସାରଦାନ୍ ଏଗାର ଲୋକୁ ସିସୁର୍ ଗାଲିଲିଦୁ ସୋଲ୍ସି, ଜିସୁ ଆମା ଗରନ୍ ବିସୟ ଖାରିଙ୍ଗ୍ ଇର୍ଆ ମାର୍ହାନ୍, ଆୟା ଗରନ୍ତୁ ସର୍ହାର ।

୧୭ ମାରି, ଖାର ଜିସୁକୁ ସୁଡ଼ଜି ମାଡ଼ିସକିତାର, ମାତର୍ ଏନ୍ ଏନ୍ ନାମଏତାର ।

୧୮ ଜିସୁ ଖାରି ଲାକ୍ତୁ ଖାଜି ଇର୍ହାନ୍, “ମୁସକୁପୁର୍ ନି ଆଡ଼ଗିପୁର୍ ଡିଜୁ ଅଦିକାର ନାଙ୍ଗ୍ ସିଆୟଆତାମାନାଡ଼ ।

୧୯ ☆ମିର୍ ଡିଜୁ ବାସାଦି ଲୋକା ଲାକ୍ତୁ ସୋଲ୍ସି ଖାରିଙ୍ଗ୍ ନା ସିସୁ କିଦୁ । ମାରି ବୁବା, ମାରିନ୍ ମାରି ପବିତ୍ର ଆମ୍ବାଦି ଦର୍ତ୍ତାନ୍ ଖାରିଙ୍ଗ୍ ତୁବନ୍ ସିଦୁ,

୨୦ ମାରି ନାନ୍ ଆମା ଡିଜୁ ଆଦେସ୍ ସିତାମାନା, ଆୟାଡିଜୁ କିଦେଙ୍ଗ୍ ଖାରିଙ୍ଗ୍ ସିକିୟା ସିଦୁ । ମାରି ମନେଇଡ଼ୁ, ଜୁଗ୍ସେସ୍ ଆନିସାନ୍ ଡିଜୁଖାଲେ ନାନ୍ ମି ଖାଲେମାନା ।”

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja
Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative
Commons Attribution Share-Alike license 4.0.

You have permission to share and redistribute this Bible translation in
any format and to make reasonable revisions and adaptations of this
translation, provided that:

You include the above copyright and source information.

If you make any changes to the text, you must indicate that you did so in
a way that makes it clear that the original licensor is not necessarily
endorsing your changes.

If you redistribute this text, you must distribute your contributions
under the same license as the original.

Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

Note that in addition to the rules above, revising and adapting God's Word
involves a great responsibility to be true to God's Word. See Revelation
22:18-19.

2025-05-07

PDF generated using Haiola and XeLaTeX on 6 May 2025 from source files
dated 7 May 2025

506ae627-08e2-556a-b39e-5315f886d95a